


M

5220 11





Domini . Barbat
Schol : Bicar




RVSSIA
seu
MOSCOVIA
itemque
TARTARIA

Commentario Topo:
graphico atque
politico illus:
tratae.

LVGD. BATAVORVM
Ex officina ELZEVIRIANA.
ANNO MDCCXXX.

Cum privilegio.





Q V Æ I N, H O C

commentario continen-
tur hæc sunt:

R . v s s i

I.

BIBLIOTECA NAZ.
ROMA
VITTORIO EMANUELE



*v s s i Æ topographica
descriptio, è probatissimis
autoribus compendio de-
prompta.*

II. *Soli cœlique qualitates; fru-
ges, aliaque commerciis apta.*

III. *De ingeniis & moribus in-
colarum.*

IV. *Regimen politicũ & civile.*

V. *Reditus Principis, quibus re-
bus constent.*

VI. *De moneta Russica.*

VII. *De militia Russorum.*

VIII. *De familia magni Ducis
Muscovia, & principum successione.*

IX. *De Samoiedarum moribus.*

X. *Magnus Moscorum Dux.*

TARTARIA.

I.


EXcerpta è Michalonis Lituanæ fragmentis de moribus Tartarorum.

II. De Tartarorum origine, moribus, tam domi quam in bello, disciplina. E Thuano.

III. Tractatus de Tartaris Præcopensibus, Chersonesiis, & Bosphoriis.

IV. Martini Broniovii de Biezdzfedeæ, ad Tartarum legati, Tartaria.

V. Excerpta quadam ex Sabellico, aliisque.



I.

R V S S I Æ T O P O G R A P H I C A
descriptio , è probatissimis autho-
ribus compendio depromta.

R V S S I A , quæ & Muscovia à
metropolios nomine vulgo di-
citur , fines habet ad arctum
Lappiam, & oceanum septen-
trionalem; ad orientem Tartaros Na-
gaïos; ad meridiem Tartariam Cri-
meam sive Perecopensem; ad occidentē
denique Poloniam, Lithuaniam, Livo-
niam, Sueciam. Quemadmodum jam
uni Principi paret, continet provincias
hasce: Volodemeriam, Moscoviam,
Nisnovogrodiam, Pleskoviam, Smo-
lensko, Novogrodiam Velicam, Rosto-
viam, Yaroslaviam, Bealezeram, Rezam,
Dvvinam, Corgapoliam, Meshoram,
Vagham, Vstugam, Galetsam. Quibus
superiori seculo Principēs Russiæ ar-
mis acquisitas adjunxerunt Tiverram,
Yonghoriam, Permiam, Vadskam,
Boughoriam, Chernigo, Oudoriam,
Condoram, & magnam Siberiæ partem;
cujus incolæ licet non sint Russi, tamen

parent Russiæ Duci, illiusque legibus vivunt, & tributa ipsi pendunt uti nativi illius subditi. præterea regna Casan atque Astracan, itidem bello acquisita. Tota hæc regio ingens terrarum spatium in longitudinem atque latitudinem occupat. Nam à septentrione in meridiem, à Cola ad Astracan (quod regnum nonnihil declinat versus ortum) patet in longitudinem veritas siye milliaria Russica (quorum LXXXVII uni gradui comparantur) quater mille ducenta & sexaginta: Et tamen Princeps Russiæ adhuc grande terrarum spatium possidet ultra Colam versus arctum & ad flumen Tromschuan usque, verum limitibus incertis, & jure pene controverso inter ipsum & Sueciæ Daniæque Reges, quorum uterque varia loca ibidem possidet, & imperium totius sibi vendicat. In latitudinem porro à finibus Livoniæ, & limite illius occidentali, ad Siberiam & limites remotissimos versus ortum, circiter quater mille quadringenta milliaria Russica occupat. Si vastæ hæc regiones ubique pari incolarum frequentia cultæ essent, Princeps hic haud dubio vicinos omnes longe potentia superaret; nam finium amplitudine facile cum quibusvis certat.

Has regiones permeant ingentia aliquot

quot flumina; quæ sive amplitudinē sive longitudinē cursus spectes, maximis Europæ fluminibus comparari, si non præferri possunt. Horum præcipua sunt :

1. Volgha, (olim *Rha*) Tartaris *Edel*. Oritur circiter ducenta milliaria Russi supra Yaroslaviam è lacu *Volgo* ; & pluribus amnibus undiquaque acceptis ita augetur, ut antequam ad oppidum hoc perveniat, pene milliare Anglicum in latitudinem pateat ; & hinc porro magis magisque sese dilatans, & Occa flumine apud Nisnovogorod admissò, non minus quam duobus millibus octingentis milliariibus confectis, in mare Caspium, quod Russi *Chuvvalmskoye* vocant, pluribus & ingentibus ostiis se evolvit; quadraginta sex gradibus & triginta scrupulis ab æquatore versus arctum, uti ab Anglis observatum invenio.

11. Borysthenes, hodie *Neper*, sive *Dneper*, haud longe à metropoli Moskœa juxta pagum *Dnepersko* oriens. Russiam dividit à Lithuania, & sese in pontum Euxinum exonerat. Labitur autem primo versus meridiem ad *VVyezman* ; inde ortum petens, *Drohobum*, *Smolensko*, *Orslam Dubrovnam*, & *Michalouvy* stringit; inde rursus in meridiem se convertens, *Kioviam* Russiæ olim metropolin, *Circassosque* adit; &

tandem per campeſtria deſerta fluens ,
 Oczakov Tartarorum Perecopenſum
 oppidum & arcem, XL milliar. à Circas-
 ſis attingit ; indeque in pontum Euxi-
 num tam vaſto oſtuo exit , ut procul in-
 tuentibus freti formam referat. ſunt qui
 dubitant fluvium hunc non recte ho-
 die Boryſthenem vocari ; ſed Berezinam
 fluv. (qui Borifovv arcem alluit & in
 Dneper confluit) rectius à veteribus
 Boryſthenem appellatum.

III. Tanais, vulgo *Don*, (antiquis
 limes inter Aſiam atque Europam) in
 Rezan Oзера oriens, ex lacu Ivvanovvo
 Leziro (qui in latitudinem, ut tradunt,
 patet verſtas 10) primum recta per Tar-
 tarorum Perecopenſium agros verſus
 ortum labitur , & haud longo à flumi-
 ne Volga intervallo & oppido Saniſſa ,
 ſubito ſe ſectens , atque aliquot alijs
 amnibus auctus, in Mæotidem paludem
 prope oppidum Azoph deſcendit. Per
 hoc flumen ab urbe Moſcua Conſtanti-
 nopolin navigatur, per amnē Moſcūam
 in Occam deſcendendo, nave per an-
 guſtum iſthmum traduſta , & in hunc
 rursus deduſta. Eſt & alter Tanais mi-
 nor , qui in Siberienſi Ducatu oriens
 (unde Dunecz Severski vocatur) ſupra
 Azoph in Tanaim magnum deſcendit.

IV. Dyvina, in VVologda provincia
 ſcatur.

scaturiens, magno gyro circumacta re-
cta descendit versus arctum, & per sex
ostia se condit in sinum S. Nicolai. coa-
lescit è duobus amnibus, Iug & Sucha-
na; unde illi nomen; nam Dvina Rus-
sis *binos* notat.

v. Duna, in Novogrodenfi provin-
cia nascens, per Livoniam labitur, &
secundum Rigam descendit in mare
Balticum; quod Russi *Warekkoie morie*
vocant. oritur è lacu ejusdem nominis,
qui distat à fontibus Borysthenis fere x
milliar.

vi. Onega in Sinum Solovetsko se
fundit, nonaginta mill. Russic. à portu
S. Nicolai versus occasum solis. Hic flu-
vius infra oppidum Cargopoliam con-
jungit se cum amne Volock, qui in Fin-
landicum mare descendit juxta oppi-
dum Yamam, ita ut à portu S. Nicolai
in Finlandicum mare, atque inde in
mare Balticum navigiis penetrari posse
à Russis, fuerit probatum.

vii. Suchana, qui influit in Dvvi-
nam, & amisso nomine una cum Dvvi-
na in mare arctoum se mergit.

viii. Ocka, haud longe à Tartaro-
rum Perecopensium finibus exoriens;
& Vorotiniam, Collugam, Cerpachum,
Corfiram, Columam, Rhezaniam, Ca-
zigorodiam, Murinamq; præterlapsus,

A 5 cursu

curſu in arctum reflexo, in Volgam deſcendit juxta Niſinovogorodam. Piſces nutrit longe optimos. Ex ejus fontibus quoque oriuntur Sem & Soſna. quorum ille Senerenſem Ducatum præterfluit; oppidumque Potivolo alluens, in Diſnam flu. illabitur juxta oppidum Czernigovv, & cum Diſna infra Kioviam in Boryſthenem: Soſna autem per campeſtria Tartarorum curſu in orientem inſtituto à Tanai abſorbetur.

1 x. Moskua, metropolin dividens, illique nomen communicans, deſcendit in Occam. Oritur autem in Tvvereniſi provincia, ſeptuaginta fere miliar. Ruſſic. ſuprà Moſaiſko, à quo ad metropolin jam dictam xc miliar. numerantur: ſex autem mill. ſuprà Moſaiſko navigabilis eſſe incipit.

x. VVichida, ampliſſimus amnis, qui in Permia oriens, Volgæ confluit; alii in Dvvinam deducunt.

Nunc ſingulas provincias deſcribemus, initio factò à Moskua, uti principali.

Moscuæ provincia.

PROvincia hæc neque admodum ampla eſt, neque ſæcundo ſolo; quippe quod maxima ſui parte aridum atq; arenosum: frumento tamen mediocriter affluit; melle ferisque caret; præter lepo-

res, quorum satis magna ibidem copia: arbores quidem fructiferas habet, (præter cerasos) sed fructus fere sunt insuaves atque ingrati saporis. Indigenæ hujus provinciæ cæteris Russis astutiores atque adeo fallaciores judicantur.

Metropolis est Moskua, forma pene rotunda ædificata. Ægydius Fletcherus, Elisabethæ Angl. R. ad magnum Russiæ Ducem Legatus, anno c10 10 LXXXVIII, scribit, se à Russis accepisse, antequam hæc urbs anno c10 10 LXXI à Tartaris Perecopensibus pene tota flammâ deleteretur, arce ægre servata, ædes in ea numeratas fuisse XLI mill. 10: sed hodie Londino haud multo majorem esse. Dividitur autem in quatuor partes, quæ singulæ suis muris aut vallo cinctæ sunt. Intima pars & veluti meditullium urbis appellatur *Kitaygorod*. Huic proxime adjacet castellum, aut Regia, muris ab hac divisa; appellaturque *Kremlena-grod*. Quæ duæ partes muro circumdatæ sunt lapideo, nonnulla materie adjecta. Pars quæ ab oriente, septentrione & occidente has cingit, *Tzargorod* dicitur, id est, Cæsarea civitas; muro cincta ex candido saxo, sed terra aggesta. Pars quæ has extra circumcingit, *Skorodum* nominatum, sepem habet, sine ulla terra. Pars hujus meridionalis,
trans

trans flumen Moscuam sita, alio nomine Strélska Slaboda vocatur; quod à militibus inhabitetur, sive prætorianis magni Ducis. hanc à Basilio ædificatam scribit Fletcherus, & milites ibidem collocatos, privilegio ipsis indulto medonem etiam vetitis diebus bibendi; atque ea de causa hanc partem vulgo *Naloy* appellari; quod ipsorum lingua sonat, *Infunde*. Cæterum ædes privatorum omnium ut plurimum sunt lignæ, paucæ admodum lateritiæ. Plurima sunt templa, quorum nonnulla è ligno sunt structa: horum templorum principale est *Troyes*, id est, templum S. Trinitatis, ad quod palmarum festo Patriarcha asino insidens à magno Duce introducitur. Castellum autem, in quo est regia Principis, muro lateritio, alto crassoque, à reliquo corpore separata, bis mille nongentos passus ambitu complectitur. in quo sunt plurima pulcherrima ædificia nobilium; diversa fora rerum venalium; plurimæque templa; uti templum Archangeli Michaëlis, in quo principes sepeliuntur; *Blagavesine*, sive templum Annuntiationis Mariæ, novem habens turres, quarum tecta, uti & totius templi, ære deaurato cooperta sunt, & crux altissimæ turris ex auro purissimo facta est; *Iuan Velükoy*,
D. Ioan-

D. Ioannis templum, cuius turris tectum deauratum est, abundatque campanis; quarum una, longe maxima, pendet bis mille ducentas poëdas, quæ valent ponderis nostratis 66000 libras. Distat hæc civitas, prout ab Anglis observatum est, ab æquatore quinque & quinquaginta gradus, & decem scrupula versus arctum.

Volodimeria provincia.

Wolodimeria provincia, quæ & nomen à præcipua urbe invenit, adjacet Moscua provinciae versus aquilonem, & Occa flumine alluitur versus ortum. Principalis urbs est VVolodimeria, satis ampla; castrum habet ligneum; fuitque olim Russiae metropolis. Sita est inter Volgham & Occam flumina, CLXXV milliar. Russica ab urbe Moscua, sive xxxvi mill. German. versus ortum; agro adeo fertili, uti ex uno modio tritici sæpe xx, nonnumquam & xxx colligantur. Alluit illam Clesma fluvius. cætera magnæ vastæque sylvæ cingunt. Oritur hic fluvius iv. milliar. Germ. à Moscua, & ibi multis molen-
dinis servit; infra VVolodimeriam spatium xii milliar. Germ. navigatur usque ad oppidum Murom, ad Occæ ripam situm; & dein Occæ se conjungit.

NOVOGARDIA, civitas ampla & lignea, cum castro, quod Basilus ad Volgæ & Occæ confluentem ex lapide in scopulo ædificavit; distat à metropoli Moscua pene cccc mill. Russ. versus boream, & quinquaginta sex grad. & xxx scrup. ab æquatore. Ager fertilitate rerumque copia VVolodimeriam æquat. Ad utramque autem Volgæ ripam degunt Ceremissi, qui Mahumeti sectam sequebantur tum quum Herbersteynius scriberet: Sunt autem duplices: nam qui trans Volgam versus boream incolunt, Ceremissi Logori vocantur, à fœnorum struibus; qui vero cis fluvium, versus meridiem, Ceremissi Nagorni appellantur, id est, superiores sive montenses, non quod ulli ibidem sint montes, sed à collibus quos occupant. Sura fluvius (quondam inter Russiam & Casanum limes) à meridie veniens, centum pene milliar. Russic. infra Novogardiam in Volgam influit; supraque confluentem ad dextram Suræ ripam Basilus castrum locavit quod ab ipsius nomine VVasilgorod appellatur. Ab Occa flum. orientem & eorum versus vastæ occurrunt silvæ, quas Mordvæ populi inhabitant, à Russis diversi, & proprio idiomate utentes; durum hominum genus, qui

paga.

pagatim incolentes, ferina & melle visitant, pellibusque pretiosis inprimis abundant; militia non inidonei, fere pedites militant, arcubus longis conspici, & sagittandi peritia noti; quibus artibus latrocinantes Tartaros sæpe fortiter repulerunt & multarunt.

Rhezan Ducatus.

A Novogardiæ inferioris Ducatu, declinando nonnihil ad occidentem, Rhezan provincia jacet inter Occam & Tanaim fluvium. Objacet autem Moscuæ provinciæ ad ortum, Aka ab illa divisa. Hic principatus cæteris omnibus Russiæ provinciis longe præstat fertilitate; nam ager illius frumenticulmos tam dense profundit, ut equi difficulter transire possint: præterea magna ibidem mellis, piscium, avium, ferarumque est copia: arborum fructus quoque longe sunt præstantiores quam in reliqua Russia. Incolæ audaces & bellicosissimi. Principalis urbs, *Rhezan*, ad Occæ ripam sita, & fere è ligno structa: Occa fluvius non procul ab urbe insulam facit, quæ Strup appellatur. Fuit quondam magnus Ducatus, Principemque habuit nemini obnoxium; nunc autem Ducatus hic Moschico imperio accessit. Cætera oppida sunt *Corsra*, ad ripam Occæ fluminis, oppidum item ligneum,

ligneum, xxviii mill. distans à Rhezan; quod & quondam Dominum habuit sui juris; nunc Mosco paret. *Tulla*, oppidum ligneum, xl fere mill. Polonic. à Regezan; xxxvi à Moscua versus meridiem. Basilius Ioannis Magnus Dux hic castrum è lapide construxit, ad ripam fluvii, qui idem cum oppido nomen habet; Vppa autem fluvius ab ortu castrum alluit, Tullæque flu. junctus, Occæ supra Vorotin xx fere milliar. commiscetur. Hoc quoque oppidum ad tempora usque Basilii proprium habuit Dominum. *Odojovv*, castrum ad Tullæ & Vppæ confluentem in Occam. A quo versus meridiem Msczeneck jacet, locus palustris; ubi quondam arx fuit ejusdem nominis, cujus tantum rudera hodie visuntur: circa tamen illam habitant non pauci in tuguriolis, qui quum à Tartaris infestantur, in palustria hæc loca se cum suis recipiunt. Distat denique Msczeneck à Moscua lx mill. Polonica, à fontibus Occæ xviii. *Coluga*, oppidum & castrum ligneum, ad Occæ ripam, xxxvi milliar. Polonic. à Moscua. magnus Dux hic præsidium alit adversus Tartaros. *Vorotinia*, urbs & castrum: ad Occæ ripam; distat à Coluga iii milliaria; ducatus titulo insignis.

Siberiensis sive Severiensis provincia.

SEveriensis ducatus est amplus, & rebus omnibus affluens. Ejus latitudo à Borysthene flu. ad Mśczenek castrum, quod supra dirutum diximus, extenditur; & vastos & incultos campos passim occupat. Severienses Duces sui juris fuerunt, sed postea magnis Lithuaniae Ducibus multos annos paruerunt. Polonis quoque, quum magnus ducatus, Iagelone baptizato, ad Polonos pervenisset, tributum persolverunt. Dein à Casimiro Poloniae Rege, magnoque Lithuaniae Duce, Iagelonis filio, ad Ioannem magnum Russiae Ducem defece-
runt. Sedes autem hujus Principatus erat in Novvogrodeck. Tandem hi Principes (prout alii multi in Russia) perfidia innocentè accusati, à Basilio Principatu sunt exuti. Civitates & arces in hoc ducatu sunt complures, inter quas Novogrod, *Sieverski* dicta, Starodub, Potivolu, Czernigovv, & Bransko sunt celebriores. Sylva hermelis, aspreolis, & melle abundant; agri quoque sunt fertilissimi.

Novogrod Sieverski, urbs & arx lignea, olim ducum sedes, distat à Potivolu & Starodub, ab una xviii, ab altera xiv mill.: à Moscua per Colugá, Vorotiniam, Serensko & Bransko cl. milliar.

Cernigovv, oppidum & arx, distat xxx mill. à Kiovia: totidem à Potivolo.

Potivolum, urbs & arx lignea, distat à Moscua cxl mill. Polonica: à Kiovia lx, à Branski xxxviii.

Novogrodeck, xviii milliar. distat à Potivolo, xiv à Starodub.

Starodub xxxii mill. à Potivolo.

Smolenscensis provincia.

PROVINCIA hæc ampla, ad ortum habet Moscuam, ad eum Siberiam, ad africanam Lithuaniam, ad occidentem Livoniam. Metropolis illius *Smolensko*, civitas ingens & insignis, ad Borysthenis ripam sita: in cujus ulteriori ripa arcem habet è roboribus ædificatam, in qua plurima ædificia lignea in formam civitatis exstructa sunt: hanc ex una parte fluvius alluit, ex altera profundis fossis & acutis stipitibus munitur; in medio autem arcis templum est scopulo superstructum, Divæ virgini sacrum. Civitas ipsa in valle sita est, collibus undique & vastis sylvis cincta; distat à Moscua lxxx mill. Polonica.

Cætera oppida sunt; *Drohobus* sive *Drogebusch*, ad Borysthenis ripam, lxxii mill. à Moscua, xviii à Smolensko. Huga amnis profundus non longe ab hoc oppido oritur in sylva quadam, & inter Collugam & Vorotiniam influit in Oceanum.

cam. Hic fluvius quondam Lithuaniani à Russia dividebat. *Wyeżma*, oppidum & castrum ligneum, ad ripam flu. ejusdem nominis, qui haud procul inde in Borysthenem illabitur; distat à Moscua XLV mill. à Mazaysko XXVI, à Drohobus XVIII. *Możaysko*, oppidum & castellum ligneum; distat à Moscua XVIII mill. versus meridiem; à VVyezma XXVI. hic Princeps Russiae quotannis venatur, praesertim lepores albos, quorum magna hinc copia est.

Bielskia Ducatus.

Bielskia principatus Russiae, quondam sui juris principem habuit; qui magnis Lithuaniae ducibus, Iagellonis filiis, (à quibus Basilus, Princeps Byelskiae, ad Basilium Russiae ducem defecit, ducatumque totum illi subjecit) tributum pendebat, nunc Russiae Dux titulum illius usurpat. Civitas praecipua *Byela*, cum castello, ad ripam flu. Obsekae in vastis sylvis sita, & LX milliar. Polon. à Moscua, XXXVI à Smolensko, à Toropetz XXX abjuncta.

Rschovia Ducatus.

Ducatus hic latissime patet, à Moscua versus occasum. Leporibus albis abundat haec provincia, quos Duces Russiae hic saepe venantur. Principalis illius civitas *Rshevva*, cum arce utraque

ligna, ad Volgæ ripam sita, xxiii mill. à Moscua. Ultra hanc aliquot mill. occidentem versus sylva est VVolkovskiles; in qua jacet palus VVronovv; è qua exit fluvius quidam, qui duobus milliar. Polon. progressus in lacum Volgo influit, & aquis multis auctus rursus egreditur, & deinceps Volga à lacu dicitur.

Cætera oppida sunt; *Wolocz* urbs & arx lignea, xxiv mill. à Moscua versus occidentem, xii à Mosaysko, xx à Tvveria. *Wielikye luki*, urbs & arx lignea, cxl. mill. à Moscua, lx à Novogrodia magna, xxxvi à Polosczo; præterfluit Lovat fluvius, qui inde septentrionem petens, in Ilmen lacum juxta Novogrodiam magnam ingreditur. *Toropyec*, urbs & arx, xviii milliar. à VVyelikie Luki, ad confinia Ducatus Lithuaniae.

Tuverenzis Ducatus.

VNa è maximis Russiæ provinciis. Metropolis illius *Tuveria*, quam Volga fluvius interlabitur: in altera Volgæ ripa castellum habet ligneum, juxta quod Tvverza fluv. in Volgam confluit. civitas hæc monetam propriam habet argenteam, quæ valore Moscovicæ æquatur. distat à Moscua xxxvi mill. versus occidentem æstivum. Est & *Tersack*, oppidum x mill. Polon. à Tvveria distans; cujus olim dimidia pars Novogro-

grodiensi provinciæ attributa fuit; altera Tvverienſi Ducatui; quem Ioannes Baſilides primum occupavit.

Pleſcovienſis Ducatus.

Ampliſſima provincia, & ſui quondam juris, donec à Ioanne Baſilide anno c1515 occuparetur. Metropolis illius Pleſkovia, Ruſſis *Pſkovv*, ad lacum *Pſkovvam* ſita; ex quo ejuſdem nominis fluvius emergit, ac median urbem interluit, & ſex mill. emenſus in lacum *Czuczko* vel *Czudzin* ingreditur: per quem facilis in mare Balticum eſſet navigatio, niſi ſcopuli quidam non longe ab *Ivvanovgorod* & *Nierva* caſtris in finibus *Livoniæ* impedimento eſſent. Hæc urbs, quod in Ruſſia rariffimum, muro cinctæ eſt; dividiturque in quatuor partes, quarum ſingulæ muro cinctæ. Diſtat à *Novogrodia* magna xxxvi mill. verſus occaſum. Hæc civitas proditione ſacerdotum in Ruſſiæ Ducis manus devenit, qui cives in Moſcuam traduxit, & Ruſſios in illorum locum ſubſtituit.

Novogrodia magnæ Ducatus.

Provinciæ huius principatus olim totius Ruſſiæ longe ampliſſimus fuit. Ejus metropolis eſt *Novogrodia* magna, Ruſſis *Novogrod Wielki*. Continet ambitu ſuo circiter duas verſtas. In ea ſunt



monasteria septuaginta, crassis lateritiis muris septa, & plurimis rotundis turribus ornata, quæ fere æneis tegulis tectæ sunt: alioquin cæteræ ædes è trabibus ligneis compactæ sunt; quibus & vallum constat, & semitæ stratæ sunt. Distat ab æquatore quinquaginta octo gradibus & xxv scrupul. Interfluit fluvius navigabilis VVolchovv sive VVolcho; qui ex lacu Ilmen ii verstis supra civitatem emergens, infra illam & xxxvi mill. ab origine sua in alium lacum Ladoga dictum se mergit. Lacus autem Ilmen, in latitudinem quidem xii, in longitudinem vero xviii mill. Polonic. patens duos celebres amnes recipit, Lovvat & Scholonam; unum hunc emittit. Distat urbs à Moscua cxx milliar. Polon. versus occidentem æstivum: à Pleskovia xxxvi; ab VVanogorod & VVelikie Luki xl. Cætera oppida sunt, *Ruß*, oppidulum vetustissimum, xii milliar. à Novogrodia: præterfluit fluvius falsus, quæ oppidani ampla fossa in modum lacus coërcent, & ex aqua in ædes suas per canales derivata salem coquunt. Id oppidum superioribus annis pene dirutum, & quum olim amplissimum fuerit, uti è ruderibus apparet, nunc tantum tenuis est pagus, cum adjuncto castello, quod vocant *Starra Russa*. *Iva-*

novu gorod arx, à Ioanne Basilide (unde illi nomen hæsit) ad ripam Nervæ fluv. è vivo saxo structa. Iuxta hanc arcem jacet civitas Nerva, Russica dicta, ad discrimen alterius Nervæ quæ, ad alteram ripam ex opposito jacet, quæ Livoniæ tribuitur. Vtraque autem dicitur Nerva à fluvio qui ex lacu Czudzko effluit, & Pskovva & Vielika Reka amnibus acceptis, has interluit, alveo bombardæ jactum lato, indeque in mare Livonicum se exonerat. *Iamnia*, castrum xii milliar. ab *Ivvanovgorod*, ad *Plusiæ* fluv. ostium, septentrionem versus. *Coporogia*, urbs & castrum iv milliar. à *Iamnia*, ad ripam fluvii ejusdem cum urbe nominis. Hinc septentrionem versus xxv mill. per *Oresslek* & *Corellam* urbes, ad *Polnam* fluvium pervenitur, qui Russorum imperium à Finlandia Sueciæ Regi subjecta dividit.

A *Novogrodia magna*, xxx milliar. intervallo distat *Vodzka* regio, inter occidentem & septentrionem sita, cujus incolæ proprium idioma habent, nonnihil à Russico diversum: hic animalia aliunde inventa colorem album induere suumque mutare perhibent.

Duvina provincia.

HÆc provincia ad septentrionem sita est, & quōdam ad *Novogrodien-*

fem principatum pertinuit; nomen accepit à fluvio Dvvinâ, qui præterlabitur. Amplissima est & supra c. milliaria ambitu complectitur; paucissima tamen oppida & castra habet; præterquam Dvvinam civitatem in medio regionis sitam; Colmogram arcem; & Pinegam castrum ad fluminis ostium conditum. Pagis tantum abundat, qui ob soli sterilitatem longe à se invicem distant. Incolæ ex piscibus ferisque omnis generis victum quærunt; panis usum ignorant; pellibus amiciuntur. Solum ipforum magna parte falsum, ita ut salem ex illo excoquant & vicinis vendant. Longe alia jam hujus regionis facies, postquam variæ nationes huc commerciorum causa venire cœperunt, qui antea Narvam petebant.

Vstliugha provincia.

HÆc provincia Dvvinam provinciam concludit à meridie. Hæc regio olim Novogrodiensibus tributaria fuit; nunc Principi Mosco paret. Incolæ nullum panis habent usum; piscibus & ferina victitant; Idioma proprium habent, licet & Russica lingua utantur, Salem è Dvvinâ provincia petunt. Omnis generis ferarum pellibus abundant, præcipue vulpinis nigris, quæ nonnunquam Zebellinis æquiparantur. Zebelli.

bellinorum pelles hic paucae, neque admodum laudatae. Praecipua civitas *Vstug*, cum sua arce, ad ripam Suchanae fluvii condita. *Vstugh* dicitur ab *Vstia*, quod *Ostium* Latinis denotat, & *Iugh* fluvio, qui ex meridie in septentrionem labens, ad cujus confluentem in Suchanam primo sita fuit, nunc ad dimidium milliare supra confluentem illius jacet.

Vologda provincia.

PROVINCIA haec inter orientem & septentrionem jacet; tota paludosa est & sylvestris, ita ut viatores difficulter itineris rationem inire possint, propter crebras & pene invias paludes & fluviorum mæandros. Quondam sub Novogrodia magnae ditione fuit. Principalis illius urbs *Vologda*; quae arcem habet & natura loci & opere munitissimam; in qua magnus Russiae Dux tempore necessitatis partem thesaurorum solet recondere; unde illam lateritio muro crasso & alto cingendam curavit. Abest à Iaroslavu L milliarib. Polonicis, à Bielezoro XL, & LIX. gradib & x scrup. ab æquatore. Fluvius *Vologda* ex occidente in septentrionem defluens & in *Dvvinam* conflens stringit illam; à quo ipsi, uti & provinciae, nomen. *VVaga* fluvius, omnis generis piscibus abundans, inter hanc & Bielezorum è paludibus

in densissimis sylvis oritur, ac in Duviana fluvium illabitur. accolæ hujus fluvii panis usum penitus ignorantes, ferinis carnibus ut plurimum victitant; abundant pellibus vulpinis nigris & cinericei coloris.

Bieleiezoro Ducatus.

Bieleiezoro (quasi *album lacum* dicas) ampla est regio, una è Ducatibus Russiæ, ad septentrionem sita, juxta ingentem lacum, à quo ipsi nomen inditum. Patet lacus in longitudinem xiiii milliar. Polonica, totidemque pene in latitudinem. Circiter triginta annes recipit, & unum tantum Sosnam emittit, qui xv milliar. supra Yaroslav & iv infra Mologam Volgæ fluvii alveum subit. In hoc lacu arx jacet, natura loci munitissima, & inexpugnabilis credita, in quam Russiæ Dux thesauros suos recondere consuevit, & tempore necessitatis veluti ad asylum se recipere. Regio pene tota palustris est, & silvosa, ideoque & aditu perdifficilis, ita ut non nisi aquis glacie constrictis, aut pontibus è transversis arboribus stratis adiri possit. A lacu Bieleiezorio ad sagittæ jactum alius jacet lacus, sulphur copiose proferens, quod fluvius quidam ex illo emergens, veluti spumam supernatantem devehit. Ejus præcipua urbs

& arx *Bieleiezero*, ad lacum supradictum sita, distat à Moscua c milliaria, & à Novogrodia magna totidem.

Iaroslavia Ducatus.

PROvincia hæc ampla & fertilissima, præsertim ea parte qua Volgham fluvium contingit. Ducatus olim secundogenitis magnorum Russiæ Ducum attribuebatur; in quorum progenie aliquandiu mansit, & proprios habuit Dominos, quos Ioannes Basilides, Russiæ monarcha, principatu spoliatos, in servitutem redegit, parva admodum in provincia reddituum parte ipsis relicta. ex horum progenie qui supersunt, Knessi, id est, Duces Iaroslavysoi dicuntur. Principalis illius urbs *Iaroslavy*, amplissima, cum arce sua lignea, distat à Moscua XLV milliar. Polonicis, ad Volgæ ripam sita.

Rosthovia Ducatus.

Hic Ducatus olim post Novogrodiam magnam, inter Russiæ principatus præcipuus & antiquissimus habebatur, & secundogenitis Ducum Russiæ attribuebatur: quorum posterii à Ioanne Basilide illo fuerunt spoliati, novissimo herede anno c1010 LXV indigne trucidato, & stirpe penitus deleta. Præcipua illius urbs *Rostov*, cum arce sua lignea, sita est ad lacum quendam, è
quo

quo Cotorea fluvius emergit, & Iaroslaviam civitatem præterlapsus illabitur in Volgam. Archiepiscopum suum habet urbs, distatque à Moscua milliar. Polon. xxxiv.

Reliqua oppida sunt; *Vglitz*, cū suo castello, ad Volgæ ripam, distans à Moscua xxiv milliaria, à Iaroslavia xxx. *Chlopi-grod* urbs, distans ab *Vglitz* 11 mill. Polonica. hic frequentissimæ nundinæ celebrantur, ad quas Sueci, Livones, Lithuani, Tartari & aliæ nationes confluunt; rerum tantum permutatione hic utuntur. *Pereaslov* urbs & arx ad lacum quendam sita, xxiv milliar. à Moscua, x à Rostovia. Iuxta hanc lacus est è quo salem coquunt.

Susdaliensis Ducatus.

PROVINCIA hæc Rostoviæ & VVolodimeriæ contermina est, olim inter præcipuos Russiæ principatus habita, & secundogenitis magnorum Russiæ Ducum attributa, quorum posteris à Ioanne Basilide in eundem modum fuit erepta. Metropolis illius *Susdali* civitas & arx, in qua sedes Episcopalis est. quondam totius Russiæ metropolim fuisse volunt. Reliqua oppida sunt: *Costromovgorod*, urbs cum castro, ad confluentem Costromæ annis in Volgam sita, xx mill. à Iaroslavia versus orientem

tem æstivalem. *Galicz*, urbs & arx, quæ minori provinciæ nomen dedit, quæ ob crebras paludes, amnes, & densissimas sylvas pene invia est.

Viatka regio.

HÆc provincia fere tota palustris est, & sterilior; melle tamen, piscibus & feris omnis generis abundat; Cerevisiarum latrociniis obnoxia. Nomen habet à *Viatka* fluvio, qui in *Camam* influit. Ad hujus ripam sitæ sunt *Chilina*; & iv milliaria infra hanc *Orlo*; deinde vi milliar. ab *Orlo* versus occidentem *Sloboda* & *Cotelnick* civitates, ad *Rhechiezæ* fluvii ripas, qui ab oriente fluens in *Viatkam* influit. Hæc regio olim sub Tartarorum dominio fuit, donec à *Basilio* magno *Russiæ* Duce ipsis eriperetur: plurimi tamen Tartari ultra citraque *Viatkam* in campestribus hodieque habitant, præsertim juxta *Viatka* in *Camam* fluvium confluentem. Distat hæc regio à *Moscua* cl. milliar.

Permia regio.

Amplissima provincia, distans à *Moscua* ccl. miliar. In ea est urbs ejusdem nominis ad *Vischoræ* flu. ripam sita; qui decem milliaria inde emensus in *Camam* se condit. Indigenæ hujus provinciæ pane rarissime utuntur, ferina fere omnis generis victitantes. Idioma pecu-

peculiare , litterasque à Ruthenicis habent diversas , à Stephano Episcopo inter Sanctos à Russis relato, qui hosce ad fidem Christianam convertit, inventas. Plurimi illorum nihilominus hodieque sunt pagani & idololatræ, passim in sylvis degentes. Hyeme trahis iter super nives faciunt , quas aut canes aut cervi albi (quos in hunc usum cicurant & dormi alunt) ducunt. Pedites vero nartis suis (quemadmodum & in aliis plurimis Russiæ locis consuetudo est) celerrime super nives feruntur. Sunt autem hæ nartæ, lignæ soleæ, duos tresve cubitos longæ, quibus pedibus subligatis & baculo oblongo atq; acuminato suffulti, tanta celeritate feruntur, & colliculos, truncos, foveasque transiliunt, ut nullus equus, licet agilis, eos cursu consequi possit : hocque modo feras omnis generis capere & telis configere solent.

Sibier provincia.

HÆc provincia ad Camam fluvium jacet, inter Permiam atq; Viatkam; videtur urbibus & castris omnino vacua: Regio tota palustris & sylvis opaca, & ob vicinitatem Tartarorum magnam partem deserta, Indigenæ proprio idiomate utuntur : panis usum nesciunt ; ferina carne vescuntur. Mercimonia aspreolorum pellibus (qui apud illos

illos præstantissimi reperiuntur) exercent, easdemque magno Russiæ Duci pro tributo pendunt. In hac provincia layczk ingens fluvius oritur, qui per Tartarorum campestria Caspium mare petit.

Iugra provincia.

Iugra, sive Iuhra, cujus indigenæ Iuhri vel Iugrici appellantur; ad oceanum septentrionalē sita est: ex ea Hungaros ob sterilitatem soli olim emigrasse & ad Mæotidis paludes consedisse volunt; atque inde postea in Pannoniam ingressos, à suo nomine Iuhariam dixisse, quæ jam Hungaria audit. Indigenæ hujus regionis magno Russiæ Duci tributum pendunt, & pene eodem cum Hungaris idiomate utuntur, uti ferunt; nam Herbersteynius sibi compertum negat.

Petzora Regio.

Hæc provincia secundum mare glaciale longo tractu se extendit versus arctum atque orientem. Nomen capit à flumine Petzora, qui à meridie descendens juxta oppidum & castellum Puskeoziero, sex amplis ostiis in mare glaciale se exonerat. ad utramque fluminis ripam jacent montes, quos Russi Ziemnoipoias vocant, id est, cingulum terræ: quorum juga ob continuos ven-

torum

torum flatus nihil herbidi sortiuntur, sed fere perenni nive rigent: crescunt tamen ibidem ingentes cedri, circa quas nigerrimi zibellini reperiuntur: multæ quoque aves rapaces, præcipue accipitres albi, aucupio aptissimi, quibus Duces Russiæ plurimum utuntur. Hos montes ab antiquis Riphæos & Hyperboreos dictos volunt. Qui Russiæ Petzoram petunt, iis per Vstiugam, & Dvvinam, Permiamque iter est. Incolæ hujus regionis simplicissimi sunt: Idiomata habent proprium, & panis usum ignorant: Anno demum c10 10 xviii fide Christiana imbuti & baptizati fuerunt. Ad ostium fluminis situm est oppidum & arx Pustejezoro. Ultra quod secus mare degunt Samœidæ, qui Russis Samogedz, id est, seipsos comedentes, appellantur: Hæ gentes advenarum confortia fugiunt; avibus & feris omnis generis, adeoque pretiosis pellibus, supra modum abundant; & vicinum mare multis piscibus fætum est; & belluis quas *Mors* vocant Russi; quarum dentibus utuntur ad manubria ensium atque cultellorum. Ad eundem fluvium jacet Papinovgorod oppidum & castrum; cujus accolæ Papini vocantur, & diverso à Russis utuntur idiomate: tributum pendunt Russiæ Duci. Pustosera oppidum

dum (prout ab Anglis observatum fuit) exiguum est, & circiter centum domiciliis ligneis constans. Hibernis mensibus intensissimum hic est frigus, quum & mense Augusto flumen glacie cōstringatur, & raro ante medium Majum solvatur. Distat ab æquatore LXVIII grad. & 30 scrupul. Ad ejusdem flu. ripam jacet Vstzilma pagus, constans triginta aut quadraginta ædibus; LXVI grad. & 30 scrupul. ab æquatore abjunctus.

Obdoria Regio.

○ Bdoria ab Obby fluvio nomen accepit, qui è Kitaysko amplissimo lacu exiens, & ab oriente in septentrionem labens, sex ostiis in oceanum glaciale descendit: ad oppidum autem Obby tam amplum est hoc flumen, ut XVI milliaria Polon. aut LXXX verstas Russic. patere credatur; vixque biduo, licet aura obsecundante, trajiciatur; supra fidem piscosum. Accolunt Vogulici & Hugritzchi populi, Russiæ Principi obnoxii: qui varia genera animalium hic capiunt. In hac regione haud longe à fluminis ostio visitur idolum antiquissimum è lapide excisum, celeberrimum in hisce partibus, & quod hi populi summa veneratione adorant; *Zolota baba* Russi vocant, id est, auream anum; habet enim similitudinem anus infantem

gremio tenentis, & alterum juxta se habentis, quem illius nepotem dicunt indigenæ. Ab Obby fluvio à parte sinistra ascendendo, Calami populi in campestribus degunt, Russiæ Duci tributum pendentes. Infra Obby fluvii ostia complures sunt amnes, Irtisca, Beresvva, Soffa, Tachnim, Danadim, & alii è montibus Ziemnoipoiis emergentes; quorum accolæ itidem Duci Russiæ tributum pendunt. Hæc rerum facies fuit cum Herbersteynius legationem apud Moscum obiret: postea Theodoro rerû potente, circum flumen Obby aliquot arces à Russis fuerunt exstructæ, validis è nemoribus illic excisis trabibus intertextæ, terraque oppletæ, & præsidiis communitæ; coloniæ eò deductæ, è Russis, Tartaris, Polonis aliisque nationibus mixtæ. multi illuc exules, homicidæ, aliique facinorosi ablegantur, unde sensim populosæ societates ibidem constitutæ.

Condora Regio.

Provincia hæc ad oceanum septentrionalem itidem sita, Obdoriæ regioni finitima est; tota silvosa & variis amnibus divisa. Indigenæ proprio idiomate utuntur, & Zolotam Babam idolum paulo ante commemoratum venerantur. ferina victitant; & pretiosas pelles

les Russiæ Duci pro tributo ferunt. Nullæ hic urbes aut arces, ac ne pagi quidē.

Lucomoria Regio.

Hæc Regio longo tractu juxta mare septentrionale protenditur. Incolæ passim in sylvis & campis degunt. Huic regioni confines sunt; Grustintzi & Serponovvtzi, à castro Grustina ad lacum Kitaysko sito ita dicti. Ab hoc lacu homines nigri, communis idiomatis ignari, ad Grustinam arcem solent accedere, varias merces deferētes, præcipue uniones, gemmasque varias, quas Grustintzi ab ipsis permutatione mercantur. Omnes autem Lucomoriæ incolæ magno Duci sunt vectigales. Ex Lucomoriæ montibus Cossin fluvius oritur, qui in magnum fluvium Tachuin descendit.

Loppia Regio.

A Lucomoria ultra tendendo secundū mare glaciale Loppi populi agunt, barbarum & brutum hominum genus, qui incertis sedibus vagantur, piscibus & ferina victitātes, & panis usum omnino ignorantes. Idioma proprium habent, & Russiæ Duci tributum pendere dicuntur. Regio illorum frigidissima est.

Ceremissi populi.

Ceremissi, Mordovotes, & Vachines, inter Viatkam & Vologdam provincias, vastas sylvas sine certis laribus

occupant: magnam partem Pagani, quidam & Mahumetani; latrociniis & magicis artibus infames. Melle & ferina ut plurimum victitant. Durum hominum genus, & sagittandi peritissimum. Russis sunt vectigales. Hi populi Volgam utrimque accolunt. quorum illi, qui dextram Volgæ ripam versus arctum accolunt, Logovi agnominantur, à fæni struibus; qui sinistram & versus meridiem, Nagorni, quod montana incolant.

Mordvva populi.

A Nisinozogorod orientem & meridiem versus vastæ occurrunt sylvæ, quas Mordvva populi incolunt, homines duri & bellicosi, & proprio idioma te utentes, partim idololatræ, partim Mahumetani. mulieres decoris gratiâ ungues nigro colore inficiunt, apertoque capite & passis crinibus incedunt. Ceremissis Nagornis vicini sunt, qui non pauci ipsius sunt permixti.

Cazan Regnum.

CAzan regnum, civitas & castrum ejusdem nominis, ad ulteriorem Volgæ ripam, Lxx fere milliar. Germ. à Novogrodia inferiore: ad orientem Tartaros finitimos habet, qui Schibanski & Kosatski vocantur. Cazan urbs abest à Viatka arce Lx mill. German. Incolæ sunt Tartari, sed cæteris cultiores & urbanio.

baniores: quos Basilius Russiæ Dux ad-
egit ut se subjicerent ipsius imperio, at-
que ejus arbitrio Regem acciperent. Po-
stea sæpius rebellarunt, & gravia damna
Russis intulerunt, quæ Herbersteynius
prolixe narrat. Cazan pulchrum est op-
pidum, prout sunt oppida Russiæ univer-
sa: in edito monte adjunctam habēs ar-
cem & natura & opere munitā. Distat
ab æquatore LV grad. & xxx scrupulis.

Astracan.

A Stracan urbs opulenta, magnum-
que Tartarorum emporium, decem-
dierum itinere infra Cazan, ad citerio-
rem Volgæ ripam sita, & longe supra
illius ostia. Sita est urbs in insula amni-
ca, ad clivum montis, habetque arcem
ligneo vallo septam, quali & ipsa cingi-
tur. Insula hæc patet in longitudinem
milliar. XII, in latitudinem III; distatque
ab æquatore XLVII (aliis XLVI) grad. &
x scrupul. Nullis arboribus, ac ne gra-
mine quidem vestita; solo effæto & quod
frumentum maligne admodum produ-
cit: unde hic magna annonæ penuria;
incolæ autem magna ex parte piscibus
vitam tolerant; quos passim in oppido
ad solem & ventum siccant; unde tan-
tus fætor prodit, ut aërem ipsum infi-
ciat, qui hic hominum valetudini mi-
nus propitius est; & tantum muscarum

copiam generat, ut vix alibi tantam videre liceat.

Itinerum & fluviorum à Moscovia in Siberiam, Samoiediam & Tingoëssiam ducentium, itemque oppidorum à Russis in illis regionibus conditorum descriptio.

EX urbe Soil ad *Witfogdam* oppidum (situm ad flumen ejusdem nominis, quod influit in flumen *Dvvinam*; quod centesimo à confluyente milliari prope fanum *Michaëlis* archangeli exoneratur in mare album,) contendunt adverso flumine, dum perveniant *Iaviniscum*, oppidulum à Moscis conditum, & *Soila* septendecim ferè dierum itinere distans. quo priusquam deveniant, multa flumina, multas sylvas pertrāsunt. profuit autem *Witfogda* è montibus *Ioëgoriis*, *Tartariæ* ad austrum conterminis, atque hinc, boream versus ad ipsum usque Oceanum procurrentibus. ex iisdem montibus oritur & *Pezora*, qui cis fretum *Weygats* Oceano se commiscet. *Iavinisco* digressi, post trium hebdomadum iter deveniunt ad *Neemum*, Quod tam leni per sylvas fluit agmine flumen, ut inde sibi invenerit nomen. *Neem* namque Latinis significat mutum. In eo quinque propemodum dies ratibus suis vel scaphis navigant. postea verò, compendii causa, properante videlicet alioquin

Ne-

Ne-emo, sarcinas suas ad unam duntaxat leucam terra portandas curent necessum est. quo facto, *Wiseram* deveniunt, flumen è quibusdam rupibus *Ioëgoriorum* montium appëdicibus profluens. eas Mosci *Camenas* vocant. feruntur hinc novem continuos dies secundo *VVisera*, donec perveniant *Soil Camascoy*, oppidulum refocillandis aliquantisper viatoribus, terreitri deinceps itinere perrecturis, ab Moscis exstructum. *VVisera* verò continuato aliquantenus cursu, tandem *Camo* se miscet, *Viatcam* Moscoviæ oppidum præterfluenti, & immenso flumini *Rha*, quod & *Volga* dicitur, illabenti. qui quidè *Volga* Lxx ostiis exoneratur in mare Caspium, ut ex iis accepi, qui coram id arbitrati sunt.

Oppidum *Soil Camascoy* mediocriter habitatū est, & pagis compluribus cinctum. Incolæ Russi fere aut Tartari. Pectoris, & præsertim equorum, hic magna copia. Viatores itaque paululum recreati, sarcinas suas equis imponunt, & per montes ferè contendunt, abietibus, pinis, & raris quibusdam arboribus consitos. Trajiciunt verò inter hos ipsos montes flumen *Soibam*: hinc *Cofnam*, utrumque ad aquilonem procurrens. Distribuuntur autem hi montes in partes tres, quarum duæ priores singulæ

bidui, tertia quatruidi itinere superantur. Ac primæ quidem nomen est *Coosvinscoy Camen*, alteri *Cirginscoy Camen*, tertiæ *Podvinscoy Camen*. Et sunt sane hæc ipsa montana, ab iis unde egressi sunt terris multum diversa. Pulchriores in iis & arboribus densiores sylvæ, varias passim gignentes stirpes. Frequen-
 zantur autem hæc tria deserta à Tartaris fere & Samojedis, nihil quam preciosas pelles, Imperatori Moscorum pendendas, in iisdem venantibus. Montes *Podvinscoy Camen*, cæteris altiores, ac nivibus passim & nubibus cooperti, ideoque viatoribus superatu difficiles. Fiunt tamen paullatim declives. Hinc *Vergateriam* devenitur, in quo oppidulo subsistendum est, usque dum appetat ver, idque ob flumen *Tæram*, quod vicinis illic locis exortum, reliquo anni tempore perquam vadosum est. At verò, *Vere novo, gelidus canis cum montibus humor Liquitur, & magnis accrescunt auctibus amnes, scaphis & lembis trahitur.*

Vergateria primum est terræ Siberiæ oppidum, ac non nisi ante annos viginti & unum, (*scripta hac anno 1612,*) una cum aliis aliquot oppidis, cœptum condi. Est autem & testis mediocriter frequens, & coluntur hîc agri, non secus quam in Moscovia. Residet hic Imperatoris

toris Moscoviæ nomine Gubernator, qui magnam quotannis, initio statim veris, frugum & annonæ copiam, in omnes præsidio militari munitas per universam Siberiam arces fluminum via, distribuit. quin & Moscis trans Obby degentibus eadem succurrendum est via. nec enim adhuc ibi colitur telus, & Samojedæ (ut diximus) ferina ut plurimum victitant. Secundo Toëra quinque dierum itinere devenitur *Iaphanim*, oppidum ante biennium structum & colonis infessum. Hinc rursus feruntur secundo Toëra, & biduum sic progressi, coguntur hoc flumen, ob anfractuosos ejus meatus, subinde trajicere, quo videlicet faciant viæ compendium. Habitant jam in his locis Tartari passim & Samojedæ, pecuaria fere naviculariaque se sustentantes.

Tandem relicto Toëra, ad ingens flumen *Tababum* deveniunt, ducentis circiter leucis Vergateria dissitum: & hinc *Tinnam* porro contendunt, oppidum populosum, & ab iis quos ante diximus conditum. multi vero & rhedis, hiberno tempore, duodecim fere dierum spatio, *Iaphani Tinnam* perveniunt. atque hic magna pellium pretiosarum inter Moscos & Tartaros Samojedasque vigent commercia. estq; commodus val.

de hic locus iis, quibus non nisi semestri spatio decretum est emanere. sed multi ulteriora scrutantur, & longe trans Obby ortum & meridiem versus contendunt.

Tinna devenitur *Tobolsca*, Siberien-
sium oppidorum metropolim, in qua
ipsa Siberiæ, ac Moscorum in ea supre-
mi Proregis, sedes. Deferuntur huc an-
nuatim ab reliquis tractus totius oppi-
dis, tam cis quam trans Obby, tributa:
quæ in unum collecta, & præsidario
milite circumsepta, in Moscoviam por-
ro ad Imperatorem perferuntur. Seve-
rissime quoque hic dicitur jus, & tenen-
tur quotquot sunt in Samojedia Sibe-
riaque Gubernatores huic uni parere.
Vigent præterea rerum è Moscovia ad-
vectarum in hac urbe commercia. con-
fluentibus eo è tractu australi & ab ex-
trema fere Tartaria Tartaris, aliarum-
que nationum hominibus, qui, quò lon-
gius pervagatur regionum istarum fama,
eò frequentiores concurrunt. Vnde ma-
gna profecto redit ad Moscos utilitas,
qui tam placide subjugarunt has gentes,
ut nihil ipsis nunc metuendum sit, adeo
eas sibi habent addictas. Exstructa sunt
insuper passim templa & ædes sacræ, in
quibus Græca exercetur religio, quæ
apud Russos aliosque septentrionis po-
pulos in multo usu est, licet variis super-
stitutioni-

flitionibus depravata, utcumque sit, nemo illic invitus ad fidem cogitur, sed adhibentur à Russis lenia quædam remedia, quibus homines illi persuadeantur, ac lucrifiant.

Sita est urbs *Tobolsca* ad flumen *Yrtim*, quod rapidissimo cursu, & ceu alter quidam Danubius, ab austro exortum, in Obby aquas suas evolvit, videturque ex eodem cum illo tractu profluere. ab altera parte fluvius *Tobol* est, unde urbi nomen. In hunc influit flumen *Tassa*, quod ab aquilone, & certis illic ad oram montibus, videtur profluere. ad hujus ripam Mosci nuper oppidū condiderunt, *Pohemium* nomine, petitis è Siberia incolis habitatum, non alia quidē de causa, quam quod agro cingatur eximie fertili, tum & perquam amœnis sylvis, variarum ferarum nutricibus, pantherarū nempe, lyncium, vulpium, sabellorum, & materarum. Distat vero *Tobolsca* *Pohemium* duarum vel circiter hebdomadarum ad aquilonem itinere. *Yrtis* pari fere ab *Tobolsca* spacio Obby sese commiscet. atque ad ejus ostium conditum fuit oppidum *Olscoygorotum*; sed postea, jussu Gubernatoris Siberiæ dirutum: nulla quidem tunc addita causa. quam ego tamen suspicor fuisse nimiam frigoris vehementiam, vel quod ipsum oppi-

oppidum mari esset vicinius, quam ipsi vellent, metuerentq, ne quid inde suboriretur incommodi. quocirca in quadam Obby fluminis insula, L plus minus supra dirutum illud leucis, oppidum condiderunt, cui nomen *Zergolta*.

Atque hinc adverso flumine navigantes, contractioribus utuntur velis, sive quod languidum spirent venti, sive ob altitudinē ripe, adeo quidem, ut licet amplissimus passim sit Oby, scaphas tamen in eo funibus protrahant, eodem plane quo Moscoviæ fluvios superant modo.

Ducentis supra Zergoltam leucis *Novinscoiam* deveniunt, arcem tredecim abhinc annis exstructam, quo tempore magnus Gubernator certos è Siberia homines eò dimiserat, terras humano generi commodas atque oppidis exstruendis idoneas indagaturos. Hanc igitur arcem tunc temporis condiderunt, & præsidio aliquo militum munierunt, tractu perquam amœno, salubri, tepido, fertili, & in quo maximus rara specie bestiarum & avium numerus. Arx ipsa ad euronotum sita excrevit paullatim in civitatem. Cujus incolis fuit injunctum ut ad ulteriora tepidioraque loca pedetentim progrederentur, & candide ubique negotiarentur, obvios quosque populos benigne humaniterque tractantes,

tes, quo latius tandem regnarent, ac
Russicum nomen diffunderent. quare
gregatim eo profecti, & ad quadringen-
tas in mediterranea leucas progressi,
pulchros quidem, sed desertos invene-
runt terrarum tractus. Cum vero de-
cem abhinc annis, ducentas adverso
Oby leucas progressi, incidissent in re-
gionem non minus uberè quàm amœ-
nam, quæque & tepida admodum esset,
& nullo plane laboraret incommodo,
hyeme nimis quàm brevi, ac propemodum
nulla; sumfere hinc occasionem in
Siberiam revertendi, atque hæc in Mo-
skovia porro denuntiandi. Imperabat
ibi tunc temporis Borius Goddenovius,
qui accepto tam læto nuntio, rem mini-
me differendam censens, illico in man-
datis dedit Gubernatori Siberiæ, ut quã
mox curaret ibi condendam urbem.
Paruit Gubernator, & exstructa ejus ius-
su est arx una cum aliquot domibus:
adeo ut luculenta nunc urbs sit. Cui no-
men impositum *Tooma*, eo quod intel-
lexerint, magnam Tartarorum multi-
tudinem eo loci olim consedisse, à qui-
bus hæc urbs ob eximiam situs amœni-
tatem id nomen acceperit. Dicebantur
vero hi Tartari etiam tunc habere re-
gem, nomine Altinum. unde factum ut
condita primum urbs multos diverso-
rum

rum populorum in campis illis degen-
tium impetus sustinuerit. Nunc vero
tam potens est, ut successu temporis vi-
deatur & hinc mediocre regnum ali-
quod surrecturum. Cæterum inter ar-
cem hanc Naxinscoiam, urbem Toomã,
atque Siberiam, Mosci multos quoti-
die detegunt in mediterraneis habitan-
tes populos, quorum aliqui sese *Osta-*
chios nuncupant, ac cum Tartaris, Sa-
mojedis & Russis in unum jam corpus
coaluere, amice inter se negotiantes.
multi apud eos sunt Reges, Indicis fere
similes (de minoribus loquor, non de
majoribus Indiæ regibus.) Et ut pau-
cis absolvam, Mosci in illo terrarum
tractu tam magnos fecerunt progressus,
ut merito nobis mirum videri debeat.
Sunt præterea arces oppidaque complu-
ra inter Obby & Yrtim fluvios, eodem
fere cum Tobolsca tempore condita, &
jam lauta. quorum incolæ Mosci, Tar-
tari, Samojedæ, ex eorum genere quos
cicures appellamus, aliorum qui pror-
sus barbari sunt adspectu. Et inter oppi-
da primum est *Tara*, quo loci decem fe-
re dierum inter Obby & Yrtim interca-
pedo est. *Iorgoetum*, ante xv circiter an-
nos constructum. *Besobia* & *Mangan-*
soisçoigoratium, utraque supra Iorgoe-
tum ad austrum posita, ad occidenta-
lem

tem vero fluminis Obby ripam incolæ
magis magisque in dies student pro-
gredi. Cis Obby sitæ sunt urbes *Tol-
bolsca*, *Siberia*, *Beresaina*, & quædam
aliæ, ad diversos fluvios conditæ. &
exstruuntur in dies plures. trans Obby
sunt *Narim*, *Toma*, & quædam aliæ,
quorum incolæ vice equorum utun-
tur | rangiferis, vel canibus longe ce-
lerrimis, quos cum alio piscium ge-
nere, tum raris imprimis saginant,
quod existiment eo cibo vires iis au-
geri. *Iorgoëtum*, ut supra dixi, in in-
sula fluminis Obby exstructum est. Iam
vero & supra Narim ortum versus ten-
dentibus flumen occurrit *Telta*; ad cu-
jus ripam arcem ædificaverunt nomine
Comgoffcojam. cujus præsidarii milites
unâ cum Narimensibus, annis abhinc
circiter septem, à Governatore Sibe-
riæ jussi sunt rectâ ad ortum tendere,
& ecquæ illic agerent ignotæ gentes, se-
dulo indagare. Itaque decem vel circa
hebdomadarum itinere per vâstâ quæ-
dam deserta progressi, multis per viam
pulchris tractibus, multis sylvis atque
fluminibus occurrentibus, tandem ma-
galia quædam in campis erecta, & unâ
hominum quosdam cœtus conspicati
sunt. sed cum ducibus uterentur Samo-
jedis ac Tartaris, locorû illorum gnaris,
nihil

hisdem à quibus illi regebantur Gubernatoribus, quos reverebantur ceu quosdam deos. quod autem numen, & quo ritu id colant, incertum est, neque sciri hætenus potuit, Moscis negligenter nimis in hæc talia inquirentibus.

Neque mirandum deinceps, si fretum VVaygats obstruatur quotannis ad aquilonem tam immensis è glacie montibus, cum & Oby & Leniscæa, & innumeri præter hos, quorum nomina necdum sciuntur, fluvii tam immanem ejus effundant vim, ut omnem pæne fidem exsuperet. Fit enim initio statim veris, ut in locis mari vicinis glacies, præ incredibili sua crassitudine simul & multitudine, totas secum auferat silvas. Atque hinc adeo est quod ad littora freti VVeygats tanta passim conspiciatur lignorum undique confluentium copia.

Suscepere præterea ii, quos dixi, longinquum iter trans Leniscæam, sed nempe recta ad ortum via; & ad austrum vix ausi deflectere; assumtis secum aliquot Tingoësis, de quibus didicerant habitare complures ad austrum gentes, quæ ab ipsis essent multum diversæ, & quorum reges perpetua fere inter se gererent bella. sed cum aliquot dies progressi nil profecissent, tandem ad suos reversi sunt. Tingoësi tamen, prius in-

juncto ut penitus tractus illos lustrarent, receperunt id se facturos, & fœdus jam antè cum Moscis pactum redintegrarunt. Anno insecuto Tingoëssi emisere nonnullos suorum directe ad orientem, qui longius aliquanto quam ante progressi, tandem & alium quendam invenerunt ingentem fluvium, Icniscæa quidem minorem, sed pari rapiditate: cujus cursum aliquot dies secuti inciderunt in quosdam homines, quos cursu antevertentes apprehenderunt, sed eorum sermonem non assequebantur, nisi quod è certis quibusdam signis & vocibus barbarorum *Om Om* subinde ingeminantium, conjecerunt ab altera fluvii parte crebra audiri tonitrua: addebant, & hominum strepitus inibi sæpius exaudiri, & intenso in flumen digito. *Pisida* aliquoties repetebant. unde collegerunt Tingoëssi, id fluvio nomen esse. vocibus vero *Om Om* divinarunt postea Mosci designari bombos nolarum. Redeuntés dehinc Tingoëssi, assumere secum nonnullos tractus istius incolas; qui perierunt omnes in via, sive pavore quodam id factum sit, sive aëris insolentia. Ipsi sane Tingoëssi mortem eorum moleste ferebant. reversi namque asserébant, homines esse ingeniosos, corpore bene compacto, oculis parvis,

vis, facie plana, colore fusco, & ad luteum fere vergente.

Hæc cum didicissent è Samojedis, ex tractu Tingoëfiorum in Siberiam redeuntibus Mosci, magna statim cupiditate correpti sunt ulteriora ejus tractus investigandi. quare petierunt à Prorege, se, comitibus aliquot junctis, co-
 dimitti. is vero petitioni confestim annuit, concessa ipsis & militum aliqua manu, injunctoque ut curiose singula quæque explorarent, & Tingoëfios, Samojedas ac Tartaros secum assumerent. Atque ita illi 1000 vel circiter numero trajecerunt fluvium Obby, & per Samojedarum ac Tingoëfiorum terras deven-
 nerunt ad leniscæam. quo trajecto, perrexerunt porro ad ortum, ducibus usi Tingoëfii: qui non tantum antea-
 bulonum obibant munus, sed de com-
 meatu quoque omnibus abunde pro-
 spiciebant, captis mira quadam dexte-
 ritate avibus, capris, rangiferis, aliis-
 que id genus feris: quin & piscium non
 exigua, è fluviis per viam occurrenti-
 bus, copia. Progressi ad flumen Pisidam,
 trajicere tamen non ausi sunt, sonitu,
 de quo antè acceperant, jam palam au-
 dito, quem certo judicabant, non aliud
 esse quàm æris campani mugitum. stan-
 te vero ab ulteriore Pisidæ ripa vento,

ut inde ab Oby, aqua proficiscantur per
 terram Samojedarum; &, duabus dun-
 taxat terra confectis leucis, incurrunt
 in flumen *Torgals*, quo secundo defe-
 runt in leniscam: estque commoda
 sane hæc via, & à Samojedis atque Tin-
 goësiis non ita pridem inventa. *Hæc ita*
hactenus prodita ab Isaâco Massa, Har-
lemensi anno 1612.

Iter à sinu S. Nicolai ad Moscuam.

A D Colmogrom	verst. 100.
ad Vstihugam	500.
ad Totmam	250.
ad Vologdam	250.
omne hoc iter 1100 verstar. adverso flu- mine Divina ascenditur.	
Ad Yeraslaviam	verst. 180.
ad Rostoviam	60.
ad Peralaviam	60.
ad Moscuam metropolim	120.
terrestri itinere 440 verstarum.	

Iter à Moscuà ad Novogrodiam
magnam.

A D Ottueram	verst. 180.
ad Torzhokam	60.
ad VVisnovollokum	60.
ad Novogrodiam	150.
ab euro ad eorum tendendo Russica milliaria 450.	

Iter à Vologda ad Narvam.

Ad Belozoram	verst. 140.
ad Batagh	80.
ad VVitergenam	40.
ad Ladiskiam	60.
ad lacum Onegam	80.
ad Oheram	90.
ad Narvam	180.
ab aquilone ad africanum	verst. 770.

Iter à mari albo ad mare Caspium.

A S. Nicolai monasterio ratibus uniligneis aduerso flumine Dvina ascenditur Vologdam usque, verst. 1100. iter est quatuordecim dierum, noctu & interdiu navigando. rares illas Russi appellant *stroogs*. hybernis mensibus equis & rhedis hoc iter octiduo absolvitur: æstivis ob crebras paludes & altum cœnum invium est. A vologda ad Yaraflaviam sunt verstæ 180: Yaraflavia ad ripam Volgæ sita est: à qua porro naviculis descenditur ad mare Caspium usque; intervallum est 2700 verstarum: quod iter triginta integris diebus absolvitur. Volga infra Yaraflaviam, ubi minimum, patet miliare unum in latitudinem.

Iter à Moscua metropoli ad mare Caspium.

A Moscua secundo fluvio Moscua ad Collom sunt xx mill. à Collom uno circi-

circiter mill. Moscua confluit in Occam
 à confluente ad castrum Terrevetisko
 sunt VIII milliaria. ad Peroslaviam VIII
 mill. ad veteris Rezanæ rudera VI mil-
 liar. ad Terrecomam XII. ad Cassim, ad
 Morom XX milliari. ad Nisnovogrod &
 confluentem Occæ in Volgam XXV. ad
 Vasilgorod XXV. ad Sabovvshare XVI. ad
 Svvyasko XXV. Cazan ; à Cazan ad Ca-
 mæ in Volgam confluentem XV. ad Pe-
 rovolog. ad primum Russorum præsi-
 dium, quod Tartarorum vocabulo ap-
 pellant *Caravvool*, sunt VII verstæ. ad se-
 cundum Kameni Caravvool 113 verstæ.
 tertium Stupino Caravvool 50 verst. ad
 quartum Pdooy Caravvool 120 verst.
 ad quintum Keezeyur Caravvool 50. ad
 sextum Ichkebre 30 verst. ad Astracan
 30 verst. ad Vchoogh 60 verst. ad insu-
 lam Clieterabougori 40 verst. Hic Vol-
 ga se exonerat in mare Caspium.

II.

*Solicalique qualitates : fruges, alia-
 que commerciis apta.*

Solum hujus regionis ut plurimum
 est leve atque arenosum, pro pro-
 vinciarum tamen differentia mul-
 tum varians. Provinciæ enim omnes

quæ ad septentrionem vergunt, quæque
sitæ sunt versus sinum S. Nicolai & Co-
lam, quæq; ad aquilonem tendunt ver-
sus Siberiam & Samojëdarum regionem,
fere sunt infœcundæ, tum ob nemora
& densissimas sylvas quibus horrent,
tum ob climatis extremam frigiditatem
hibernis mensibus, & æstatis brevita-
tem. Secundum utramq; autem Volgæ
fluminis ripam inter Cazan & Astra-
can, licet solum perfœcundum sit, agri
pene inculti jacent, & regio omnis in-
colis vacua est, præterquam paucis ad-
modum locis ad occidentalem ripam
ejusdem fluminis, ubi magnus Russiæ
Dux aliquot castella condidit, & præsi-
dia militum collocavit. Causa est, quod
vicini Tartari, qui *Crim* appellantur,
neque ipsi oppida condere volunt, va-
gæ & ambulatoriæ vitæ dediti, & pecua-
riam tantum exercentes, neque Rus-
sum, cujus vires longius ab hisce locis
diffitæ sunt, condere permittunt. A Vo-
logda, quæ circiter mille septingentas
verstas distat à S. Nicolai monasterio, ad
Moscuam metropolim, & à Moscuam ad
fines Tartarorum versus meridiem, (quæ
regio par pene verstarum spaciū oc-
cupat,) regiones omnes amœnæ sunt
& fertiles, pascuis juxta atque arvis di-
vites, & pluribus amnibus riguæ. Eadem
est

est telluris facies à Rezania (quod oppidum à Moscua jacet versus eorum) ad Novogrodam magnam, & Volosko extremum pene Russici imperii oppidum versus eorum. Nec multum dissimilis tellus, quæ inter Moscuam & Smolensko interjacet. Cæterum omnium harum provinciarum faciem plurimum immutant anni tempestates. Nam hybernis mensibus altissima nive teguntur, maxime tamen versus arctum. Flumina omnia (etiam rapidissima) crassissima glacie constringuntur, idque continuis ut plurimum quinque mensibus, ab ingressu nimirum Novembris ad exitum Martii. tum enim primum nives liquefcere incipiunt & gelu solvi. Aër hisce mensibus supra modum est frigidus, ita ut guttæ aquæ in sublime jactæ, congelentur antequam decendant: frigus autem adeo penetrabile, ut multi in ipso foro & alii alibi in campis iter agentes aut penitus deficiant, aut ægre membris exterioribus mutilati evadant. Nonnumquam hyeme supra modum sæviente, lupi atque ursi catervatim è sylvis fame cogente erumpunt, & obvios quosque dilaniant, paganosque interdum in tuguriis suis opprimunt. Adversus hanc frigoris violentiam in oppidis atque pagis, in omnibus ædibus

habent caldaria sive fluvîas modo ipsis peculiari factas, è silicibus aut petris in modum furnorum, quæ conclavia multo fumo implent. Mira sunt & fere fidem superant quæ de acrimonia frigoris in hisce partibus narrantur, quæ consulto prætereo. Atque hæc quidem hyeme regionum conditio est. Vere vero ineunte tanta repente mutatio incidit, ut sylvæ subito revirescant, gramina emergant, flores emicent, sata pullulent, aves & præsertim lusciniæ tam suaviter ubique concinant, ut nihil ad amœnitatem regionis addi posse videatur. Id autem beneficii regiones hæc à nivibus consequi opinantur, quæ quum hyeme altissimæ sint & solum ubique operiant, solum veluti veste quadam contegunt, &, ne à frigore aduratur, fovent; vere vero ingressò, eadem brevissimo tempore dissolvuntur & liquecunt, solumque, quod fere leve & arenosum esse diximus, humorem large & quam ocysime imbibit, & à solis radiis perculsum forumque herbas omnes quam celerime protrudit. Porro ut frigus hybernis mensibus intensum, ita & æstus æstivis mensibus lunio, julio & Augusto hic longe major quam in Anglia aut nostris provinciis; quo fit ut fruges citius maturarentur. Præterea maxima Russiæ pars mul-

multis fontibus scatet, rivulis, lacubus, amnibusque rigatur Denique maximorum & altissimorum fluminum, quæ regionem permeant, beneficio accidit, ut Russia, quæ bona sui parte quam longissime ab Oceano & aliis fretis abesse cernitur, commerciis apta reddatur, etiam cum remotissimis ab illa provinciis: alia enim flumina in mare Balthicū descendunt, alia in oceanum septentrionalem; maximum autem illorum flumen Volga etiam in mare Caspium penetrat; ita uti cum Persia & aliis Asiaticis regionibus communicet, & merces omnes Asiaticas per mediam Russiam facile ad oceanum perducatur.

Inter ea quæ Russia producit in usum indigenarum, primum locum postulant fruges: triticum nimirum, quod interdum vilissimo pretio hic venire solet: secale, quod solum ante hyemem ferunt, quum cætera farra verno tempore terræ mandent; hordeum, avena, pisa, fagopyrum, & psnytkā oryzæ sapore admodum similis. Quæ frumenta omnia tanta copia hic proveniunt, ut indigenis & vicinis nonnunquam abunde sufficiant: quod si quando hic annonæ caritas accidit, id potius Nobilium fraude fit quam regionis infœcunditate. Sunt tamen in magni Russiæ Ducis dominio pro.

provinciae aliquot farris inopes, uti Permia & aliae quaedam septentrionales, quae panis è frugibus usum fere ignorant, nisi quum interdum illum à vicinis accipiunt; quarum incolae panes è radice quadam, quam vocant *vaghnoy*, coquunt: interdum & ex interiore medulla abietum.

Quae autem & indigenis serviunt, & commerciis apta sunt, haec fere numerantur.

1. Pelles variorum animalium, quibus & incolae contra frigoris violentiam corpora sua muniunt, & ingentem earumdem copiam advenis mercatoribus vendunt; tam opulento commercio, ut observatum sit, nonnullis annis tantam copiam evectam, quae pretium quadringentorum aut quingentorum millium rublarum superaverit. Inter pelles hasce primum locum sibi vendicant zebellinae sive sabellinae; quas Pechora provincia subministrat praestantissimas; quibus hodie foeminarum luxus ingens interdum pretium in Europa ponit. Caeterae sunt vulpes nigrae. & rubrae, quibus Siberia abundat; atque etiam albae: martes: castores: hermelinorum pelliculae pulcherrimae: luporum, lynxium, &c.

2. Cera tanta copia, ut nonnullis annis

annis duæ librarum myriades evectæ fuiffè dicantur: maxima autem vis Plefcoviæ venire folet, licet aliæ quoque provinciæ illa abundant.

III. Mellis item tanta, ut, licet magna illius pars ab indigenis in potu abfumatur, tamen non vulgaris copia quotannis exportetur in vicinas provincias.

IV. Sevum; quod fuperiori feculo ad quatuor librarum myriades evectum fuiffè memorant, licet hodie vix quarta pars evehatur: maximam illius copiam mittit Ieroflavia & Vologda, aliæque provinciæ.

V. Taurorum & bubalorum tergora; quorum fuperioribus annis ad centum millia exportata volunt; hodieque non minorem, fi non majorem numerum, exportari.

VI. Oleum ex phocarum arvina coctum.

VII. Ickary five caveary; cujus magna copia ad Volgæ ripam conficitur ex ovis pifcium, bellouginæ puta, fturionis, feverigæ, & aliorum; & in alias regiones, præfertim in Italiam, vehitur, opulento fatis commercio.

VIII. Linum & cannabum. Illud quidem Volsko provincia cum vicinis regionibus; hoc Smolensko, Dorogobofe & Vathma, magna copia & fingulari boni-

bonitate producant. Exigua autem copia hodie, prout olim, evectatur, partim ob incolarum defidiam, potissimum autem ob exportandi difficultatem & nimios vecturæ sumtus.

ix. Sal; cujus magna vis Starræ Russæ & alibi è falsis scaturiginibus cogitur; juxta Astracan oppidum autem à marinis fluctibus ejicitur in littus.

x. Pix; cujus immensa copia in provincia Smolensko & Dvina ex abietibus & piceis eliquatur.

xi. In provincia Corelia & ad ripam Dvinae versus oceanum arctoum, è rupe exciditur *flude*, ut vocant, quæ vitri usum præstat, & in lanternis vulgo hodie usurpatur, vitri Russici nomine.

xii. Ferrum, nam cæterorum metallorum fere infœcunda est Russia.

III.

De ingenio & moribus incolarum.

Gentis omnis Moscoviticæ major servitus est quam libertas; cujus rei egregium executorem Principem proprium habent. Omnes enim passim, cujuscunque conditionis sint, nullo respectu personarum habito, durissima servitute premuntur. Nobiles, magna-

magnates, præfecti, primores, consilia-
riique universi, se *chlopos*, id est, abjectis-
simos & vilissimos servos Magni Ducis
fatentur, & bona sua omnia mobilia &
immobilia, quæ possident, non sua sed
Principis esse agnoscunt. Ut autem eque-
stris ordo à Magno Duce, ita etiam ple-
beius ordo à Nobilibus & Magnatibus
gravissime premitur. Colonorum enim
& oppidanorum bona, militarium ho-
minum & Nobilium prædæ exposita
sunt, & per contemptum nigri hominès
& Christiani communiter appellantur.
Sex dies coloni in septimana dominis
suis laborant; septimus dies privato la-
bori conceditur. Neque hi strenue labo-
rant, nisi bene verberati. Habent autem
certos agros à dominis suis sibi attribu-
tos, ex quibus vitam tolerant, & tributa
annua solvunt. Artifices & mechanici
secundum præscriptum parvo laborem
suum vendunt. Quumque annonæ ca-
ritas in pretium concedit, tunc artifices
exiliori tenuiorque in pretio sunt, adeo
ut vix panem ipsum pro labore unius
diei, quamvis strenuo, possint acquire-
re. Oppidani quoque & mercatores
gravibus & intolerabilibus tributis &
exactionibus onerantur. Quod si Prin-
ceps aliquem mercatorem argenti aut
auri paulo ditiolem à delatoribus (quo-
rum

rum plena est aula) resciverit, hunc sibi repræsentari imperat: & crimine, licet falso & commentitio, onerato dicit; Delatum est ad nos tuum, sceleste, facinus; ideo ut criminofus punieris. Si autem accusatus se innocentem obtestetur; tunc princeps respondere solet; Animæ testium, qui te accusaverunt, hoc sciant; Mea vero nihil refert. Confestim ergo jussu principis arripitur, & tandiu verberatur, donec præscriptam summam monetæ argenteæ principi annumeret. Quæ ab authoribus idoneis relata, prætermittere nolimus, licet non esse perpetua, aut quibusvis principibus usitata, credamus. Est præterea mos apud ipsos receptus, omnes debitores qui æs alienum conflaverunt cui solvendo minime sint, ex legis præscripto in locum publicum ad id destinatum rapere, ibique à servis prætorianis flagris baculisque furas & crura miserorum sine ulla misericordia cædi, donec creditoribus suis, undecunque tandem accipiant, quomodocunque satisfaciant, aut, si nullatenus id possint, tunc creditoribus suis ita verberibus subacti certum tempus secundum debiti modum servire coguntur. In hunc itidem locum omnes accusati coram Principe per contumeliam ducuntur, &, si ditiores fuerint, cujus.

cujuscunque conditionis, tantisper verberantur, donec multam imperatam, licet indebitam, principi solvant.

Omnes communiter servos aut nexos aut captivos habere solent; quos morituri frequenter manumittunt: illi tamen servituti assueti aliis dominis in servitutem sese dedunt, aut pecunia accepta se mancipant. Liberi etiam, qui dominis certa mercede serviunt, non possunt, quando lubet, à dominis se abdicare. Si enim quis absque domini voluntate abierit, ab alio in famulatum non assumitur, nisi fuerit à priore domino vel ab illius amicis, qui pro fidelitate illius spondeant, commendatus.

Pater quoque potestatem habet filium quater vendendi, ita ut semel venditum quocunque tandem modo liberatum vel manumissum à domino, iterum atque iterum jure paterno possit vendere; post quartam autem venditionem nihil amplius juris in illum habet.

Mulierum conditio miserrima est; nulla enim honesta & pudica creditur, nisi domi conclusa vivat, adeo ut nusquam prodeat. Domi autem manentes fila nent, telam texunt; neque quicquam authoritatis in ædibus usurpant.

à maritis bene verberatæ , raro conquæ-
runtur, sed amoris id indicium vocant.
Hæc à Guagnino prodita accepimus.

Russi ut plurimum vasto sunt corpo-
re & obefiore:quippe qui mole corporis
aliis præcellere inprimis decorum pu-
tent. Ingenio sunt tardo juxta atq; bar-
do; quod partim climatis vitio fieri au-
tumant , partim victus quotidiani cru-
ditate: nam ut plurimum radicibus, al-
lio, cepis, brassica, aliisque cibis crassi
nutrimenti utuntur, qui crassiores hu-
mores in ipsis generant. Præterea mul-
to cibo se infarciunt; & large ipso pran-
dii initio hauriunt aquam vitæ, ut vo-
cant, aut alium potum medicatum; sta-
timque post cibum sumtum somno mé-
ridiano indulgent; nullumque vitium
ipsis familiarius quam ebrietas. Opu-
lentiores medone utuntur: tenuiores
quasse, qui potus nihil aliud est quam
aqua modico furfure vitiata: egeni tan-
tum aquam usurpant.

Plurimum utuntur thermis & calda-
riis; ita ut ne æstivis quidem mensibus
ab illis abhorreant. Extremum autem
frigus extra & intensus calor intra ædes,
una cum diætâ illa quam indicavimus,
& illorum ingenia obstupefacit, & cu-
tem obfuscât, & cuticulam facit dehi-
scere, insigni dehonestamento; idque
magis

magis adhuc in fœminis quam in viris, utpote quæ magis circa focum occurrentur: unde nihil hisce familiarius quam fūco faciem incrustare, ut vitium hoc tegant. Nec probrum hic putatur pictam & fucatam esse, maritis ultro sumtum præbentibus.

Amiciunt se Russi ad Græcorum pene modum; ita tamen ut singuli pene ordines suum peculiarem amictum habeant. Nobiles, qui cæsariem ad cutem ipsam deradere solent, (nisi quum principem offenderunt aut indignationem illius metuunt; tunc enim & comam alunt, & ad humeros usque promittunt, faciemque eo operiunt horrendum in modum) primo verticem capitis tegunt exiguo caputio, (*tassia* ipsis dicitur,) auro & gemmis præciosis intertexto; huic aliud majus & Turcici in modum erectum superimponunt, nigræ vulpeculæ pelle munitum; (has quippe pelles maximi faciunt, & magno precio redimunt.) Collo nudo circumdant collare tres interdum transversos pollices latum, unionibus aut aliis gemmis resplendens. Indusio lineo primo superinduunt vestem, quam *shepon* vocant; quæ est tunica sericea auro & gemmis distincta, (æstate quippe intra penates hanc solam gestant) ab humeris

ad genua promissa , & nodis antica parte clausa. Huic rursus superinduunt strictiorem tunicam, nodis itidem conclusam, & cingulo Persico supra lumbos constrictam , cui cultellos & cochleare appendunt. Ea tunica plerumque est è pretiosissimo panno , & propendet ad talos usque , & appellatur *eis casian*. Illi porro laxum indumentum superaddunt, quod vocant *ferris*, è serico , cum prætexta aurea aut argentea: itemque alterum manicatum, quod vocant *alkaben* , è subtili itidem panno, uti cætera , & ad talos usque propendens, cum collari phrygiato. Quibus omnibus , quum foras prodeunt , superinjiciunt pallium, *honoratky* ipsis, factum pene ad *alkabenis* modum, sed carens collari. Caligas cruribus aptant à corio Persico , quod vocant *saphian*: quibus adjiciunt soccos è panno serico , autò intexto. Atque ita amicti eo quo vehuntur vel ad proximas ædes. Optimatum (quos *Boyoreski* vocant) amictus à superiore non multum differt, nisi splendore & pretio. Nobilium fœminarum (quas vocant *Chyna Boyars-bena*) vestitus ita se habet: Caput tegunt velo sericeo , plerumque rubri coloris. Cui addunt frontale è serico albo; *obrosan* appellant. his superinduunt capu-

caputium è panno aureo phrygiato (*shapka zempyska* illis,) cum limbo è pretiosis pellibus, unionibus & gemmis resplendens. Supremum corporis indumentum est *oposhen*, laxa tunica cum manicis ad solum usque pendulis & antica parte grandioribus, nodis aureis aut inauratis connexa. A tergo addunt cucullum è pretiosis pellibus, qui pene scapulas illarum tegit. Sub qua tunica gestant & alteram, *leitnick* illis, cum laxis manicis ad cubitum usque reductis, è pretiosissimo panno; & sub hac tertiam, *ferris zempyskoy*, ad talos usque demissam. Armillas itidem gestant aureas & gemmis distinctas; soccos denique ex albo, flavo aut cyaneo corio, margaritis variato.

Vulgarium amictus vilis est. Mares hyeme quidem subuculè è pellibus agniniis, aliisve, quam *shube* dicunt, superinduunt tunicam laxam ad talos usque demissam, è vili panno albo aut cyaneo: caput furrato caputio, crura soccis muniunt: æstate nihil præter indusia & soccos usurpant. Fœminæ item hibernis mensibus subuculam ejusmodi & rogam rubram aut cyaneam induunt; æstate bina ut plurimum indusia tantum, sive domi desideant sive prodeant in publicum. Sine inauribus ex argento

aut alio metallo vix ullam fœminam aut virginem videre est. Capita caputiis & serico velant.

Cæterum quemadmodum plebei à nobilibus servilem in modum habentur; ita etiam infimæ sortis homines, quos *Christianos* vocant, quum licet aut possunt, crudelissime in æquales suos aut inferiores grassantur. Vnde rapinis & homicidiis plena sunt omnia: nam se invicem trucidare penę ludum ducunt; nec ullum crudelitati ponunt modum; adeo ut fidem superent quæ atrocissime hic vulgo perpetrentur ab iis qui Christiani audire volunt.

Mendicorum numerus infinitus est, quorum tanta est egestas, ut fame pene enecti, vulgo usurpent; *Da quod manducem, & trucida me.*

Merito porro ambigitur, utrum major sit eorum sævitia, an luxuria & improbitas: nam scortationes, adulteria & ejusmodi facinora, omnem superant modum; quum vix pœna ulla legibus constituta sit in ita delinquentes. Quibus vitiis accedit falsiloquium, quod ipsis tam familiare est ut jure dicatur vulgo, Rustum nec facilè cuiquam fidem habere, neque fide dignum esse. Quibus ipsorum vitiis haud frustra factum creditur, quod ipsorum consuetudine

dine Tartari ad fidem Christianam non convertantur, dum gentis vitia religioni imputant.

Matrimoniorum ratio à cæteris nationibus non parum abludit. maribus enim puellas quas ambiunt, videre aut alloqui ipsis infuetum; per matres aut anum aliquam procantur. Vbi autem inter parentes, aut eos qui in parentum sunt loco utriusque partis, convenerit, (nam sine consensu parentum etiam hic connubia illegitima judicantur,) primo inter se deliberant quam summam puella ad sponsum delatura sit. quæ pro parentum opulentia interdum grandior est; nam ipsorum moribus insolens est sponsum quicquam dotis nomine repromittere. verum marito decedente, nullis liberis è conjugio natis, vidua tantum recipit quantum attulerit, si modo maritus tantum in bonis relinquat; si vero liberos ex illo susceperit, tertiam partem bonorum capit, aut amplius, è voluntate decedentis. Dotales dein tabulas ut ita dicam faciunt, in quibus puellæ parentes aut consanguinei fide jubent puellam esse incorruptam; (è quo contractu plurimæ lites nasci solent, si vel modica postea maritum suspicio cæperit illam antè fuisse vitiatam.) Hisce confectis, sponsa

primo munus aliquod sponso mittit, & ille vicissim sponsæ. neque tamen adhuc mutuo conspicerere aut alloqui permittuntur. Vespera autem, quæ nuptiarum solennia præcedit, sponsa à matre & aliis matronis collimago, id est, veredo aut rheda, si hyems sit, ad sponsi ædes perducitur, cum nuptialibus indumentis, & thoro conjugali eleganter parato; ibidemque noctu ab iisdem custoditur, ita ut à sponso videri non possit. Vbi jam dies nuptiarum illuxit, sponsa velo lineo tecta à vertice capitis ad lumbos usque à parentibus & amicis suis ad templum deducitur, & sponsus item à suis. (vehuntur autem equis, licet templum proximum sit, & ipsi tenuioris fortunæ.) Cæremoniæ & verba quæ sacerdos usurpat à cæterorum Christianorum consuetudine nihil pene differunt: annulo quoque fides firmatur, manuque sponsæ in sponsi manum tradita. Quibus absolutis, sponsa accidit ad pedes sponsi, & caput calceis illius illidit, in signum subjectionis; & sponsus vicissim tunica sua illam operit, ut testetur, se tutelam illius suscipere. Tum cognati & amici utrimque sponso sponsæque sese inclinant, ut mutuum in futurum obsequium & amicitiam voveant. denique à sponsi patre panis

sacer.

sacerdoti traditur; qui illum quantocius tradit in manū patris sponsæ, obtestans illum, ut die constituto dotem promissam sponso annumeret, & deinceps amicitiam cum ipso & amicis illius in-violatam conservet: pater autem sponsæ panem in plures partes frangit, & singulas partes distribuit inter præsen-tes consanguineos & affines, ut deinceps in unum veluti panem coalescant. Finitis hisce ceremoniis, sponsus sponsam manu ducit ad templi vestibulum, & cyathum plenum medone illi propinat; illa cyathum acceptum sub velo libat. atque ita cum suis quique amicis ad parentum ædes reducuntur: ubi sub ingressum farre asperguntur, in omen fecunditatis & opulentiæ. Sub vesperam sponsa rursus ducitur ad ædes sponsi, velata uti ante: & illa nocte nec vocem edere à matre docetur, ne sponsus illam audiat, aut videat ante crastinum: tribus quoque sequentibus diebus in nuptiali symposio, verba nisi pauca, eaque pene ex præscripto, & cum summa sponsi reverentia loquitur: nam secus facere inprimis indecorum putant. Quarto demum die novi nupti ad propria concedunt, & amicis omnibus dant epulum. Toto nuptiarum tempore sponsus *moloday knez*, id est,

juvenis dux, appellatur, & sponsa *moloday knezay*.

In mortuis suis sepeliendis multas ceremonias adhibent, superstitiosas juxta atq; profanas; nam intra sarcophagum abdunt literas commendatitias ad S. Nicolaum, quem cœli janitorem opinantur, haud secus quam Romanenses S. Petrum. Hyeme autem quum tellus gelu ita obduruit, ut scrobes effodi nequeant, cadavera omnia in domum publicam (*boshedom*, id est, dei ædem, vocant) abdunt; ubi gelu constringuntur: vere autem ineunte, & soluta glacie, singuli suorum cadavera repetunt; quæ cum suis vestimentis terræ mandant. Præter orationes pro defunctis, postquam jam cadavera terræ sunt mandata, ante sepulturam adhibent fœminas, quæ magno ululatu planctum faciunt, & mortuos magnis vociferationibus interrogant ethnicorum more, cur ipsis moriendum fuerit, & similia: ut minus mirari liceat, ejusmodi planctus à Brasilianis & aliis barbaris celebrari. *Hac fere è Legati Anglici commentario hausta.*

Mores denique gentis in icone animorum ita exprimit *Ioann Barclaius*:

Servituti gens nata, ad omne libertatis vestigium ferox est; placida si prematur. Neque abnuunt jugum. Vltro
faten-

fatentur Principi se servire ; illi in suas opes, in corpora, vitamque jus esse. Sordidioris reverentiæ humilitas Turcis non est in suorum Ottomanorum sceptrum. Cæteras quoque gentes ex suo genio æstimant. Hospites, sive forte, sive consilio, in Moscoviam advectos, in idem jugum damnant, & servire suo Principi volunt ; si quos furtim abeuntes retraxerint, ut fugitivos plectunt. Magnatibus, licet ipsi serviunt, in minores suus fastus est ; & vulgus horum maxime supercilium timet.

Fertur populus adeo literarum rudis esse, ut pauci inter illos vulgarissimas preces memoria teneant, quibus Numen propitiamus. Bello quam ocio aptiores ; & plerumque in armis sunt ; sive quo Tartarorum impetum frangant, sive alio limite Polonos laceßunt, repelluntve : Ista quoque ætate civilibus odiis inter se certaverunt. Acies illis ex equitibus tota. pedite ideo vix utuntur, quod omnium bellorum momenta in celeritate constituunt ; magno impetu vel impressionem adorti vel fugam. Sed ubi pavere incœperunt ad desperationem quoque vertuntur. Adeo ut ex prælio fugientes, si assèquitur hostis, nihil ausi repugnare, ita se victoribus dedant, ut nec mortem deprecantur.

Gens

Castigandis furtis remissi sunt : tamen prædones ultimo supplicio ulciscuntur. Gens est cauta, neſtendisque fraudibus apta ; Neque ignorant ideo mercatoribus ſe ſuſpectos ; quos ut placabiliores habeant, interdum in mutuis commerciis aliam patriam ſibi fingunt. Perpotandi ſtudium acre eſt. & præter patrios potus ne quidem adveſta vina deſunt.

Vxoribus longa captivitas, quas domi ſerio continent, dignas quoque majoribus malis ; adeo ſervilibus ſupra fidem ingeniis demiſſas eſſe ajunt. Viro- rum in ſe benevolentiam ex verberum numero æſtimant ; nunquam melius ſuo judicio habitæ quam cum in ſæva ingenia inciderunt, Quidam è Germania in Moſcoviam migraverat, vir è plebe, &, ſi nomen in tantilla re placet, Iordanes dicebatur. Hæſit ergo in illa regione ; & cum ſibi eæ ſedes placerent, inde etiam duxit uxorem. Hanc cum eharam haberet, omnibusque officiis mutuam gratiam affectaret, illa dejectis luminibus mœſta, crebro in ſingultibus & cæteris mœrentis animi indiciis erat. Viro denique ſciſcitanti mœſtitix cauſam ; ſe enim nullis quod ſciret amicitix muneribus deſuiſſe : Quid tu, inquit mulier, tam egregie fingis amorem ? Num putas latere me quàm tibi vilis ſim?

sim ? simulque largos gemitus cœpit effundere. Ille attonitus , in amplexus mœrentem recepit, rogare perseverans, nunquid eam offendisset. peccavisse se forsitan, sed culpam emendatione deleturum. Ad hæc illa ; Vbi autem sunt verbera , inquit , quibus te amare docuisti ? hoc certe potissimum pacto, maritorum in uxores apud nos benevolentia & cura sancitur. Hoc à Iordane audito , primum stupor continuit risum ; mox utroque vanescente , è re sua esse putavit , ut uxorem eo modo haberet,quem ipsa præscripserat : nec multo post arripuit cædendæ mulieris causam, & illa fustibus mitigata , tum primum bona fide amare & colere virum cœpit. Nec tenuit ille modum ; sed jam ferior quam misera conjux optasset, ad extremum grandi ictu dicitur hujus etiam crura & cervicem affixisse.

 I V.

Regimen politicum & civile.

R Vssici principis regimen fere se habet ad Turcici imperii modum, cujus principia politica studiose videtur imitari. Nam primum omnia sibi vindicat, & non modo vulgus , sed & nobilitatem duro servitio premit , & popu-

populum gravibus tributis exhaurit : præterquam quod nobilitati aliquam libertatis speciem indulget, ad tenuiores, ubicunque nobiles ipsius beneficio terras possident, acrius opprimendos : & plebi quoque libertatis aliquam quasi larvam relinquit, qua ipsis licet terras suastestamento liberis suis transcribere.

Principale regimen consistit in legibus ferendis & abrogandis, publicis, magistratibus creandis, bello gerendo, aut pace sive inducīs paciscendis, fœderibus quoq; cum exteris principibus & rebus publ. faciendis; pœnis corporalibus infligendis aut condonandis; denique in omnibus civilibus & criminalibus judiciis. Princeps & Senatus illius plane absoluta utitur potestate : ita ut non modo supremus sit legislator, sed & executor. Nam leges omnes sine ullo publico parlamento prævio promulgat. In quibus examinandis præter privatos consiliarios, nullos adhibet præter paucos episcopos, abbates atque ecclesiasticos; ut melius superstitioso vulgo imponat, cui nihil sacrum & rectum videtur nisi cui ipsorum sacerdotes affuerint, nihil durum putatur cui illi consenserint. Itaque Principes Ecclesiasticos homines multis immunitatibus & honoribus cumulant, gnari, nullum firmissimum vin-

culum

culum esse tyrannicæ dominationis, quàm superstitionem vulgi & rituum receptorum pertinacem observantiam. Deinde nullum est munus publicum quantævis dignationis, quod hic hæreditarium sit, quod non immediate & absolute à Principe conferatur; adeo ut ne scribarū quidem, quos *dyaks* vocant, & in singulis præcipuis oppidis habent, munus præterquam ab ipso Principe cuiquam mandetur. Tertio iudices omnes, qui jurisdictionem in causis civilibus & præsertim in criminalibus exercent, ab eodem ad libitum constituuntur; nec munia hæc aut ad hæredes transmittunt, aut ad vitam peculiari Principis decreto obtinent. Idem ita timide & circumspecte in eo munere versantur, ut nullam causam alicujus momenti per se determinare audeant, nisi prius ad supremum Senatum & aulam Principis retulerint. Superiori autem seculo Ioannes Basilides, ut supremam hanc vitæ necisque potestatem ostentaret, ita tyrannice eadem est abusus, ut quocunque procederet, si quem aut liberius se intuentem aut alioquin sibi displicentem offendisset, statim capite plecti, & miseri caput ante pedes suos projici mandaret. Idem & Nobilibus nonnullis, qui in certis provinciis

avi-

avitam tuebantur libertatem, & absolutam hætenus in provinciis suis obtinuerant judicandi potestatem, penitus omnem jus dicendi ademit licentiam. Quarto ad solū Principem omnes causæ per appellationem deferuntur; solus damnatis veniam indulget. Licet sub Theodoro, in quò stirps principalis defecit, etiam imperatrix, ut vocant, hanc indulgendi potestatem usurpaverit; quod magis Principis ignavia quam veteri consuetudine aut jure fuit toleratum.

De supremo Principatus conventu.

Supremus Principatus Russici conventus *Zabore* ipsis dicitur. Interesse solent primo Imperator ipse; secundo Nobiles ut plurimum viceni, qui privatum illius consilium constituunt; tertio nonnulli ex ecclesiastico ordine, & fere pari numero: plebeiis nullus hic locus, quos mancipiorum loco habent, & obediendi necessitatem impositam putant, nullam autem sinunt habere deliberandi libertatem. Conventus hic celebratur in hunc modum: Imperator citat Nobiles, qui sunt de privato illius consilio: itemque Patriarcham; qui dein advocat Metropolitanos duos, totidemque archiepiscopos, & episcopos, qui inter illos dignatione præcellunt, abbates item atque monachos. Hi ubi
ad

ad aulam venerint, sessionis dies à Principe decernitur, qui plerumque est Veneris, ob diei illius apud ipsos celebritatem & religionem. Vbi dies hic illuxit, Ecclesiastici primi locum publicum, qui *stollie* ipsis dicitur, ingrediuntur: dein, Principe cum suis procèribus adventante, Patriarcha cum clero ipsi obviam egreditur, ipsi benedicit, duobus primoribus digitis suis Principis fronti & genis admotis, & dexterum pectoris latus deosculando. Tum atrium simul ingrediuntur, & suo quique ordine confident, in hunc modum: Princeps thronum occupat; & juxta illum quadratæ mensæ (quæ duodecim circiter personarum capax est) assident Patriarcha & præcipui è nobilitate & clero, cum duobus scribis, (*dumnoy dyacks* vocant;) reliqui in sedilibus secundum dignitatis gradus in ambitu atrii locum sortiuntur. Vbi omnes confederunt, unus scribarum recitat id de quo deliberandum fuerit. Tum Patriarcha & reliqui ecclesiastici primo rogantur quid ipsis de re proposita videatur: qui jam ante parati ut plurimum uno eodemque modo respondent: Principem illiusque consiliarios ea esse prudentia & rerum gerendarum usu atq; experientia, ut ipsi melius judi-

care possint quid reipubl. utile sit quam se sacris tantum operantes & religioni intentos: itaque pergat in determinando; se, quod sit officii sui, precibus & votis auxiliaturos. His à plerisq; dictis, monachus aliquis ad hanc scenam paratus, Principem rogat, ut planius suam de re proposita mentem exponere dignetur. Tum Scriba Principis nomine respondet; celsitudini illius, & nobilibus consiliariis, rem propositam utilem & necessariam reipubl. videri: nihilo tamen secius, quia ipsi, quid rectum pravumve sit, optime possint discernere, ab ipsis obnixè contendere ut sententiam suam libere proponant: & si rei propositæ consentiant, suum calculum adjiciant, quo res plene possit determinari. Illi autem nihil cunctati rem propositam probant, & benedictione Principi impertita cum venia illius discedunt. Princeps autem Patriarcham ad exterius atrium deducit; dein rursus confidet, donec pompa sit parata qua ipse domum reducit. Actis denique à scribis confectis, eadem in omnibus provinciis & oppidis per Duces aut Scribas promulgantur. Conventuque absoluto Patriarcha & cæteri ecclesiastici solemni epulo à Principe excipiuntur, & sua quique loca repetunt.

*Dignitatum gradus & ordines
populi.*

Dignitatum gradus post Principem
hi fere sunt:

1. Nobiles; qui quatuor sunt generum. 1. Principes; qui *Vdelney Kazey*, id est, exempti & privilegiati Duces appellantur. quorum potestas primum à Principibus Russiæ multum imminuta, ad extremum à Ioanne Basilide penitus sublata fuit; ita ut nunc non minus quam cæteri servitutem serviant, quum antea libere in suis quique territoriis, ad Germanorum Principum modum, imperitarent. 2. *Bojarens*; nimirum illi quos Princeps præter nobilitatis titulum, consiliatorum munere dignatur. 3. *Vayvoda*; qui militares copias Imperatoris Russici auspiciis duxerunt; nam id nomē cum præcipua dignatione post præcedentes nobilium ordines, etiam ad liberos & nepotes transmittitur. Hi tres nobilium ordines tanquam dignitatis notam agnominibus suis addunt *Vich* vel *Wish*; & multam indicunt illis qui hanc notam in alloquendo ipsos adde-
dere negligunt; quæ multa *best chesť* ipsis vocatur: atque hac ita tument omnes, ut etiam ii quos fortuna ita destituit ut aliis famulentur, multam hanc negligentibus impingere satagant.

II. Proximum post nobiles locum occupant ii quos vocant *Sina Bojaresky*, id est, nobilium liberi, qui stipendiis Principis militant; insolentissimum hominum genus: & scribæ, sive *Dyaks*, qui proximum locum in oppidis obtinent post præfectos sive Duces.

III. Infimus ordo plebeiorum est, quos vocant *mouficks*; inter quos agmè ducunt mercatores; sequuntur mechanicarum artium periti. despiciatissimi sunt agricolæ, quos *Christianeis* appellant.

De regimine provinciarum.

Russia principatus omnis dividitur in quatuor partes sive tetrarchias, quas ipsi *Chetfirds* appellant. quarum singulæ plures provincias complectuntur, & certis officiis sunt annexæ, à quibus & nomina sortiuntur.

Prima tetrarchia vocatur *Posofsky Chetfird*, sive jurisdictio muneris Legatorum, & plerumque addicitur principali Secretario, qui quotannis illius nomine percipit centum rublas.

Secunda dicitur *Rosferadney Chetfird*, quæ fere supremo Comiti stabuli, quem *Rosferade* vocant, attribuitur, cum stipendio itidem e rubl.

Tertia vocatur *Pomestnoy Chetfird*; quia attribuitur illi qui servat indicem omnium

omnium terrarum quæ Princeps Nobilibus suis aliisque attribuit; cum stipendio annuo 10 rubl.

Quarta denique *Cassauski Duvrets*; quia tribuitur illi qui jus dicit in regno Casan & Astracan & oppidis ad Volgam sitis, cum stipendio CL rubl.

Extra has tetrarchias censetur Principis patrimonium, vulgo domanium; quod ipsi dicunt *Vochin*: quod xxxvi oppida cum suis territoriis complectitur. Itemque peculiare quædam jurisdictiones, uti Vagæ provinciæ & similium.

Atque hi quidem præcipui sunt principatus ministri, qui fere in civitate Moscuæ agunt; aut quando cum principe aliò digrediuntur, officii sui munimenta & ministeria secum ducunt. Sunt autem illorum partes, querelas omnes, aliaque quæ è suis tetrarchiis ad ipsos deferuntur, ad principalem Senatum referre: & quæ à Principe & Senatu decreta mandataque fuerint, in suis item provinciis promulganda & exequenda procurare. In quibus provinciis Duces sive præfecti constituuntur, qui per *Dyacks*, id est, scribas, omnia fere agunt quæ agenda sunt: nam ipsi infima dignatione inter nobiles censentur. Estque eorum munus, primo civiles omnes causas in suo di-

strictu audire & determinare. In quem finem officiales habent sibi subordinatos : quales sunt *Gubnoy starets*, qui reos carceribus mancipant : *Soudie*, iudices inferiores, qui de causis quibusdam cognoscunt & judicant in suis balivariis, ita tamen ut ab ipsis ad Ducem sive scribam detur provocatio; sicuti à duce & scriba ad aulicum Senatum appellatur : denique *Sotskoy starets*, id est, aldermannos sive balivos centuriarum. Deinde munus illorum est, de criminibus, furto, homicidio, prodicione, &c. cognoscere, reos captivare, examinare; & examen cum omnibus suis circumstantiis ad præfectum tetrarchiæ suæ qui in aula residet mittere; nam ipsis reos plectere aut capitis damnare non licet. *Tertio*, leges aliasque edicta nomine principis promulgare, tributa colligere, militum delectus habere, & sacramento adactos ad locum à Principe dictum destinare.

Porro hi duces & scribæ ab ipso Principe eliguntur, & ad suas quique provincias destinantur, & ut plurimum singulis annis mutantur, nisi aliter principi videatur; & quum fere advenæ sint in illis provinciis, nullo populi favore, sed principalis legationis metu subsistunt; & qui plurimum,

c rublas, alii minus quotannis pro stipendio accipiunt: quo fit ut plerumque inopes provinciales misere spoliarent; quod à primoribus illis eò coniventius toleratur, ut ipsos veluti spongas exprimere & repetundarum postulare possint: raroque munere decedentes pœnam evadunt, quam *pudkey* vocant, ubi flagris cœduntur; quorum ipsi haud ignari, tam licenter prædantur, ut & Imperatori & præfecto tetrarchiæ partem erogare, & nonnihil sibi ipsis valeant retinere. Atque tales quidem fere in mediterraneis oppidis munera hæc publica sortiuntur: limitaneorum major cura habetur; in quibus plerumque bini, & non raro è consiliariorum principilium ordine constituuntur. Hæc oppida sunt, Smolensko, (quo Polonus jam potitur,) Vobsko, Novogrod, & Cazan; quorum tria priora Polonos & Suecos vicinos habent; posterius, licet è longinquo, Tartaros Crimeos. Horum ducum & dignitas major est, & potestas amplior; ita ut etiam criminum manifestos plectant. Stipendium eorum annuum cccc rublæ, quorundam & lccc.

Moscua civitas, uti Principis domicilium, ab ipso solo & Senatu regitur.

Senatores enim in diversis tribunalibus causas civiles & criminales audiunt atque dijudicant. Urbis tamen negotia alia, qualia sunt platearum cura, tributorum collectio, & similia, duo nobiles & totidem scribæ procurant; quorum tribunal *zempfskey* vocatur. Ad quod oppidani famulos suos furti suspectos adducunt, flagro aut alio tormento examinandos. Præter hos duos Nobiles & totidem scribas, sunt Aldermanni, *Staruts* ipsis, singulis tribubus præfecti, in quas plebs omnis divisa est: illi sub se habent suos *Sothkeys*; & hi suos *Decetskeys*, id est, decuriones, qui decem familiarum inspectionem habent. Priores illi Nobiles & scribæ ab ipso Principe constituuntur; qui Aldermanos suos eligunt; & illi porro *Sotskeys*; *Sotskeys* autem decuriones.

De Consilio privato Principis.

R Vſſorum Princeps plurimis Nobilium tribuit titulum & dignitatem Consiliariorum; quorum tamen opera raro utitur, quique rarissime ad Senatum habendum vocantur. hi generatim *Bo'arens* appellantur: quum cæteri, quorum opera quotidie utitur, in omnibus publicis negotiis *Dumnoy Boyaren* appellentur, & sedes illorum *Boarſtua dumna*. Horum numerus certus

tus iniri non potest; &, prout in aliis quoque aulis evenire cernimus, alii, prout gratia florent apud Principem, ita potissimum rebus agendis adhibentur. Iis adsident quatuor Secretarii, quos *Dumnoy Dyakey* appellant. Dies quibus ordinariò conveniunt, sunt Lunæ & Mercurii atque Veneris; idque mane hora septima: Quod si extra ordinem conveniendum sit, à summo Connestabili per Clericum Consilii monentur atque vocantur.

De Iudiciis in causis civilibus.

TRia fere apud ipsos habentur tribunalia; ubi de causis civilibus, puta de contractibus, & similibus, jus dicitur; sibi invicem subordinata.

Infimum est illius quem *Gubnoy starust* vocari diximus, item illius quem *Sotskoy starust* appellant, id est, Aldermanni & Bailivi centuriæ, quam dicunt *Soacke*. qui inter vicinos & qui intra Centuriam illorum degunt, lites componere satagunt, antequam contententes ad tribunalia convolent.

Secundum est quod in præcipuis oppidis uniuscujusque provinciæ à duce & scriba administratur; à quibus ad tertium & summum iudicium aulicum appellatur.

Actiones instituuntur in hunc mo-

dum : Aëtor per libellum supplicem explicat, à quo quantum læsus sit ; & impetrata venia per *vvepis* , id est, indultum iudicis, per apparitorem (*prestave* illis) sisti & in iudicium accersitur reum ; qui cogitur fide iurare, se dicta die iudici se stiturum , aut alioqui licet apparitori ipsum detinere quibuscunque modis potest. Vterque autem tam aëtor quam reus propriam causam agit, nullo subsidio procuratorum aut advocatorum. Si causa testibus declarari non possit ; sacramento terminatur : nam quum iudici non satis liquet utra pars iure nitatur , solet alterutrum rogare , an crucem osculando firmare velit se verum dicere ; quod si annuat, statim ad templum ducitur , & cruce osculata non modo causam , sed & id quod adversarium suum poscit , obtinet. Hanc crucis osculationem *Chrenslina chelovanian* vocant , & tanti æstimant quam iurjurandum. Quod si ambo ad id parati sint , tum sorte causam dirimunt. Qui causa cadit, nisi statim creditori suo satisfaciat , ad *Pravensh* ducitur , id est , locum publicum ubi ejusmodi condemnati singulis diebus mane ab hora octava ad undecimam fustigantur miserum in modum, tantisper donec satisfaciant : quod si

per

per annum integrum in hunc modum fustibus subacti tamen solvendo non sint, uxores & liberi veneant necesse est, donec creditori suo reddant ultimum quadrantem.

Cæterum Russi nullam habent legem scriptam; voluntas Principis & Senatus judicium suprema lex est; tantum habent indiculum, in quo præscripta sunt temporum momenta, & aliæ circumstantiæ, itemque judiciorum formulæ.

V.

*Reditus Principis quibus rebus
constent.*

Reditus hujus Principis, ut ferè aliorum Principum, constat primo, patrimonio principali, id est, annuis redditibus, quos Princeps percipit è terris quæ ad ipsum principatum peculiariter spectant. Has terras conjunctim ipsi vocant *vochin*; quæ complectuntur triginta sex urbes, cum suis territoriis & agris. Inter has urbes amplitudine reddituum præstant *Alexandrisca*, *Corelska*, *Otfer*, *Slobodey*, *Danielska*, *Moisalskoy*, *Chara*, *Sametska*, *Strararouse*, *Bransoue*, &c. Oppidani & agricolæ harum urbium & agrorum quotannis pendunt principi;

par-

partim certos census in pecunia numeratur, partim in frugibus terræ, ut tritico secale, hordeo, avena, &c. (hoc tributorum posterius genus ipsi vocant *obrokey*.) itemque in animalibus terrestribus aut volatilibus & domesticis avibus; denique in aliis terræ frugibus, materie, cera, melle & similibus. Quidam etiam illorum tenentur aliquot jugera terræ in usum Principis colere; certa aliqua pactione in proprium usum ipsis attributa. Annona autem quæ hoc pacto Principi colligitur, longe copiosior est quam aut in familia illius expendi, aut per pensiones, quas familiariis suis aut nobilibus pro mercede attribuit, (*selavoney* vocant) exhauriri possit: itaque reliquum venundatur magno pretio, & nummi in Principis ærarium inferuntur.

Id redituum genus sub dominatu Ioannis Vasilovvick (qui splendidissime vivebat) quotannis vix superabat sexaginta millia rublarum: sed sub filio illius Theodoro ad 230000 summam excrevit; maxime industria Thesaurarii illius Gregorii Vasilovvick Godonove. Maxima autem pars hujus proventus expenditur in stipendia ministrorum, qui aut in familia Principis aut extra illam Principi serviunt.

Secun-

Secundum redituum genus appellatur *tagla* & *podat*, quod è quatuor imperii hujus tetrarchiis colligitur. Est autem *tagla* annum tributum, quod solvitur pro singulis *vvitis* (id est mensuræ apud illos genus) farris quod in singulis provinciis provenit. Id colligitur à juratis, & ad ærarii regii ministros afferatur. *Podat* vero est census annuus, qui imponitur singulis provinciarum diocesisibus aut hundredis. Ex hoc redituum genere conjunctim ingens pecuniæ gaza quotannis in principis ærarium inferatur: Vti videre est è sequentibus:

Provincia & oppidum Vobsko solvit quotannis utriusq; nomine 18000 rubl.

Novogrod	35000.
----------	--------

Torsbocke & Otfer	8000.
-------------------	-------

Rezan	30000.
-------	--------

Morum	12000.
-------	--------

Colmigroe & Dvina	8000.
-------------------	-------

Vologda	12000.
---------	--------

Casan	18000.
-------	--------

Vsting	30000.
--------	--------

Rostove	50000.
---------	--------

Mosko	40000.
-------	--------

Sibiersky	20000.
-----------	--------

Castrome	12000.
----------	--------

Summa totalis est 400000 rublarum. quæ singulæ, libræ Flandricæ aut sex florenis æquiparantur. Hoc tributi ge-
nus

nus kal. Septemb. à quibus Russi annum auspicantur, ad quæstores affertur.

Tertium redituum genus (quod ipsi *bulsha prechod*, id est, magnum tributum vocant) colligitur è vectigalibus & portoriis civitatum & municipiorum totius principatus. Oppida autem, quæ grandiora vectigalia quotannis solvunt, sunt hæc fere:

Mosko reddit	12000. rubl.
Smolensko	8000.
Vobsko	12000.
Novogrod Velica	6000.
Stararoufe	18000.
Torshock	800.
Otfer	700.
Yaruslave	1200.
Castrome	1800.
Nisna novogrod	7000.
Cazan	11000.
Vologda	2000.

Atque hoc quidem vectigal è majoribus urbibus certum statumque est, quia ita quotannis redimitur, redemptorum quidem damno, si minus reddat, Principis vero emolumento, si amplius. Reliquarum urbium incertius pro commerciorum incremento aut decremento. Certo tamen constat ex Rationalium archivis, nunquam hoc redituum genus minus quotannis reddere quam 340000 rubl.

His

His accedit tributum annuum quod colligitur è thermis & cauponis publicis; quod licet incertum sit, tamen valde opulentum esse, ex ingenio incolarum judicari potest, qui utrisque hisce locis imprimis delectantur.

Item in causis criminalibus, & convictorum & damnatorum bonis fiscus Principis capit semissem, delator quadrantem; & magistratus reliquum quadrantem. tribunal ubi hæ causæ aguntur vocant *Roisboinam*. Præterea quum *Roscrada* officio certi & magni redditus annui attributi sint, quibus milites conscribant & alant; atque paucis tantum opus sit tempore pacis, magna pars eorum reddituum superat, & in ærarium infertur; ita ut non raro ad 250000 rub. ascendat. Eadem est ratio officii illius quod *Strelletskoy* vocant; cui redditus annui concrediti ad stipendia sclopetaariis numeranda, qui tam ad aulam Principis (numero XII M) quam alibi præsidia habent, & custodes sunt corporis principis. Nec alia officii *prechase shestnoy nemshoy*; quod curat milites mercenarios externos; itemque *pusharskoy*; cui similes redditus annexi ad apparatus bellicos & nitratum pulverem coacervandum. Quicquid autem ex omnibus hisce sub finem anni superest, id omne in
æra-

ærarium Principis seu *prulsha prechod* infertur: ita ut universa summa receptæ pecuniæ à *prulsha prechod* quotannis ascendat ad octingenta millia rubl. aut circiter.

Ratio autem ab omnibus his quæstionibus redditur in Principis gazophylacio; ubi omnes ipsius gemmæ, & ceimelia, corona, sceptrum, aurea argenteaque vasa, aurum argentumque cûsum, & alia hujuscemodi custodiuntur. Qui accurate rationem accepti & expensi tempore Theodori principis inivit, Angliæ Regiæ Legatus Ægidius Fletcher, vir prudentia singulari, scribit, in universum quotannis in pecunia numerata in ærarium inferri 1430000 rublarum, demtis omnibus expensis tam domesticis quam militaribus. Nec tamen in hanc rationem venire pretiosas pelles, quas immensa copia è Siberia, Pechora, Permia tributi nomine accipit, & advenis mercatoribus vendit: neque multas, quas fiscus capit è condemnatorum bonis, licet sæpe ad grandem summam ascendant.

Quid multa? Princeps adeo est absolutus, ut numquam egere possit quandiu subditis illius aliquæ opes supersunt.

De moneta Russica.

VT melius intelligantur quæ de redi-
tibus Principis jam diximus, mone-
ta Russica explicanda erit. Eam ha-
bent quadruplicem: Moscoviticam, No-
vogrodensem, Tvverensem, & Plesco-
viansensem. Moscoviticus nummus non
rotunda sed oblonga & ovali quodam-
modo forma, *denga* dictus, diversas ha-
bet imagines; in antiquioribus ab una
parte rosa, ab altera homo equo insi-
dens: alii utrinque literis sunt inscripti.
Eorum sex faciunt *altinum*, viginti *grif-
nam*, centum *poltinum*, ducenti *rublam*.
quæ ad nostræ monetæ valorem com-
parata, sex ut plurimum florenis nostra-
tibus, sive libra Flandrica æstimatur.

Tvverensis utrimque scripturam ha-
bet, & valore æquiparatur Moscovitico.

Novogrodenensis ab una parte Princi-
pis solio insidentis & hominis se illi incli-
nantis imaginem, ab altera scripturam
habet, atque duplo Moscoviticum supe-
rat. Grifna quoque Novogrodenensis xiv
dengas, rublus ccxxii complectitur.

Plescoviensis, ab una parte caput tau-
rinum coronatum, ab altera scripturam
ostentat. Habent præterea cupream
monetam, quæ *polani* vocatur: horum

ex dengam Moscoviticam valent.


Aureos non habent, nec cudunt ipsi, sed Hungaricalibus fere, interdum etiam Rhenanis utuntur; pretium eorum sæpe mutant. Rigensibusq; rublis utuntur propter vicinitatem: quorum unus valet duos Muscoviticos. Moneta Muscovitica est ex puro & bono argento: quamvis nunc quoque adulteretur: Nec audiui, ob hoc facinus in quemquam animadversum esse. Omnes ferre aurifabri Muscoviæ nummos cudunt; & quicumque adfert massas argenteas puras, nummosque cupit, tum nummos & argentum appendunt, atque æqua lance librant. Exiguum & constitutum pretium est, quod ultra æquale pondus solvendum est aurifabris, parvo alioqui laborem suum vendentibus. *Hac ex Herbersteyn.*

Anglus quidam, qui scripsit anno 1554, monet tres esse nummos argenteos in Russia, *poledengam*, *dengam* & *novugrotam*; qui ad valorem Anglicæ monetæ comparati sonant dimidium denarium, denarium & duos denarios. Nummos hos ita computant; *poledenga*, *denga*, *altin*, *ruble*: binæ enim *poledengæ*, *dengam*; harum sex *altinum* faciunt: *altini* denique *xxiii* & *ii* *dengæ* *rubleum*.

VII.

De militia Russorum.

Milites (inquit Fletcherus jam sa-
pius nobis laudatus) Russiæ ap-
pellantur *smaboranesky*: sunt e-
nim fere nobilium filii, atque adeo ipso
militiæ dignatione generosi. neque ulli
in Russia sunt nobiles præter homines
militares. Nam nobilium filii simul at-
que ætatem justam attrigerint, qua arma
ferre possunt, nomen suum apud ma-
gnum Conestabulem profitentur; qui
ipsis certam portionem agrorum attri-
buit, ut plurimum eorum quos parentes
illius possederunt; nisi forte militum
numerus tantus jam sit ut nullæ terræ
quæ assignari possint supersint, & patris
agri pluribus sufficere nequeant: quo ca-
su in aliud tempus differuntur: & fit sæ-
pe, quum plures sunt filii unius familias,
ut minores natu aut egere aut alii vo-
cationi se addicere cogantur, & non ra-
ro malis artibus & latrociniis sese appli-
cent. Vbi autem numerus militum
completus est, ita se habet: Nam primo
habet Princeps equites corporis sui cu-
stodes xv c. cum suis tribunis & cæ-
teris officialibus, *Dvuraney* appellan-
tur. Sunt autem trium generum; qui &
stipendiis & dignatione multum inter



se differunt. Primi vocantur *Duvoraney bulskoy* : quorum alii 100, alii 80 rubl. annuatim capiunt ; nulli infra 70. Secundi *ſcredney duvoraney* ; qui 60 aut 50 rubl. accipiunt ; nec infra 40. Tercii *Dyta bojarsky* ; qui 20, 30 ; non autem minus quam 12 rubl. annuatim merent. Atque hujus quidem stipendii dimidia pars in urbe Moscu ipſis ſolvitur. reliquum in caſtris, quando illorum in bello opera requiritur ; & tum univerſum eorum omnium ſtipendium annuatim requirit 55000 rubl. Præter hoc ſtipendium etiam agros ſibi assignatos obtinent pro ſua quique dignitate & merito ; ita tamen ut agri iſti ad minimum ipſis annuatim reddant 20 rubl.

Præter hos ſunt alii ex ſummæ dignitatis nobiles, qui, veluti prætoriani apud Romanos, Principē comitantur, quum ad bellum gerendum ipſe progreditur ; & tum ipſi ſubminiſtrant equitum ſexaginta quinque millia cum omnibus armis ſuis ad Ruſſorum modum ; ideoque annuatim pro ſe & copiis ſuis percipiunt quadraginta millia rublarum ; & quotannis cum omnibus ſuis copiis verſus fines Tartarorum Crimeorum movent, ſive bellum cum illis ſit ſive induciæ. Periculolum videri poſſit Principi aut Statui, tantas copias ad nutum nobi-

nobilium in unum locum convenire: hic tamen discrimine vacat: primo quia nobiles hi pro arbitrio Principis mutantur, & quum plures sint, non facile inter se conspirare possunt; &, quod summum est, ut plurimum sunt aulici & familiares Principis, atque adeo consilarii: nec stipendio potiuntur, nisi quum jam aliis erogandum est; ita ut potius quæstores sint Principis quam tantarum opum possessores. Atque in hunc modum equestris militia constabit octuaginta millibus; magnum robur si disciplina & vigor cæterarum gentium Europæarum accederet.

Peditum, qui *strelsey* dicuntur, continuo alit duodecim cio, omnes sclopetarios. quorum v cio circa civitatem Moscuam agunt, aut aliam urbem in qua versatur Princeps; atque ii cio in ipsa aula, qui *Stremaney strelsey* appellantur; reliqui in limitaneis oppidis in præsidiis occupantur. His annum stipendium datur vii rublæ, & secalis atque avenæ xii modii.

De peregrinis militibus nihil dicere necesse est, quos non alit nisi quum necesse est, & semper quamplurimos alere potest, quum opibus abundet. appellant autem peregrinos & mercenarios milites *n mscov.*

Præfectorum sive ducum militarium ordo talis est; 1. Generalis Principis vicarius, quem *Voyavodey bulshaia*, id est; magnum Capitaneum dicunt; qui plerumque est unus è summa nobilitate, licet neque prudentia neque bellicarum artium scientia emineat. 2. Ideoque illi adjungitur Legatus, nobilitate quidem inferior, sed belli usu præstantior. 3. Sub utroque sunt quatuor veluti Marescalli; inter quos copiae omnes dividuntur. Partes autem hasce quatuor distinctis nominibus exprimunt: primam vocant *prava polskoy*, id est, dexteram alam; secundam *levoy polskoy*, id est, sinistram alam; tertiam *rusnoy polskoy*, interruptam cohortem, quia ex illa speculatores emittuntur, & subsidia reliquis submittuntur; quartam *stereshovoy polskoy*, id est, vigilum cohortem. Singuli autem hi Marescalli duos habent legatos, qui bis singulis hebdomadis copias in armis exercent, & jus dicunt inter milites, puniuntque delicta; atque hi fere sumuntur ex illis ex de quibus ante dixi. Sub his porro complures sunt tribuni; quales sunt *gulavoy*, qui clo, qui lo, & qui c militibus præsunt: item *petyde setskoy*, qui L; & *decetskies*, qui x tantum præsunt.

Sunt præterea in castris Vaivodæ duo
magni

magni nominis. quorum primus vocatur *Naradna vaiivoda*, & præest tormentis omnibus bellicis. alter *Vaiivoda gulavoy*, quasi præfectum velitum dicas, qui speculatoribus cis præest; & curam gerit lignei castelli, (quod *beza* aut *gulay gorod* ipsis dicitur) quod semper cum castris circumfertur, in usum peditum, qui eo utrimque concluduntur; interdum ad aliquot milliaria in locum extenditur, ex assèribus ita compositum ut nullo pene labore & conjungi & dissolvi possit; egregio munimento adversus Tartaros, qui arcu & sagittis solummodo armati facile ligneo hoc ut ita dicam vallo sustinentur.

Russorum equitum arma fere sunt arcus & sagittæ, & gladius; paucis breves sunt hastæ aut spicula; omnia facta ad Turcarum modum: quibus ad Tartarorum modum uti edocti sunt. Peditum sclopetum sive bombardæ, securis & gladius. Commeatus nulla principii cura, unusquisque sibi ipsi prospicit; vili enim cibo contenti sunt Russi milites; neque fere quicquam usurpant præter panes siccatos, quos *suchary* vocant; & cruda farina, quam temperatam & in massam rotundam coactam *tollockno* dicunt. Quod si Russi tantum robore & fortitudine animi scientiaq; militari valerent,

quantum corporis viribus & laborum tolerantia, facile cæteros Europæos superarent: nunc ingenii tarditate, & serviendi consuetudine, nec magna appetunt, nec assequuntur. In oppidis quidem defendendis strenue adversus validas obsidentium vires laudem meruerunt; in acie adversus Polonos ac Suecos ut plurimum victi magnas sæpe clades acceperunt.

VIII.

*De familia magni Ducis Moscovia,
& Principum successione.*

A Russica Narva, (inquit Thuanus lib. xxi) anno cix cccc à Moscis condita, ex adverso Narvæ Livoniæ sita, medio flumine cognomine, (unde utraque nomen sortita est,) in orientem ac septentrionem tendentibus ad mare Caspium & usque ad Tartarorum hordas, Moscorum imperium late patet. Cui ab arce & flumine cognomine Mosca in Occam & Volgam influente nomen est; (ubi ante cc circiter annos Ioannis Danielis filius castrum ædificavit; sicuti Sigismundus Herbersteynius eorum annalibus refert;) non à Moscis ultra mare Caspium Colchis finitimis, quorum meminit Strabo, & quos Plutarchus

tarchus à Cn. Pompeio subjugatos scribit. In iisque regionibus Russi rerum potiti sunt, à Roxolanis forte, deflexo paulum nomine, oriundi; atque eorum Principes ad Varagos originē referunt, gentem transmarinam, ut ipsorum annales testantur, qui imperii sedem primo Novogrodia, dein Kiovia, ac postremo Vlodimiria habuerunt, antequam Moscoviam transferretur.

Clarissimus vir Fletcherus monet, familiam Principem Russiae appellari *Bealam*, atq; ex eo conjicit, originē ex Hungaria cepisse; ipsumque Ioannem Basilidem sæpius jactasse se ex Germanica esse origine, non autem è prosapia Russica.

Ruricus (inquit Thuanus, ut supra) ex ea gente bello contra Bulgaros suscepto quum feliciter rem confecisset, regionis dulcedine captus in ea mansit, liberis ejus, quos domi reliquerat, Novogrodia interim exactis ab Vlodimiro quodam verna ex ancilla nato, cui urbis custodiā reliquerat. ab eo genus ducunt. qui postea in eo imperio, in XII principatus (quot filios reliquit Vlodimirus) distributo, fuerunt, Iapulocho Rurici fil. & ipsius posteris avitum imperium frustra recuperare enixis. Deinceps fide Christiana imbuti sunt, & occasione non minus honorificæ quam faustæ af-

finitatis, cum Vlodimirus ipsorum Princeps, qui Kioviæ jam tum sedem fixerat, Annam, Basilii Porphyrogeniti F. & Constantini Imper. sororem uxorem duxisset, circa annum Christi 10 cccxc; unde & Græcæ Ecclesiæ ritus etiam hodie servant. Hoc ita tradunt Russorum & post eos Poloniæ annales; de quo tamen Byzantina historia omnino tacet; ut mirum sit, homines vanos ac leveis rem adeo memorabilem silentio præteruisse, qui alioqui consentanea cum iis, quæ de Russis diximus, memoriæ prodidere. Nam Ioannes Zonaras scribit, Nicephorum Phocam à Bulgaræ Principe petiisse, ut Hungaris ac Turcis per ejus fines in Thraciam irrumpentibus transitum impediret: cum vero se excusaret Bulgarus, infirmitatem & fœdus causatus, per Calocyrum Chersonesi Tauricæ Principis F. Rossorum Dynastam ab eo sollicitatum, ut bellum Bulgaro inferret. Itaque Spendostabulum (ita Rossam vocat) coacto ingenti exercitu in Bulgariam descendisse, & longe lateque populato agro innumerabiles prædas abegisse. Demum Nicephoro sublato, idem Zonaras scribit, sub Ioanne Zimisca Rossos, Bulgarorum gente ac provincia subacta, nunc cum Ducibus Borise & Romano, patriæ oblitos,
illic

illic imperii sedem figere decrevisse, Calocyri impulsu, qui, si ab eis Romanorum imperator salutaretur, se Bulgaria ipsis cessurum & perpetuum fœdus percussurum receperat. Verum Zimiscam, cum honorificas ejus condiciones illi non solum superbe recusassent, sed legatos etiam indigne habuissent, contra Rossos bellum suscepisse: Tauroscythis vero adventu ipsius perterritis, Calocyrum ad Rossos confugisse. Demum, conferto ad Dristerum in Istri ripa positum prælio, Rossos cæsos; iisque cæsis Dristerum diuturna obsidione à Ioanne cinctum fuisse. Tandemq; Rossos omnium rerum inopia laborantes, ex Spendostabli consilio & autoritate, prælii aleam rursus tentasse; qua post longum & anceps certamen postremo Rossos profligatos esse. Postea Ioannem cum Spendostablo his conditionibus transegisse, ut relicta Bulgaria domum rediret: sed in reditu ipsum & Rossos omnes, Pazinacarum insidiis exceptos, ad internecionem cæsos esse. Hæc Zonaras; quæ cum iis, quæ de Rurici expeditione Russici annales memorant, mire conveniunt; & in alterum annum Zimiscæ imperii, hoc est, in Christi 10 cccc. lxxii, incidunt; quo tempore Basilius Scamandreus, post Theophylactum

Romani Lecapeni F. Patriarcham, Constantinopol. Ecclesiæ præfecit ; à quo & Russorum annales nomen Russicum ad religionem Christianam perductum tradunt.

Sequentibus temporibus Andreas Dux Susdaliensis , ab Vlodimiri stirpe profectus, fœdere cum xi cognatis iſto , Micislao dejecto , qui Kioviâ tenebat, sedem primus Vlodimiriam transtulit, & imperium in Susdaliensi domo firmavit. quamvis in alios agnatos Duces principatum minime exerceret, magni tamen Ducis usurpato nomine , hoc etiam obtinuerat, ut illi comiter majestatem suam colerent. Sed quum Tartari, impressione in Russiam facta , Cottianam Polosciorum Ducem, & Micislaum Romani f., Siernaviensem Ducem, atque alios complures auxilio evocatos , die xvii Maji anni c10 cc xiv , & sicuti annos Russi ab Orbe condito numerant, vi c10 10cc xxxii , insigni clade profligassent , & rursus xiii annis post , Duce Batti, domitis Rosanensibus & Vlodimiriensibus ceterisque fere Ducibus, Russiam omnem imposito provinciæ tributo in potestatem redegressent : ab eo tempore magni Russiæ Duces à Tartaris peti cæperunt; qui fere à Susdaliensibus dabantur.

Tandem anno Christi c10 cc c iv, And
drca

Andrea Alexandri F. mortuo, cum Michaël Iaroslai F. Tuerensis & Georgius Danielis F. Moscoviæ Dux de magno Vlodi-miriæ principatu contenderent, & uter-que eam à Tartaro peterent; primum secundùm Michaëlem pronuntiatum fuit. sed interjecto aliquanto tempore Georgius eandem, rejecto Michaële, ob-tinuit anno juxta Græcorum calculum VI CIO DC CC XXV; qui imperii sedem Moscoviam transtulit, & magnum prin-cipatum posteris suis reliquit, adversan-tibus initio Russis universis, qui hunc honorem Susdaliensi familiæ restitui à Tartaro debere contendebant.

A Georgio illo Ioannes Danielis fil. nisi idem sit, profectus, primus Mosco-viæ castrum condidit; cui Ioannes alter, & Ioanni Demetrius, ac Demetrio Basi-lius, qui Sophiam Vitoleni Lithuanix Ducis fil. uxorem duxit, ordine ac dire-cta serie successerunt. Hujus Basilii filius Basilus, conjuratione à Demetrio Sic-macha Georgii fratris F. Sueriensi, Ioan-ne Andreæ fil. Mosaicensi, & Borislò Alexandri fil. Tuerensi Ducibus facta, regno pulsus & luminibus orbatus fuit: sed Novogrodiensium ope adiutus re-gnum postea recuperavit, & pacate us-que ad mortem tenuit.

Huic Ioannes fil. successit; qui se uni-versæ

versæ Russiæ Principem primus appellavit, Magni nomen ob id sortitus. is Ducem Tuerensem, ex cujus domo uxorem duxerat, ultionis paternæ prætextu, principatu exuit: nec multo post Novogrodiam magnam fraude interceptam sui juris fecit: cæterosque fere Russiæ Principes, ex ipsorum dissensionibus occasione captata, in ordinem redegit; ac tandem Tartarorum jugum, à quibus majores sui jus & inaugurationem petebant, excussit, à Sophia, è Palæologorum gente ingentis animi femina, quam mortuâ Tuerensi duxerat, persuasus: semper fere victor & felix, si cladem in Livonia & ad Plešcoviam paulo ante obitum acceptam excipias; quam L. annorum induciis resarciit.

Eadem felicitate usus Basilii illius fil. Nostra ætate Smolecensem principatum, ac quidquid Siverensis ditionis supererat, imperio adjecit. Casanenseis mari ac terra oppugnavit; agnatisque suis omnibus regni possessione, quam adhuc tenebant, exturbatis, Plešcoviensem civitatem in servitutem redegit; ac *Ciarii*, quod lingua Slavonica regem sonat, quum alii *Knestos* tantum appellassent, nomen sibi sumxit.

Huic anno c10 10 xxv decedenti Ioannes fil. successit; qui astum, industriam

& severam disciplinam in propagando imperio ad majorum artes adjecit; effecitque, ut ab iis accepta non solum retinuerit, sed etiam magna accessione locupletaverit. nam Casanense & Astracanense regna à patre summis viribus tentata, novo & iis populis incognito belli genere usus, in potestatem redegit: ac fere omni Caspio mari sui juris facto imperium in Persidem usque protulit, multis aliis præclare, non sine tamen crudelitatis infamia, gestis. De his variorum historiæ loquuntur; præsertim vita illius à Paulo Oderbornio tribus libris descripta. Ioannes Basilides (inquit Thuanus lib. LXXX) magnus Moscorum Princeps, ob immanitates inauditas à Paulo Oderbornio & Alexandro Guagnino studiosius fortasse quam veracius descriptas, infamis ultimum diem clausit v i i kalend. April. anni c i o i o LXXXIV, quum LVI annos vixisset, xxxix regno præfuisset. Ex Anastasia prima uxore duos filios suscepit; Ioannem cognominem sibi, quem casu interfecit; & Theodorum regni hæredem, quem moriturus proceribus convocatis valde commendavit, curatoribus ei attributis, quorum ex consilio rempubl. administraret.

Theodorus Ioannis fil. Irenen Theodori

dori Godonovii filiam statim in uxorem duxit, & cum ea iv kal. Quintiles inauguratus fuit. verum idem Thuanus ad annum c i o i o x c v i i i scribit, Theodorum hunc, quum xiv annos à morte patris rerum potitus esset, annos tantum xxxvi natum sine liberis decessisse, anno à mundi condito vii c i o c xvi, id est, à C. N. 1598, administratione imperii penes conjugem & Patriarcham relictâ. Eam, (inquit lib. cxx) ob speciem & mores, quum sibi Theodorus patre superstite in uxorem delegisset, ex eaque nullos liberos sustulisset, dimittere illam sæpius ab illo iussus quidem erat; sed ad mortem usque patris callide procrastinabat. Erat ei Borissius Godonova frater, astutia innata & affectata comitate maximam in aula & toto regno auctoritatem consecutus, quam & ad mortem usq; Theodori retinuit; quam veneno acceleratam non defuere qui putaverint, ducta ex Borissii ingenio serieque rerum ab eo in civili administratione gestarum conjectura. Theodorus postremis tabulis, regni administrationem uxori viduæ commendaverat. quam quum illa haud invita suscepisset; paulo post, mutata voluntate an ex compacto, imperii administrationē in proceres transferre se velle dixit,

&

& mundo mutato habitu renunciare. ægerrime id tulit populus, acrisque seditio orta, donec Borissius se exorari passus est, ut imperium pro sorore capesseret, postquam affectata quadam recusatione, uti putatur, diu proceres & populum suspendisset. Tenuit autem principatum ad annum c10 10c v; quo tempore multæ calamitates, & præsertim dirissima fames, Russos afflixit; ipseque vitam lamentabili exitu clausit. Rem gestam ita describit Thuanus lib. cxxv. Ioanni Basilidæ (inquit) præter Theodorum alter erat filius Demetrius, biennio ante mortem è nobili juvencula susceptus, hoc est, anno c10 10 LXXXII; qui ad ad Vielicam, longe dissitam, c à Moscuæ metropoli milliaribus, educabatur. Borissius, qui superstitie Theodoro jam tum tyrannidem affectabat, quum omnia quæ desideriis suis improbis obstare poterant circumspiceret, parum se Theodori imbecillitate profecturum judicabat; nisi spem resurgentis in principali familia imperii per Demetrii mortem extingueret. Itaque de eo ex medio tollendo ante omnia cogitans, corruptis qui circa eum erant, sic dolum instituit. Pulso majore tintinnabulo, (id erat signum populi ad incendium restinguendum vocandi,) observatum erat

ad strepitum concurrentis multitudinis Demetrium conclavi exire solitum, qui in illo tumultu confodiendus erat. & ita factum, dum per scalam defiliit. inde rumore mortis sparso, populus à reſtinguendo incendio revocatus ad arcem venit; & omiſſa comploratione domesticos obvios obtruncat, publica ultione cedis invidiam in ſatellites Principis rejectam à ſe amoliri cupiens. quam tamen minime evitavit: nam Boriffius, ut omnem ſuſpicionem purgaret, immaniter in oppidanos ſæviit, & arcem incendio delevit. Verum Demetrium hac conjuratione oppreſſum, qui in Moſcovia tunc erant, & de ea relationes confeſerunt, conſtanter affirmant. Alii ut motibus poſtea ſubſecutiſ colo-rem reperirent, ſic rem narrant; matrem Demetrii de deteſtando Boriffii conſilio per amicos monitam in tempore filii periculo prævertiſſe, ſuppoſito in ejus locum puero ætate & ore perſimili, qui à ſicariis non per ſcalas defiliens, ſed in lecto jugulatus eſt, Demetrium autem verum in tutum ſubduxiſſe, ſtatimque ſuppoſiti cadaver à Germano aulae magiſtro, qui aſtum excogitarat, ne agnoſceretur, ſarcophago incluſum ſine ullâ pompa terræ mandatum eſſe. interim ſamam ſparſam, quaſi Demetrius peſto-
abſum.

absumptus esset. Vtut sit, in Polonia & Moscoviæ finibus aliquot post annos comparuit homo, qui altero brachio brevior & verruca in facie, quæ in vero Demetrio olim notata fuerant, cæterum ingenio acri, præsentia animi, liberalitate, comitate non indignum, se regali prosapia ferebat. is Iesuitis patribus, qui in Polonia pollebant, primum innotuit, & spem fecit, si ad regnum paternum recuperandum adjuvaretur, fore, ut primam ac præcipuam cultus divini in imperio Moscico instaurandi, & illius ad Ecclesiæ unionem adducendi curam haberet. res initio testata, monito prius Pontifice, ut negotium, quod ad bonum religionis & amplificationem Sanctæ Sedis pertinebat, opibus propriis & commendatione sua apud Poloniæ Regem & regni proceres adjuvaret. quod & sedulo factum per ipsos Iesuitas, qui supplicem ad Georgium Miecinsium Sandomiriensem Palatinum introduxerant, in regno præpotentem; jam tum fide clam data, si compos votorum evaderet, ut filiam Palatini, in quam ille oculos conjecerat, in uxorem acciperet. In Livonia abjecto cucullo aliquandiu latuerat, ubi & commode latine loqui & scribere didicit, & ad Clementem VIII Pontificem Maximum literas manu propria

pria non ineleganter scriptas dedit. & cum per Sendomiriensem & ejus generum Visnovitzium ad Sigismundum est admissus, mascula oratione usus dicitur, meminisset, se in carcere & captivitate natum, & inde divina providentia ac misericordia liberatum; proinde humana cogitaret, & eodē fato afflictiis subveniret. Ioannes Sigismundi parens ab Erico fratre ob suspicionem in carcerem injuriose trusus fuerat, sicuti ad an. clō. lō LXIII demonstravimus, in quo ex Catharina uxore Polonicæ atque adeo Jagellonicæ stirpis ipsum sustulerat. Igitur Regis favore, & Palatini pecunia, annitentibus Iesuitis, exercitum x bellatorum clō in Polonia conscribit, ab hisq; omni re & apparatu instructus in viam sedat, & per Russiam iter faciens Cosacos genus hominum bella externa & prædas sectantium sibi conciliat, & ingentibus promissis oneratos in regnum paternum, ut agebat, ex iis x clō secum ducit. Borylthene superato ad Zernigam extra limitem castra primum posita, & Demetrii regni legitimi heredis nomine deditio imperata; ac citra vim facta, Ioanne Takmenio, qui cum Borissio simultates exercebat, in partes novi principis transeunte. Cosacis præerat Corelas homo præstigiis magicis notus. qui
Putin.

Putinnæ obsidendæ auctor, urbis populosa, quam Michelovitzius Soltekovius, cum VIII clo Cosacorum Volgodensium tenebat, Michelovitzio primum detrectanti ad extremum persuasit, ut urbem dederet, & Demetrii partes sequeretur. Borissius inter hæc copias instruit e bellatorum clo constantes. & ante omnia ad Sigismundum & Polonicum Senatum legatos misit; commemoratoque fœdere, de pace sive induciis inter utramq; gentem, ipsos de sanctione ejus interpellavit; & e mentitum Demetrium, sacerdotis nefando conceptum filium, & magicis præstigiis infamem sibi tradi vivum vel mortuum petebat, & ne auxiliis juvaretur, enixe petebat, minis additis, si contra facerent Poloni, quanto suo cum periculo præpotentem principem essent lacessituri. ad minas additæ singulorum procerum prestantiones occultæ, ut regem & senatum absterret, quo minus auxilia supplici subministrarent. verum Pontificis & Iesuitarum prævalente auctoritate nihil obtineri potuit, Rege, & qui cum Rege sentiebant, ad auxilia præstanda animos obfirmantibus; quippe qui rebantur, hanc ad æternam pacem & amicitiam cum Moscis firmandam, & majorum religionem sublata scissura

constituendam, fore commodissimam rationem. tandemque utrinque exercitus in aciem ad Novogrodiam instructi, & Sendomiriensis summus copiarum dux, qui defectionem in hostili exercitu futuram sibi pollicebatur, temere in medios & bene concordēs ruit, & post exiguum certamen undique à majore numero circumventus funditur fugaturque exeunte Ianuario hujus anni. collectis deinde ex tanta clade reliquiis Palatinus Carmhoviam primum ac Putivolum, ac deinde in Poloniam suam se recepit. Demetrius cum paucis ad Rilschum arcem in finibus receptum habuit; ubi à suis desertus minime se deseruit. is secum, ut religionem & pietatem suam omnibus approbaret, duos è Cisterciensi ordine Theologos duxerat, qui castrensis vitæ & incommodæ viæ pertæsi, post aliquot dierum iter ad sua reversi sunt. præterea etiam duos è sodalitate Iesuitico, Nic. Ckerracovium, & Andream Lovitzium, qui expeditionis auctores constantiam servaverant, & hominem per se satis bene animatum assiduus hortamentis & propriæ patientiæ exemplo ad rem strenue persequendam incitabant, ipse bona conscientia, uti præ se ferebat, fretus, cum ad manus veniebat, ita Deum compellare soli-

solitus erat , ut ab omnibus audiretur,
 & hac oratione fere utebatur, manibus
 expansis & oculis in cœlum erectis: Me,
 inquit , iustissime Iudex , prius fulmine
 perime, me primum dele, huic Christia-
 no sanguini parce, si injulte, si avare, si
 impie, hoc quod vides molior. tu vides
 innocentiam meam ; justam causam
 adjuva. tibi me, cœlorum Regina , &
 meum hunc militem commendo. Quæ
 si vero referuntur , nec vere ille Deme-
 trius fuit, oportet eum aut præstigiato-
 rem gnaviter impudentem fuisse , qui
 cum sciret, quæ diceret , vera non esse,
 tanta vultus constantia mentiebatur;
 aut si male persuasus , eum se credebat,
 qui non erat , profecto fortuna , ut aliis
 imponeret , insigni læti primùm succes-
 sus, mox tristis atque adeo tragici exitus
 exemplo , mire ipsi imposuit. Iam Bo-
 rissiani ad Rilsæ arcem, ad quam copias
 contraxerat Demetrius, eo situ ut sub-
 jecto agro late imperitet, cum parte ex-
 ercitus venerant , Martioque ineunte
 conflictu acri inter equites facto , in-
 clipavit miro fortunæ ludibrio ad nu-
 per victos victoria , qui numero impa-
 res interfectis primo concursu cœ ex
 hostibus , captisque cœ, ceteros in fu-
 gam vertunt : suorum ordines in fuga
 pererrantes speditatum omnem sol-
 vunt,

vunt; & hosti ad internecionem exposi-
tum relinquunt. Parta ingenti præda
Demetriani Putivola triumphantes re-
versi sunt, statimque sive odio veteris
domini, sive novarum rerum desiderio
quinque præcipuæ in propinquo arces
cum oppidis ac territorio in partes De-
metrii concesserunt, & Bialogroda una
ex illis c. l. majores machinas victori
subministravit. arcium præfecti captivi
Demetrio traditi: & paucis post diebus
secuta Ialekæ & Leptinæ deditio, in qua
famosus magus Hinsko Otiopelus quo-
que captus est. Mox & universa Severia,
qui est principatus amplissimus, ac præ-
terea viii castella in fidem accepta sunt.
• Magna moderatione Demetrium vi-
ctoria tam insperata usum memorant,
qui hæc scribunt, de cætero sollicitum,
quomodo Cromo arcis à reliqua exerci-
tus hostilis parte arte cinctæ in tempore
subveniret. sed cognito ex literis inter-
ceptis obsessos aliquandiu ad sustinen-
dum pares esse, consilium suspendit, mi-
nime accelerandum ratus, ne tantæ vi-
ctoriæ fructû tentata temere prælii alea
amitteret. interea dum ad Putivolum
sedet, eventum operiens variis insidiis
petitus est, missis à Borissio, qui venia
admissorum promissa insuperque præ-
miis præpositis Russos ad Demetrium
inter-

interficiendum aut captivum sistendum invitarent: additum præpotens telum ab Archipopo, (ita Patriarcham suum vocant Russi,) mandatum, quo cuncti rebus Demetrii faventes extra Ecclesiæ communionē positi pronuntiabantur. re ex captivis quæstioni subiectis & literis inter ocreas insertis cognita, nihil inclementius in eos decrevit, sed venia concessa literas ad Archipopum humanissimas dedit, quibus eum officii admonebat, & ne injustæ causæ religionem prætexeret, hortabatur. scripsisse & ad Borissium dicitur, se respiceret, regnoque, quod injuste invaserat, mature cederet, & monasterium, quod vellet, ingrederetur, oblati ipsi & familiæ optimis conditionibus; quas ille contemptim nec citra indignationem respuit. id incidit in tempus, quo Daniæ Regis & Caroli Succii legati in ejus aula erant, ex Polonorum in Moscoviam impressione fœderis cum Moscis sancienti occasionem captantes, quo Sigismundi rebus incommodarent. in ea consultatione cum vehementius incandesceret Borissius, subito corruisse dicitur, magna vi sanguinis per os, nareis & aureis profusa: & exeunte Aprili vitam cum morte commutavit. alii apoplexia, alii veneno propinato extinctum me-

morant. utcunque sit, in imperio per septennium possessio moriens non omnem auctoritatem statim amisit. nam fama mortis vulgata magno initio, populi concursu uxor vidua cum filio in solio collocata est. & adacti in fidem procures, corpore defuncti in sepulcro regum sine pompa illato. mortuum laudavit luculenta oratione Regiomonti excusa Constantinus Fidlerus Livonus Rigenfis, qui Gasparem fratrem habebat imperatoris Moscovitici domesticum. continuo Petrus Busmanius, qui magnas res sub Borissio gesserat, cum summo imperio ad exercitum mittitur. Ad Cromi obsidionem hærebat Ioannes Hodunius cognatione Borissio proximus, in qua ante & post Borissii obitum, & obsessi, & qui locum oppugnabant, nihil reliquum ad summam virtutem fecere. decies vis facta, & toties summa ab obsessis pertinacia repulsa. De exitu veritus Demetrius Zaporium cum delectis ad opem laborantibus ferendam miserat, qui astu, cum vi non posset, metum & trepidationem per hostium castra sparsit. simplicem hominem, qui deceptus alios deciperet, ad obsessos in speciem mittit cum literis, qui xl clo auxiliarium in propinquo esse nunciaret, eaque spe obsessos ad con-

constantiam hortaretur, eum per viam ab hoste infessam ut caperetur deduci curat. igitur captus cum literis & tortus, cum eadem quæ literis significabantur, quippe vera credens, confirmaret, ingens tumultus & seditioni propior in castris ortus. Hodunius præmissis bis mille & cc equitibus aditus omneis ad obsessos insideri jubet. ipse reliquum exercitus robur ad hostem ducit. Zaporius ut rumori per hostium castra disseminato fidem faceret, aciem instruit, lixis & omni comitatu quo major numerus appareret equos inscendere iussio. missi & qui auxiliares in propinquo visos confusis vocibus clamabant. Acriter initio ab Hodunio certatum. Polonis hastatis incumbenribus & mox crebrescente de auxiliaribus rumore, Russi cedere, & de defectione seu deditioe cogitare ceperunt. primusque Petrus Busmanus, tanto in honore à Borissio, dum viveret, habitus, cum aliquot clo ad Zaporium transiens, quam potuit alta voce in Borissianorum conspectu exclamavit, Demetrium imperii Mosci- ci legitimum heredem esse; proinde qui Moscico nomini bene vellent, se sequerentur. quo audito fremere universi, plerique transfugere, & Petrum sequi paratos se dixerunt. Tum ad Petrum se
aggre-

aggregantes proceres, 10 è suo numero ad Demetrium, qui Putivoli erat, miserunt, & benigne accepti in fidem ab eo adacti sunt. Id actum x kal. Iunii. Ioan. Hodunius summus copiarum imperator, (nam Mierislavius & Suiscus, qui post eum primas tenebant, superstitie Borissio & iubente Moscuam revertent,) è fuga retractus, quod coram Demetrio caput inclinare in signum subjectionis & Knesaris titulum tribuere detrectasset, in vincula est coniectus. in Borissii castris Lxx machinæ repertæ, & quædam tantæ magnitudinis, ut singulas bini viri brachiis circumdatas vix complecti possent. ut in castris, sic & Moscuæ secuta animorum magna inclinatio; & jam ad Demetrii nomen populo exultante, uxor vidua defuncti cum filio & filia in custodiam data fuerat: ubi hausto veneno mater, quæ sibi ob mariti odium & à Demetrii adventu metuebat, ultro periit, quod & filio & filiæ pariter, ut eos ludibrio victoris eximeret, propinaverat; & filius quidem ex eo pariter periit. filia contrario poculo statim sumpto servata est. ita scribunt, qui Demetrio favent. nam alii iussu Demetrii cum filio matrem veneno necatam, filiam ad stuprum servatam tradunt. magnum ad eam conversionem

sionem momentum attulisse dicuntur
 Germani, qui in Borissii castris milita-
 bant, qui transfugientes secum multos
 traxere. Biduo post solutam Cromi ob-
 sisionem magno procerum consensu
 Demetrius Moscuam petiturus viam
 ingreditur. Cromo Tullam itum, ibique
 biduum reficiendo militi datum. inde
 Orlam ventum; per vias occurrente ad
 novi principis spectaculum multitudi-
 ne. tandem vicesimis castris regiam ur-
 bem ingressus est xii kalend. quintil.
 Russorum imperator, magnus dux
 Moscoviæ aliarumque regionum prin-
 cept, & Astracani ac Cassani Rex, quas
 duas Provincias Ioann. Basilides impe-
 rio adjunxerat, festa populi acclamatio-
 ne salutatus. præcedebant Poloni equi-
 tes, more gentis lanceas cuspidē ferrea
 præfixas gestantes, cum tubicinibus &
 tympanis. hos sequebantur aliquot
 sclopetariorum cō, interque eos me-
 dius Demetrii currus sex junctis equis,
 inde equi sellarii principis preciosissimis
 mōnilibus & auro instrati. proxima
 secundū principem clericorum turba
 incedebat cum vexillis quadratis, in
 quorum singulis appensa erat aut Divi
 alicujus imago, aut Evangeliorum liber.
 Popæ B. Deiparæ Virginis, & D. Nico-
 lai, quem Mosci tutelarem colunt, ima-
 gines

gines præferebant. quorum agmen Patriarcha sive Metropolitanus, præeuntibus 1111 coryæphoris claudebat. interjecto aliquo spatio solus Demetrius candido asturcone vectus incedebat, hinc inde nobilissimorum & procerum catterva stipante:deducentibus Popis princeps ad templum B. Virgini sacrum venit, precibusq; conceptis inde ad D. Michaëlis archangeli ædem, in qua parens ejus humatus fuerat, ducitur: in quo cum rescivisset Borissium sepultum esse, è vestigio cadaver erui, & in aliud facellum humiliter extra urbem transferri mandavit. ædeis ejus peculiares transiens aspicere non sustinuit, sed missis operariis statim dirui jussit, addita causa, quod magico maleficio infames essent: & statua in loco subterraneo collocata dicebatur, lampadem ardentem manu gestans, artificio in speciem superstitioso, & defosso subtus pulvere nitrato copioso, rebus ita attemperatis, ut deficiente oleo & disrupta lampade ignis pulveri illapsus, domum à fundamentis convelleret, & proximas secum in aërem tolleret. sed fraude detecta statua antequam artificio suo noceret, comminuta ferebatur. quod illi superstes Borissius, idem mortuo Demetrius objectabat; ut sunt frequentes admodum

dum illis locis de magicis præstigiis suspiciones ac querimonias. Novus princeps inde in regum palatium protinus migravit, & publicam imperii administrationem avide capeffivit, à Russorum procerum familiaritate sensim alienior, & ad Polonorum externorum & Russis invisorum arbitrium cuncta dispensans. qua in re gravissime peccavisse à multis existimatur. nam justas causas habenti, sive hinc suspicionis, sive inde gratias, opportunius expectandum fuit tempus, ut animum renudaret, & quod mente conceperat, tempestive firmato imperio exsequeretur. sed præservido prurientis voluntatis desiderio, & eorum qui circa ipsum plus justo poterant suasu, effectum est, ut impatientia, omnis mora nimis longa videretur, & præcipitatis consiliis unà se fortunamq; in exitium miser juvenis præcipitaverit. Primi dies accipiendis proceribus insumpti & rebellibus puniendis. nobiles familiae amplius Lxx, quæ Borissium cognatione contingebant, vel à partibus ejus steterant, extra imperium deportatae, ut bona eorum, sicuti jactabatur, inter externos atq; adeo Polonos dividerentur, & novorum hominum colonias in Russiam deducerentur. Hinc prima odii in novum principem semina, quæ eadem

. & in

& in Hungaria fuerunt, his proximis temporibus. Quibus & tandem effectum, ut ad ea accedente contemptu, commotis proceribus Matthias regnum cum adjunctis & ex eadem successione venientibus provinciis vivo videnteque fratre Cæsare creverit. inter hæc severitatis initia insigne fuit clementiæ exemplum, quo Demetrius erga Theodorum Suiscium Romani fil. è Boiarico genere virum primarium ad mitigandam proscriptionum invidiam usus est; quæ ipsi fatalis fuit, occulto Dei iudicio ita res temperante, ut esset, qui debitæ pœnæ per benignitatis ostentationem exemptus, cæteros immerita pœna affectos ulcisceretur. is novi imperii pertæsus & pejora in posterum metuens, spreto periculo, cum cuncti in adulationem effusi ad pedes novi regis prociderent, solus fere pertinaciam servavit, contumacia sua ejus iram provocans, ac præterea injuriosis de ipso sermonibus sparsis, quasi advena & terræ filio, qui de Russici imperii templis cum infestis regni hostibus (Polonos his verbis designabat) evertendis cogitaret, & antiquam nobilitatem ascitis novis hominibus omnino exterminare in animum induxisset. ea de re cum se in procerum Senatu multis verbis (erat enim persuadendi

dendi efficax) purgasset, rejecta in auctorem calumniæ invidia, in Suiscium protinus comprehensum lata sententia fuit, qua ob verborum petulantiam, morti addictus est. & cum vi eid. quintiles, qui dies supplicio designatus erat, duceretur, & jam in genua prolapsus, post preces publice conceptas carnificis ictum expectaret, diplomate missio princeps executionem inhibuit; & mox vitæ gratiam fecit. post tantum favoris undique affluentis concursum, soli Plefcoviani in pertinacia perseverantes imperium detrectabant: quos ille missis literis, & venia præteritorum facta una cum Palatino ipsorum vix tandem ad officium inflexit, & in gratiam recepit. Hucusque fausta omnia ac fortunata imperii initia, & publice vota pro Demetrii salute nuncupabantur, cum Bôrissii contra nomen esset detestabile. Statim etiam cusa moneta ad memoriam principis & usum populorum. addant, qui in gratiam ejus scripsere, cum felicia omnia in posterum sibi de illius imperio pollicerentur, invidiosas in æratio divitias repertas, immensam & plures myriadas excedentem auri & argenti vim, duodecim margaritarum & gemmarum modios; quæ omnia aut ab ipso superstite brevi per profusiones

consumpta, aut ad ostentationem credita, cum ipso evanuerunt. Dicta dies inaugurationis ad kal. Septemb. fuerat, à quibus Russi annum suum, sicuti & Iudæi olim, auspicantur. sed multis de causis anticipandum ratus, Quintili desinente solemnitatem celebrari voluit: & ante eam, ut fides legitimæ successioni astrueretur, matrem Demetrii, quæ post filii cædem falso creditam Borissii iussu procul à regia exiguo monasterio inclusa fuerat, accersiri placuit. missus ob id honorificentissimus comitatus, & venienti obviam ipse pietate adfectata processit, conspectaque longe ex equo desiliens, pedibus aliquanto spatio iter fecit, & cum lacrymis in complexum ejus ruit, & aperto capite ac pedes currum maternum ad arcem usque persecutus est: unde illa paullo post in monasterium, in quod totius Russiæ virgines & viduæ nobilissimæ de more secedunt, cum gynæceo suo migravit. Toto hoc tempore à curiosis observatum, tanto sive vero sive simulato cultui matrem veri Demetrii, pari affectu respondisse, quæ ex tristi solitudine in lætam frequentiam retracta non poterat vel falsi Demetrii, cujus hoc beneficio id debebat, præsentia non magnopere gaudere. Regnum ineunti, post per-

actas ceremonias , P. Nicolaus Cnemicovius , è Iesuitico sodalities , luculenta oratione gratulatus est , pari à Senatu gratulatione exceptus. Ipsis Iesuitis amplum Moscuæ hospitium haut longe ab arce attributum , in quibus sacra more in Ecclesia Romana recepto libere peragerent ; & jam tum ipsis annitentibus animi sensum renudasset, nisi à Suiscio, quem modo dixi , qui jam tum de imperio cogitans firmandis rebus suis opportunitatem majorem quærebat , pro tempore prohibitus fuisset. Secura pace, ut sibi videbatur , foris & domi parata , proxima fuit cura de gratia benemeritis Polonis rependenda , de fœdere cum ipsis sanciendo, & nuptiis ac prole ad firmandum amplius imperium suscipienda. decreta ob eam causam honorificentissima in Poloniam legatio cœquitum, quam Athanasius Rosclovius Ioannis filius, regni thesaurarius obivit, qui xviii kalend. Decembris Cracoviam venit, & ad Sigismundum Regem introductus commissa mandata exposuit ; principio à Polonorum , quorum adversus levissima atq; adeo Russorum suorû suspecta ingenia opibus munire se decreverat, benevolentia captanda sumpto ; Non dubitare quin Rex & universus regni senatus magnam ceperit ex co

voluptatem, quod spe & omni opinione citius in paternum & antiquum regnum restitutus sit. ea in re & summam Dei benignitatem, & regis cæterorumque regni procerum, quibus secundum Deum hanc gratiam debeat, beneficium agnoscere, nec ejus. unquam fore immemorem. Cæterum animo versanti, quomodo Christiani nominis ac religionis fineis amplificare possit, molestissime accidere, quæ per tot annos damna ab infestissimo Turcorum tyranno regno ac ditionibus Christianis impune illata & inflicta audiat. dolere insuper sibi, Hungariæ regnum olim florentissimum tot vulnera ab eodem accepisse, & quotidie accipere; quod non probro invictissimi Imperatoris Rodolfi dicat, cujus cura & potentia sciat injurias à teterissimo vastatore illatas pari fortitudine vindicatas esse. nec mediocriter angi & tacita cogitatione cruciari, quod loca illa sanctissima. CHRISTI vestigiis impressa, ejusdemque vita, miraculis ac pretioso sanguine consecrata; à cruentis & nefandæ superstitionis sectariis infesta, citra reverentiam & cultum irreligiose conculcentur. ad ea recuperanda cum potentissimo Poloniæ Rege ac cæteris Christianis principibus conjungere vireis, & nec sumptu nec proprio

prio sanguini parcere decrevisse. interim æternum fœdus cum ipso sancire statuisse: eoque sine rogare, ut sibi cum bona ipsius gratia è Polonorum gente uxorem ducere liceat Georgii Miecinski Palatini Sendomiriensis filiam Annam Mariam. id beneficiis à patre exceptis se debere, qui & exulantem in Polonia honorifice exceperit, & pecunia ac milite in regnum redeuntem non citra vitæ periculum comitatus sit. Rex benigne accepto legato in hæc verba respondit: Grati ac benevoli animi testem legationem non posse non summa benevolentia excipere, vicissimque pro tam honorifica salutatione mutuum salutationem impertiri, eique & novo imperio omnia fausta comprecari. magnoque cum gaudio intelligere, tam brevi tempore regnum quod legitimæ successioni debebatur, recuperatum. justissimi doloris sensum non posse non summo opere laudare, quem de Turcorum successibus capiat; & de fœdere contra Turcos libenter assentiri, ea tamen in re nihil nisi de communi procerum ac totius Senatus consensu posse decernere. Quod vero Sendomiriensis Palatini filiam in uxorem petat, non solum se volente, sed optante id, illi facere liberum esse; ex eoque matrimonio, ut Dei gloria

amplificetur, & æternum inter potentissimas gentes fœdus sanciat, à divina maiestate vicissim petere ac sperare. Secundum hæc octavo post die fiducia-riæ nuptiæ contractæ, præeunte in verba Bernardo Maczieioveschi episcopo Cracoviensi Cardinali, epulo opimo nupta & parens ejus cum Legato Mosci-co à Rege excepti sunt. mensæ assidere ceterorum Principum & Regis Persarum, qui tunc in ea aula erant, orato-res. pro bellariis dona à Demetrio nup-tæ & parenti ejus missa sunt allata, quæ cc aureorum clo excessisse memo-rant qui hæc scripsere.

Moscicam sponsam, cum Moscico le-gato, parente, & patruo sponsæ, & toto gynæceo lente incedentem multi comi-tati fuerant, studio longinquas provin-cias lustrandi & nuptialium orgiorum occasione tanti imperii magnitudinem & opes in publicam lætitiā effusas vi-sendi. multi & lucri causā è Germania & Italia mercatores illuc profecti erant: quorum sperata gaudia tristis exitus frustratus est: nam plerique in illo ludi-drio vitam amisere, pauci sine ingenti damno mortis periculum evasere. lon-ginquitas itineris ex eo æstimari potest, quod cum exeunte Ianuario proximo in viam se dedissent, tantum sexto ka-lendas

lendas Majas Moscuam appulerunt, ubi aliquot dies antequam in conspectum mutuum venirent, consumpti sunt. septimo post die Petrus Basmanius qui in aula gratia pollebat, cum comitatu aulico, & ingenti nobilium Bojarici generis numero, sponsam in aream adduxit. in vestibulo, tubicinum, cornicinum, idque genus musicorum instrumentorum vario concentu salutata, & à sponso perbenevole accepta, vicissim illustreis matronas & virgines obviam profectas humanissime salutavit; & ex gentis instituto in ea haut diu morata, ad monasterium, in quo socrus principis parens degebat, divertit, ubi usque ad nuptiarum sollemnia se contineret. Quarto demum post die, jam cunctis ad magnificentiam comparatis rursus inde in conclave regaliter instructum deducitur, & postridie post preces vespertinas sollemnia celebrata sunt, verba faciente Russorum Patriarcha. Regina itidem coronam sumpsit sollemni ceremonia; in qua sceptrum, pomum, & ensis Imperatori marito (hos enim titulos Russorum princeps sibi sumit) prælata. corona Imperatricis capiti imponenda, pulvinari holoserico rubri coloris itidem prælata; templi parietes aulæis ejusdem coloris aureo filo sim-

briatis regia magnificentia velati erant. inde vir & uxor uterque coronam capiti impositam gerentes eadem pompa inter grandem musicorum & bellicorum instrumentorum strepitum in arcem reducti sunt: ubi nox, ut in tali re, hilariter transacta, non tamen vacuo à gravibus curis Demetrii animo. multa illum conjuratione ante vi menseis adulta & jam urgente terrebant; adversus eam externas opes & præsidia novus princeps parabat & jam ab initio Germanos satellites ex Polonia adduxerat: quod cum Russos ægre ferre intelligeret, tanquam qui plus peregrinis hominibus, quam indigenis regnorum suorum subditis fideret, eaque res etiam exemplo careret; (nam neminem decessorum externo satellitio usum;) non satellites tantum, verum etiam cunctos aliarum nationum milites, quos circa se habebat, præcipitato consilio dimisit; Russis rem gratam facturum se ratus; illi vero sine stipendio plerique dimissi indignam meritis suis gratiam referre quærentes, ad confinia cum Polonis itidem dimissis se contulere, & inaudita sævitia diu grassati sunt; quod Russos jam alienatos non parum exacerbavit. nec deerant procerum quorundam, qui vel Demetrii nataleis su-

ſpectos habebant, vel conſilia & mores non probabant, prouumque in externos & Polonos favorem indignabantur, inſtigations. inde in dies alia atq; alia coitiones, quæ primo per ſuſpectorum crebras quaſtiones, flagellations, exſilia, proſcriptions, ſupplicia, caedeis imperatas irritatae magis quam reſreſſae ſunt, & ad extremum in apertam defectionem deſierunt. id cum periculo proximo præſentiret Demetrius, dimiſſi militis ſera ſubeunte poenitentia, novum ſatellitium è Livonis & Germanis ſcripſit, quibus & è Gallis, Anglis, Scotis centenos addidit. Gallorum id armorum genus, quod pertuſanas appellant, ferentium centurio erat Iacobus Margaretus Sequanius, quem nos poſtea vidimus. Veſtitus iis, ex hoſerico auro intertexto. Inter Anglos Matthias Cnotſemius; inter Scotos Albertus Lanta centurionis officio fungebatur. iis arma bipennes, & veſtitus ex hoſerico feſtis diebus, profeſtis ex rubro panno optimo. Tum ſtipendia ſolito maiora & pro dignitate procedebant, ſera & infirma adverſus peſtem imminentem ſubſidia. Paulo ante diverſo itinere Polonicus legatus venit Alexander Goſenſkius Corvinus, cum donis, multi pretii: qui literas à Rege ſuo ad De-

metrium habebat ; quæ , quia Imperatoris & Monarchæ titulus ascriptus non erat , nec acceptæ nec resignatæ sunt. iis excusandis æcria nec Russis ferenda verba à legato addita ; Iret , & Turcorum tyranno hos titulos eriperet. quæ tamen caute Demetrius dissimulavit , opes Polonorum jam salutareis expertus , & in posterum necessarias judicans. Dies sequentes inutiliter inter ludos & desidiam consumpti. qui muneribus mercatorum pro more gentis accipiendis impensus est , in Saturni diem incidit festo tunc inter Russos maxime solemnem , & quem illi superstitione Paschali præferunt. Inde ad odium jam manifestum nova offensio , cum viderent imperatorem suum & imperatricem coronatos in cænaculo pompa regali sedentis acceptis donis nuptialibus sumptuosum epulum tam suis quam exteris præbere. Aderat Polonus legatus , qui denuntiari antè jusserat , nisi locus in mensa principis , sicuti Moscico Cracoviæ factum fuerat , sibi daretur , ad convivium omnino se non venturum. quod enixe à Russis primo negatum , ac tandem à Demetrio concessum. multa in eo petulanter & licentiose acta , ac fere inter rixas , Polonis quasi victoribus in Russos subjugatos intemperanter ac superbe

perbe se gerentibus. Postridie in patinis deauratis fercula ostiatim iis qui munera attulerant, circummissa: sed ne quis munus munere compensatum putaret, mox patinæ repetitæ. inter tubarum clangores & tympanorum aheneorum fragores aliquot dies exacti: machinæ etiam bellicæ displosæ, & ad castellum ligneum militari specie ludicrum certamen commissum. Iamque conjurationis indicia undique afferebantur, ante novæ sponsæ adventum initæ, sed dilata à Russis, qui Polonorum spoliis inhiabant, qui & tantam de ea fiduciam ceperant, ut, ne mora languesceret, minime vererentur. Demetrius initio præfidens, tum demum metuere cœpit, & Polonos, ut sibi caverent, monuit; ipse satellites novos omneis in aulam accersivit. jamque dies Veneris inierat, & cum hinc ad defensionem Poloni, hinc Russi contra eos se pararent, (nam inter eos solum, non etiam contra principem, certamen futurum putabatur,) sub vesperam à proceribus populo denuntiatur, ut postridie in armis præsto esset: imperatricē interim secura, quæ ingenti magnificentia epulum Domini-
ca die celebrandum apparabat. verum non ulterius cunctandum rati conjurati, Saturni die, qui in xvi kalend. Iunias
inci-

incidebat, summo mane conveniunt, aggregante se ad eos non solum nobilitatis globo, sed plebeia multitudine: moxque inter eos promiscuus tollitur clamor ad Polonorum & Demetrii eadem se cohortantium. alii prædæ avidi confestim ad Polonorum hospitia properant, eaque obvallant, expugnant, diripiunt, cædibus cuncta permiscunt. alii ad arcem tendunt. rari in ea satellites, quasi mora in Demetrio securitatem, in conjuratis alacritatem augeret, nec quisquam præfectorum visus. Margarethus ex morbo decumbebat, sicuti mihi postea narravit, qui fuit illi salutaris. tanta celeritate ac furore res acta, ut plerique Russi Polonorum more vestiti, antequam agnoscerentur, sint interfecti. in arce cum pauci satellites arma corripuissent, moxque posuissent, Petrus Basmanius ad tumultum seminudus venientibus occurrit, & à domestico quodam suo confossus est. Suiskius, qui agmen ducebat, altera crucem, altera gladium strictum manu gestans sub id majus tintinnabulum in incendii signum pulsari imperat, ut Demetrius excitaretur, & extra conclave procurreret: fama per urbem ad plebem accendendam sparsa, Polonos in armis esse, & Russos ad internecionem delere constituisse,

stituisse. Demetrius strepitu excitatus, cum non jam incendium, sed majus periculum instare cerneret; acinacem Turcicum corripit, & per fenestram subito se demittit, præcipiti lapsu femore luxato, ex quo vix resurgens & claudicans statim à circumfusa turba capitur, & in majorem aulam, in qua oratores externorum principum audiuntur, Suiskii jussu ducitur. ibi cum quidam è Bojariis prodicionem, imposturam, vitam sceleratam ei injuriose exprobraret, ille, ut erat ad iram promptus, acinacem, quem gestabat, subito strinxit, tantoque impetu libravit, ut hominem humi uno ictu straverit. inde ad proceres conversus humiliter rogavit, ut sibi populum alloqui liceret, & quicquid erat palam confiteri. quod illi negatum. Alii aliter narrant, & cum se premi videret, à Suiskio contendisse, ut de impostura sibi objecta per Ioannis Basilidæ, quæ in urbe erat, uxorem veritas exquireretur. nam si quidem illa se Demetrium non esse diceret, non recusare, quin protinus morte afficeretur. Suiskium autem feminam è proximo monasterio accersi jussisse. quæ coram proceribus religiose sacramento adacta, Demetrium Ioannis Basilidæ ex se genitum filium, ante plures annos insigni Borisii perfidia im-

magi.

maniter occisum esse affirmavit: se vero ad tantum populi favorem ac concursum initio dissimulasse, neque ægre vidisse & tulisse eum, quem teterrimo tyranno dejecto Demetrii veri ultorem à Deo suscitatum putabat. quibus intellectis, cunctos in impostorem è vestigio ruisse, eumque multis vulneribus confecisse. Hæc ita in Petri Patersoni Vpsalensis, qui in Russia tunc erat, relatione perscripta sunt: cum alii, qui de Demetrio adhuc dubitant, in conjuratorum invidiam torqueant, quod paucorum dierum princeps, cum suppliciter id peteret, publice non auditus sit, & quicquid tandem confessus est, ab ipsis caute sit suppressum, & satellitem quidem Germanum qui aderat, cum herus interrogaretur, ne quid per illum emanaret, unà interfectum fuisse. ipsi autem crudeliter lancinato, funis per pudenda transmittitur, & corpus projectum per cœnum ad forum trahitur; ubi miserabili utique spectaculo, ut erat luto & sanguine fœdatum, per quatrimum in mensa extentum jacuit, & sub ea Petri Basmanii, qui fidem semel datam constanter usque ad exitum servavit, cadaver. ad majus ludibrium ventri supino cæsi principis larva obscenæ & prodigiosæ deformitatis imposita, inter gy-

naeci cimelia, ut ajebant, reperta; & fistula utricularis, qua Poloni rustici utuntur, ori inserta, cum denario promusici cantus auctoramento, sive, ut alii interpretabantur, quem pro portorio transiturus ad inferos solveret. Hæc crudelis lascivia in mortuum exercita, quem vivum procures nuper tanta veneratione coluerant. Sendomiriensem, quod diversorium delectis firmatum haberet, insecsis aditibus claudere contenti, ad aliorum Polonorum domos diripiendas discurrunt, multi se gnaviter defenderunt, nec inulta mortē ad extremum numero victi ceciderunt. unus Viteneskus cum Russorum impetus cum multa cæde aliquoties repulisset, ubi machinas adduci vidit, vexillum album in deditiois signum extulit, pecunia per suos, qua patebat aditus, (sic enim jussērat,) sparsa; cui legendæ intento vulgo, ipse cum suis gladio sibi viam aperuit, magna strage edita, & mox à Bojaricis ex arce supervenientibus in fidem est receptus. Misera sponsa non solum inæstimabili gaza, sed mundo domestico spoliata, tantum de patre & patruo sollicita, belle secum actum iri putabat, si omni re exuta, ceterum vita salva in patriam, unde cum tanta pompa nuper venerat, reduceretur. interea
 prece-

precarium spiritum ducens exigua spe,
dum vulgi furor desceveret, sine veste
qua se tegeret, sine lecto cui incubaret,
vili indusio velata exspectabat. Nec mi-
litares tantum viri, & qui Demetrium
secuti fuerant, sed mercatores multi
male habiti. Ambrosius Cellarius præ-
ter xxx aureorum clō jacturam, in illo
conflictu vitam amisit. Iacobus VVinus
proprio ense capite truncatus. Nathan
vita salva cl florenorum clō, Nic. Lim-
burgensis L jacturam fecere. Nemtescius
institor Polonus pridie quam cædes fa-
cta Demetrio gemmas aliasque merces
pretiosas dederat. Duo Augustani ultra
ducenties millium aureorum, quos De-
metrio crediderant, debito defraudati.
Marcellius c florenorum clō amisit. Alii
in illo tumultu clō cc Poloni interce-
pti, plures à Bojaricis servati; cccc Russi
desiderati. Rabies tandem cum solis
occasu occidit, & nocte illa totis plateis
altum silentium fuit. vix à plebe furiosa
impetratum, ut jacentium corpora post-
quam in cæno per triduum volutata
sunt, in cœmeterio Germanorum terræ
mandarentur. Sedato tam cruento tu-
multu à Bojaricis in consilium itum, &
prima ac inprimis seria de principe eli-
gendo consultatio fuit, ne vago imperio
materia novis motibus subinde exori-
turis

curis præberetur. ibi Suiskius, qui multorum favorem in se inclinare cerneret, quo sibi magis eos conciliaret, & prætorum invidiam à se amoliretur, hac oratione usus dicitur: Dirissimi tyranni odio, Proceres & cognati, & amici charissimi, multa à me admissa agnosco, quorū piget pœnitetque; sed præcipuus erga principalem familiam cultus, & patriæ charitas culpam excusare debet, & jam in ea emendanda vobiscum non parum elaborasse videor. Deus maximo huic inter Christianos imperio principes antiqua origine & longa serie ductos dederat, quos Ioannes Basilides ordine successionis excepit; qui quantumvis à multis injuriose proscillius, tot regalis fastigii, adjunctis ad imperium paternum regnis amplissimis, monumenta post se reliquit, ut, quisquis imperii amplificatione gaudet, non possit non magnopere ejus animi magnitudinem laudare. ab eo olim missus pacem cum Stephano Polonorum Rege feci, ab eoque tempore ita in republ. & pace & bello versatus sum, ut nemo studium, curam, charitatem merito desiderare possit. vivis exempto Ioanne res labare cœperūt, Theodori infirmitate; ad quam & accessit fatalis orbitas, ut non tam virtute principis, sicut antea, sed alieno arbitrio

imperium regeretur. uxore sterili abdīcata, uti per regni leges fieri oportuit & licuit, ne aliam duceret, qui impedivit, is in imperio, ad quod jam tum aspirabat, successit, altero herede puero interim per sicarios insidiosē sublato. postea sublato ipso latentis veneni vi, ut creditum est, Theodoro, & occasione affinitatis, Borissio (ad nominis invisī mentionem horret animus) ad imperium evectō, quæ non lamenta, gemitus, calamitates, ac desolationes, toto quo rerum potitus est tempore, fuerunt? Itaque Demetrio, quisquis tandem ille fuit, (nam impostorem fuisse minime nunc ambigitur,) venienti, & nos à jugo dirissimi tyranni liberanti, fateor, manus dedi, & ut eum pro legitimo regni herede acciperetis, cum sententiam meam rogaretis, suasi & auctor fui. sed mox subeunte pœnitentia, cum peiora ab eo, quam quæ nuper passi eramus, jure meruerem, religionem majorum periclitari, leges antiquas violari, exoticos mores invehi, libertatem patriam everti, externos homines cervicibus nostris imponi cernerem, audacter relliti, & cultum, qui legitimo principi debetur, huic novo tyranno cum vitæ periculo deferre detrectavi. dolet mihi summo pere huic vitam debuisse, qui mortis jus
in

in me non habuit ; sed debui , ut latroni, qui, cum posset , non eripuit. & tamen hic aliquandiu me scrupulus retinuit, dum plus famæ, quam conscientiæ & salutis publicæ tribuo. vicit tandem pietas, & patriæ charitas, & cum vos viderem adeo bene animatos , me ducem vobis præbui, plus de regni incolumitate & magnitudine, quam de rumoribus sollicitus. itaque consilium tam justum, tam honestum , tam necessarium ac salutare, atque utinam non tam cruentum , concordēs unâ suscepimus , quod Deus regnorum unicus dispensator exitu probavit. nunc cum crudelissimum Tyrannum à nostris cervicibus depulerimus , nec sit , qui præstigiis suis magicis , & imposturis amplius Russico nomini illudat, restat, ut extincta, pro dolor ! antiqua principum stirpe, quem in familia non habemus , in republica quæramus. eum autem quærere debemus, qui generis dignitate præcellat , & ante omnia majorum sacra , ceremonias , ritus religiose colat , cunctas virtutes sublimitate regia dignas adjunctas habeat , experientia rerum per ætatem valeat , qui non pompa & fastu maiestatem regiam , sed justitia & temperantia tueatur, qui firmas regnorum arces in suorum benevolentia sitas putet,

& populorum opes & divitias de ærario securus proprias existimet. cum talem dico, fortasse me fingere putatis eum, qui non sit, & vix esse possit. at boni & laudati civis votum est, eum optare principem, qui optimus sit, aut si non sit, qui talis esse à subditis existimetur. Quibus dictis missi in suffragia procures protinus eum in principem delegerunt. ille autem primo modeste se excusavit, & post gratias actas principatum concordibus votis honorifice delatum cupide amplexatus est. id actum XIII kalend. Iun. ante omnia scripto publicato, ut jure cæsum Demetrium omnibus appareret. mortuo erimini datum, quod ex vili homuncione monasticam in cœnobio, quod in arce est, professio se pro Ioannis Basilidæ filio gessisset; nam ei verum nomen Griskæ, sive Gregorio Strepio fuisse; itaque nunquam cœnobium illud intrare voluisse, ne à monachis agnosceretur. adolescentem autem bonis literis operam dedisse, & historiarum lectione se exercuisse, musices item peritum fuisse, eoque in genere ministerii Patriarchæ aliquandiu inservisse; magiæ iidem additum fuisse, eoque maleficio multas victorias obtinuisse, & ad imperium pervenisse, magna nominis Russici infamia.

nia. Objecta itidem hæresis, quod nec gentilitia jejunia aliosque dies festos, & solemneis in Ecclesia Russica ceremonias observet. insuper datam ab eo fidem Pontifici Romano ad extirpandam majorum religionem; prolataque Pontificis literæ, siue veræ siue falsæ, ut quod promiserat cito præstaret, & Iesuitis templa, collegia aliaque necessaria abunde subministraret, adhortantis. Prolatæ item & recitatæ literæ, quibus Smolo-sciensem Palatino Sendomiriensi socero, filia uxori Novogradiensem principatum, filiis vero soceri & affinibus Dibiriensem præfecturam attribuebat. Objectum & quod de magnatibus & nobilibus interficiendis, & Polonicis familiis in eorum locum substituendis cogitaret: in id specie certaminis ludicri tormenta muralia producta quibus urbem oppugnaret, & in miseram servitutem redigeret. & libertate Bojaricorum oppressa absolutam in totum imperium potestatem usurparet: querelæ item cumulatæ procerum & aliorum, quod nullus ad ipsum pateret aditus, multiq; non auditi à conclavis foribus per ostiarios injuriose repellerentur, cum Poloni intus admittebantur. si qui audiebantur, jus petentibus minime reddebatur. Impensæ & nimius luxus mortuo

exprobratus, quibus nullæ opes, nulla vectigalia satis esse possent. thronum ex argento inaurato sibi fabricari iussisse, cujus latera seni leones hinc inde gradibus divisi ambiebant; quo fastu nullus decessorum fuerat usus; ut nec illo, quo sceptrum & coronam sibi tanquam Regi præferri voluit: gemmis præterea & unionibus aliisque exoticis mercibus coëmundis, tum immodicis in ganeones, parasitos, moriones, citharædos largitionibus ærarium exhaustisse arguebatur; magnam insuper pecuniæ vim in Poloniam misisse, nullum interim benemeritis honorarium aut stipendium persolvissè. Additum horrendum crimen, quod Borissii filix, cujus matrem & fratres necari iussèrat, vitæ gratiam fecisset, ut eam postea stupro contaminaret, quodque monasterium, in quo sponsa diversabatur, frequentans, indignis spectaculis, saltationibus & impudicis cantiunculis profanasset, virginum devotarum aureis & oculos cum publica indignatione offendisset, plerasque ex iis stupro itidem inquinasset; monachos & alios devotos indignum in modum habuisset, quosdam etiam flagris affecisset. monasteria ipsa rapacitate inaudita spoliaisset, grandi pecunia ab iis mutuo sumpta, quam nunquam

quam erat redditurus. omnium etiam
 damnorum quæ Poloni alique milites
 dederant, culpa & odium in ipsum de-
 rivabatur. ejus jussu five prævaricante
 indulgentia Astracam secundum Vol-
 gam late porrectam provinciam, ejus-
 que portus omneis, omni mercimonii
 è Persia proxima advecti copia abun-
 danteis, à piratis & prædonibus di-
 reptos. Postremo Polonorum tanquam
 in regno armis parto insolescentium
 superbia exaggerata, per quorum effe-
 ratam libidinem ne quidem licebat ma-
 gnatum uxoribus in publicum prodire.
 plerasque etiam è domibus & quasi è
 maritorum sinu abreptas; &, cum fre-
 quentes querelæ de hac inaudita pro-
 tervia ad Demetrium deferrentur, nul-
 lum tamen in delinquenteis statutum
 fuisse exemplum. unum tanto tempore
 judicum sententiis damnatum, sed cum
 ad supplicium duceretur, occiso carni-
 fice à Polonis quibus nihil non licebat
 impune, è lictorum manibus ereptum
 fuisse. Postremo ad plenam imposturæ
 fidem faciendam, cum sub id insolito
 his mensibus gelu fruges ubique adu-
 stæ essent, plebe jam cædibus efferrata
 id ad iram divinam referente, miseri
 Demetrii corpus, quod extra urbem
 loco profano conditum fuerat, subito

refossum, & publico judicio igni consumptum est, cineribus in aërem sparsis. Verusne an falsus hic Demetrius fuerit, fama in ambiguo reliquit, quæ ut cum nuper, diu postquam interfectus putabatur, blandiente primis auspiciis fortuna suscitaverat, ita rursus postquam ab omnibus visus mortuus & creditus est, denuo per novum ludibrium suscitavit, sparso rumore, alium rursus pro Demetrio in arce occisum esse: ipsum autem se cauta celeritate cum paucis in tutum subduxisse. rumori ex eo fides accessit, quod in hippone xiiii loca equis generosis vacua in illo tumultu reperta sunt, quos ille, sicuti jactabatur, fugiens secum abduxerat. itaque qui res turbatas in Russia malebant, adjunctis sibi Cosacis genere hominum impacato & ad prædas & violentiam militarem nato, cum Suiskium regno inauguratum minus patienter ferrent, hoc colore arma sumpserunt, & Demetrio, nusquam postea viso, pro duce usi, bellum cum Suiskio obstinate gerentes diu post Russorum credulitati illuserunt, fidemque primo Demetrio habitam hac nova impostura non mediocriter infregerunt. Post scriptum hoc ad leniendam facti invidiam publicatum prima cura fuit, ut legatio in Polo-

Poloniam decerneretur. Serius legati à Sigismundo admissi, cum motibus domesticis in regno laboraretur, ineunte Ianuario. De Sendomiriensi, qui interim arctiore cum filia custodia tenebatur, præcipue querebatur novus princeps, illum clandestinis artibus, largitionibus ac promissis, multorum in Russia animos sibi conciliasse, eorumque ope & auxilio maledictum illum monachum necromanticum & spurium (sic Demetrium vocabat) in Russiam cum filia traduxisse, qui nefarie occupato regno peregrinam religionem cultumque Dei his regionibus ignotum introducere, templa præcipua occupare, & tantas turbas dare ausus esset; ut cæ amplius summæ dignitatis procures in iis perierint. Ceterum cum apud ipsum inventæ sint literæ quæ fidem faciant, hæc omnia consiliis & ope Polonorum facta esse, itaque rogare Suam Majestatem Russorum procures, diserte respondeat, an ipse earum rerum particeps fuerit, & consensu suo probaverit. nam si iussu suo facta sunt, suam Majestatem satis intelligere, pacem à decessoribus tam religiose iuratam eo facto violatam esse, & belli inter eos solam viam restare. præterea petere, ut pecunia & alia ab impostore illo in Poloniam,

transmissa, si pacem malit, restituantur, & bona mercatorum à fisco possessa veris dominis reddantur. nisi faciat, decrevisse bellum ipsi denuntiare ac in Poloniam cum potenti exercitu descendere, & conjunctis cum Carolo Sueco Sudermaniæ duce copiis tantas injurias manu armata ulcisci. Ad hæc Sigismundus, qui motibus intestinis regno laborante, gentem præferocem nollet lacerare, summa moderatione præterita excusavit, nihil se aut Sendomiriensem fecisse, quo pacem inter Polonos & Russos innatam violasse dici possent. legitimum heredem, quem talem semper credidit, in regnum reductum. eo sublato restare, ut damna utrinque accepta sarciantur, & pacis inter utramque gentem instaurandæ rationes quamprimum ineantur. Ita sine belli necessitate discessum. Interea Poloni & Germani alique ad clō lo caute à Suiskio novo principe ad exonerandam Russiam dimissi, xv kalend. quintil. quibus, quia re omni spoliati erant, singulis vestes singulæ è panno vili donatæ sunt, cum exigua stipe, quæ vix ad limitem deductis sufficere potuit; ut per vias turpiter mendicare cogerentur. in tres autem turmas divisa omnis turba, ne quid conjuncti in limite mo-
liren-

lirentur : ccc via quæ Smolenscum ducit, 10 in Livoniam, & 10 c c per Vidim & Ploschoviam deducti sunt.

Extat apud Purchasum exemplar literarum ipsius Basilii Iohannis fil. Suiscii ad magnæ Britannix Regem ; quibus inter alia scribit, Demetrium illum fuisse vero nomine Yovvshco, Bovvgdani Otreapyove fil. in oppido Galitz ; & in monasterio Chovvdo attonsum, ob crebra facinora tandem fuga se subduxisse in Lithuaniam, ibique Polonorum instinctu technas hasce commentum, quæ Russiam tantis cladibus cumularunt.

Porro Suiscii haud melior fortuna nequæ fama fuit ; quippe quem malis artibus & Tartarorum ope multos nobiles sibi suspectos interemisse scribunt, & inprimis tres fidos sibi ministros, cognomine Michaëlides ; quia è sortilegis & divinis intellexerat, quemdam Micholovvich ipsi in principatu successurum. Poloni quoque haud segniter novum Demetrium in scenam produxerunt, (& si vera narrant Angli, etiam conjugii alterius per hunc illuserunt, licet hic priori omnino esset dissimilis,) qui quum metropolim Moscoviam arcta obsidione jam premeret, auxiliis per Sueciæ Regem Russiõ submissis territus suos deseruit, & noctu cum paucis aufugit.

git. Interim Poloniæ rex cum maximis copiis in Russiam descendit, & Smolenskam obsedit; & mox alter Polonorum exercitus una cum novo hoc Demetrio Moscuam. Suiscius denique, ad extrema redactus, quum monasterium esset ingressus, à furente vulgo extractus, & Polonis una cum arce fuit traditus. Poloniæ quoque Rex post diuturnam obsidionem Smolenska positur, anno 1610, mense Iulio; & cum captivo suo in Poloniam revertitur. Longum esset, neque hujus operæ, referre omnia quæ crudeliter utrimque in Russia gesta fuerunt; Historiographis ista relinquimus.

Postquam Suiscius in hunc modum principatu excidisset; mera anarchia in Russia aliquandiu fuit. Nam australes Russiæ provinciæ ad Vladislauum Poloniæ Principem se applicuerunt; septentrionales alium requirebant; reliqua Demetrii cum novo marito res novas in Astracanenfi provincia moliente. Legatio ad Poloniæ Regem decreta, & pacta quæ inter supremum exercitus Poloni præfectum & quosdam Russiæ magnates intercesserant ex parte confirmata: à quibus tamen Russi, animorum inconstantia, & peregrini dominatus metu, quantocius resilierunt; mul-

multum indignante Polono , qui & Cancellarium Russiæ Albertum Iuano-
vitz Mscislavvsky detinuit.

Dum omnia in Russia perturbatissima sunt; quietis lux affulsit ex inopinato unius hominis , & quidem ignobilis , audaci pariter & forti facinore. Is fuit (uti memorant) Ianius quidam , vir robore præstans. qui circa Dvvinam in partibus septentrionalibus , in nobilium ignaviam & quæstorum rapinas invehens apud vulgus, author ipsis fuit ut fortem aliquem virum in Ducem sibi legerent , & fidos quæstores constituerent, atque ita forti animo Polonos è finibus suis eliminarent. Assensit vulgus, & ipsius consilio usum , nobilem quendam inopem , sed militiæ valde gnarum , & rebus bene gestis clarum, atque è vulneribus quondam acceptis jam debilem , (Pozarsky illi nomen,) sibi in Ducem elegerunt, & Ianium hunc ærario , quod promte ab ipsis congestum , præcæperunt. Vterque autem tam fideliter & fortiter suis partibus functus est , ut magnus exercitus quantocius collectus , & Moscuvam ductus , Polonos ab obsidione arcis discedere coëgerit. Dehinc Knesio Demetrio Mastrovskovich Tartaro, qui alia parte cùm exercitu Cosacco-

rum

rum res gerebat, sibi adjuncto, cum Borissio Liciu, militari laude inter Russos claro, deliberare cæperunt de eligendo Principe qui universis Russis imperaret. Variatum primo sententiis; sed tandem convenit, filium Cancellarii in Polonia captivi Michaëlem Phederovvich in Russiæ Principem assumere. Legati dein ad vicinos reges & principes, nec non longinquos missi; &, legatis magnæ Britanniæ regis, aliorumque Regum, principumque, atque adeo & fœderati Belgii Ordinum generalium, annitentibus, pax cum Sueciæ Rege, & induciæ cum Poloniæ Rege perfectæ; & pater Principis è carcere dimissus in Russiam rediit, &, Patriarchæ dignitate assumpta, rerum summam una cum filio feliciter hætenus moderatur.

I X.

De Samoëdarum moribus.

A Belgis nostris fuit observatum, Samoitarum habitum & mores feritatem quidem præferre; esse tamén ingenio satis capaci & ad res percipiendas idoneo, quum & de maris vicini natura apposite responderent. Vestitum habent è pellibus renonum, quibus à capite ad calcem usque muniuntur. Co-
ma

ma omnibus promissa, eaque in cirrum composita de scapulis propendet. Statura illis brevis, facies lata & plana, oculi parvi, crura brevia, genubus prominentibus. Agiles sunt, cursu juxta valentes atque saltu. Trahas eorum renones promovent, tam celeri cursu ut equos superent. Sunt idololatræ, habentque sigilla quædam lignea, im-polita & rudia, quæ numinis loco colunt precibus & sacrificiis. Nullas habent urbes, sed gregatim in campis degunt. regunturque à senioribus aliquot. In victu sunt immundi; victitantque ferina fere; frugum panisque penitus ignari. Optimi sunt sagittarii: accepto namque nummulo, & stipiti affixo, tam certo è longinquo ut vix videre illum possint eum tangunt, ut miraculo sint intuentibus. Arcus è lento & flexibili quodam ligno fabricant: sagittas lapidibus acutis aut piscium spinis asperant: ejusdem spinas pro acubus usurpant; uti & nervos quorundam animalculorum pro filis. Tuguriola sua pellibus alcium & similium animalium conte-gunt. Divitiarum ipsis magnus contemptus; adeo ut ne pretiosas quidem pelles, quibus supra modum abundant, ullo loco habeant.

Magnus Moscorum Dux.

Magnus Dux Moscorum est dominus amplissimæ regionis, inter cujus fines comprehenduntur multæ ditiones. Septentriones versus pertingit ejus ditio ad Oceanum septentrionalem, protenditurque à sinu Graduico ad Oby fluvium: à meridie continuatur ejus imperium, secundum cursum fluvii Volgæ, ad mare Caspium usque: ad occasum attingit fines Livoniæ, habetq; fere pro termino Borysthenem, sicut ab ortu Volgam. Dicunt aliqui, totum hoc Imperium in longitudinem protendi ad tria milliarium millia, in latitudinem ad mille quingenta, quo spacio continentur 15 Ducatus, 16 Provinciæ, & duo regna. Mosci quondam Tartaris subditi erant: nam Boido eorum Princeps anno 1140 subjugavit totam Moscoviam; sed Iohannes I Magnus Dux confisus discordiis Tartarorum, qui se mutuo vexabant, negavit eis tributum. Progressu temporis, cum à Tartaris Precopensibus superatus esset Ammetes, ultimus successor Boidi, qui mortuus est Vilnæ, adjunxit Magnus Dux suæ ditioni Permiam, Veatiam & Iugriam, quæ Ammeti subditæ erant.

Crescentibus itaque semper magnorum Ducum viribus, cepit Basilius Cazan, & Iohannes II Citrachan provincias, quæ nomina regnorum habent. Ut dicatur quod verum est: Magni Duces valde dilatarunt suum imperium: ceperunt magnum Ducatum Severiensem & Smoloscensem. Bielschiensem, Prescoviensem, Novoguardiensem, Iaroslaviensem, Roscoviensem, partim à Polonis, partim ab aliis principibus: occuparunt magnam Livoniæ partem, feceruntque se terribiles vicinis. Principes & primariae civitates harum provinciarum sunt Mosqua, ubi Metropolita habitat: Roscovia & Novoguardia sedes Archiepiscoporum: Gortisa, Resania, Columna, Susdelia, Casanum, Vologda, Tueria, Smolenzco, quæ Episcopatus sunt: deinde Plescovia, Porcovia, Staricia, Slaboda, Iaroslavia, Volodomeria, (unde Imperii sedes translata est per Iohannem II in civitatem Mosquam,) Moisaiconum Nicolai, Sugana, Vstiud, Cargapolia. Princeps habitat in civitate Mosqua, quæ nomen sumit à Mosco flumine, quod 90 milliaria altius oritur. Fuit civitas Mosqua quondam major, quam nunc est, habebatque in circuitu novem milliaria, sed postquam anno 1570 direpta, flammisque tradita

fuit à Tartaris Precopenſibus , non habet nunc in ambitu ultra quinque miliaria , ſtabulanturque in ea cum hominum 30 millibus boves , aliaque talia pecora , ſecundum relationem , quam Poſſevinus , non minus iudicio bonus , quam diligens ſcriptor fecit. Novoguardia cognomen magnæ habet , & tamen idem ſcriptor ei attribuit ultra 20 habitatorum millia , ſicut & Smolenzko & Pleſcoviæ. Quod mihi difficile creditu videtur , ſi verum eſt quod alii ſcribunt , ſcilicet quod cum Pleſcovia obſideretur à Stephano Rege Poloniæ , in ea fuiſſe 50 peditum & 7 equitum millia : is numerus adeo magnus eſt , ut quamvis totus ex indigenis compoſitus non fuiſſet , requirat tamen frequentiam hominum ſupra dicta majorem. Vbi enim princeps intrudit implicatque 57 pugnatorum millia , neceſſe eſt , ut ordinarius inhabitatorum numerus multo major ſit. Volunt quidam hanc regionem præteritis temporibus frequentius inhabitatam fuiſſe : ſed quod poſtea tribus de cauſis habitatoribus infrequentior facta ſit : prima fuit peſtis (res nova in Moſcovia) quæ multa hominum millia abſtulit : altera principum crudelitas , qui multos , potiſſimum nobiles , occiderunt : tertia

excur-

excursiones & deprædationes Tartarorum Præcopitarum & Nagaïorum, qui nunquam quiescunt, nec vicinos quiete frui sinunt : non deprædantur solum agros, sed & abducunt totos populos, quos postea vendunt Turcis, aliisque gentibus. Ut uno verbo dicam, Magnorum Ducum irruptiones in longinquas regiones magnam fecerunt vastitatem. Nulla in re melius perspicitur principis prudentia, quam in bene dispendiando, quæ expeditio suo statui sit futura damnosa aut utilis, & dum duci se non patitur vana specie amplitudinis arripiendæ, quæ non sit ei futura firma & stabilis, sed securitatem suam turbatura. Is enim, qui ea spe ductus ut statum suum amplificet, eum aut populo aut opibus enervat, mihi similis esse videtur illi, qui ut muros & tecta suæ domus altius tollat, conscindit fundamenta ædificiî. Totius dignitatis caput est, conservare : sed acquisitiones illæ, quæ sunt diminuendo vires proprias, illi legi adversantur : cumque acquisitiones sint tanquam insitiones, conditionem imperii meliorem, non deteriorem facere debent. Sicut enim sunt insitiones, aut ad nobilitandam, aut ad domesticam reddendam arborem sylvestrem, aut ad

plantam infrugiferam emendandam, & ut fertilis sit faciendum, ita & expeditiones principum tales esse debent, ut commoda & beneficia referant, aliàs sunt inutiles labores, qui plus destruunt quam ædificant, & plus perturbatio- nis quam securitatis reddunt. Ejusmo- di sunt ordinarie bella, quæ moventur ad acquirendum regiones longe disti- tas, quæque nihil contigui cum nostris habent. Cum enim tam procul ab- sunt, requirunt majora præsidia, quam nostræ facultates, ut eas conservemus, ferunt. Omnis itaque deliberatio ex- peditionum, tribus capitibus inniti de- bet: prima est causæ æquitas: altera facilitas vincendi: tertia fructus victo- riæ. Bella autem quæ suscipiuntur sine spe alicujus fructus, sunt meræ amen- tiæ. Magni Duces sæpe terminos sui imperii dilatarunt, sed potentiam non auxerunt. Nemo expeditiones longin- quiores, majorumque expensarum fe- cit, quam Magnus Dux Iohannes. Ce- pit enim regna Cazan ad Volgam, & Astrachan ad mare Caspium: subjuga- vit bonam partem Livoniæ. in quibus expeditionibus periit magnus homi- num numerus, in itineribus, in præ- liis, adfultibus, ferro, morbo, fame, aliisque incommodis. Postquam ea ac-
qui-

quisivit, fuit opus ibi habere magna præsidia, deducendo eò totas colonias. Cum itaque homines essent longe à domibus, implicati aut in acquirendo alieno, aut in conservanda parte, manserunt domi uxores, quasi viduæ absque prole. Cum itaque homines in extremis regni finibus consumebantur, remansit regni medietas tanquam cor exangue, privatumque alimento. cumque ab Stephano Rege Poloniæ impeteretur, defuere ipsi domi vires ad resistendum. amisit itaque Poloniæ, aliaque magni momenti loca, quæ ei erepta fuere, ac necesse habuit tradere Polonis totam Livoniam. Ut ad nostrum institutum revertamur: Moscovia magna ex parte est occupata sylvis immensis, & lacubus. Sylvæ sunt rami Herciniæ, quæ se per totum Septentrionem diffundit, sed plus forsitan in hac provincia, quam in alia. Hic arbores immensæ magnitudinis videntur, suntque propter earum spissitudinem Solis radiis impenetrabiles: ex iis arboribus incredibilis resinæ & picis quantitas effluit. Hic producitur copia mellis & ceræ inexhausta. Apes enim absque cura humana, faciunt alvearia in corticibus & cavitatibus arborum. Hic est copia omnis pecoris & ferarum, ut sunt mar-

tures, zibellini, lupi; ex quorum pellibus fit dives mercatura. Ex his sylvis excinditur fere omnis materia, tam domubus, quam munitionibus fabricandis apta. Muri enim civitatum fiunt ex trabibus simul conjunctis in quadrante, implentque vacuum gleba & terra: faciunt quoque ex eisdem trabibus turres, tantæ altitudinis & crassitudinis, ut omne tormentum bellicum, quantumvis magnum, ferant. Cito flammis corripuntur, sed non tam cito cedunt quassationi quæ fit tormentis bellicis. Disputant aliqui, quales munitiones meliores sint, num ex lapide, aut ex calce, aut ex terra. Pro ultima sententia adducunt tales causas, quod citius fiant, & minori expensa, meliusque resistent quassationi, & quamvis facile destruuntur, reficiantur quoque brevi tempore; faciliusque mutatur (si casus & occasio necessitasque requirit) latus ex terra constructum, quam ex lapide. Sed his non obstantibus debent præferri munitiones, quæ muros ex lapide habent. Cum enim quatuor modi offendendi munitionem sint, tormenta, cuniculi, ignis, excisio, (quæ ligone & sarculo fit;) murus ex lapide, forte minus resistendo quam terra, cedendo tormentis bellicis præstabit. Sed adversus
cuni-

cuniculos, ignem, & excisionem, longe excellit murus ex lapide. Et ad jungendum muro quod in munitionibus, ex ligno & terra constructis, boni est, eriguntur aggeres intrinseci. De aquis nihil opus est dicere. Moscovia enim est mater fluviorum & lacuum : Dvvinæ, Borysthenis, Volgæ, Desnæ, Onegæ, Mosæ, Voliscæ, & fama celeberrimi Tanais : lacus Inæ, ad quem est magna Novogardia : Voloppo, multorumq; aliorum. Aquarum abundantia reddit ærem magis frigidum, quam generationi animalium & propagationi plantarum requiritur, etsi frigus calore salubrius esse æstimatur. Pecudes parvæ sunt, & segetes aliquando non perveniunt ad maturitatem : terra fere ab aquis absorpta, ut plurimum levis est, & arenosa, ideoque & siccitas & pluvia immoderata, facile consumunt fruges. Hyems durat novem menses, paulo plus aut minus, & tamen hic copia est frugum, hordei & pascuorum, & ex consequenti carniū, tam ferinarum, quam mansuetarum. Moscovia producit poma, nuces, corylos. Aliorum fructuum vix habent notitiam Mosci, qui ex piscibus faciunt magnum lucrum ; eorum siquidem maximam abundantiam habent. Indurant eos frigore & vento.

sicut fit in Norvvegia, aliisque in locis septentrionalibus, servantque eos pro bona annona tam in prædiis munitio-
tionum, quam in domibus privato-
rum. Regio non est multum mercaturæ
dedita, quia indigenę suapte natura non
sunt admodum industrii. Nec possunt
ibi esse multa mercimonia, ubi non flo-
rent artes & artificia: tum quod Mo-
scis non licet ditione sui Principis exce-
dere. Ob has causas non habent ullum
usum maris. Commutant tantū ea quæ
regio fert, nempe pelles, resinam, cum
panno, aliisq; quæ Armeni perferunt in
Astrachan ad mare Caspium, & Angli
ad sanum Nicolai, ad sinū Graduicum.

Regimen.

Magnus Dux Moscorum regit suos
populos magis despotice, quam ul-
lus alius Princeps, quem novimus: di-
sponit enim absolute de personis sub-
ditorum, & ipsorum rebus. ideo dice-
bat Mahumetes Vesirus, quod Moscus
& Turca, soli inter Principes essent do-
mini suorum dominiorum, eaque de
causa putabat expeditionem Stephani
Regis Polonorū plenam difficultatibus
fore. Ut in sua potentia & autoritate
se Magnus Dux conservet, utitur artifi-
cio & industria incredibili. Primo non
licet cuiquam suorum vasallorum exire
regni

regni fines, sub pœna mortis. Hac de causa nemo suorum subditorum navigat, nec cum legato externi Principis loqui potest, nec uti opera externi medici, in suis morbis, nisi cum venia: Utitur apparatu inæstimabili in vestitu, addens ornatum Pontificium cum majestate Regis: fert capite mitram, margaritis & gemmis preciosissimis nitentem: si eam capite non gerit, habet eam coram se in suo throno, mutatque eam ad ostentandam amplitudinem multis vicibus: in sinistra manu tenet pastorale ditissimum, indutus veste, aut tunica longa, illi non absimili quam Papa gerit ingrediens sacrarium: digitos annulis aureis refertos habet: imago Christi ad dexteram, & sanctissimæ matris virginis super cathedram, in qua sedet, est. Regia & proregia camera est plena viris, vestibus auro depictis usque ad talos indutis. In ceremoniis ad religionem spectantibus utitur exquisita sagacitate solertiaque. Cum assidet mensæ, quoties mutantur patinæ, aut vult bibere, multa signa crucis edit. In jejuniis exhibet singularem venerationem, & in templo præ devotione fronte terrâ percutit, sicut & alii. Ne alius plus ipso scire possit, nullæ ibi scholæ, præterquam in quibus docetur legere & scribere. Nihil legunt præter

Evangelia, & aliquam historiam, aut descriptionem vitarum sanctorum, aut homiliam S. Iohannis Chrysostomi, aut alterius; haberetque eum suspectum, qui demonstrationem faceret, se velle in literis majorem progressum facere; nec impune ferret: id facit, ne aliquis plus ipso, aut quantum ipse sapiat: indeq; accidit, ut scribæ, nec ipsimet antiscribæ, ordinarie nō scribant nec respondeant Legatis Principum externorum, nisi in quantum Magnus Dux eis dicat. Cum negotiantur, nunquam Magnus Dux nominatur, quin omnes assurgant in pedes, cum magna veneratione: idem etiam ad mensam fit, quando ipse ad bibendum invitat, aut participem facit suæ patinæ aliquem. fit id quoq; in mille aliis similibus occasionibus. Docentur à pueris Mosci credere & loqui de ipsorum Principe sicut de Deo: Deus solus (dicunt) & magnus Dominus scit hoc: Magnus noster Dominus scit omnes res: Omne quidquid habemus, sanitatis & commodi, procedit à magno Domino. Accidit inde, ut sui subditi, videntes tantam amplitudinem majestatemque in suo Principe, nec aliarum quàm ejus rerum notitiam habentes, reveantur ipsum, obedianque ei non sicut subditi, sed tanquam mancipia, habeantq; eum
pro

pro Deo potius , quam pro Principe. Non habet sub se dominos titulis insignes, sicut inter nos sunt Duces & Barones. Si ipse alicui pagum aut prædium concedit, non transit ad hæredes, nisi id ipse confirmet. Et si ipse aliis ea concesserit, villici tamen persolvunt ei portionem fructuum, debentque ei operas: id in causa est, ut unusquisque à nutu Magni Ducis dependeat, & quanto aliquis ditior sit, tanto ei plus debeat. Ut obviet seditionibus, transfert integras familias ex uno loco in alium, mittitque in præsidia quos vult, longe à domo, tanquam in exilium.

Divitia.

EX iis, quæ dicta sunt, fieri potest iudicium de ejus divitiis, opibusque. Cum itaque ipse adeo absolute omnium rerum dominus sit, utitur opera subditorum pro libitu, & tali parte ipsorum bonorum, sicut ipsi placet. Arrogat sibi ex ferarum exuviis talem portionem ac vult, & ex piscibus omnis generis quantum vult: pellicea vendit aut dat dono, prout libet: pisces vento siccati servantur pro munitione. In foro nemo sua vendere potest, nisi Principis primum vendita sunt. Minæras auri & argenti nullas habet. Civitates mercimoniis celebriores, unde ipse maximam reddituum partem

partem percipit, sunt Altrachan ad mare Caspium, quo deferuntur merces Persiæ & Armeniæ, & fanum Nicolai ad sinum Graduicum, quo appellant naves Anglorum & Hollandorum oneratae ære, aliisque mercibus, quæ inde Vologdam ducuntur. Vbi sui legati domum sunt reversi, auferunt eis lautia, quæ à Principibus acceperunt, dando aliquid in illorum vicem, & aliquando nihil. Ut finem faciam, sibi metit capitque quidquid in sua ditione aut boni aut preciosi est. Putatur ipsum aliquem thesaurum habere, in arcibus Mosquæ, Iaroslavix, & lacus Albi. quod verisimile est. Magnus enim Dux Iohannes spoliavit calicibus, reliquiis, crucibus, & argento rotam fere Livoniam, nec concedit aurum & argentum sua ditione efferri, nisi in redemptionem bello captivorum, aliorumque; qui in captivitatem abducti sunt. Verum quidem est, quod amissione Livoniæ, quam an. millesimo quingentesimo octogesimo secundo cessit Stephano Regi Poloniæ, privatus fuit ea regni parte, quæ erat ditissima, propter commercium maris Balthici, & meliori ditione quam habebat, in qua erant 34 arces.

Vires.

MVnimentum regionis consistit & in pluralitate paludum fluminumque,

que, & in densitate nemorum. In usu habent Mosci, loca hostibus proxima depopulari, ut densæ sylvæ ibi crescant: quod & fit ob terræ humiditatem. suntque ex civitatibus non secus ac sepes ad valla pro munitione. Multum laboris id Polonis attulit. Vt enim sibi itinera ad oppida hostium pararent, necesse eis fuit exscindere sylvas, & magni temporis jacturam facere. Habet Magnus Dux munitiones, quæ partim ex lapidibus, partim ex lateribus, Italico more, constructæ sunt, sed absque lateribus & arte ædificatoria: tales sunt arces Mosquæ, Novoguardiæ, Plescoviæ, Porcoviæ, Stariciæ, Slobodæ, Alexandri: partim ex gleba viminibus contexta, & probe calcata, qualis est Smolenzco. Sed ordinarie exstruuntur muri locorum fortium ex magnis trabibus, inter quas constipant terram, relinquendo ad defensionem foramina pro pyrobolariis. Talis ædificatio commoda est defensioni, contra tormenta bellica, sed non resistit igni. Subditi Magni Ducis inserviunt suo Principi in bello, sicut ante de suo regimine agentes diximus, sed se potius timere pœnam (si se non strenue gesserint) quam promptitudinem alacritatemque monstrant: Capitaneis ad nutum sunt, patiuntur omnem incommoditatem,

ditatem, non curant frigus nec pluvias, patiunturque incredibiliter inedia, famemque; suntque parvo contenti. Æstimantur itaque aptiores defendendis castris, quam præliis campestribus. Illic enim multum valet patientia & tolerantia, hic autem requiritur audacia animusque. Poloni sunt meliores conflictibus campestribus, quam propugnandis arcibus. Magnus Moscoviæ Dux Iohannes, experientia edoctus de suorum in velitationibus & præliis ignavia, & de Polonorum audacia animisque, dicebat suos opus habere calcaribus, quibus impellerentur, Polonos freno, quo retinerentur. Vires præcipuæ hujus Principis consistunt in equitatu, sed quem equorum numerum educere possit, difficile dictu est. Nec tamen credo ipsum trecenta millia armis instruere posse; (sicut aliqui dicunt.) Habet enim ditio- nem vastam, & pro majori parte incultam. Ab Cassano enim Astrachanum usque vix invenitur pagus, quamvis inter ea oppida aliquot dierum iter sit. Bello quod ei intulit Stephanus Rex Poloniæ (qui tamen non ultra LX millia tum equitum tum peditum habebat) ipse tantum militum colligere non potuit, quo non dico se ei aperto Marte objiceret, sed nec potuit ipsum divertere ab oppu- gnatio-

gnationibus Polotiæ, Vilicoluci, aliorumque locorum, nec aut ab obsidione Plefcoviæ. Annò millefimo quingentefimo feptuagefimo penetravit Princeps Tartarorum Præcopitarum, cum oëtua-ginta equorum millibus, ufque in viscera fui Imperii, tradiditq; flammis ipfam Moscuam urbem regalem. Sed ii qui dicunt Magnum Ducem c c c & Regem Poloniæ c c equorum millia educere poffe, potius numerant capita equorû, quam equitum. Et fi enim tot equorum millia fint, non tamen omnis equus bello bonus eft, nec unicuique equitandi ars, aut fe armandi facultas eft: uni deeft animus, alteri opes non fuppetunt, alteri vires corporis, alteri animi fortitudo alacritasque defunt. Quamvis in Moscovia tot equorum hominumque millia effent, quot illi dicunt, admodum difficile tamen effet (imo vix poffibile) eos in unum locum cogere, nec Principi in hoc fuppeterent pecuniæ, nec commeatus fufficerent. Ducenti enim equi præliatores requirerent in Moscovia ter centum elitellarios, ac alios totidem miniftros, quibus omnibus oporteret fufficere commeatus; ficut & annonariis, mercatoribus, artificibus, famulis, qui in bello requiruntur. Necesse itaque effet totam Moscoviam in
unum

unum cogi; ac tum verendum, ne in tanto itinere ab una parte regni in regionem directo contrariam, & hominum & jumentorum vires labascerent. Quamvis etiam possibile esset, tantum numerum (sicut dictum est) equorum colligere, id tamen statui non expediret. Necessè enim esset denudare confinia præsidiiis, provincias nervis, civitates magistratibus, campos agricolis. Inde clare apparet, Principem, cujus status centum & quinquaginta millia equitum cogere posset, abunde præstare, si tertiam eorum partem in exercitum regalem educat: de bellis, non excursionibus loquor. Scribunt aliqui, qui in affirmando magis moderati sunt. Moscum cogere posse centum & quinquaginta equorum millia, si necessitas se defendendi id requireret, & quod Iohannes III eduxit in expeditionem Astrachanensem centum viginti equitum, & viginti peditum millia. Idem adortus est Livoniam, tempore Regis Alexandri, magnis exercitibus, retinuitque adhuc alium ad regni sui fines. Equitatu addidit Magnus Dux Iohannes aliquot millia pyrobolariorum, quos ipse instituit, inter quos erant multi externi milites, qui ipsi præstiterunt egregiam operam in defensione suarum urbium. Quoquo
secundo

secundo aut tertio anno describit per regiones bello aptos. In commentarios referuntur filii nobilium, & numerus famulorum, equorumque equites. Ditiones præcipue utuntur thoracibus æneis, galeis, & laminis subtilibus & tenuibus, quæ ex Persia adferuntur, & lanceis. Alii gestant thoraces, gossypio quam optime farcitos, qui sagittis resistunt. Hi utuntur arcu, multi eorum sclopeto, omnes ense & pignone. Et inserviunt quoque Germani in bellis & in fortificandis locis.

Principes finitimi.

Magno Moscorum Duci junguntur Præcopus, princeps Tartarorum, Tauricæ Chersonesi Circassi, quinque montium; (inhabitant hi regionem, quæ se ad 7 dierum iter extendit, regunturque à septem Ducibus, Helvetiorum modo) Tartarus Nogay, Reges Sueciæ & Poloniæ. A Præcopo recipit multum damni, nec ei spes est de sumenda vindicta, quòd cum Turca confœderatus est Præcopus, instruiturque à Turca sclopetis, tormentisq; bellicis, habetque in sua ditione loca fortia, cum præsidio Turcico: itaque eum invadere difficile factum arduumque esset. Concitaret enim in se potentiam illius. Præcopo commodum est (sicut & pluries fecit) subitam

excursionem facere in provincias Magni Ducis, sicut & potest facere in provincias Regis Poloniæ, diripereque obvia. Si magnus Dux subjugavit Tartaros Cassanenses & Astrachanenses, accidit id beneficio tormentorum bellicorum, quibus illi carebant. Duxit hic inter alia contra Cassanenses aliquas hujusmodi machinas. Temoni plaustrorum affigebat tabulam latam & crassam, cum multo foramine, trajiciendo sclopeto & mosqueto inventum. Cum itaque ipsi graviter ferirent hostes, (qui sagittis tantum utebantur, quibus Mosci lædi non poterant) non fuit difficile eos vincere, subjugareque. Sed Præcopus habet usum sclopetorum, &, quod amplius est, amicitiam & protectionem Turcæ, qui, ut sibi iter aperiret in Moscoviam, aut in mare Caspium, tentavit annis jam elapsis ducere fossam à Tanai ad Volgam; (hoc molimen altioris erat animi, quam Turcæ plerumque faciunt:) sed ejus milites fugati fuere à Moscis, in hoc adjuti à Tartaris, qui verebantur, ne plane à Turcis pessundarentur, si illud opus ei successisset. Nec solum ruperunt classem Turcicam, ceperuntque ejus partem; sed & exitio dederunt exercitū terrestrem, in quo numerabantur 80 Tartarorum, & 25 Turcarum millia, inter quos erant

ter mille Ianizari. Circassi vivunt (sicut diximus) more Helvetiorum: non nituntur ut sibi aliquid acquirant, sed tanquam mercenarii milites militant Turcis, Persis, Mosco; à quo tam longè distiti sunt, ut non habeant occasionem sibi timendi ab ejus viribus. Tartari Naigai magis formidandi sunt, propter subitum impetum & excursionē, quam propter justam potentiam, quæ eis sit ad suscipiendas expeditiones regiās. Annis retro elapsis, cum se movissent, ut Mosco damnum inferrent, retrogressi sunt placati donis quæ eis missa fuere. Cum hi, sicut & Arabes, dediti sint latrociniiis & grassationibus, facilius est ipsos avertere donis, quam pugnando. Quod plus est, cum ipsi nec civitatem, nec munitionē habeant, qua expugnata, & in dominium hostis redacta, deprimi, & tanquam freno cohiberi possint; bellum ipsis inferre, est expensas facere sine lucro. Adversus hos tenet Magnus Dux magnum equitatus numerū, in Citrachan, Casan, & Viatca: habet quoque præsidium in Culugan contra Tanam, ut resistent Præcopitis. Cum Rege Sueciæ jungit fines Moscus, præcipue ad partem Finlandiæ, ubi Suecus cum quo diu bellum gessit) paucis retro annis ei eripuit munitiones Sere-

nosco , Pernaviā majorem & minorem in Livonia, aliaque loca , cum Moscus impeteretur à Rege Stephano. Teneſt Succus in extremitate ſinus Finlandiæ munitionem Viburgum , magno præſidio & expenſa, ut reſiſtat Ruſſis, & Magno Duci. Habet quoque in illo mari & portubus vicinis ſuas naves bellicas, tum ut obviet omni tentamento Magni Ducis, tum ut impediāt, ne ex Germania in Moſcoviam vehantur arma & apparatus bellici: Nec aliæ naves quam ſuæ ad illas oras appellere poſſunt , niſi permiſſione , præſcripta Regis manu ſignata. Hoc præcommo- dum claffis, & potentia navalis, fecit Regem Sueciæ, iis locis ubi hanc vim armorum explicare poteſt, Moſco ſuperiorem , cepitque hac via ab hoſte multa loca in ora Livoniæ , lociſque vicinis. Sed ubi equitatus Duci frequentiaque populi uſui eſſe poteſt, nempe in campis apertis , & in locis longe à mari Balſtico diſſitis, videtur Magnum Ducem potiores quodammodo partes habuiſſe: ſemper enim fere invaſit Suecum. Non poſſunt tamen ſibi invicem multum damni inferre , propter aſperitatem montium, frigus, glaciem, nivesque. Super eſt Poloniæ Rex , inter quem & Magnum Ducem , eſt differentia, quod Moſcus plus regionum habet , ſed
Poloni

Poloni melius inhabitatas civilioresque: illi plures subditi, obedientioresq; sunt: huic autem audaciores & animosiores: illi ad resistendum quam aggrediendum sunt aptiores, hi ad invadendum: illi ad defendendum munitiones, hi ad aperto prælio pugnandum: illi magis juncti unitique sunt, hi magis deliberati ad factionem expeditionemque: illi timent minus inedia & incommoditates, hi mortem & ferrum. Sed utrique tantum valent, quantum eorum Princeps virtute & fortitudine præstat. Magnus enim Dux Basilius cepit magnum Ducarum Smolenscensem & Poloscensem, & amplissimam ditionem in Livonia. E contrario Stephanus Poloniæ Rex eripuit ultimo bello Iohanni Magno Duci, filio Basilio, Polosco, aliaque diversa magni momenti loca: obsedit civitatem Plefcoviensem, coëgitque tandem Moscum tota Livonia decedere. Inde videtur populum tantum valere, quantum ingenio animoque valet Rex.

Hæc, ex Ioanne Botero à Iusto Reisenbergh expressa, hic addenda duximus, ne Lector frustra desideraret superiorum authorum de Moscorum republ. iudicium.

TARTARIA.

I.

Excerpta è Michalonis Litvani fragmentis de moribus Tartarorum.

E fragmento primo.

Ametfi Tartari, barbari & inopes habeantur à nobis, gloriantur tamen continentia vitæ & antiquitate gentis suæ Scythicæ, asseverantes eam semen esse Abrahæ, & nemini servivisse unquam, licet vexatam interdum ab Alexandro, Dario, Cyro, Xerxe aliisque Regibus & populis potentioribus: & varias nunc divisam in Ordas, id est, nationes: Siquidem ultra vicinos nobis Precopen- ses, complicesque eorum Belhoroden- ses, & Dobricenses Moldaviæ finium accolæ, Ordæ sunt potentes, Precopen- sibus infensæ, Orientem versus. Alia Mahai, alia Chastorakani, alia ultra amnem Tanaim, qui Volha appellatur, Zavvolsca, Cæsaris Bati Vngariæ vastatoris patria, Moscorum olim & omnium Ruthenorum dominatrix, Nahaiensibus nunc adhærens, alia Kozanii, alia Kazaczka, item Buchar, Samarchan, &

& aliæ dicuntur plures, XII Imperatoribus dispartitæ, ut promiserat Dominus, progenitorem eorū Ismaëlem (Gen. 17.) XII duces generaturum, & evecturum in magnam gentem. Ex omnium autem nationum Tartaris soli tenuiores, sed regionibus nostris citimi, Precopenses, infesti sunt nobis, cū ignavia freti nostra, tum vicinitate, locorumque opportunitate receptaculi sui. Habent vero Precopenses receptaculum, suapte natura munitum. Lacus enim duo palustres, quorum alter Mæotis dicitur, ex mari in continentē ad circiter triginta milliaria in longum porrecti, & seorsum tantundem pene in initiis & progressu suo distantes: finibus vero ad invicem reflexi, & angusto quodam interstitio sicco cohibiti quin congregerentur, desinentes. junguntur ibi fossa & vallo altius exaggerato, complectente portam, quæ unica est ingrediendi provinciam illam per aridum. unde & castellum ad portam illam situm, & tota sinu illo inclusa peninsula appellatur à nobis Prekop. cui Tauricæ alias nomen fuisse fertur: incolatus vero & imperium Græcorum Trapezuntinorum, ut hucusque retinent Græci suam & ibi linguam Græcam & religionem. Adjacet autem peninsula ea ipsa mari Pontico, quod illa ex

parte pontus Euxinus dicitur. & quamvis munita sit situ, non adeo tamen illis suis, nec lacubus amplis, nec fossâ nec vallo arduis, neq; castello firmo, ut arceretur à transitu exercitus paulo instructior. Et pervenitur ad portam Tauricæ unicam illam ab arcibus ultimis Lituaniæ Czerkasi & Braczlavv, diebus sex, graminosis semper & planissimis ubiq; campis, non monte interpolatis usquam, non sylva, non palude, nec amne transmissu difficili, præter Borysthenē. Sic enim ipsa Taurica citra Alpes & maritima, quæ montosa passim, habet & sylvosa, & quæ nunc ab Aboriginibus Græcis inhabitantur. aliàs vero tota est campestris, Tartaris illic incolatum præstans, & ubique victui mortalium commoda & facilis, facilis admodum Cere, Libero, carne, & sale. siquidem sal ibi in lacunis, quibusdam aquis in se, ad instar glaciei, à calore solis concretis, nascitur, à solstitio æstivali copiosus & pellucidus, nonnullibi ut crystallus. Et frumentum omne, ac uvam vini generat ibi copiose tellus, semel subacta, & fronde occata utcunque. Pecora item & jumenta hyeme quoque in pascuis & sub dio semper fovet læta; quæ etiam fatigis exinanita, macilenta & strigosa, postquam abjiciuntur, ibi in campo repinguescunt.

guescunt. Herba floccida, calcitratu ex
nivibus quæsitæ, haud infelicius quam
melioribus pabulis & sub tecto apud
nos: quoniam & cœlum ibi est aliquan-
to clementius, & terra ubi canosa ibi
falsa. & herbæ genus sapidius quoddam,
semper virens, & mirum in modum ju-
menta vegetans, quod appellatur *ripez*.
Vnde tantam olim frequentiam incola-
rum fuisse ibi memoratur, quod singulæ
quædam illic ex urbibus Græcorum,
millena habuerint templa, & clero inte-
rim insolenti adeo, quod non nisi equi-
tes ingrederentur sanctuaria antistites
& archimandritæ eorum. Atque nunc
etiam urbes ibi nonnullæ quamvis pes-
fundatæ, amplitudine tamen ambituum
suorum & ruinarum, superbæ olim fuisse
apparent, & præsertim quæ à nobis Sol-
horth, à Moscis Krym, à Græcis Theo-
dosia appellabatur quondam, & metro-
polis vetusta Korsunij, quæ genti Ru-
thenorum princeps dedit baptismum &
nomen Christianum, postea vero præ-
dam gentibus nostris, excisa ab eis. Vnde
Kiovia nostra in templorum suorum li-
thostratis, asarotis, & incrustamentis,
retinet hucusque certa prædæ illius insi-
gnia, è quibus & Gnesnensi Basilicæ val-
vam largita est. Et illa ipsa Korsunij tra-
ctata sic à nostris, dedisse fertur jactura

sua necessitatem Tauricensibus Christianis, luxui & ignaviae deditis, recipiendi in suppetias ad feudalem incolatum, reprimendis gentibus nostris, manū Tartarorum ex Orda, Zavvolskæ adsitam: Et sensim deinde invalescens ibi illa Tartarorum vis, ad justumque populi examen propagata, protulerit sibi in Principem Temirkuthla quendam sanguinis sui, appellato eo Cæsare. At progenitores S. M. V. perdomitis Cæsarianis illis, iniquis Græcorum vasallis, dabant eis in Cæsares, subditos suos hinc ex Lituania Tartaros. Ultimus vero ex Lituania Cæsarum Aczkirei, hic apud Troki natus, & hinc à divo VVithovvdo ad imperium illud missus, genuit imperans, ibi in Taurica filium Menglikirei. Menglikirei vero modernum Cæsarem Sapkirei & fratres ejus natu & imperio priores, Machmethkirei, Sadetkirei & Chaskirei. Sic enim nobili recepta hinc progenitoris sui nomenclatura, gaudet nunc omnis sequens eum in fascibus illis posteritas. Hæc igitur est Kireorum stirps, dextra, forti progenitorum S. M^{tis} Vestræ ibi plantata, quæ nunc referendo gratiam profectionis suæ, jube facessit nobis negotium. Atque vigente sic Taurica & populo & imperio jam advenarum: urbes tamen ejus Mancup, Cassa, Kercze, Kozlevv.

Kozlevv, & aliæ maritimæ, servaverant se immunes ab illis, donec Turcica manu, opibus Constantinopolitanis exaucta, caperentur ab annis hinc circiter septuaginta. Et illinc missi sub jugum Turcæ pendunt ei censum, à capitibus suis singuli illic Aboriginum Græcorum superstites. Qui tamen si & nunc agricolæ, videlicet vinitores & pastores, non inopes sint, imo etiam non sine argentea suppellectili plerique, utpote in tranquillitate & justitia publica, rationabiliore Ethnicorum administratu viventes, minus tamen jucundam agunt ibi vitam: Quippe, qui nullo honore digni, imo nullius omnino reputationis habentur à potitoribus rerum Mahometicis: ac omni illorum nedum commercio, sed & intuitu non torvo dedignantur, angarianturq; laboribus, dominicis præsertim, ac etiam paschalibus diebus, ipsimet argenteæ suppellectilis domini. Nequaquam enim retinet auctoritatem ibi Christianus nec in servum nec in filium paulo proterviorem, qui scilicet Magistratui se præsentandum duxerit semel. Atque etiam ipsi patrifamilias mutandus est status, si defertur præsumpsisse de religione ipsorum quicquam verbo, aut saltem digito uno, & minus etiam serio protenso.

Iam vero quam inconstans sit vicissitudo rerum, vel ipsa sufficit indicio Taurica, videns nunc mutatum sic popularium suorum statum, & patritiorum superstites, honore, libertate simul ac patribus orbatos, in servitutem redactos, spretos, capite diminutos, capiteq; censos Mahometicis, & antistites illos, insolentes quondam ecclesiarum Dei contemptores, contemptos nunc ipsos, & abjectos, obreptare sub trucibus Tartaris & Turcis. Urbes quoque suas opibus immensis, superbia, laticia, ac omni luxuriae strepitu perfunctas, dehiscere nunc plerasq; inanes, cæteras vero solo æquatas, obsoletis jam & nominibus; & imperitare nunc sibi, non Christianos nobiles, & nativos suos patronos, sed peregrinam Ethnicam, ac non ita pridem servitute emersam, atque & imperio simul & libertate donatam hinc vasallorum stirpem. Adeo increbuere in Taurica Tartari; quod circiter triginta milium exercitum compleant ad bellum, sed coacti, ut solent universi, & gregarii ac imbelles, quicunque saltem valeant conscendere equum. Ut me præsentē ibi, dum medietatem eorum & filium suum mitteret Cæsar, in subsidia Turcæ proficiscenti novissime in Vngariam, quindecim millia eorū tunc enumerata sunt.

Pro-

Proficifcebantur autem quamvis lectiones illi, consueto tamen apparatu suo, inermes videlicet plerique, & vix decimus aut vigesimus quisque eorum pharetra fultus aut framea, lorica vero multo rarior; sed alii scipionibus saltem muniti ossileis, alii ligneis, alii vacuis telorum accincti vaginis. Clypeorum autem & hastarum, vel huiusmodi armorum generis expertes penitus. Sic enim semper illi, nec armis, & nec cibariis, præter nonnihil milii tosti, aut casei comminuti, & neq; ullis onerantur impendio ad bellum impedimentis. Verum tamē nemo illorum, sine pluribus recentibusque loris proficiscitur, & præsertim quando nostras excursitandum est in regiones: Quoniam tunc solliciti fiunt vinculorū, ad vinciendum membra nostra, plus quam armorum ad tutandum sua. Equorum vero semper fulciuntur ad bellum copia, ut magna pars exercitus eorum quinos singuli dūctent equos, eosque intactos. Vnde excursionses & omne iter, crebra huiusmodi equorum mutatione freti, velocius perficiunt, & hostē insequentem se effugiunt facilius, ac etiam terrefactant amplitudine vestigii sui, & non metuunt ipsi in copia eorum fatigam nec famem. Præstant etiam in bello tolerantia famis, sitis, fatigæ, pervigilii,

gillii, æstus, algoris, & omnis inclementiæ cælestis omniumque ærurnarum. Nam expeditiones bellicas perficiunt absque curribus semper, & absque omni commeatu, præter illam quam dixi equorum copiam. Solitudines item camporum vastas, invias, brumali etiam tempore, altitudine nivium & pruinis acerbæ, quamvis excoriatis dura nive & glacie equorum cruribus, haud ægre tamen & haud gravatim superant. Amnes amplos rapidos, atque hiberno etiam rigore, aquilonumque & glacierum fragoribus horride stridentes & trajetibus difficiles, absque tamen navigiis, sed tantum equorum ipsi jubis adnixi, sarcinis vero ad caudas super tignis, seu arundinum fasciculis alligatis, tranando incunctanter, expeditæ & prompte transmittant, Et in prælio pugnant, fortius multo quam Moscovitæ, quamvis minus armati, & semper primo in congressu, sinistrum adversi exercitus conantur occupare cornu, quo dexterius ipsi petant sagittis. Sæpe quoque in fugam versi, terga dando resistunt, & hostem insequentem se diffusum sparsim, interceptant ex insidiis, & sic eripiunt nonnunquam victi victoribus victoriam. Quando vero præter technas & strategemata, sed recta & cominus, collatis

latis signis, venit conferenda cum eis manus, prævalent tunc in eos pugnatōres nostri, etiamsi non paulo pauciores fuerint. Id quod crebrius experti sumus sub victoriosissimis vexillis divi parentis S. Majestatis V. Nam & post infelicem Christianorum cum Mahometicis, patrueis vero S. Majestatis V. Regis Ludovici ultimam pugnam, mense quinto, kalendis Februariis, anno Domini supra mille quingentos & viginti septimo, in campis planis illis prope Czerkassi, ad fluvium Olslānicza, viginti quinque millia illorum Precopensium Tartarorum cæsa sunt ad internecionem à nobis, qui non plures fuimus ibi quam quingenti & ter mille. Et ante apud Kleczko, desiderata sunt septem & viginti millia eorum, prostrata novem millibus nostrum: Ita quoque alias, & apud Davidis Castellū & apud Stressino, Czezersko, Lepussno, & in campis etiam vastis illis, in Lebedino, & ad templum album, & ad fluvium Sula, & aliis in præliis, quot ævo præsentī fuere genti nostræ cum illis, expertum est robustiores esse nostros. Nam & apud Sokal, non robore virium superatus, sed dolo & loci iniquitate circumventus ab illis, succubuit exercitus noster, perductus insidiosè in aream oppidi recens exusti, crebris præ-

præcipitiis cellariorum, id est, antris, cavernis & cryptis subterraneis dehiscen-tem. Et illinc primum arrigi cæpit in nos cornu stirpis Kiriorum, perlatis sibi in Tauricam exuviis cruentis militis nostri. Atq; deinde apud Oczakovv, tamen- si fortis itidem ac etiam victor in illos fuerit miles noster, at imprudens inter- rim, ut qui donaverit ultro victoriam victo Oslam Soltano, mittens ad eum in castellum duces suos colloqui gratia, ignarus dictum esse, Circa rem bellicam dolus an virtus, quis in hoste requirat? Sic igitur semper robustiores fuere nostri Præcopensibus, præter solas technas, dolos & strategemata illorum. Vita autem Tartarorum, qua gloriantur, est prisca, pastoritia, quam olim in aurea ætate sancti vixerunt patres, & ex qua Duces etiam eligebantur populis, reges- que & prophetæ, dicente quodam eorū, Tulit me dominus cum sequeretur gregem eorum. Ita enim agunt hætenus Tartari, sequendo greges, & peragrandō cum eis campos hinc inde. Septa nulla habent, nec domos, præter tabernacula gestatoria, ex viminibus & arundinibus compactis, ciliciis velata, storeis & mat- tis scirpeis manita, quæ uxoribus & pue- ris referta, vectant secum in plaustris. Terram non colunt, etiam fertilissimā,

contenti spontaneo fructu ejus, herba ad pascendum pecus. Vnde juxta Salomonis consilium, lacte solum absq; pane & sicera vivunt, sobrii & abstemii; cum lege quoque prohibitum habeant potum vini, ac esum suillæ. Et quamvis cæterorum pecorum ac jumentorum, etiam equorū vescantur carnibus, non tamen apud se, nisi penitus mortuis aut pene morticinis, parcendo scilicet vividis gregum suorum. Nam in gregibus totam suam conditant substantiam; nihil immobile possidentes privatim præter puteos, & eos contribulibus quibusq; commuæ. Mobilium etiam curæ atque oneri non impendio se applicant, præter quotidianam & eam tenuem utensilium supellectilem, & equitatus bellicæque rei levissimum etiam instrumentum, ad quod solum accurati sunt; præter vero id, ad aliud operis profani alicui rei navare operam virum ingenuum dedecori habent, quo sedulius obsequundent præscripto legis suæ, vi & armis propagandæ. Atque in ea feritate nihil habent antiquius temperantia & continentia, vivuntque citra exuperantiam ac defectum ultimum omnes. Vnde quemadmodum in sacris litteris dicitur, Scio & satiari & esurire & abundare & penuriam pati: Item,

Qui multum, non abundavit; & modicum, qui non minoravit. Ita nunc in barbaris illis, nemo abundans suffocatur ingluvie, nec egens extinguitur fame, neque algore conficitur, nemoque mendicat in tanta eorum inopia & penuria rerum. Nam ut non frequens apud eos heluo: sic non fame laborans, nec mendicans, nec fraudulentus, alieni haustor, non litigator, nec iudex iniquus, non testis perversus, non pejorator, item non fur, nec latro. Vnde minime opus est apud eos angiquenquam sollicita rerum suarum custodia, nec se armis onerari domi ad privatam sui defensionem. Nam iter habenti intra regionem eorum ferre telum, enorme & illicitum est. Sancte enim colunt illi apud se pacem & justitiam, reddendo unicuique quod suum est, integrum, non imminutum, in gratiam magistratus, ex decimatu, nec ullo alio nomine. Non quæstui etenim, sed pietati, impii ethnici illi habent iudicandi officium. Quod etiam est eis non laicum, sed religiosum, & per religiosos id exequuntur Cadios, qui eo religionis initiantur peculiariter secundum jusjurandum, jam alioqui lecti tales, qui minime inhient rebus profanis, de quibus alios iudicaturi sint. Et quo expeditius
vigeat

vigeat iustitia, nequaquam iudicium ibi protelatur subterfugiis cavillatorum, nec obtenditur calumniis vitilitigatorum. Siquidem reus diffugium captans, dum per attactum oræ vestimenti sui vocatus ab actore in iudicium non paruerit illico, extunc velut compertus jam in reatu vapulat. Verberat enim fuste, certo & ex lege domini præscripto plagarum modo. Actori item & testi locus in iudicio non est, qui necessaria salutis non satis perfecte ex lege calleat, aut qui gustasse aliquando vinum seu alio notatus vitio deprehenditur. Parent quoque foro eidem, hoc est, Cadii iudicio, & procures ac duces cum popularibus pariter & absque discrimine, ac præter summum principem: cuius Majestati plus etiam quam humanæ deferunt; ipsi in universum, atque ad unum omnes uno eodemque jure vivunt. Item & habitu conformi & victu compari, reddunt se pariles, nefas videlicet & piaculum habentes, fuste etiam expiandum, præsumi à quoquam gentis suæ, ut vestitu præcinctive, aut pileo seu casarie, utatur non suo patrio ac vetusto ritu: utve cibarium privatim à se promptum, non commune habeat unicuique præsentium, aut sumat illud esui parte ex aliqua patronus ipse prius, quam expon-

fitum in medium , frustulatum fuerit concisum , & commistum diligentius , ut eadem scilicet cederet qualitate cuilibet presentium. Et in itinere nedum viaticum commune habent , sed etiam inservitant majori natu aut imbecilliori cuilibet , alacrius unus præ alio. Domi hospiti cuilibet obiterario etiam & ignoto exponunt gratuito & cibum & nidum , sed eminus à serie stativarum suarum: Quoniam alias non adeo jam sunt civiles , quippe qui foeminas suas ab hospite , amico etiam & conviva quantumcumque gratiofo , conspici nequaquam licitum habent , tenentque miseras caveis suis abditioribus reclusas & nedum conviviorum sed tynagogarum quoque & omnis consuetudinis forensis penitus expertes , laboribus etiam omnibus sartoriis & sutoriis rejectis in eas , sed neutiquam tamen invitas. At ipsi interim non sunt contenti conjugii earum singuli singulis , more hominum prisco , in hoc se jactitantes , itidem & lege sua suadente uxores unicuique quaternas , & in singulas earum pellices denas. Et quo perfectiores præstent se viros , non divitias quærunt sponfarum , nec species earum corporales , copulanturque eis , minime à se antea in facie visis , sed animis duntaxat moribusque earum explo-

exploratis; & non dedignantur in conjugia ancillas quoque suas captivas, ac emptitias. Vnde habent eas in matrimoniis constantes, morigeras, invicem concordēs, & pellicibus suis in gratiam maritalem æquanimēs, item pudicas, ut inauditū sit penitus in eis adulterii crimen, capitale alioqui, & nece expiandum illico. Et præterea, cum intelligant barbari illi, nihil salubrius esse gentibus virtutē & disciplina militari, in arduitateque consistere virtutem: ideo molliciem & voluptates averſando, asperitati vitæ, nec non equitatu ob rem bellicam student ex infantia, & jam inde ab incunabulis gestantur inequitando, nec desueſcunt equitare vel decrepiti. Vehiculi vero usum vetuli quoque vel valetudinarii detestantur, molliciem devitando & parcendo equis. Parcī enim sunt equorum, adeo ut Baro etiam eorum, equitet intra patriam solus, qui foris centenīs concomitatur equitibus suis peculiaribus. Et mulier apud illos etiam primaria, & vel Cæsaris necessaria, regiam accessura, non verecundatur cavæ suæ obturata reclusa, auro vel gemmis intro nitens, bove vehi uno, aut propter plauſtri grossiciem duobus. Equum autem vel deterrimum jungi vehiculo, nefas est & religio cui-

libet eorum, millenos etiam in equitibus suis habenti equos. Est autem vita hominum illorum tetrica, sic & austera vulgo eorum communis, at non Principibus: Quoniam Principes Scytharum in publica populorum suorum frugalitate ipsi lautius interim vivunt. Ut Precoopensis modernus Cæsar, negotio bellico in filios nunc rejecto, ipse propensius voluptatibus intendit, in topiariis mulierum suarum, intra viridarium quoddam, amœnitate loci, nec non ædificatu, cultu, herbarumque ac arborum varietate, & quincunciali earum situ elegans. Quo quidem in paradiso suo, hospites etiam exceptat ille conviviiis opiparis, licet ipse quidem velut fastidio & contemptu divitiarum ligneis & fictilibus vescens ex vasculis, attamen auratis innitens pulvinaribus & cubitis & pedibus, ad argenteamque discumbens mensam, aureis & gemmatis oneratam phialis, & variis lasciviens dapibus, nec non melodiis fidium, cymbalorum, crotalorum, psalmorum, aliisque nugis ostentans delicias suas, liberiusque licere sibi ea præsumens in publica populi continentia.

Agunt vero populi Tartarici continenter auscultantes Sacre Scripturæ dicenti; Vinum non bibetis, domum non ædificabitis, sementem non feretis, vineas

neas non plantabitis. Sed in tabernaculis habitabitis, ut vivatis diebus multis super faciem terræ. Sic ergo vivunt illi super faciem terræ diebus multis liberi, immunes, & ab ultimo suo excidio tuti semper: Dum deliciis contemptis, nihil fixum expugnationique obnoxium possidentes, tota ipsorum quocunque migrent comitetur eos substantia. Quam ideo fugitivarii ipsi conditant sibi universam in mobilibus, in moventibus sese pecoribus ac etiam servis.

Quanquam vero habeant Precopenses pecora se penes, copiose pullulantia, servos autem aliunde captivos, eo tamen altero facultatum suarum genere plus fortunati sunt. Non habent enim pecora tot, quot mancipia: nam hæc externis quoque largiuntur provinciis: Si quidem adventant eis naves crebæ ex ulteriori Ponto, & Asia, portantes arma, vestes, equos, & solvuntur ab eis oneratae semper mancipiis: Quoniam omnia illorum emporia ac telonia, celebria sunt solo eo mercium genere, quod etiam ad manus est eis semper, & mercatui, & pignori & dono; ac unusquisque eorum equi saltem ascensor, etiam cum nullum actu habeat mancipium, potentia tamen, certo semper copiam peculii ejus habere se præsumens, pro-

mittit in contractibus creditori cuilibet numeraturum se ad certum diem pro vestibus, armis, & equis vivacioribus, vivaces etiam, verum non equos, sed homines, eosque sanguinis nostri. Et statur hujusmodi promissis eorum secure, perinde ac si in vivariis & cortibus suis reclusos semper habeant illi homines nostros. Vnde Iudæus quidam ibi in Taurica ad portam ejus, unicam illam, telonio præsidens, & innumeram semper hominum nostrorum captivorum multitudinem importari illuc cernens, quærebat ex nobis, utrum adhuc homines in regionibus nostris supersint, nec ne, & unde hic tantæ mortalium copiar. Est autem id ipsum facultatum genus latrunculis illis in promptu semper, nedum in commercium quodlibet ad externos, sed domi etiam, & sævitia eorum perferendæ & ludicris.

Crebri enim ibi ex miseris ipsis viri robustiores, si non castrantur, auribus tamen & naribus mutilantur, genis & frontibus cauteriantur, pedicisque & nervis compediti angariantur, interdum laboribus, noctu carceribus; prætenuique foveantur cibo morticinæ, ejusque putridæ, vermibus scaturientis, canibus etiam abhorrendæ carnis.

Fœminæ vero teneriores in lasciviis habent.

habentur, & quædam convivii etiam adhibitantur hilarandis, psaltui, fidicinatui, gesticulatuique artificiose edoctæ. Quæ liberali forma ex nobiliorum gentis nostræ sanguine raptæ, adductantur Thalassio & paradificolæ illi.

E fragmento secundo.

Tartari in equitatu sunt assidui: absque curribus bella gerunt, equis peregrinis abundant, urbibus quas tumentur carent. Mosci quolibet vere ex Orda Tartarica Nohaiensi, permutatione vestium, & rerum aliarum vilium, multa millia equorum bello aptissimorum accipiunt.

Tartari equorum ditissimi, ne Principis quidem suæ vehiculo jungi patiuntur equum.

Tartari tunicas habent absque plicis & rugis longas, equitanti dimicantique commodas; leves & pileos albos acutos non ad fastum paratos, quorum eminentia atque nitori in agminibus, licet minime galeati esse soleant, apparent illustriores, & hostibus formidandi.

E fragmento tertio.

A Romatis adeo abstinent, ut & in epulis paschalibus contenti sint his condimentis, sale lutulento, sinapi, alio, capis, suæque telluris fructibus, non solum vulgus, verum etiam optima.

præcipitiis cellariorum, id est, antris, cavernis & cryptis subterraneis dehiscentem. Et illinc primum arrigi cæpit in nos cornu stirpis Kiriorum, perlatis sibi in Tauricam exuviis cruentis militis nostri. Atq; deinde apud Oczakovv, tametsi fortis itidem ac etiam victor in illos fuerit miles noster, at imprudens interrim, ut qui donaverit ultro victoriam victo Oslam Soltano, mittens ad eum in castellum duces suos colloquii gratia, ignarus dictum esse, Circa rem bellicam dolus an virtus, quis in hoste requirat? Sic igitur semper robustiores fuere nostri Præcopensibus, præter solas technas, dolos & strategemata illorum. Vita autem Tartarorum, qua glorientur, est prisca, pastoritia, quam olim in aurea ætate sancti vixerunt patres, & ex qua Duces etiam eligebantur populis, regesque & prophetæ, dicente quodam eorū, Tulit me dominus cum sequeretur gregem eorum. Ita enim agunt hæcenus Tartari, sequendo greges, & peragrandō cum eis campos hinc inde. Septa nulla habent, nec domos, præter tabernacula gestatoria, ex viminibus & arundinibus compactis, ciliciis velata, floreis & matris scirpeis munita, quæ uxoribus & pueris referta, vectant secum in plaustris. Terram non colunt, etiam fertilissimā,

contenti spontaneo fructu ejus, herba ad pascendum pecus. Vnde juxta Salomonis consilium, lacte solum absq; pane & sicera vivunt, sobrii & abstemii; cum lege quoque prohibitum habeant potum vini, ac esum suillæ. Et quamvis cæterorum pecorum ac jumentorum, etiam equorū vescantur carnibus, non tamen apud se, nisi penitus mortuis aut pene morticinis, parcendo scilicet vividis gregum suorum. Nam in gregibus totam suam conditant substantiam; nihil immobile possidentes privatim præter puteos, & eos contribulibus quibusq; communes. Mobilium etiam curæ atque oneri non impendio se applicant, præter quotidianam & eam tenuem utensilium supellectilem, & equitatus bellicæque rei levissimum etiam instrumentum, ad quod solum accurati sunt; præter vero id, ad aliud operis profani alicui rei navare operam virum ingenuum dedecori habent, quo sedulius obsequunt præscripto legis suæ, vi & armis propagandæ. Atque in ea feritate nihil habent antiquius temperantia & continentia, vivuntque citra exuperantiam ac defectum ultimum omnes. Vnde quemadmodum in sacris litteris dicitur, Scio & satiari & esurire & abundare & penuriam pati: Item,

vigeat iustitia, nequaquam iudicium ibi protelatur subterfugiis cavillatorum, nec obtenditur calumniis vitilitigatorum. Siquidem reus diffugium captans, dum per attactum oræ vestimenti sui vocatus ab actore in iudicium non paruerit illico, extunc velut compertus jam in reatu vapulat. Verberat enim fuisse, certo & ex lege domini præscripto plagarum modo. Actori item & testi locus in iudicio non est, qui necessaria salutis non satis perfecte ex lege cal'eat, aut qui gustasse aliquando vinum seu alio notatus vitio deprehenditur. Parent quoque foro eidem, hoc est, Cadii iudicio, & procures ac duces cum popularibus pariter & absque discrimine, ac præter summum principem: cuius Majestati plus etiam quam humanæ deferunt; ipsi in universum, atque ad unum omnes uno eodemque jure vivunt. Item & habitu conformi & victu compari, reddunt se pariles, nefas videlicet & piaculum habentes, fuisse etiam expiandum, præsumi à quoquam gentis suæ. ut vestitu præcinctuve, aut pileo seu cæsarie, utatur non suo patrio ac vetusto ritu: utve cibarium privatim à se promptū, non commune habeat unicuique præsentium, aut sumat illud esui parte ex aliqua patronus ipse prius, quam expo-

fitum in medium , frustulatum fuerit concisum , & commistum diligentius , ut eadem scilicet cederet qualitate cuilibet presentium. Et in itinere nedum vaticum commune habent , sed etiam inservitant majori natu aut imbecilliori cuilibet , alacrius unus præ alio. Domi hospiti cuilibet obiterario etiam & ignoro exponunt gratuito & cibum & nidum , sed eminus à serie stativarum suarum: Quoniam alias non adeo jam sunt civiles , quippe qui fœminas suas ab hospite , amico etiam & conviva quantumcumque gratiofo , conspici nequaquam licitum habent , tenentque miseræ caveis suis abditioribus reclusas & nedum conviviorum sed synagogarum quoque & omnis consuetudinis forensis penitus expertes , laboribus etiam omnibus sartoriis & sutoriis rejectis in eas , sed neutiquam tamen invitas. At ipsi interim non sunt contenti conjugii earum singuli singulis , more hominum prisco , in hoc se jactitantes , itidem & lege sua suadente uxores unicuique quaternas , & in singulas earum pellices denas. Et quo perfectiores præstent se viros , non divitias quærunt sponfarum , nec species earum corporales , copulanturque eis , minime à se antea in facie visis , sed animis duntaxat moribusque earum explo-

exploratis; & non dedignantur in conjugia ancillas quoque suas captivas, ac emptitias. Vnde habent eas in matrimoniis constantes, morigeras, invicem concordēs, & pellicibus suis in gratiam maritalem æquanimēs, item pudicas, ut inauditū sit penitus in eis adulterii crimen, capitale alioqui, & nec expiandum illico. Et præterea, cum intelligant barbari illi, nihil salubrius esse gentibus virtutē & disciplina militari, in arduitateque consistere virtutem: ideo molliciem & voluptates averſando, asperitati vitæ, nec non equitatu ob rem bellicam student ex infantia, & jam inde ab incunabulis gestantur inequitando, nec desueſcunt equitare vel decrepiti. Vehiculi vero usum vetuli quoque vel valetudinarii detestantur, molliciem devitando & parcendo equis. Parci enim sunt equorum, adeo ut Baro etiam eorum, equitet intra patriam solus, qui foris centenīs concomitatur equitibus suis peculiaribus. Et mulier apud illos etiam primaria, & vel Cæsaris necessaria, regiam accessura, non verecundatur cavæ suæ obturatæ reclusa, auro vel gemmis intro nitens, bove vehi uno, aut propter plauſtri grossiciem duobus. Equum autem vel deterrimum jungi vehiculo, nefas est & religio cui-

libet eorum, millenos etiam in equitibus suis habenti equos. Est autem vita hominum illorum tetrica, sic & austera vulgo eorum communis, at non Principibus: Quoniam Principes Scytharum in publica populorum suorum frugalitate ipsi lautius interim vivunt. Ut Precoensis modernus Cæsar, negotio bellico in filios nunc rejecto, ipse propensius voluptatibus intendit, in topiariis mulierum suarum, intra viridarium quoddam, amœnitate loci, nec non ædificatu, cultu, herbarumque ac arborum varietate, & quincunciali earum situ elegans. Quo quidem in paradiso suo, hospites etiam exceptat ille conviviiis opiparis, licet ipse quidem velut fastidio & contemptu divitiarum ligneis & fictilibus vescens ex vâculis, attamen auratis innitens pulvinaribus & cubitis & pedibus, ad argenteamque discumbens mensam, aureis & gemmatis oneratam phialis, & variis lasciviens dapibus, nec non melodiis fidium, cymbalorum, crotalorum, psalmorum, aliisque nugis ostentans delicias suas, liberiusque licere sibi ea præsumens in publica populi continentia.

Agunt vero populi Tartarici continenter auscultantes Sacræ Scripturæ dicenti; Vinum non bibetis, domum non ædificabitis, sementem non seretis, vineas

neas non plantabitis. Sed in tabernaculis habitabitis, ut vivatis diebus multis super faciem terræ. Sic ergo vivunt illi super faciem terræ diebus multis liberi, immunes, & ab ultimo suo excidio tuti semper: Dum deliciis contemptis, nihil fixum expugnationique obnoxium possidentes, tota ipsorum quocunque migrant comitetur eos substantia. Quam ideo fugitivarii ipsi conditant sibi universam in mobilibus, in moventibus sese pecoribus ac etiam servis.

Quanquam vero habeant Precopenses pecora se penes, copiose pullulantia, servos autem aliunde captivos, eo tamen altero facultatum suarum genere plus fortunati sunt. Non habent enim pecora tot, quot mancipia: nam hæc externis quoque largiuntur provinciis: Siquidem adventant eis naves crebræ ex ulteriori Ponto, & Asia, portantes arma, vestes, equos, & solvuntur ab eis oneratae semper mancipiis: Quoniam omnia illorum emporia ac telonia, celebria sunt solo eo mercium genere, quod etiam ad manus est eis semper, & mercatui, & pignori & dono; ac unusquisque eorum equi saltem ascensor, etiam cum nullum actu habeat mancipium, potentia tamen, certo semper copiam peculii ejus habere se præsumens, pro-

mittit in contractibus creditori cui libet numeraturum se ad certum diem pro vestibus, armis, & equis vivacioribus, vivaces etiam, verum non equos, sed homines, eosque sanguinis nostri. Et statur huiusmodi promissis eorum secure, perinde ac si in vivariis & cortibus suis reclusos semper habeant illi homines nostros. Vnde Iudæus quidam ibi in Taurica ad portam ejus, unicam illam, telonio præsidens, & innumeram semper hominum nostrorum captivorum multitudinem importari illuc cernens, quærebat ex nobis, utrum adhuc homines in regionibus nostris supersint, nec ne, & unde hic tantæ mortalium copię. Est autem id ipsum facultatum genus latrunculis illis in promptu semper, nedum in commercium quodlibet ad externos, sed domi etiam, & sævitia eorum perferendæ & ludicris.

Crebri enim ibi ex miseris ipsis viri robustiores, si non castrantur, auribus tamen & naribus mutilantur, genis & frontibus cauteriantur, pedicisque & nervis compediti angariantur, interdum laboribus, noctu carceribus; prætenuique foveantur cibo morticinæ, ejusque putridæ, vermibus scaturientis, canibus etiam abhorrendæ carnis.

Fœminæ vero teneriores in lasciviis habent.

habentur, & quædam convivii etiam adhibitantur hilarandis, psaltni, fidicinatui, gesticulatuique artificiose edoctæ. Quæ liberali forma ex nobiliorum gentis nostræ sanguine raptæ, adductantur Thalassio & paradificolæ illi.

E fragmento secundo.

Tartari in equitatu sunt assidui: absque curribus bella gerunt, equis peregrinis abundant, urbibus quas tutentur carent. Mosci quolibet vere ex Orda Tartarica Nohaiensi, permutatione vestium, & rerum aliarum vilium, multa millia equorum bello aptissimorum accipiunt.

Tartari equorum ditissimi, ne Principis quidem suæ vehiculo jungi patiuntur equum.

Tartari tunicas habent absque plicis & rugis longas, equitanti dimicantique commodas; leves & pileos albos acutos non ad fastum paratos, quorum eminentia atque nitori in agminibus, licet minime galeati esse soleant, apparent illustriores, & hostibus formidandi.

E fragmento tertio.

ARomatis adeo abstinent, ut & in epulis paschalibus contenti sint his condimentis, sale lutulento, sinapi, alio, cæpis, suæque telluris fructibus, non solum vulgus, verum etiam optima.

tes, & summus dux illorum, arcium nostrarum ereptor, quas jam LXXIII enumerat jactanter.

In mensa Principis convivali, inter aurea vasa & vernaculas dapes, nonnihil quidem piperis, non tamen cocti, in trullis seorsum apponitur, sed à nemine attingitur.

Tartari Precopenses itidem aromata averfantur, vivuntque potu lactis & aquæ putealis, quæ in ambitu Tauricæ campestri, raro invenitur non amara, clara autem rarius, nisi in visceribus terræ profundissime quæ sita. Apud Tartaros qui modo vinum gustaverit, is & octoginta fustuariis ictibus percutitur, & totidem nummis mulctatur.

E fragmento septimo.

TArtari suas mulieres in abditis semper tenent locis. Sequuti ducem naturam, atque laudabilem priscorum hominum, de quibus in Bibliis, consuetudinem, plures simul singuli uxores habent. Ex quibus numerosas filiorum & affinium copias consequuntur. Et uxores, quanto plures, tanto sui amantiores habent, faustisque fruuntur matrimoniis. Nec sponсарum magnas dotes quærunt, nec formas nec inclytas familias; adeo ut summi principes ex captivis emptitiis conjuges sumant. Nec ita pri-
dem

dem in copiis Oslam Soltan fuerunt collectanei ejus, cujusdam Omeldeszl filii simul, robusti, uno anno & mense fortassis ex uxoribus & pellicibus earum procreati. quæ cohors XL fratrum germanorum conspicua fuit. & hic apud fluvium Vaka villa Tartarorum frequens est, antiquitus XL Tartarorum, id est, fratrum, appellata. Mercendarum sponfarum morem, qui est apud Tartaros, patet fuisse etiam apud Israëlitas, Genes. 29. & 1 Reg. 18. quemadmodum & in nostra olim gente solvebatur parentibus pro sponsa pretium, quod *krieno* à Samagitis vocatur.

E fragmento decimo.

Religio seu lex est communis Tartaris cum Turcis atque aliis Saracenis, quæ Iudaismum olet, & hæresim quandam Nestorianam. Deum unicum & simpliciter profitetur. Christum vero, sanctum Prophetam & judicem mundi postremum, virgine pura natum, sed non passum credit. Circumcisionem observat. Sed eam tam adulta ætate suscipit, qua Ismahel patriarcha illorum circumciscus erat. Orta autem hæc secta proditur in Mecha oppido Arabiæ, anno salutis humanæ pene sexingentesimo, suggerentibus eam Iudæis, ibi post everfam Jerusalem degentibus, machinatione
cujus-

cujusdam Sergii monachi & apostatæ nefandi, in perniciem Christianitatis.

Religionem suam assiduo conatu propagant. Diem à precatione auspiciantur, & precibus finiunt. quotidie mane, vespere, & pomeridianis horis orant: nulla, quo id minus agant, necessitate avocari se sinunt. non id opus in solos sacerdotes rejiciunt: etsi illos solos à precatione & lege interpretanda habent. quilibet pro se tam clericus quam laicus pariter, & clam & coram hominibus turmatim in cœtibus Deum confitentur. Semper sobrii, aqua lustrali membra loti, terram in qua cum Deo loquuntur, imitati sacram scripturam, pro sancta ducunt, & insternunt. Nulli sedilibus infans utuntur. characteres præscriptos & certos gestus adhibent, palmas ad cœlum expandunt, genua flectunt, incurvantes se usque in terram proni in faciem procidunt, toto corde & omnibus membris orationi incumbunt, in qua non valde multa verba repetunt, sed hæc præcipua: *Soli Deo immortalis Creatori cœli & terre, præter quem non est alius, honor & gloria in secula seculorum.*

Precationi adjungunt jejunium. affligunt enim totos dies animas suas non solum fame & siti, sed ab omni opere & verbis profanis abstinentes, nihil
præter

præter divina curantes usque ad intempestam noctem, capientes cibum non ad luxuriam, sed ad virium refectioem. Rident jejunia nostra, non fame, non siti, non cinere, non rerum divinarum contemplatione, non vigiliis, non orationibus condita.

Sunt & in eleemosynis dandis liberales. neminem enim suorum unquam mendicari, aut fame vel algore perire patiuntur. Adhibent tamen in hac beneficentia judicium. nam non dant iis qui eleemosynam in ingluviem & luxum convertant: sed pauperibus, debilibus, peregrinis, scholasticis, literis & ritibus Religionis ipsorum cognoscendæ studentibus.

Arcana divina scrutari nefas prophannumque esse existimant. nostram temeritatem execrantes, quod quidam ex nobis de judiciis & secretis divinis, quæ magna abyssi vocantur, in suis comestationibus disputent, nomen divinum frustra usurpent. Irrident Tartari nostros Ecclesiastas seu prophetas, taxant templa supellectilis, sedilium, ararum, simulacrorum, & Dei ad senectutem vergentis, & mulierum venustarum, lasciviam moventium, plena.

Nos æris pulsu, illi certis laudis divinæ verbis ac vociferationibus ad templa
se in.

ſe invitant : nos quod in laudibus divinis aures delectemus noſtras , buccinis, organis , harmoniis , verba precationis obſcurantibus, & organis interea noſtris naturalibus ſilentibus, reprehendunt.

II.

De Tartarorum origine, moribus , tam domi quam in bello, diſciplina.

E Thuano lib. hiſt. LXVII.

PEr vaſtas Scythiæ ſolitudines ad ſeptentrionem porrectas habitant Tataſi in Europa & Aſia , quibus olim unus Chanus ſive dominus , nunc plures ſciſſo imperio dominantur. Proximi Polonis ſunt, quos & continuis excuſſionibus vexant Præcopienſes Europæi Tataſi, qui inter Tyrā, hodie Neſterum dictum, & Beſſarabiæ ſive Valachiæ inferioris montes , lacum Vivodum & Biálogrodum civitatem, ad Pontum Euxinum habitant, & rursus trans Tyram campos vaſtos inter eum & Bogū occupant; in quibus Oſcovia arx oppido celebri conjuncta, Olbiopolis olim Plinio & Ptolomæo appellata , ad Boryſthenis rapidiſſimi & latiſſimi oſtium ſita , qua in Carcinitū ſinum influit. Supra Oſcoviam IV milliaribus Bogus Boryſthenē exci-

excipitur; qui si Hypanis est, ut autumat Martinus Broniovius, corrigendæ sunt Ptolomæi tabulæ; quæ Hypanim trans Borysthenem ortū versus ponunt, cum Bogus ad occasum Borystheni influat. In iis solitudinibus Sauramenses campi & Circassii sunt, & trans Borysthenem Ossovienses ab arce & oppido dicti, quod in faucibus Tanaïs, qui est Donus hodie, qua Mæotidem paludē ingreditur, positum est. In iis ad peninsulam usque, qua Dromon Achillei olim vocatā Borysthenes & subiectus Carcinites sinus efficiūt, per tuguria ac mapalia circiter xxx miliar. spatio late Tataři habitant. His adjacet Taurica Chersonesus Peloponnesio paullo minor, olim feritate damnata regio, & immani homines mactandi & immolandi ritu infamis, in cujus faucibus Precopia est, à qua Precopienses Tataři appellantur. Heracleoris olim, ut creditur, dein Eupatoria & Pompeiopolis dicta, in qua Chani Tatarorū Palatinum seu præsidem, quem illi Begum vocant, perpetuum habet, qui Borysthenis & Tanaïs trajectus servat, firmo addito præsidio, & fossa ducta, in qua xvii turres excitatæ Sachainbeiero Chano in peninsula imperante, qui Tataros Noagienseis in Asiatica Tanaïs ripa de imperio illi controversiam facienteis insigni

gni ac memorabili clade ad Precopiam olim profligavit. Eo cum Chanus expeditionem aliquam suscipit copiarum conveniunt; sed nullum nisi consulto Turcorum imperatore & consentiente bellum suscipere Chanus Tauricus potest nisi adversus Moscum, postquam Selimus peninsula in potestatem redacta Chanos Precopienſeis juris Othomanici fecit. In qua præter Precopiam dignitate antecellit Beccasarium Principum domicilio clarum, cui quasi adhæret Salatica, & modico intervallo Sortasius pagus adjacet, legatorum, qui ex Polonia, Moldavia, Moscia adveniunt, diversorio celebris, ubi plerique à Genuensibus originem ducentes ædem Christianis sacris initiatam frequentant. Hinc non procul Crimensis arx visitur, ubi argenteorum numorum officina est. nam aurum omne Turcis ex conditionibus pacis à Selimo post debellatos Tataros datæ cedit. Eodem porro in oppido arx est, ubi Saro (sic principem vocant) in bellum proficiscente, uxores ejus custodiuntur. Secundum istas urbes mediterraneas, præcipuæ sunt juxta mare Casa, olim Theodosia, Genuensium colonia portus & commercio insignis, quam communi jure Turci cum Tataris administrant. In templo ingens ibidem & pretiosa veterum

terum librorum supellex nostra adhuc memoria erat, donec Italicorum sacerdotum vel sordibus vel contaminata vita effectum est, ut templum ad Armenios transferretur. Oppida deinde numerantur Sudagra tribus arcibus munita, Balachenum, Iambogia, Ingermenum, Corfuna, quæ Chersonitarum civitas appellabatur, olim splendore ædificiorum, marmoreis molibus, ac templis regali superbia elaboratis conspicua, nunc ruderibus ac ruinis deformis, asportatis à Turcis & aliis victricibus nationibus huc illuc marmoreis & æreis rari operis columnis. Et à Christianorum quidam reliquiis, quæ inibi sunt, constanter proditur, Vlodimirum Roxolanorum Principem duas portas æris Corinthii & imagines ex monasterii templo prædæ loco ablatas secum Kioviam deportavisse, quas Boleslaus II Poloniae rex postea inde Gnesnâ, ubi ad majores templi valvas hodie visuntur, transtulerit. Vlodimirum autem illum eam urbem Ioanni Zimisce Constantinopolitano imperatori esse posse, quam Basilii & Constantini Augustorum sorore Anna in uxorem accepta & sacris Christianis ritu Græcorum in eodem monasterio à Patriarcha quodam initiatus postea restituerit. Ante urbem promontorium est Parthenium Straboni

boni dictum, & postea Margutium sive Mancopia, & ultima Carcinitum sinum respiciens Costovia. Vinum heic nulla adhibita cura copiose crescit; fruges nullo labore, quasi sponte proveniunt; gregibus & armentis in peninsula innumeris pascua abunde suppetunt, virescentibus etiam hieme pratis, quippe cum aqua nec glacie nec nive pruinave concrescat; quo cœli temperamento fecunditas soli maxime adjuvatur. Fructibus affatim suppetentibus non solum modice, sed etiam intra modum utuntur, & frugalitate valetudine firmata innatam fortitudinem tuentur, ab omni luxu & delicato victu alieni. atque adeo ebrietas inter eos grave crimen censetur; adulteria vero, quæ luxû consequi amant, capite puniuntur. In civili administratione duo illa iustitiæ columina, ut ne cui noceatur, & communi utilitati serviat, religiosissime omnium servant, & quod magis mireris, in tã barbara & fera gente bellis & prædis assueta, nulla latrocinia aut furta sunt, nullæ res amissæ deperduntur, adeo ut in solitudinibus illis iter facere, quam in frequentissimis regionibus & urbibus versari plerumque sit tutius: siquidem apud eos cum telo ambulantes tanquam sicarii coercentur. cetera crimina brevibus definita legi-

legibus, quarum custodia & interpretatio penes Mahumetanę sectę sacerdotes est, severe vindicantur. Chanus ipse, qui & Sarus dicitur, in jure dicundo assiduus est; cui à dextra Galga (ita militię præfectus vocatur) isq; maximus natus frater Sari est; à sinistra Soldani, qui filii Principis sunt, cum primum adoleverunt, cum aliis Senatoribus, qui Atali dicuntur, juri dicundo assidere solent; quorum rogatis sententiis ille decernit, nec nisi finita lite inde pedem cuiquam movere licet. Sunt & in oppidis judices Haionati vulgo appellati, qui jus inter nobileis Murfos vulgo vocatos dicunt, & mensę à Principe adhibentur: quod virtutis præmium in mediocribus hominibus minime pervulgatur. Ceterum ex iis majore in dignatione sunt, qui plures captivos possident. cum moriuntur, arma præstantiora cum equo præcipuo capit filius natus maximus; reliqua bona inter filios æqualiter dividuntur, tutela ad patruos delata. Principis frater, quem virtutis opinione jam ante Galgam designaverunt, decedente Saro ad regnum vocatur, vel eo deficiente filius defuncti natus major. ceteris præter Soldani nomen honoremq; nulla pars ditionis & imperii cedit. Princeps autem ipse nulla prædia, nullū ex agris vectigal

ærariumve habet, præter equos ex singulis fontibus singulos, & portoria, quæ ei cum Turcis communia sunt: metalla item, præter aurû, quod ex fœdere Turci est, ejus propria, accedentibus ad hæc decimis ex prædiis omnibus; item ex singulis captivis majoris pretii III, ex vilioribus singuli aurei seu chequini Chano penduntur. Annonam populus domi & in militiam sponte suppeditat, ex ærario etiam Turcico quinquies mille & 10 aureos quotannis accipit, filio obside dato. his tenuibus opibus immane quantum virium & copiarum sustentatur, quæ omneis Christianos exercitus numero vincunt. etenim si educere exercitum est opus, et 10 equitum, in singulis tuguriis tantum relictis singulis viris, qui focos & lares tueantur, celerrime conveniunt; quibus si Circassii & Astracani se conjunxerint, ut fere solent, bis centum erunt & amplius millia. Si quis ad diem indictum non convenerit, capitale est. Singuli porro plureis equos ducunt, suisque subito, ne pascua vastent, finibus excurrunt, annonam militarem trium mensium secum portantes, carnem scilicet exsiccata, allium, caseum, herbarum radices, quas aromatum loco habent, & à nostris ideo Tartaricæ vulgo vocantur. ditiores etiam species alias

alias addunt. de pane & vino solliciti non sunt; aquam etiam nullam obesse posse existimant, alio prius sumpto. Ligna quædam & unâ cum annona unico equo vehunt, quibus instar tugurii erectis palea superposita, foliis arborum aut gramine teguntur. quæ si defecerint, detractis equorum ephippiis capita reliquo corpore intesto cooperiunt. Aliis equis pharetras & arcum imponunt, alios & fere viliores initio ascendant. ipsi de via fatigati sumpto alio & iis, quas dixi, radicibus pro cibo utuntur, & vireis recreant, hausto etiam pro vino sanguine, & interdum equarum lacte, quod singulare adversus famem, sitim, æstumque præsidium in deliciis habent. Pro vexillis dependenteis ex hastâ crineis ac setas gestant, excepto principis signo, quod à Turcorum imperatore acceptum ex holoserico præferri solet. Inter incedendum nullum aciei agminisve ordinem servant. quoquo versus circumsepto principe globi instar, quo pabuli copia suppetit, procedunt, nullis eos fluminibus, quæ vastissima & rapidissima illis locis sunt, nullis aquarum gurgitibus tardantibus; ita & equi & homines simul natandi periti sunt. & si quidem alta & late patens aqua fuerit, caudis equorum ephippia cum sarcinis, ad-

junctis juncorum arundinumve fasciculis quibusdā alligant. ipsi jubis adherentes nudi, laxato freno, altera manu virga vel ipso alvei cursu quasi gubernaculo, quo intendunt, equum impellente, transmittunt. sic ubi contra humilior aqua obtigerit, in equum ex flumine insiliunt, paullulumque interquiescunt, dum equi spiritum ducere ac respirare possint. Principi autē transmissuro connexis equorum caudis & adjuncto juncorum plexu sedes sternitur. Vbi fretum aut mare superandum occurrit, occisis equis vilioribus pelles detrahunt; ex iisq; inversis ac pinguedine oblitis, etiam costis trabis loco intextis naviculas consuto crinibus celeriter corio conficiunt, quibus singulis octoni homines cum totidem extra utrinque ad latera attractis equis transportari queunt. sin autē cursus & vehicula traducenda fuerint, rotis exemptis crebros juncorum manipulos vehiculis imponunt, equorumque caudis annectunt, atq; ita tanquam in navicula perito natatore equos dirigente trajiciunt. Si quid in transmittendo periculi inciderit, signo ex herbis posito, socios, qui sequuntur, præmonet; cujusmodi notis & interdum vias distinguunt, noctu ut nautæ in mari ad parvam cynosuram profectionis cursum dirigentes.

tes. Arma illis in usu sunt arcus, machæ-
ra, clavus ferreus & globus à fune ali-
quot ulnarum pendentes. hastas & sclo-
petos nostros fere negligunt, in quibus
curandis plus operæ quam in usu utili-
tatis esse censent, atque adeo ad vena-
tiones domum relinquunt. Viros, quos
hostili in solo obvios offenderunt, ne
exploratas ipsorum copias enuncient,
omneis occidunt, mulieres & pueros
inviolatos relinquentes; neque donec
revertantur, de captivis aut præda la-
borant, sed omnia, nisi pactionibus ali-
ter cautum fuerit, devastant ac perdunt.
Vbi certamen incidit, neque prælii for-
tunam temere tentare, nec nisi bene
ominatis diebus periclitari solent, ac
numquam fere universis copiis decer-
nunt, sed emissi aliquot, qui hostem ve-
litatione pertentent, auxilia deinceps
suis summittunt, quandiu eminus pu-
gnare datur: sin comminus erit necesse,
horrendis clamoribus editis & densatis
agminibus vim faciunt. cum re gesta
domum revertuntur, in finibus ante o-
mnia ex communi præda damna, quæ
socii acceperunt, arbitrio principis com-
pensant, tum residuum inter se æqua-
liter dividunt: ubi si quid quis socios
celaverit, prædæ partem cum vita amit-
tit. quo fit ut de victoria magis quam

de præda solliciti sint. Quàm infestis vicinis & in hostico terribiles, tam domesticis & inter se innocenter degunt. & hieme quidem in tuguriis sive mapalibus per vastos illos, quos dixi, campos ex materia tenui, limo, cæno vel pecorum & aliorum animalium fimo oblitis ac coniectis se à frigoris asperitate & cæli injuria defendunt. ineunte Aprili cum uxoribus, liberis & omni familia, mancipiis, pecoribus & armentis in domibus rotundis vix quinque homineis capientibus (pileata tentoria vocat Laonicus Chalcondyles, quæ rotis duabus sustentantur) quasi in plaustris vagantur, unde olim Hamaxobii appellati. Ex ea gente prodiit famosissimus ille orientis vastator, & secundum Attilam Hunnorum Regem, alterum Dei flagellum Tamerlanus, homo specie deformis, & altero pede claudus, nec vegeto satis ingenio. qui cum in Caramania seu Cilicia in schola operantibus literis daret, à condiscipulis quasi per ludibrium in ludo electus est, ceteris puerilem dignitatem refutantibus. qua ille tamen joco accepta postea serio usus est. nam adultior in illa sociorum frequentia animos verè regios sumpsit, & contractis jam penes se majoribus copiis blandiente

licen.

licentia etiam multos eorum, qui Bajazeti tunc militabant, ad se ludicri regni specie pellexit. quibus postremo fretus, Bajazetem, qui parva hæc initia imprudenter contempserat, postremo ad prælium adactum, fustumq; ac captum, fœdissimam servire servitute coegit. quod vero è literario ludo prodiisset, quibus iisdem initiis & Scirifiorum, qui nunc in Mauritania regnant, imperium fundatum est, ut suo loco diximus, cum Turcica lingua Thamer diceretur, Tamerlanus appellatus est, quasi Thamer è schola dicas. nam Turcis, lanus, schola est; quamvis alii Temurem dicant, cui Leugi, quod claudus esset, cognomentum additum sit. Tartarorum autem nomen circa annum clo cc xxviii primum innotuit; qui bipartito agmine Europam & Asiam eodem tempore inyasunt. & qui Asiam petiere, Georgianam superioremque Armeniam pervagati, Iconium usque, Turcorum regiam, pervenere. alia manu Batho duce, vastatis Sussalis & Smolensibus Moscoviæ provinciis & Kiovia Russorum metropoli funditus destructa, Poloniam & Hungariam ingressi, Sendomiria ac Cracovia à Boleslao Pudico desertis, etiam Vratislavia potiti sunt, & Henricum Pium Quadorum ducem S. He-

duigis filium ad Lignitiam cum exercitu trucidarunt. inde in Marcomannos descendentes in Hungaria conjunctis viribus etiam Belam quater profligant anno illius seculi xli; biennioque in ea consumpto per Valachiam & Podoliam domum redeunt. Quo tempore Innocentius iiii P. R. missis ex concilio Lugdunensi legatis Bathum, ut religionem Christianam susciperet, hortatus est, exiguo fructu. nam ille quidem inducias aliquot annorum concessit; ceterum Saracenis instigantibus Mahumetanam perfidiam constanter amplexus est. Cum autem gens ea Scythica initio in vii veluti tribus seu hordas distributa esset, quarum hæc erant nomina, Tartar, Tangur, Cunat, Tatair, Sonic, Mongli, Tebeta; & angustam inter Ripæos montes & mare Caspium pro multitudine regionem à Georgianorum regulis in Asia incolerent: senex quidam prudentiæ & sanctitatis opinione inter eos insignis ex tribu Tartar, Changius nomine, socios ad libertatem vocavit, iisque se ducem præbuit; qui ex angustiis illis egressi, quum felici victoriarum cursu late imperium in Asia propagassent, Tartari à tribu sua universi dicti sunt. alii à Tataro fluvio, cujus accolæ Sumogli sunt, dici volunt, & in iis

Ioannes Leunclaius harum rerum diligens scriptor. alii denique Tartaros lingua Syriaca residuos ac reliquos dici autumant, quasi hi ex Israëlitarum fæce reliquiæ sint ; cui rei firmandæ argumento est , quod illi etiam ante Mahumetis adventum circumcisione, utpote à ludæis accepta, uterentur.

III.

*Traëtatus de Tartariis Precopensis,
Chersonesii & Bosporiis.*

TAurica Chersonesus, arboris folio similis est, quod pediculo suo Scythiæ continenti jungitur, ac alteram alam in paludem Mæotidem, alteram vero unà cum extremitate aut cuspidem in Mare majus extendit. Veteres Gazariam eam dixerunt; ac celebris fuit tum propter soli ubertatem, tum etiam propter piscationes. Longo tempore sub variis fuit dominis, qui Principes Bosporani vocabantur; ac confusa fuit regiminis forma, donec eam Tauri, Scythiæ populi, occuparunt, ac Tauricam eam nominarunt. Mithridates postea Rex Ponti, hos devicit, ac provinciam vasto suo adjecit imperio, ut qui ejusmodi acquisitionibus, tanto potentior esset contra Romanos. quos etiam bello

bello aggredi ausus est; in quo tamen nihil fecit aliud, quam quod propriam sibi acceleravit ruinam. A Romanis enim victus, non Tauricam modo & Bosporum cum aliis suis novis acquisitis, sed & Pontum (regnum suum proprium) amisit. Et post hanc victoriam, Romani novos in hisce partibus constituerunt reges, quos Bospori Reges appellarunt.

In Imperii divisione provinciæ hæc orienti ascriptæ sunt: quo nomine etiam Genuenses, qui tunc in flore erant, majorem ac meliorem Tauricæ partem classibus suis occuparunt, novamque coloniam Theodosiam (quæ hodie Caffa dicitur) deduxerunt, ac totam fere maritimam Provinciæ partem possederunt. Anno postea cloccl, Tartari vi eam ingressi, Genuenses quidem non prorsus expulerunt, quamvis maximis eos affecerint damnis, donec in dona quædam tributorum loco consentire coacti sunt, Tartaris reliquum, tam in paludis Mæotidis & Maris majoris littoribus, quam in continenti, campis scilicet fertilissimis, ac etiam extra peninsulam, eam Scythiæ partem, quæ Crimæa dicitur, usque ad montes Riphæos possidentibus.

In hoc itaque tractu nunc Tartari
Pre-

Precopenses habitant, qui magnam atque amplam tam in longitudine, quam in latitudine regionem possident, ac dominium suum, usque ad Tanaim Europæ terminum versus Orientem, & ultra Borysthenem versus Occidentem extendunt, ubi Polonorum contingunt limites; ac illi ipsi sunt, qui frequentibus suis excursionibus Poloniæ à partibus Podoliæ & Rusciæ sunt infesti: quemadmodum & Moscoviæ, quam ad Septentrionem contingunt, multa damna inferunt. A Meridie Turcas sibi habent imminentes, qui maximam ac meliorem nunc Tauricæ partem possident, & præcipue Cassam Genuensium, ut dixi, coloniam, quam Mahometh ille, qui anno dñe ccccxxv Constantinopolim cepit, ipsis extorsit. Vbi Genuenses (amissa Pera, atque omni alia commoditate subsidii ad illorum locorum defensionē submittendi) non destiterunt tamen terrestri ex Italia aliquot equitum turmas, tanta cura, tamq; memorabili simul & mirabili alacritate, tantisque sumptibus mittere, ut vel maximum totius mundi Principem, præter tam longi itineris pericula, detinere potuissent. nequaquam tamen & potentia & felicitati Mahometis resistere potuerunt. Eodem hic tempore Tartaros

Precopenſes tantum non in ſervitutem redegit, coactos ut ipſius ſigna (quocunque etiam vocarentur) vel minimis ſequerentur ſtipendiis. Neque ullis aliis unquam familia Ottomanica, quam hiſce Tartaris, uſa eſt; ac hiſ ipſis Baia-zethes quoq; contra patrem, contracta cum ipſis affinitate, uſus eſt. Verum quidem eſt, quod, quum majori coguntur exire numero, Nochaienſes in ſocietatem vocent, qui ultra Tanaim in proximis Aſiæ limitibus habitant., ac numeroſiſſimi ſunt, atque ex principali ſua horda uſque ad ſeptuaginta colonias deduxerint: ſed tamen Turcæ nunquam eum quem poſſent educunt numerum, veriti ne vim aliquando ab ipſis patiantur: neque etiam Precopenſes ex ſuo territorio plures quam triginta aut quadraginta, ad ſummum, equitum (nam pedites non militant) educunt, qui non amplius quam unicum Sultaninum (monetæ genus eſt) pro toto anno, in ſtipendio accipiunt, cætera rapto aut ex præda quærere coacti.

Sub ſuo hi vivunt Rege, qui pro more Chan aut Czar dicitur. Familia autem Regia Cherei vocatur. Ingenioſi ſunt, & animoſiores quam reliqui in vicinia Tartari. Regia ipſorum civitas olim Solgati, ab aliis autem Crim dicebatur,

batur , in superiori Taurica sita ; unde
 & illi populi ab aliquibus Historicis Cri-
 menses , quemadmodum & illa extra
 Isthmum , provincia Taurica Crimæa
 (quod , ut Polonorum dicunt Historiæ,
 munitionē significat) vocatur. Sed ego
 antiquius illud puto esse nomen , atque
 illud esse emporium cujus Herodotus
 meminit , Cremini illud vocans, ac no-
 men explicans, dicendo: id est, Prærupta.
 quod ita describit, ut proprie situi in quo
 Crim est conveniat. Postquam autem
 hæc natio pedem in Taurica fixit , re-
 giam quoque sedem eo ac in civitatem
 Bavaſaria tranſtulit , quæ in Tauricæ
 meditullio sub montibus jacet , qui ab
 oriente versus occidentem extensi , to-
 tam eam regionem in duas partes fere
 æquales dividunt ; quarum optimam
 (versus meridiem nimirum) hodie Tur-
 cæ possident ; altera (septentrionali sci-
 licet) Tartaris relicta. Habent autem &
 alias civitates in peninsula hac , nempe
 Cherchiarden, Cremum, Surgati, Taffre,
 hodie Precopiam dictam : extra vero
 peninsulam usque ad Borysthenis ripas,
 habent Nigropolim, ac alias, nullius ta-
 men momenti, civitates. Et ultra Bory-
 sthenem est Orcicovia , in qua Princeps
 plerumque propter Maris commodita-
 tem , & quod Poloniæ sit vicinior , &

ad

DE

informet, nullam aliam in ea provincia esse fossam notabilem, quam hanc à Scytharum nothis ductam, assentirer forte. In medio autem relinquo, hoc saltem addens, quod fossa hæc à servorum (qui cæci plerique erant) filiis ac Scytharum nothis ducta, Oriza nominata fuerit, fortassis à fine: Ideo enim à montibus Tauricis qui in Scythia erant (è qua illi egressi sunt qui Chersoneso de qua nunc agimus, nomen dederunt) usque ad paludem Mæotidem eam deduxerunt, ut ea regione, quæ Chersonesus non erat, domum redeuntes dominos excluderent.

Chersonesus, aut Cherronesus (eodem enim modo scribitur). Græca vox est, & peninsulam significat, hoc est, regionem totam fere aqua circumdatam, Veneti corrupte Polonesiam (*Polesine*, aut *Polesene*) vocant: quod nomen non à Pò (sic Padum dicunt) derivatum, ut putant aliqui, sed à voce Peninsula corrupta deductum.

Sunt & aliæ Provinciæ, præter Tauricam, quæ Chersonesi dicuntur; nempe Cimbrica & Aurea, & aliæ similes, quarum aliæ aliis sunt celebriores: imo est & quæ particulari hoc gaudebat olim nomine, quæ nunc Galipolis; & sita est inter angustias *il Stretto di Galipoli* Ita-

liæ dictas, & sinum Candia. & in ipsa Græcia duæ quoque similes reperiuntur peninsulæ, in sinu Salonichiano seu Thessalonicensi: quarum alteram Acanthin, ejusque isthmum Acanthion vocarunt: altera hodie caput sancti Gregorii dicitur. Extra Græciam tota Africa peninsula est, neque ampliore quam sexaginta milliarius in latitudinem continenti jungitur spatio aut isthmo. Morea quoque, quam veteres Peloponnesum vocarunt, peninsula est, & forma & magnitudine Tauricæ fere similis. Peninsula itidem est Scandia, aut Scandinavia dicta, quæ Regna Sueciæ, Norvegiæ, & Daniæ partem, cum Bodnia & Finmarchia continet, ac usque ad Mare glaciale, à quo & sinu Bodnico aut Finnico parvo separatur terræ spatio, extenditur. Peninsula quoque est Peru, aut America Peruviana, hoc est, tota illa Novi mundi pars, quod *Mare del Nort*, & Mari meridionali, quod *Mar del Zur* nautæ vocant, alluitur: ac versus meridiem freto Magellanico à continente separatur: versus septentrionem autem parvo isthmo eidem jungitur, ut in tabula Mercatoris & aliorum videre est. Hinc paulo ulterius occurrit alia peninsula, versus sinum Mexicanum, quæ Iucatan provincia dicitur.

De harum autem peninsularum aliquibus, præcipue autem de Taurica, Cimbrica, & Aurea, proferam ea, quæ notabiliora sunt, aut saltem ea quæ in mentem mihi revenient. Et quia Taurica huic dissertationi præcipue occasionem præbuit, pauca quædam, præter ea quæ superius dicta sunt, de ea adjiciam.

Hæc à scriptoribus vocatur aliquando Taurica, aliquando vero Scythia: à recentioribus autem Gazaria dicitur. In circuitu habet circa 10 milliaria. In altero latere occidentem versus alia est parva peninsula, quam proprio nomine Cherronesum vocant, in cujus superiore parte civitas est antiqua, eodem nomine celebris. Solebat autem hæc Cherronesus esse provincia valde populosa; ac circiter triginta in ea civitates fuisse memorantur. Quod factum est propter magnam omnium ad victum necessariorum ibidem copiam, mari pisces & vicina Scythia, vinum vero & frumenta ipsa terra in magna abundantia subministrantibus: rota enim frumentorum fertilissima est, unde & habitatores ejus agricolæ dicuntur, ad vicinorum Scytharum (qui Nomades, id est, pastores dicuntur) differentiam: qui ipsi frumentis etiam Mithridati regi tributum pendebant: Et testantur historię, quod

Græciam aliquando paverint, quemadmodum & hodie magna copia Constantinopolim deportatur. Præcipuæ autem merces, quæ ab illis proveniunt partibus, sunt sal, mel, quod subamarum est, & cera. Frequentes enim ibi sunt sylvæ, in quibus apes alvearia sua condunt. Item pisces sale conditi, qui tum in Mari majori, tum in palude Mæotide, maxima capiuntur copia. Atque hinc frequens Caffæ erat mercatus, dum in Genuensium fuit potestate. Sed tamen Tanæ, ad Tanais fluminis fauces sitæ, ubi in paludem Mæotim id se exonerat, frequentior fuit mercatus. Eo enim & aromata ab Indicis maribus ad Indum fluvium, hinc ad Oxâm, inde ad mare Caspium, atque inde rursus ab oriente occidentem versus, usque ad Citracanum aut Astracanum, celeberrimum ejus temporis Tartarorû Astracanensium emporium, hodie Moscovitis ad Volgæ fauces situm, ac Rhadistum, inde demum Tanam Carovanis deportabantur, atq; Venetorum & Genuensium navibus in Italiam delata, in alias quoq; provincias distrahebantur.

Illis temporibus Veneti suos consules atque alios nobiles propter commercia illa tam in Caffa quam in Tana habebant. Nostro autem hoc tempore, lon-

ge diverso itinere aromata illa devehuntur, neque forte absque insigni Divinae providentiae consilio; quæ non vult, ut unus idemque populus tantis semper gaudeat divitiis, sed per ejusmodi vicissitudines ita eas repartitur, ut omnes iis frui possint. Præter autem frumenta aliasque merces Constantino-polim etiam deportantur pisces sale confecti, atque omnis generis salsamenta, quæ per totam inde sparguntur Græciam, ac loca ei vicina, usque ad Italiam etiam, ut sunt sturiones, palamides, & botarghæ majores, quæ cera inducuntur: minores autem aliunde veniunt, nempe è sinu Sartano, (*Golfo di Sarta* Italice dicto) prope Corfu: & è Bojana prope Albaniae Scutarium, ac aliis.

Nulla autem amplius vel Caffam, vel Tanam Italica commeant navigia, neque etiam aliorum populorum Christianorum, ne se indiscretæ Turcarum barbariei exponant. Veniunt autem aliquando Genuam Caffanæ naves. Vectores quoque se à Genuensibus descendere profitentur, cæterum tamen & morum & linguæ & religionis patriæ obliti, maxima sua propria culpa, cum vix centum & quinquaginta annos sub Turcarum fuerint potestate. Audio interim esse homines sic satis civiles, forte pro-

pter Italicam originem, aut etiam cœli inclinationem aliquam. Sub sexto enim habitant climate, in regione frigidiuscula; quæ quamvis vites ferat, ac uvas ad maturitatem producat, brumæ tamen tempore terra operiendæ sunt, quemadmodum & in majore Germaniæ parte fieri solet.

Isthmum autem, aut angustum illud solum, è quo peninsula hæc à continente dependet, ut Strabo dicit, ab aliquibus octuaginta in latitudinem patere putatur milliaribus: ac scripsit ipse, superius nominatum Mithridatem Eupatorem muro eum clausisse. Sed credo etiam in hoc spacio numerari lacum, qui paludis Mœotidis pars est, atque in ipso isthmo restagnat, in quem per angustum canalem ingreditur. Atque terræ illius spaciū multo erit angustius, ac folii, cui & Tauricam assimilavimus, pediculo persimile: quod & ab incolis, cum Itali sua ibi adhuc haberent commercia, *Zuccola* vocabatur. Quod nomen nescio an ab Italis mutuarint qui cucurbitam *Zuccam* dicunt, quasi cucurbitæ folio esset similis; an vero barbara sit, ac aliud quidpiam significet. Hoc autem observavit Strabo in hujus regionis descriptione, quod quamvis extra nostrum sit propositum, non ta-

men incommode hoc inferetur loco : nimirum primum qui Bospori hujus suscepit dominium , Parisadem fuisse nominatum, cujus posterī multis postea seculis in eo regnarunt, donec tandem sub ejusdem nominis postremo in Mithridatis potestatem devenit. Quod & in aliis regnis observatum est, quæ in eodem quo cœperunt nomine tandem desierunt. Imperium Romanum in Augusto cœpit : in Augusto aut Augustulo desit. Gothorum in Italia Regnum ab Alarico fundatum, in alio Alarico extinctum est atque deletum. Constantinopolitanum Christianorum Imperium in Constantino S. Helenæ filio initium habuit : sub alio Constantino, etiam Helenæ, sed non Sanctæ ; filio finem sortitum est.

Faxit Deus Omnipotens, ut etiam aliquando in Mahumethe & sectam & tyrannidem Turcicam finiri videamus, quemadmodum & in Mahumethe cœperunt, & multis indiciis in occasum vergere videntur. Et hæc quoad Tauricam Chersonesum sufficiant.

Operæ pretium nunc erit ut de Bosphoro (seu Bosporo potius) aliquid dicamus. Non autem hoc Provinciæ nomen est, nisi valde improprie sumatur, sed angustiam significat, per quam mare

ex uno in alterum perfluit sinum : neque hoc nomine plures quam hæc duæ, Thraciæ nimirum & Cimmericia , appellatæ sunt : ut altera Bosporus Thracius, altera Cimmericus dicatur. Imo nomen hoc ab una ad aliam translatum aut derivatum est. Fabulosus enim ille Io virginis in vaccam mutatæ è Thracia in opposita Asiæ littora transitus , nomen huic angustię dedit , ut Bosporus diceretur , tanquam *Bovis transitus*. atque hinc illud nomen alteri quoque angustię propter similitudinem inditum est, ut Bosporus Cimmericus diceretur , per quam palus Mæotis in Mare majus se exonerat, quemadmodum & per Thracium Bosporū Mare maius in (Ægæum) & inde in Mediterraneum illabitur. Ambobus hisce Bosporis Europa ab Asia separatur: atque hi & Tanais, *Don* nunc dictus, veri ejus sunt termini. Distant autem quingentis inter se miliaribus. Thracius , ubi angustissimus est, eam habet latitudinem , ut canum latratus, & gallorum cantus ab una in altera audiantur ripa, imo & distinctæ hominum voces, cum venti quiescunt. Hic Thracius, ille Cimmericus à proximis vocatur provinciis. Thracius ab uno latere habet Constantinopolim , ab altero vero Chaleedoniam, hodie Scutarin, dictam.

Bithy-

Bithyniæ hæc civitas est, à Megarensibus olim ædificata, unde ab oraculo tanquam cæci derisi sunt, quod tam felicem Constantinopoleos situm nec elegerint nec viderint: ubi hic omnibus carebat commoditatibus, propter rationes quas recitat Polybius, quæ hic & nimis longæ relatu, nec ita faciles intellectu sunt.

Hunc Bosporum audio ab iis qui viderunt, à Propontide usque ad Mare majus, ad viginti extendi milliaria: ac nunc ab utraque ripa sumptuosis palatiis & hortis amœnissimis esse ornatum, quamvis solum sua natura sterile ac arenosum sit: unde magna hic opus erat industria. Sed Imperii Ottomanici magnitudo, atque ejus aulæ divitiæ naturam superarunt: quamvis maxima tantarum fabricarum causa, & frequentium illarum habitationum, gubernationis iniquitati attribui possit. Nam qui ibi vel minimum possidere putatur, continuis ministrorum (seu aulicorum Turcicorum) extorsionibus expositus est: unde etiam qui aliquid habent, quantum possunt, procurant ut portæ aut aulæ vicini habitent, ubi aliquanto meliore vivitur & proceditur justitia, aut saltem aliquo ejus meliore respectu. Unde & illi qui ex hac Constantinopo-

lios ejusque pomœriorum dilatatione & augmento, quo totam potius provinciam habitatam quam civitatem refert, potentiæ ac magnitudinis Imperii argumenta deducunt, falli possunt. Quinimo timoris potius & debilitatis hoc certissimum est signum. Est enim tanquam concursus aliquis sanguinis ex membris remotioribus ad cor, quo vel ipsum aliquando suffocatur: aut tanquam lien, quod quanto magis in corpore humano crescit, tanto reliqua decrescunt membra. Et huic solebat Constantinus Imperator fiscum comparare Principum.

Bosporum hunc Darius Xerxis pater, contra Græcos exercitum movens, instravit. Xerxes autem Hellespontum, qui hodie Fretum Galipolios vocatur, ubi *Dardanelle* Italis dictæ (aut *Dardanelli*) nunc sunt, ponte junxit. Hic autem non vocatur Bosporus: quamvis inter ipsas Dardanellas, castra in utraque ripa posita, quæ veteres Sestum & Abydum dixerunt, non habeat majorem quam unius milliaris latitudinē, paulatim tamen postea in amplius distenditur spatium.

Bosporus Cimmericus, qui ab Italis vulgo *Vospero*, aut *Bocca di S. Giovanni* dicitur, ut Strabo putat, nomen hoc à Cim-

Cimbris sortitus est. Sed ego falli eum arbitror: Cimmeriæ enim nomen multo antiquius & ab Homeri temporibus cognitum fuit. Thracio hic latior est: in aliquibus enim locis ripæ latius quam milliari inter se distant; in aliquibus etiam usque ad duo, & ulterius. In longitudine autem, qua (ut dixi) Europam ab Asia separat, ad septuaginta se extendit milliaria. In qua mensura (si non hallucinantur illi qui vidisse se profitentur) Polybium & qui eum sequuntur necessario insigniter errasse credendum est. Spectaculum autem præbet amœnissimum, multis in utraq; ripa ornatus civitatibus, quæ celebres apud veteres fuerunt, & præcipue illa, quam Panticapean aut Bosporum in specie nominarunt, in qua frequens erat mercatus. Itali hodie Vosperum, incolæ autem Cherz eam vocant. In Europæ latere sira est, nimirum in Taurica, in ipso canalis medio, à quo civitati nomen inditum est: quamvis veri Bosporani dicebantur olim illi qui ab altera canalis parte habitabant: qui etiam Imperio suo usque in Tauricam prolato, nomen etiam suæ eo intulerunt nationis. Sed ego credo olim Bosporanos dictos, quos nunc Circassios, aut Zicchos vocamus, homines à Tartaris

taris ducentes originem, sed professione Christianos, ritu autem Græco; de cætero autem nulli rei nisi furtis & latrociniis intentos.

Bosporus hic Cimmerius, quemadmodum & vicinæ paludis Mæotidis partes, hyberno tempore ita congelantur ac indurescunt frigore, ut non solum equos & carros onultos, sed etiam integros ferant exercitus. Imo de Mithridate tradunt historiæ, quod Bosporanos eodem in loco æstate prælio navali vicerit, quo hyeme eos equestri superaverat. Vnde etiam apud Romanos in proverbium cessit, Frigus Cimmericum; ut omnes regiones frigidiores Cimmericas vocarent. Nondum enim magis versus septentrionem jacentes regiones, neque Norvegiam, minus etiam Schricfinniam, aut Finmarchiam, aut Gronlandiam, aut novam Zemblam cognoverant. Quamvis credibile sit ipsos Islandiam insulam vidiſſe, quæ circiter viginti gradibus Cimmerica septentrionalior est, ac eam Thylen dixisse. Sed illi qui aliquanto melius in historiarum lectione sunt versati, hanc facile rejicient opinionem, quamvis communem. Non enim Islandiam, sed Scandiam hoc nominarunt modo, quam in expeditionibus Anglicanis detexerunt; neque

neque unquam ad Islandiam, vel ad mille usque miliaria accesserunt. Atque hæc sunt quæ de Bosporo Thracio & Cimmerico dicenda occurrebant.

Sunt quidem in diversis mundi partibus & aliæ ejusmodi angustiae sed neque hoc notatæ nomine, neque tam celebres, excepto freto Magellanico, admirabili naturæ opere, de quo forte aliqua dicenda erunt, cum de Peruviana peninsula tractabimus. Superius quoque Hellesponti feci mentionem, qui etiam fretum Galipolitanum dicitur, ubi duo sunt castella, quæ Dardanella vocantur. Alia quoque est ejusmodi angustia, in sinus Lepanthi ingressu, ubi etiam duo sunt eodem nomine castella. In ipsa quoque Taurica, de qua superius egimus: fretum etiam tale est in Isthmo, quod è palude Mæotide in alium lacum extenditur, quam Buges fluvius, è montibus Riphæis descendens, efficit. Hujus autem nulla est apud historicos mentio. Stagni quidem meminerunt aliqui, & Strabo lacum Putrem, aut Sapram, (quod idem est) nominat, ab effectu scilicet, & ob putredinem aquæ. Alii Bricen vocant. Et videtur innuere ibidem Strabo, quod lacu illo Putri non numerato, Isthmus non amplius quam quinque miliaria in latitudine habeat.

Neque

Neque dubito quin in tam immenſis terræ marisque ſpaciis, plures, ut dixi, aliæ ejusmodi anguſtiæ inveniantur, ſed his neque ſimiles, neque tam celebres, neque etiam hoc notatas nomine, cum, quo Græci non pervenerunt, neq; etiam nomen tale pervenire potuerit. Græcum enim nomen Boſporus eſt, & voce & hiſtoria, ſive fabula, quod ipſi nulli alii anguſtiæ aut freto indiderunt quam hiſce duobus, Cimmerio videlicet & Thracio: atque illi propter eam quam cum hoc habet ſimilitudinem. Et ſciendum, Græcos & in Taurica, & in Cimmeria ac Boſpero habitare: ac omnes fere civitates ab ipſis & eorum coloniis ædificatas eſſe, vel ex nominibus (quanquam ad Barbariſmum inflexis) certum eſt.

An autem ab initio ab univerſæ hujus fabricæ autore & creatore Deo ita factæ ac ordinatæ; an vero poſt aliquem annorum decurſum natura yi ſibi viam faciens eas aperuerit, ut nimio ſe exoneraret pondere, neque ego dicere poſſum, neque quemquam pro certo affirmaturum puto: ſed conjecturis hic agendum eſt.

Et revera qui mundi poſitionem conſiderat, ac Scythiæ altitudinem perpendit, à qua tot in paludem Mæotidem

• deſcen-

descendunt fluvii, facile is credet, quod cum ea tantam aquarum copiam ac colluviem retinere non possit, ideo præcipue quod & ipsa paulo sit altior, neque adeo profunda sit, naturali ponderis sui violentia viam sibi per eas partes, in quibus minus vel à montibus, vel à saxis, vel ab aliqua altitudine insuperabili, impedimenti fuit, inundationibus per loca subjecta decurrens aperuerit: impetum etiam augente aliorum fluminum, quæ è diversis regionibus & locis in eam illabuntur, decursu, ac in iisdem partibus concursu. Ita etiam, quod Borysthene, Tiro, Danubio, qui à partibus Occidentalibus præcipuus est, ac aliis fere infinitis, à circumjacentibus Asiæ regionibus in mare majus, aut Mare nigrum, ut nunc vocant, (Veteres Pontum Euxinum, aut Axenum, id est, inhospitalem aut innavigabilem, dixerunt) irruentibus, hoc nimio pondere gravatum, ac toto ejus impleto spacio, exitum sibi per Bosporum Thracium fecerit; ac postea rursus Propontide, quam *Mar de marmora* hodie vocant, impleta, per Hellespontum aut fretum Gallipoleos, in loca se inferiora effuderit: ubi novis rursus restagnantibus aquis, novum mare effecerit quod Adriaticum aut mediterraneum vocant. Quo etiam reple-

repleto ac multis maximis aucto fluviis, ne littora sibi opposita inundaret, viam sibi vi ac celeri decursu in Siciliam & Africam aperuit: quæ cum satis ampla non esset, perrupto etiam eo impedimento, Siciliam etiam ab Italia separaverit, ut per duo illa ostia liberius in oceanum procurrere, eique se jungere posset. Hac tali quali facta conjectura, veniamus etiam ad Columnas Herculis, aut Fretum Herculeum, quod hodie *Stretto di Gibraltar* vocant. De quo aliqui pro certo affirmant, quod ex aquæ impetu quæ viam vi sibi fecerit, provenerit. Id si verum esset (quod equidem affirmare non ausim, sed probabilibus tantum innixus rationibus) dicerem, quod quemadmodum palus Mæotis veteribus Majoris appellabatur mater, ita & Mediterranei maris pater dici possit. Atque hæc mea opinio eo fit verisimilior, quod experientia doceat, tam paludem Mæotidem per Bosphorum Cimmericum, quam Mare majus per Thracium semper absque intermissione fluere, ac immensam aquarum copiam provolvere, quæ nullo eo refluxu redeunt.

Dicamus etiam aliquid de palude Mæotide. Vocatur illa à recentioribus mare Tanæ, aut mare Zabacharum, aut
mare

mare Ciabaci. de cuius nominis etymo aut origine nihil habeo quod dicam. De primo autem dicunt, deductum illud esse ab ejus regionis populis qui Mæotes olim dicebantur. Secundum à Tanai fluvio habet, ita magnis duobus ostiis in paludem effunditur, ita ut ab eo solo ea fieri putetur. Palus quidem dicitur, quasi stagnans aliquis esset lacus & limo oppletus: sed revera mare potius est, quod mille in circuitu habet milliaria, quamvis Iornandus Gottus centum & quadraginta saltem (qui proculdubio manifestus est error) ei tribuat. Multas habet in circuitu civitates populosas. Romani nullam ejus habuerunt notitiam, nisi post Mithridatica bella. Tota plerunque hyeme congelatur, ea saltem excepta parte quam Tanais suo impetu movet ne concresecat, quemadmodum & ipse solus ex omnibus ejus regionis fluminibus, propter suam rapiditatem, frigore non constringitur. Causa autem quod palus dicitur, est quia adeo est humilis, ut non nisi scaphis & minoribus navigiis navigari possit; neque enim tempore Polybii, ut ipse scribit, in maxima altitudine ultra quinque cubitos habebat. Iornandus autem octo eum in aliquibus locis habere dicit. Et judicat Poly-

bis temporis progressu minorem eam futuram, propter magnam arenarum copiam, quam Tanais ac alii fluvii in eam decursu suo provolvunt. Idem quoque de Mari majore judicat. Sed neque in hoc neque in illa evidens aliqua apparet mutatio; quamvis Mæotis in hodiernum usque diem nulla majora admittat navigia; neque ante Mithridatem, neque etiam postea scitur ulla eam bellica navigia ingressa esse. Verum non tantum palus Mæotis, sed etiam ipsum mare Nigrum tam difficile ac periculosa putabatur navigationis, ut præter titulum quo Euxinus aut Axenus, hoc est, Inhospitalis dicebatur pontus & innavigabilis, veteres etiam pro miraculo habuerint Iasonis in Colchidem, qua tam breve confecit iter, è Peloponneso videlicet usque ad Phasin navigationem, quæ cum nostri temporis audacibus navigationibus collata, ludus aut fabula videbitur. Et si Argonnavem in cælum transtulerunt veteres, quid Victoriæ navi facient, quæ totam mundi circuivit machinam; & illis quibus Draco Anglus itidem totum in circuitu mundum perlustravit?

IV.

MARTINI BRONIOVII

de Biezdzfedeia, ad Tartarum

Legati, Tartaria.

*Campi Sauramenses & Oczacovienses,
qui inter Bogum & Neustrum
fluvios siti sunt.*

BRATISLAVIA seu BRASSLAVIA oppidum in extremitate Podoliæ, quod etiam si cum arce satis obscurum & humile sit, verum incolas quingentos, & amplius sclopetarios optimos, ac cum Scythis crebris levioribusque præliis bene versatos ac exercitatos, præsidii quasi loco perpetuo habet. Illi in campis ductores viarum peritissimi sunt, à Tartaris ac Kozacis, qui in campis perpetuo vagantur, prælia & pericula, si eis comitatu impares sunt, evitare probe norunt. Ex BRATISLAVIA non admodum densis sylvis, milliaribus aliquot ad Silnicam rivulū, in quo loco BRATISLAVIENSES propter Perecopiensium, Oczacoviensium & Biagrodensium Tartarorū incursus, Valachorumq; , perpetuas agunt excubias. Bogo vel Hipani fluvio, penes Oczacoviam usque itur: proinde ad Trestenium, Bersadum, Olsancam, Sauranam, (unde campi Sauranenses dicuntur,) rivulos, Onissionis cujusdam ignobilis

Rusci alvearium, in quo altissimæ quercinæ arbores apparent. Demum in Bogo pons lapideus & balneum, quod Vitoldi magni ducis celeberrimi ac bellicosissimi Principis Lituaniæ quondam fuisse perhibetur, ruinæ lapideæ, testudines & sepulchra, quæ Turcica vel Tartarica fuisse dicuntur, ac vulgo Cessennia, quasi monumenta appellantur, visuntur. Codeman Romani cujuspiam Rusci idiomate Dolniam Horofossam Horodisse vel territorium ruinosum lapideum, quod illi Pritolce seu propugnaculum nominant, ac ibi Sinavvoda, quasi cæruleus rivulus, vulgo ita dictus, Bogum influit. Probite vel porta potius inaccessibilis, natura loci ita facta insula saxosa in Bogo, à ripa utraque montosa, quam fluvius undique circumluit, eaque satis ampla locique natura munitissima est, quæ nostris hominibus à Tartaris & Valachis receptui tutissima est, hominesque plurimos illa capit. Præsertim vero Bratislaviensibus annis singulis in ea mensibus aliquot piscantibus præsidii quasi loco est, ac in ea ducenti vel paulo minoris comitatus sclopetarii in Aprili & Majo ac junio mensibus, in aliisque in Bogo insulis, quibus ille plurimū abundat, multi admodum semper reperiuntur. Cermencucum, lapideam ruinam

ad Bogum sitam; Certelnam minorem, amnem luciorum, (nam luciorum ferax est) appellant Piescanibrod, seu Arenosum vadum, quem cum in confines Podoliæ veniunt Tartari transeunt. In Bogo fluvio apparet Cercicesleniam Turcæ; Getriceslenia vulgo dicitur: illa cujusdam Tartari vel Turcæ locupletioris mercatoris sepultura fuisse perhibetur; ac ex lapide cæso & polito, ac sumptuoso opere in Mahometicum cultum facta erectaque, nunc etiam à viatoribus conspicitur. Certelnam majorem, rivum Capcacleium ad arcem collapsam seu ruinosam. Ac ibi Capcacleius fluvius Bogum influit, plurimosque lacus habet: Hanerocricum, seu, ut Tartari, Chamrivum eum vocant; nam locus ille saxosus est, & rivis limpidissimis abundat: Berezaniam lacum cannosum, qui ex adverso Oczacoviæ, mari Euxino vel Pontico & Borystenis seu Nepri fluvii in mare sese eo exonerantis meatibus proximus est, & alluitur. Ille campus quinquaginta vel amplius milliaribus bene emensis, sex vel septem dierum vel dierarum, ut illi computant, expedito viatori iter acceleranti Bratislavia Oczacoviam usque constat. Feras, bisontes, alces, equos, cervos, arietes, qui unicum tantum cornu habent, capros, apros,

ursos campestres habet: Etsi à decennio, vel paulo amplius, hiemis asperitate, niviumq; magnitudine, fame ac siti plurimæ admodum enecatæ fuissè dicuntur, earumq; in campis ingètes ossium acervi reperiuntur. Tum etiam ovium, boum ac equorum Turcicorum, & Tartarorû greges innumerabiles, qui ibi perpetuo pascebantur per Rusciæ, Volsiniæ, Kioviæ, Podoliæ & Moldaviæ finitima, eosq; prorsus licentiosos homines, nō ita pridem penitus deleti sunt. Cozles seu tumuli, vulgo Mogilii dicti, altissimi, maximi & frequentissimi, maximorum ac cruentissimorum, ut plurimi asserunt, ac verisimile rationiq; consonum videtur, quondam bellorum certissima signa, seu illustrium virorum sepulturæ, conspiciuntur. Ille campus solo fertilissimus est; plurima loca ad colendum inhabitandumq; commoda, aptissima, amœnissimaq; habet: gramina & herbas natura & amœnitate loci odoriferas, præsentissimasque ad pascendos infinitos jumentorum vel animalium greges profert. Ad confluentem Bogi plurimis in locis montuosus, quoad vero ex parte sylvestris. verum in patenti ad Nestrum vel Tyrâ fluvium, Moldaviæ Vionium, planissimus omninoque campestris est, majorique ex parte lignis caret.

*Moldavia seu Valachia inferioris pars,
quæ olim Bessarabia dicta fuit.*

EX confinibus autem Podoliæ, Moldaviæ, seu Valachiæ vicinis, Camentiam, Chotimum, Sorochem, vel Olchioniam, versus Palatini Moldaviæ oppida & arces ad Nestrum sitas pervenitur. Proinde Pruto sive Hieraso Moldaviæ fluvio trajecto Stepanovetiam, vel Iassi primarium Valachiæ oppidum, vel rectius ad Prutum Techniam oppidum, & arcem Turcicam, non ita pridem ad Confluentem Nestri munitam, ac ibi Technienses vel Moldavici in Nestro trajectus aliquot recta in campos reperiuntur. Vetinens vero per lacum Vido-vo seu Obidovo ducitur, quem quidam ab Ovidio nuncupatum fabulose fortassis autumant, qui latissimus est, & in Pontum Euxinum in eo loco exoneratur, eumque ex adverso Bialogrodi. A veteribus Moncastrum ea arx & civitas dicebatur. quæ non ita pridem à multis annis Valachorum seu Moldavorum, Regulis à Turcis erepta & possessa est. Tyras influit. In ipso Tyræ seu Nestri ostio turris lapidea existit, quam Neoptolemi & vicum Hermonactis, ac in utraque Tyræ ripam civitates duas conditas, Niconiam in dextra, à læva vero Ophiusam, nominatas esse ex Astrabone

liquet. Ex adverso itaque Majaci trajectus ille Bialogrodo navibus in campum Bialogrodensem, & Oczacoviensem superatur. Militem quendam Majacum ibi fuisse fabulantur; ac in eo loco Nestro trajecto in ripa lapidei parietes ruinosi, & quasi quædam ruinæ apparent; eam ruinam Turrim Neoptolemi fuisse Strabo refert.

Campi Bialogrodenses & Oczacovienses. Qui inter Tyram & Borysthenem fluvios, ac ad mare Euxinum sunt.

DEmum vero Beribonium Turcæ, alias Licastemum Colum lupinum appellant. locus ille fossas altissimas & amplissimas mari vicinas, lacus & rivos amœnissimos habet. Cacibiei Horodisæ, quasi territorium collapsum, quem lacus amplissimus ad Confluentem Nestri mari vicinus alluit, ac ibi portus non ignobilis quondam secundo Nestro existisse memoratur. Adzigoli ille locus tres fossas celebres, lacus amarus & salso quam plurimos mari proximos habet, ibique magna vis Kozakorum perpetuo confluit, mutuisque bellis & cædibus frequentissimis concidunt. Idcirco ille locus viatoribus adeo terroris est, ut in eo non solum per noctem quiescere, verum ne pabulari quidem satis secure ha-

habeant. Nam non raro accidere solet, ut quod si non Kosacones ipsi, cadavera tamen hominum ibi sæpe reperiuntur. Domnina Dolnia seu fossa, quæ maxima & amplissima lacubus & rivulis limpidissimis frequens est, Berezani lacu angustissimo, verum profundissimo, ac ibi in sinum Carcinitum & mare Ponticum sese exonerantis trajectu superato, Oczacoviam pervenitur. Berezaniam lacum, & Carcinitum sinum, Tamiraci & Carpanci sinum seu lacum fortasse nuncupatum esse Straboni placet. Ab ostio Tyræ fluminis insulam Leucam intra pelagus eductam intervallo quingentorum stadiorum distare, ac Achilli sacram nuncupatam esse Strabo asserit, quæ in eo Berezani lacus trajectu optime à viatoribus conspicitur. Borysthenem fluvium ad stadia sexaginta inde distare, & amnem Hypanim seu Bogum ei vicinum esse, ac inde ostium Borysthenis insulam quandam existere, in qua portus quondam fuit, idem Strabo memorat.

Oczacovia arx & oppidum.

Oczacovia, quæ Olbia, Olbis & Borysthenes Olbiopolis, quasi beata civitas, à Ptolemæo & Plinio dicitur, ad Borysthenem Carcinitum fluvium seu sinum sita est, ac in eum sinum mari

Euxino vicinum Borysthenes ibidem exoneratur. quam à Miletiiis conditam esse, & amplum emporium habuisse Strabo refert. Arx lapidea, nec bene tum munita, oppidum ignobile Turcarum ditionis est. Borysthenes seu Neprus altitissimus, rapidissimus & latissimus fluvius, qui à septentrione labitur, in Carcinitum sinum seu fluvium ac Pontum Euxinum penes Oczacoviam influit. Supra Oczacoviam vero miliaribus quatuor Hypanis seu Bogus fluvius in Borysthenem exoneratur. Ad Oczacoviam vero per Borysthenem & sinum Carcinitum stadiis ducentis (ut vult Strabo) trajectus latissimus, & navibus majoribus ac minoribus in Isthmum ibi superatur. In eo trajectu & transitu à peregrinis & mercatoribus vectigal perpetuum Imperatori Turcarum solvitur.

*Isthmus, qui inter Pontum Euxinum
& Borysthenem est.*

CONTINENS, seu Isthmos ab antiquis ita dictus, inter Pontum & Borysthenem angustissimus unius diei itineris spatium, admodum arenosus, colibus, lacubus, paludinosus salis fodinis. ac ibi per Borysthenem sal deportatur. arbores etiam humiles virgultis parvis insertas habet. Cervis, ursis, capris,

capris, & apris campestribus frequens admodum est.

Tartarica tuguria, & manendi illorum in campis modus.

Iste continens agris, pratis, tuguriis Tartaricis, quæ vulgo *ulnsi* à Barbaris nominantur, ac ut pagi ex tenuissimis lignis, limo vel cæno stercorebusque pecorum seu animalium oblitæ, facti, & arundine tecti sunt, Perecopiam usque milliaribus amplius triginta extenditur, rivisq; abundat. Verum æstate & in autumno Tartari in eis tuguriis non degunt. nam in Aprili cum uxoribus, liberis, familia, mancipiis ac domibus, quæ rotundæ penulis obsitæ quatuor vel quinque hominibus ad degendum vix commodæ sunt, & in carris rotis duabus sustentatis, camelis duobus, vel uno, vel bobus, itidem cum familia & supellectili vehuntur. Camelos, equos, pecora, & oves, innumerabiles greges secum ducunt, alios vero commodioribus in pascuis relinquunt. Perecopiam vero inter Borysthenem & mare Euxinum, vel extra Perecopiam nō raro in Tauricam ipsam, vel ex adverso Perecopiæ Osso-vum seu Azaphum (ut Turcæ vocant) oppidum ad Confluentem Tanais vel Doni, rapidissimum & maximum fluvium, à veteribus quondam Græcis, proin-

proinde Genuensibus Italis, cum arce munitum, ac non solum ibi præsidio firmissimo Imperatoris Turcarum, verum etiam ejus loci Præfecto imposito, à Turcis habitatū, erectum contendunt. In Isthmum seu campos planissimos, & maximos eos, qui inter Borysthenem ac Mæotim paludem ac mare Ponticum sunt, ac in peninsulam ipsam de loco in locum ad pascua commodiora semper progrediuntur & migrant. Verum in Octobre frigoribus, imbribus ventisque perpetuis sævientibus ad tuguria ea rursus redeunt. In primis enim à Kozacis Nizoviis nostris hominibus, quod secundo fluvio in cymbis ibi vagantur inde nuncupatis, ac iis sclopetariis qui æstate & autumno in Borysthene in cymbis majoribus & minoribus perpetuo vagantur, subitasq; & damnosas in eos incursiones faciunt, magnopere sibi metuunt. Attamen frugibus & gramini-
bus collectis Borysthene glacie concreto cum familia propriisque animantium gregibus commodius per hyemē stativa sua habere solent. Isthmum illum Zenonis Chersonesum Ptolemæus vocat. Et Strabo ad telluris magnæ Chersonesi eum adhærentem, Roxanos scribit & Roxolanos, quos nos Russos seu Rutenos nunc dicimus. in campis illis
inter

inter Tanaim & Borysthenem pascua herbosa semper sectatos memorat, ac adversus Mithridatis Lupatoris ductores Tassium, Palacum, & Selurum socios belligerasse. & cum pugnacissimi judicarentur, Barbara (inquit Strabo) natio omnis infirma prorsus apparuit, & quinquaginta millibus adversus sexaginta millia militariter acie instructa, ductu & auspicio Diophantis ducis Mithridatici, resistere ac sufferre impetum non valentes, maxima ex parte trucidati sunt. Galeis, thoracibus, & scutis ex crudis boum corrigiis eos usos fuisse, ad percutiendumque lanceas, arcus & gladios habuisse scribunt. Tentoriis centonum instar pilo contextis utebantur: in plaustris vitam degebant, & circum tentoria pecora comitabantur, à quibus vitum capiebant. Lacte, caseo, & carne vescebantur. Tartari illi etiam eadem ratione sese vitam degunt, agros tamen non paucos illi nunc habent & colunt, herbas etiam non raro colligunt.

*Taurica Chersonesus, antiquis minor
Tartaria, Barbaris Gadzaria, Pere-
copia arx & oppidum.*

Perecopia, à veteribus Græcis Eupatoria, Pompeiopolis, sacer lucus, Dromon vel Cursus Achillis, seu Græcida, Hera-

Heracleum vel Heraclea appellata, in
 confinibus Tauricæ, seu Scythicæ Cher-
 sonesi, vel peninsulæ dictæ, primum
 oppidum obscurum, & parvum, arx
 lapidea, nec satis munita est, in qua
 Principes Tartarorum vel Chani, ut
 Tartari eos vocant, quasi Reguli seu
 supremi domini Palatinum, quem illi
 Begum seu Perecopensem omnium vo-
 citant, perpetuum habent, qui Bory-
 sthenis & Tanais seu Doni fluviorum
 transitus & trajectus, & confines uni-
 versos vigilantissime perpetuoque ob-
 servat, ac universis Tartaris iis, qui in
 campis ad Perecopiam & ultra Pereco-
 piam sitis degunt, præest. Illud oppi-
 dum unâ cum arce ipsa, ut ex ruinis vi-
 dere licet, à priscis & antiquis peninsulæ
 Tauricæ quondam vel Bosporanis Re-
 gibus sive Imperatoribus Græcis in an-
 gustissimo continente, eo quem una ex
 parte à septentrione palus Mæotis, (Pu-
 trem lacum eum Strabo nominat)
 altera vero mare Ponticum à meridie
 alluit & cingit, universamque peninsu-
 lam ambit, excitatum est. Et quoniam
 ibi per universum, ut Strabo isthmum
 dicit, qui inter paludem & mare dimi-
 dii miliaris tantum spatio fere conti-
 netur, fossâ profundissima & lata facta;
 oppidum fossæ appellationem sortitum
 est,

est, quam in hodiernum usque diem à Tartaris ac ipsis pariter Turcis sermone illorum retinet. Lacum à mari separatum esse stadiis sexaginta, Putrem seu lacum ipsum stadiis quatuor millibus, Tauricæ vero seu peninsulæ isthmum trecentis & sexaginta stadiis contineri Strabo refert. Enimvero Sachibgiereio Chano Tartaro in peninsula imperante, qui Tartaros Noagienses pro imperio bellum illi facientes, insigni ac memorabili strage ad Perecopiam prostraverat, deviceratque, turres lapideæ XVII in ea fossa excitatæ fuere, fossaque altius reparata. Proinde vero in signum memorabilis victoriæ cruentissimique belli, nonnullæ turres ex capitibus, cæforum ibidem factæ fuisse à Tartaris perhibentur. Cum itaque in peninsulam in eo angustissimo loco unicus tantum ille transitus pateat, Tartari perpetuas excubias Perecopiæ agunt; neminem peregrinum, qui in peninsulam venerit, sine literis Chani inde redeuntem transire permittunt. Denique cum in bellum descendere Chanus cogitaverit, vel aliquod periculum aut bellum Tartaris imminet, universi Perecopiam frequentissimi semper conveniunt.

Cosslovia arx & oppidum.

Cosslovia oppidum ad dextram Perecopiæ ad mare situm milliaribus septem distat. Emporio non ignobili præfectum arcis & oppidi Chanus proprium & perpetuum ibi habet.

Ingermenum arx & oppidum.

Ingermenum milliaribus xii vel amplius à Cosslovia distat. arcem lapideam, templum, & specus sub arce & ex adverso arcis miro opere ex petra excisos, habet; nam in monte maximo & altissimo sita est, ac inde à specubus à Turcis cognomen retinet. Oppidū quondam non ignobile, opibus refertum, celeberrimum, & natura loci maxime admirandum, copiosissimumq; extitit. Ex adverso oppidi promontorium extenditur in latitudinem stadiorum aliquot spatio, in longitudinem vero iii vel iv milliaribus oris angustissimis Euxino mari medius est. Portus tres habet illos: Paſtorum, à quo alter efficitur portus (Ctenuntem Strabo vocat.) ad quos naves multæ commode accedere, & à tempestate fluctibusq; maris in locis iis tute consistere possunt. In ea angustia Taurorum nationem Scythicam latronum manus constituisse, ac impetum in eos, qui eo divertissent, fecisse Strabo memoriæ prodidit. In montibus saxosis,
qui

qui ibi sunt maximi & admirandi, vestigia certa apparent, quod antiquissimi populi Græci lapides grandes ibi excidebant; navibusq; ea angustia oris deportatos Corsonum seu Chersonam Peninsulæ urbem ea tempestate clarissimam & antiquissimam ex illis extruxisse, nunc etiam à Græcis Christianis dicuntur. Heraclienses Ponti accolæ coloniam eo deduxisse, ac urbem Chersonesum ibi appellatam esse, ac à Tyra fluvio stadiis iv millibus & cccc cursu maris emetiendo eam distare Strabo meminit. Ingermeni arcem satis & magnificam à Principibus Græcis extructam fuisse apparet: nam portæ & ædificia adhuc nonnulla integra Græcis characteribus exornata, & cum insignibus eorum insculpta conspiciuntur. Ac per universum illum isthmum quondam ibi usque ad urbis mœnia ædificia sumptuosa extitisse, puteos excavatos infinitos, qui adhuc fere plurimi sunt integri; ad extremum vero duas vias Regias grandes lapidibus stratas esse, certo apparet. In eo isthmopomaria, horti, vineæ plurimæ & optimæ, à Græcis quondam cultæ, (Belbecum nunc etiam appellantur,) quas Christiani Græci vel Itali & Iudæi, pauciq; Turcæ nunc possident, in loco eodem visuntur. Ex Ingermeno Corsonum terrestri

itinere eundo est isthmus inter oris angusti portum, & mare Euxinum, quem stadiis sexaginta constare, & parvam Chersonesum appellatum esse, ac portionem magnæ Chersonesi occludere Strabo describit. Est ille isthmus ad lævam & lacus maris Euxini planissimus, & solo fertilissimus: ad dexteram vero portus oris angusti, habet quidē agrum satis uberem, montibus tamen & collibus, in quibus vineæ & pomaria infinita erant, septus est. Incolis & pagis ad urbis ipsius mœnia caret, & in vastitatem prorsus redactus est; tamen greges infiniti ovium, pecorum & animalium propter nimiam soli herbarum ubertatem à Turcis ibi perpetuo pascuntur. Ex ædificiis illis ruinosis, quæ ibi conspiciuntur, animalibus illis per singulas turmas domini proprii Turcæ vel Tartari caulas maximas conficiunt & sepiunt.

Chersonesus seu Corsunum urbs

Taurica antiquissima.

CHERSONESUM seu Cherronesum, Corsunum, vel Chersonam, Sari Germanum, quasi flavam arcem, Turcæ urbem eam vocarunt: nam solum quasi flavum ille tractus habet. Quæ quod superba, dives, delicata & clara quondam Græcæ gentis colonia fuerit, universæq; peninsulæ urbs antiquissima, frequens, magnifica.

fica, portuque nobilissima extiterit, admirandæ ruinæ illius manifeste testantur. In extremitate isthmi illius, quem parvam Cherronesum Strabo vocat, & in ostio ipso portus oris angusti, ac per universum isthmum sicut latitudo ripæ utriusque maris est, urbs murum altissimum & magnum turresq; plurimas & maximas ex secto & grandi lapide erectas nunc etiam habet, ac tota mari exposita existit. Aquarum ductus, qui miliaribus quatuor cuniculis ex petris excis in urbe ducebantur, in quibus nunc etiam aqua purissima est, ad urbis ipsius mœnia conspiciuntur. Est in eo loco unde rivulus ille delabitur pagus quidā non ignobilis, & non procul in ripa maris, in monte saxoso, Græcum monasterium, Sancti Georgii solemne; anniversaria devotio Græcis Christianis qui nunc in Taurica sunt reliqui, in magna frequentia ibi fieri solet. Vrbs illa à multis non solum annis, verum sæculis, & hominibus & habitatoribus prorsus vacua, funditus diruta ac in vastitatem reducta est. Muri & turres integræ adhuc & miro opere sumptuose factæ conspiciuntur. Principum Regia vel domus in ea isthmi parte, & urbis mœnibus, turribus, & portis magnificis existit. Verum à Turcis insignes columnæ marmoreæ

& serpentinae, quarum intus adhuc loca apparent, & grandiores lapides, spoliatae & per mare ad sedes eorum in aedificia publica & privata deportatae sunt. Idcirco ad maiorem ruinam ea urbs pervenit: non aedium & templorum ne vestigia quidem in ea visuntur. Urbis aedificia humi prostrata & solo equata sunt. Monasterium Graecum maximum in urbe est reliquum; parietes templi apparent quidem, sed testitudinem non habent, & ornamenta aedificii ejus, quae ibi erant insignia, diruta & spoliata sunt. Ex illo monasterio duas portas aetris Corinthii, quas Graecorum presbyteri Regias portas vocant, & imagines insigniores, Graecos aliquos ad Volodimirum magnum Russorum seu Kioviensium Principem ea tempestate praedae loco Kiovia deportavisse, postmodum vero à Boleslao secundo rege Poloniae Kiovia Gnesnam praedae itidem loco, quae in templi maximi porta nunc etiam ibi visuntur, delatas esse, Russorum & Polonorum annales memoriae prodidere; Volodimirum Principem Ioanni Zemiscae Constantinopolitano Imperatori eam urbem quondam eripuisse; verum Basilii & Constantini Imperatorum Anna sorore in matrimonio ducta, & sacro fonte ritus Graeci in eodem monasterio

à Patriarcha quodam initiato, restituisse. Quod & in hodiernum usque diem in locis iisdem à Christianis Græcis, quorum obscuræ & parvæ admodum reliquæ supersunt, prædicatur. Ante urbem promontorium existere, & Parthenium, id est, virgineum appellatum esse, Deæque illius ædem ac statuam habere. Ac eam urbem liberam fuisse, propriisq; legibus vixisse; verum à Barbaris direptam, eoque necessitatis deductam esse, Eupatore Mithridate præfule sibi delecto adversus Barbaros bellum gessisse, & tanta spe erectum exercitum in Chersonesum misisse, ut & Scythis pariter Strabone teste intulerit, & Sciluræ liberos quinquaginta (ut Possidonius scribit) captivos habuerit, & à Perisade præfecto loci ditione accepta Bosphopotitus sit: Ac inde ex eo tempore in hunc usque diem Chersonesitarum civitatem Bosporanis Regulis subjectam fuisse olim idem Strabo asserit.

*Iamboli, seu Balacheum, arx
& civitas.*

IAmboldum seu Iamboli Græci Balacheum, quasi piscium arcem & civitatem eam (nam in eo loco mare piscibus ferax est) Turcæ dixere. Ea in altissimo magno & saxoso monte ab Italis Genuensibus munita & habitata fuit:

superbis enim & pessime tunc inter se convenientibus ac ignavis Græcorum, qui tunc eam partem Tauricę tenebant, Ducibus ignominiose sine aliquo eorū præsidio ab eis erepta fuit. In ea civitate commoditate loci naturalis Genuenses usi portum celebrem, ac utilem, munificentissimum sumptuosissimumque propugnaculum, excitavere. Est ibi etiam sinus maris angusti penes civitatem & inter promontorium non exiguo spatio distans, qui portum nō ignobilem confecit, ut ex mari magno naves non paucę ibi tuto descendere & consistere possint. Arces, ædes, mœnia & turres sumptuosę cum plurimis Genuensium insigniis & titulis prostratę & omnino dirutę jacent. Civitas illa à paucis Græcis, Iudæis & Turcis incolitur, à paucioribus itidem mercatoribus & peregrinis per mare frequentatur.

Mancopia seu Mangutum, ut Turci vocant, arx & oppidum.

MAncopia civitas ad montes & sylvas magis porrecta, & mari non jam propinqua est; arces duas in altissimo saxo & peramplo conditas, templa Græca sumptuosa & ædes, plurimos rivos, qui ex saxo decurrunt, limpidissimos & admirandos habuit. Postquam vero à Turcis ea capta esset, postmodum vero anno

anno decimo octavo , ut Christiani Græci perhibent , subitaneo & horribili incendio orto funditus fere demolita est. Idcirco nihil quicquam insignius præter superiorem arcem , in qua porta insignis cum Græcis textibus multo marmore ornata, & domus alta lapidea est. In eam domum Moscorum nuncii Canorum barbarico furore nonnunquam detruduntur, ac durius ibi asservantur. Templum Græcum S. Constantini, & alterum S. Georgii humile admodum nunc reliquum est. Presbyter Græcus unicus, Turcæ & Iudæi aliquot ibi habitant, cætera in ruinas, vastitatem, & omnem fere oblivionem versa sunt. Nec homines jam supersunt, nec Ducum, nec gentium earum, quæ eas urbes & arces maximas possidebant & inhabitabant, annales aliqui reperiuntur. Nam in locis singulis eos summo cum studio & impendio meo conquirebam. Verumtamen à Presbytero quodam, Græco homine jam annoso, probò; & non rudi, quem ibi vidi, accepi, quod paulo ante civitatis ejus à Turcis obsidionem Duces quidam duo Græci, quos Constantinopolitanorum vel Trapezuntii Imperatorum sanguinis fuisse certe apparet, patruus & nepos ibi mansissent. Græci vero Christiani non

multis tamen annis eam inhabitavere, ac paulo post ab infideli & immanissima Turcarum gente civitas illa fide eis data & violata erepta fuit. Duces illi Constantinopolitani vivi abducti, à crudelissimo & sceleratissimo Turcarum Imperatore Selimo ab annis centum & decem crudeliter contrucidati sunt. In templis illis Græcis in parietibus effigies & habitus exornati Imperatorum & Imperatricum earum, ex quorum sanguine eas ortas & prognatas fuisse apparet. Arx & civitas quondam antiquissima Mancopiæ, & Cerceffigermenno à Turcis arci novæ & à Cerceffio nominatæ, proxima est, nec ea à Turcis & Tartaris, ac ipsis etiam Græcis, propter nimiam vetustatem aliquod cognomen nunc habet. Græcorum tamen Ducum temporibus, de quibus in eo loco plurima nefanda, quæ in Deum hominesque illi perpetrabant, prædicantur, ea corruit. Ac in eo monte saxoso, in quo sita est, in saxo miro admodum opere domus excisas habet, quæ, etsi ille locus nunc sylvosus est, integræ tamen plurimæ reperiuntur. Phanum marmoreis & serpentinis columnis ornatum humi jam prostratum & corruptum, insignem & clarum quondam eum locum extitisse testatur.

CHanorum Regiæ seu domus in Mediterraneam (ut eam Strabo vocat) Tauricam porrectæ sunt. Oppidum non ignobile, & domum lapideam primariam, in qua ille semper residet, Baccasaraïum nuncupatam ille habet. Illud oppidum inter duos montes situm est, & fluvius parvus, à quo oppidum cognomen retinet, medius defluit. Mahometicum templum lapideum, & sepulturæ Chanorum, ex ruinis Christianorum penes oppidū exstructæ sunt. Non procul etiam ab illo oppido monasterium Mahometicum, & plurimæ sepulturæ Tartaricæ, ex ruinis Græcorum non ignobiliter excitatæ sunt. In extremitate oppidi istius aliud oppidum est Salaticum dictum, ædificiis nō ignobilioribus à Turcis incolis exornatum. Chanorū Regia vel domus, à priscis Tartarorum Principibus sumptuosè ædificiis, templis, sepulturis, & balneis magnificè exornata est. In eam domū Principes, quum otio, delitiis, oblectationibus & recreationi vacant, cum uxoribus non raro descendunt. Locus ille enim seu tractus venationibus expositus est. Pomaria, vineas, hortos & agros infinitos & præstantes habet, ac rivis limpidissimis irriguus est. Montes & sylvæ plurimæ illic sunt, in

quibus ruinosa ædificia plurimā, & maximæ arces & civitates conspiciuntur, à paucis tamen & nullis hominibus illæ habitantur, & desolatæ jacent. Almaſſara ad confluentē Almæ est Chanorum Regia, seu domus, in qua ille raro manere solet, quod non ita commode sicut alibi ibi degere & cum aula sua divertere potest; nam pagus tantum unicus & obscurus ibi est. Arces & oppida obscuriora sunt aliquot vicina, in quibus uxores suas alere solent. Arces itidem nonnullæ sunt, in quibus Sultani Chanorum fratres vel filii & uxores illorum perpetuo habitant. Pars illa Chersonesi, quam Chanus cum suis Tartaris possidet, à Perecopia versus paludem ad Cremum civitatem culta, plana, campestris, fertilis & herbosa est; Verum versus mare & ipsam Chani Tartarorum Regiam, ejusque oppida, arces & pagos, montuosa admodum, sylvestris, cultissima ac uberima existit. Montes sunt maximi & celebres in ea parte. Maximus vero omnium altissimus est, & in summitate lacum sane non exiguum habet. Illum etsi ego non ascendi, verum ab aliquot miliaribus ille bene conspicitur, & nō vulgarem altitudinem & magnitudinem demonstrat. Fluvii plurimi non parvi admodum ex montibus illis decurrunt.

Pisces,

Pisciculos etiamſi non magnos (nam aqua non eſt profunda) ſapidiffimos tamen & delicatos plurimos habent. Sed quoniam Tartariſiſcium rarus eſt uſus, Chriſtiani tantum & peregrini noſtri cum eò veniunt in capiendiſeis operam navant. Eſt præterea avium delicatiſſimarũ ibi copia, quas aliquando ſclopetarii Chriſtiani vel Turcæ, rarius tamen noſtri peregrini, petere ſolent. Venationes cervorum, caprarum, aprorum & leporum in ditione Tartarica & Turcica mari vicina ſunt plurimæ. Solet etiam non raro diebus aliquot Chanus ipſe ibi venari; ſæpius vero cum canibus venaticis Turcicis vel Tartaricis in campũ deſcendit. Sortaſſus pagus Tartaricus Chani Regiæ vicinus, in quem Lituanici & Moſcovitici legati non raro divertũt, ille ſatis amplus & amœnus eſt. Enimvero cum Taurica ſeu peninſula Chanorum ditionis eſſe cœpit, Itali non pauci Genuenſes nobiliores poſt ſubactã à Turcis Capham, Tartarorum Principibus juris & proprietatis ſuæ litteris eorum conſcriptis & conſignatis, quas ego apud eos vidi & legi, eum pagum cum ſpecialibus immunitatibus illi obtinuerant, ſive hoc auro, quod illi tũ ex ſedibus ſuis ſecum aſportaverant, ſibi comparaverant, ſive etiam miniſterio, dum Chanis in
able,

ablegationibus apud Christianorum Principes nō obscure operam suam navabant. Templum Catholicum in pago illo extruere ipsis permissum fuerat, in quod, dum ego ibi manerem, aliquoties descendebam. Presbyter tamen unicus Franciscanorum ordinis Frater, quem Christiani illi ex Turcica captivitate ære proprio tum redemerant, in templo illo fuit. Ille postmodum cum Tartarico legato, qui apud Serenissimum Regem non ita pridem fuerat, in Lituaniam Vilnam usque advenerat. Reverendissimum Ioannem Andream Caligarium Sedis Apostolicæ Legatum sæpius ille accedebat, ac cum iisdem Tartaris, dum aliquot septimanis mansisset, iterum in Tauricam ille reversus est.

Cremum arx & civitas.

CRemum, seu ut à Tartaris Crimum dicitur, civitas & arx muro antiquissimo, maximo ac præalto, magnitudine ac celebritate reliquis civitatibus Tauricæ, Chersonesi mediterraneæ, (nam eam Ptolemæus ita nominat,) admodū dissimilis est. Ptolemæo fortasse Taphros, Plinio vero Taphræ eam antiquis nominatam fuisse placet. Illa postremis jam temporibus ante Genuensium in Tauricam adventum à maximo populo Mahometico, qui ex Asia eo tum migraverant,

rant, culta & inhabitata fuisse videtur. Nam templa seu delubra antiqua Mahometica non solum in civitate ipsa, verum & ultra civitatem, plurima admodum cum characteribus Chaldaicis in grandioribus saxis excisis conspiciuntur. Turcæ seu Tartari non pauci admodum incolæ, Græci tamen rariores, hoc referunt, quod majores sui constanter meminerint, eam civitatem à Persarum olim gente inhabitatam, præstantem ac primariam fere officinam mechanicarum artium quondam eam extitisse. Liquet sane ex ipsis ruinis, & loci amplitudine, urbem eam quondam clarissimam, & maximam gentium coloniam extitisse. Tartari ab eo loco Crimæses vulgo nunc appellantur. Officinam monetariam, quam Chanus cudit, in ea civitate perpetuam habent. In arce, quæ maxima ad civitatem est, uxores Chanorum perpetuo asservantur & consenescent.

Sidagios arces tres & civitas.

Sidagios à Græcis, à Genuensibus vero Sudacum, arx & civitas illa dicta fuit. Tartaris prorsus incognita est. In monte altissimo, saxoso & peramplo, ad mare sito, in summitate montis, arcem superiorem, alteram mediam, tertiam vero inferiorem arcem, muro & turribus cinctas & munitas Græci seu Genuenses
Itali

Itali condidere. Tempia Græca ex grandioribus saxis infinita esse, & quasi sacella pauca admodum, nonnulla integra visuntur, plurima vero in ruinâ versa & humi jam prostrata jacent. Superbi, discordes & desides Græci à Genuensibus Italis fracti & debilitati civitatē eam amiserant. Non contemnenda Genuensium vestigia Græcis multo clariora ibi conspiciuntur. At insignem locum quondam, ut ex ruinis videre licet, extitisse, à Christianis Græcis, quorum parvæ admodum reliquæ ibi sunt, memoratur: Græcorum gentem eo discordiarum & inimicitiarū devenisse, quod familiæ, quæ dissidiis laborabant, ne devotionem quidem publicam fieri eique interesse volebant. Propterea templa illa infinita quam plurimi ædificavere, quæ aliquot centena ibi extitisse Christiani perhibent. Tempia tria maxima Catholica, domus, muri, portæ, ac turres insignes, cum textilibus & insigniis Genuensium in arce inferiori visuntur. A Metropoli quodam viro Græco & honesto, qui ex insulis Græcis ad visitandos presbyteros illos tum eò advenerat, & hospitio me exceperat, accepi, quod cum immanissima gens Turcarum eam civitatem ingenti maritimo exercitu oppugnasset, à Genuensibus fortiter & animose

moſe illa defenderetur. verum cum obſidionem diuturnā ac famem Genuenſes diutius ferre, nec impetum tam numeroſi exercitus Turcarum ſuſtinere amplius poſſent, in maximum templum illud, quod adhuc ibi integrum eſt, centeni aliquot, vel, ut ille aſſerebat, mille fere viri egregii ſeſe receperant, per dies aliquot in arce inferiori, in quam Turcæ irruerant, fortiter & animoſe ſeſe defendentes, inſigni & memorabili Turcarum ſtrage edita. tandem in templo illo univerſi concidere. templi illius portę & fenestræ à Turcis muro impletæ. cæſorum cadavera in eum uſque diem inſepulta jacent. In id templum ne accederem, à Caphenſi Seniaco quondā Turca, quem in ea arce perpetuum ille habet, ego prohibitus ſum. Portorium non ignobile civitatis ejus fuit. Vineæ & pomaria, quæ ad duo & amplius milliaria extenduntur, fertiliffima à Caphenſibus, Turcis, Iudæis, & Chriſtianis nunc etiam ibi coluntur. Nam univerſæ Tauricæ vinum optimum ibi naſcitur. Rivis amœniſſimis, qui ex altiffimis & mediis montibus & ſylvis, quæ admodum frequentes ibi ſunt, decurrunt, univerſus ille tractus abundat.

*Civitatum maritimarum distantia
& descriptio.*

CIVITATIBUS illis superioribus, ac de-
 mum Sudaco ipso jam emenso usq;
 ad Theodosiam, quam Genuenses Itali
 Capham dixere urbem, Taurica ripa per
 stadiorum mille longitudinem aspera
 montanaque & aquilonibus procellosa
 existit. Ante illam urbē promontorium
 quod ibi conspicitur in pelagus in meri-
 diem versus Paphlagoniam Amastrum-
 que urbem valde procumbere, ac à Græ-
 cis Orium & Opon, frontem arietis, ap-
 pellari Strabo refert. Opponitur illi &
 aliud promontorium Carambis Paphla-
 gonum, quo pontus Euxinus in pelagus
 geminum dividitur, ac id utrumque eu-
 ripus angustat. Carambis à Cherrone-
 sitarum urbe stadiorū duobus millibus
 & quingentis, ab arietis autem fronte
 multo minore numero distare Strabo
 memorat. Post eam montanam, ut eam
 Strabo regionem vocat, Theodosiam
 civitatem jacere; campos ubertate præ-
 stantes, portum vel centenis navibus
 commodum habere, eumq; finem Bos-
 poranorum & Taurorum agro antea
 ascriptum fuisse, idem asserit.

Capha seu Theodosia civitas.

CAPHA seu Theodosia urbs universæ
 Tauricæ clarissima, munitissimaque,
 à Ge-

à Genuensibus Italis condita & ad mare sita est. Portum copiosum illa semper habuit. Genuensium tempore apparet eam divitem & habitabilem admodum extitisse. Postquam vero à Turcis ab annis plus centum Genuensibus erepta fuerat, Christiani Itali in angustum ita redacti sunt, ut exiguae & obscurae admodum eorum reliquiae in ea supersint. Civitas pristinum splendorem maxima ex parte amisit. Tempia Christianorum Romana demolita, aedes dirutae, muri & turres, in quibus Genuensium plurima insignia & inscriptiones Latinae visuntur, collapsa jacent. Tempia tantum Catholica duo, & Armenica itidem integra supersunt, in quibus Presbyteros proprios alere, & devotioni publicae interesse à Turca antiquo jure eis conceditur. Turcis, Armenis, Iudaeis, Italis & Graecis Christianis paucissimis habitatoribus referta, negotiationibus portuque universae ejus Tauricae nunc etiam nobilis est: vineas, pomaria, & hortos fere infinitos illa habet. Capham non raro navigatur ex universis vicinioribus & remotioribus Graeciae insulis, saepius vero ex urbe Constantinopoli; nam secundo vento duorum tantum dierum spatio, vel paulo amplius, navibus eo veniunt.

Telluris Taurica distantia & descriptio.

Tellurem aliam deinceps fertilitate conspicuam usque ad Panticapeium Bosporanorū metropolim, quæ in ostio Mæotidis sita est, exillere, ac inter Theodosiam & Panticapeum stadiorum quingentorum & triginta intervallum esse Strabo refert. Tellus illa frumenti ferax est, & vicos habuit olim multos, sed nūc Tartarica tuguria plurima ibi sunt. Urbem portus optimi Nymphæum dictam, & tumulum Panticapeum habitaculis frequentibus circumpositum stadiorum viginti insignem esse, ac ad ortum portus navium triginta quondam ibi extitisse, & arcem à Milesiis conditam ibi fuisse Strabo asserit. Est quidem ad eum tumulum nunc etiam civitas & arces duæ, quæ fortassis à Turcis & Tartaris Cercum & Thamanum appellantur. In ipso Mæotidis ore, quod Strabo Bosporum Cimmericum vocat, ejus vero initium ab ampliore latitudine ad septuaginta stadia. ubi est Panticapeis locis ad Phanagoriam propinquissimam Asiæ civitatem, divisionem inchoant. ad angustissimum Euripum terminari: illud vero angustia Asiæ ab Europa separare: simul & Tanaim fluvium ab Arcto in paludem ad stadia sexaginta inter se distantibus alveis erumpi, ac totam circuitio-

cuitionem paludis illius stadiis octo milibus constare Strabo tradit. Magnam Cherronesum seu Peninsulam ipsi Peloponneso forma & magnitudine perquam similem esse, eam vero totā Bosphoranos Principes assiduitate bellorum vastatam habuisse: Illam etiam Bosphororum Tyrannos parvam quidem Mæotidis ori & Panticapeo adjacentem Theodosiam usque tenuisse, plurimam vero partem usque ad isthmum sinumque Carpenoitem Tauros gentē Scythicam habuisse: Atque sane etiam oram totam, & aliquid extra isthmum usque ad Borysthenem parvam Scythiam vocatam; propter transeuntem vero Tyram fluvium & isthmum eam terram habitantium, multitudinē hujus & partem magnam Scythiam parvam nuncupatam fuisse; cum Thraces partim vi, partim malignitate loci (est enim plurima palustris) eam concessissent; Strabo memoriæ prodidit. Idem etiam subjicit, Cherronesum sane in mare vergentem Theodosiam usque in campis frugiferam, non sic autē montanam frumento admodum beatam esse. Vbicunque forte fossore prosclissā fuerat, modiorum centum & octoginta millia, ducenta vero argenti talenta tributū nomine cū Asiānis locis Sindicē circumadjacentibus

Mithridati solutos fuisse; Græcos frumentariorum commeatum, & è palude sal-famentaria Leuconem Regem decem adducendas modiorum myriadas (est autem myrias decem millia continens numerus) à Theodosia Atheniensibus transmississe, ex Strabone liquet.

Cercum arx & oppidum. •

Cercum arx & oppidum Tartaricum Chanorum ditionis obscurum & humile admodum. in ostio (ut Strabo vocat) Mæotidis, & ad eam angustiam, quam Bosporum Cimmerium ille cognominat ac tumulum Panticapeium, & civitatem simul ab eo dictam, situm est. Ex adverso oppidi vel arcis illius in ripa altera angustiae illius, quæ amplius unum milliare in latitudinem continetur. Tamanum arx munitissima; quam fortasse Phanagoriam appellatam esse, propinquissimam Asiæ civitatem; à Milesiis quondam conditam fuisse, & emporium in ea nobile extitisse Straboni placet. Illæ arces à Genuensibus quondam excitatae & munitæ fuisse videntur, & non ignobile præsidium ibi illi semper habuere. Cercum arx diruta est; nam Turcarum Imperator in universa Taurica nullam arcem aliam præter Perecopiam ipsam præsidio firmare Tartaro seu Chano permittit. Tamanum arcem, quæ

quæ in extremitate Taurica sita est, & Petigorensium amplissimæ provinciæ, quam Colchidem Ptolemæus & Strabo vocitant, jam contigua existit, Seniacus seu præfectus ei imposito præsidio firmo perpetuo eam munivit.

Petigorensium populi & provincia.

Petigorensium provincia, seu Colchis, ad mare Caspium seu Hyrcanum usque extenditur. montibus & sylvis maximis est obnoxia, quæ jam in ea extremitate conspiciuntur. Gens illa liberri-
ma est. Duces habet plurimos & strenuos, quibus singuli populi & familiæ obediunt. Ac etiam si Christianos se esse profiteantur, & liqueat Genuensium tempore plurimos illorum Christianos fuisse, attamen presbyteris ac templis deinceps destituti, opinionem solummodo religionis illi nunc retinent. Plerique illorum majorique ex parte idolatræ inter suos rapaces violentique, sed in peregrinos hospitales & liberales sunt. Parentes quamvis ex insignioribus vel agrestioribus illi sint, liberos proprios, filios in servos, filias in uxores Turcis vel Tartaris, nonnullisque etiam Christianis, ac eos quos inter se furtim subtrahere illi solent, ac extra mare plus quam barbarico more barbaris peregrinis occulte vendunt.

Taurica seu Peninsula locorum & civitatum distantia & descriptio.

INter Perecopiam, Cremum, & Costomam oppida à Septentrione Taurica seu Peninsula planissima nec admodum montosa omninoque campestris est. Solum fertilissimum, magnaue ex parte saxosum, aquam vero bonam rarissimam habet. Attamen fontes seu putei altissimi mira profunditate & difficultate à veteribus Græcis seu populis illis antiquissimis & maximis, qui eam Peninsulam ante Græcorum tempora incolabant, quondã excisi & facti per diversa loca plurimi reperiuntur. A Perecopia per unum milliare stagnum magnum sale admirabili natura concretum est, ex quo purissimum & optimum sal, quasi glaciale perpetuo colligitur; cæterosque lacus salsoꝝ quam plurimos habet. In quibusdã etiam commodissimis & plurimis locis in montibus ac sylvis arcium, civitatum, templorum monasteriorumque antiquissimæ & maximæ Græcæ ruinæ frequentissimæ admodum reperiuntur, quæ quum multo sæculo habitatoribus caruere, propter antiquitatem temporum cognomina sua amiserunt. Univerſa Taurica seu peninsula illa, ab occiduo & septentrione planissima & campestris est; oppida paucissima, vicof-
que

que plurimos habet; in longitudinem milliaribus ad summum quinquaginta protenditur. Verum à meridie & oriente montuosa & sylvestris, montes altissimos, amplissimos, saxosos, frequentes admodum & admirandos habet, in quibus inter Crenum & Capham auri argentique metalla & ferrum optimum quondam ab incolis repertum fuisse perhibetur. solum fertilissimum, fluvios, rivus amœnissimos, pisces, prata, pascua, feras sylvestres plurimas, cervos, capras, apros, ursos, vineas, pomaria, agros, campos, oppida, vicos, pagos, prædia plurima optimaque habet. Taurica seu península in latitudinem quibusdam in locis unius vel alterius diei itineris spatium, nonnullis vero in locis unius fere diei spatium, in orbem quasi extenditur.

Taurica, quæ Turcarum Imperatoris ditionis est, descriptio.

Perecopia & Cosslovia, arcibus oppidisq; maritimis ac nonnullis oppidis ignobilioribus paucisq; Christianorum Græcorum pagis exceptis, arces & civitates maritimæ, reliquæ universæ peninsulæ, quæ ordine suo descriptæ sunt, cum vicis & pagis Christianorum Græcorum plurimis, Imperatoris Turcarum ditionis sunt, ejusque Imperio universæ parent, firmissimoq; præsidio tenentur.

Peninsula, quæ ab oriente & meridie à Perecopia media est, hyemem placidissimam & aërem temperatissimum habet. Nam in fine Decembr. hyemis initium, in medio vero Febuario hyemis asperitas, quæ magis nivosa, nec tamen integro triduo illa magis durat, quam frigida & gelu constas est. Nec diutius quam ad initium Martii illa durat. Sub initium itaque veris, & in autumno, fere calidior aër pestilens plerumq; efficitur.

Camporum distantia & descriptio.

BRatislavia, Sauramenses, Oczacovienses & Bialodogrodenses campi inter Hypanim seu Bogum, Tyram seu Nestrum fluvios consistunt. A septentrione versus Neprum seu Borysthenem ac Bogum aliqua ex parte plani & campestres, verum ab Occiduo versus Nestrum & Prutum sive Hierasum flu. magis sylvosi & montosi sunt. Podolia, Camenecia, & Moldavia inter Nestrum & Prutum flu. mediæ Tachmiæ & Bialogrodo, quod ad lacum Vidovo seu Obidovo & mare Euxinum est, confinis; ab Occiduo campis & mari Euxino, à Meridie Bialogrodo Kibiæ & Danubio fluvio ubique vicina est. Oczacovia à septentrione Borysthenem, in quem Bogus ibidē exoneratur, camposque amplissimos, à meridie mare Euxinum, & Berczaniæ lacum salsum &

& restagnantem, ab occiduo Nestrum fluvium proximum habet.

Continētis distantia & descriptio.

DEinceps vero continens ille, qui est extra Oczacoviam & Borysthenem in formam insulæ, quasi inter Borysthenem, Mæotim paludem, & pontum Euxinum, ab occiduo Borysthenem habet, à septentrione Tanaim seu Donum fluvios, ab oriente vero Mæotidæ paludem & Tauricam seu Peninsulam, à meridie mare Euxinum, ac illum isthmum seu continentem: extra Oczacoviam vero & Borysthenem Perecopiam usque quibusdam in locis continens ille est angustissimus: verum extra Perecopiam ad Ossovum arcem, quæ ad Tanaim est, amplissimus, solo fertilissimus, ac universus campestris & planissimus est: etenim in isthmo illo universi ferè Perecopienses & Ossovenses Tartari pecora & animalia sua pascunt, ac in eo per æstatem & autumnum degunt. Continens ille seu isthmus ab Oczacovia usque ad Ossovum (nam ibi terminatur) in longitudinem, quantum ex diætiis Tartarorum patet, milliaribus amplius centum constat: in latitudinem autem non pari modo protenditur; nam tam extra Perecopiam, quam ad Oczacoviam vel Borysthenem latior est.

*Perecopensium Tartarorum descriptio,
& in Tauricam ingressus.*

TAuricani vel Chersonesi*, qui nunc Perecopenses vel Crimenses Tartari dicuntur, à Rha seu Volga fluvio orti & appellati fuissè ex vetustissimis Scytharum scriptoribus certo videntur. Porro inter celebratissimos, altissimos & maximos Tanaim seu Donum & Borysthenem septentrionis fluvios, in campos paulatim progressos fuissè, ab annis vero centum sexaginta vel paulo amplius in Tauricam seu peninsulam eos pervenissè manifeste apparet.

*Chanorum & Ducum eorum genus
& cognomina.*

CHanorum vel Principum Tartarorum illorum Cyngissonum genus antiquitus nuncupatum fuit, ex quo Lochtonus quispiam Chanus, à quo universi Chani ortum trahunt. Ille primus Tauricæ vel Chersonesi in Taurica seu Peninsula Imperator extitit. Sirinenses, Bachinienses, Mangutenses, cæterosque Kivazios vel Duces, (ex quibus Cajacei, qui Chanorum consiliarii & præcipui officiales sunt, procreantur, eorumque filiae vel sorores eis nubunt) Vlanos, (qui ex Chanorum sanguine antiquitus orti sunt, ac, si Chanorum legitima & ultima posteritas defecerit, in principatu suc-

tu succedunt) Murios vel nobiliores singulorum, (eorum posteritas & nunc etiam manet) cæterosque Tartaros bellicosissimos, ad aliquot dena millia in comitatu eum certo habuisse. ac in Tauricam seu Peninsulam cum eo migravisse verissimum est.

Chani Tauricanum regnum occupant.

DVces Græcos, qui Mancopiæ & Ingermeni, ac Italos Genuenses, qui Iamboldi & Caphæ incolebant, tum populos in Peninsula reliquos invenerat, cum quibus amicitiam, pacem & pacta donec à Turcis devicti belloque attriti illi fuere, Chanorum prædecessores in- corrupte & constanter coluere, & monetam multis annis communem, quam ego vidi, habuere.

*Imperator Turcarum Tauricanos
Tartaros subjugat.*

ENimvero Selymus Turcarum Imperator populis illis debellatis, arcibus & civitatibus ferè universis Peninsulæ maritimæ creptis & occupatis Mechemet Gereium Chanum ad imperium suum adegit, subjugavitque: illum Sachmates lavolgentium Tartarorum princeps insigni & memorabili strage deleto centum millium ejus exercitu profligavit. Ex quo summum Turcarum imperium Chani agnoscunt. Tauricæ seu penin-
sulæ

fulæ Tartarorum Reguli seu Principes ab eis constituuntur, vexillum accipiunt, & filios vel fratres Soldanos in obsides perpetuos Turcis dant.

*Successorem perpetuum regni
Tartari eligunt.*

Verumtamen antiquissimo gentis more Galgam seu imperii successore (Galli Delphinos itidem) præficiunt fratrem vel filium natu maximum magisque idoneum, penes quem in pace belloque summa potestas est; verum cum consensu insigniorum Tartarorû Chani ipsi perpetuum eligunt & præficiunt. Quod si etiam inter Soldanos vel Chanum ipsum dissensio vel bellum aliquod pro imperio exoritur, Turcarum Imperator Sultanorum obsidem cum exercitu & vexillo in Tauricam seu peninsulam expedire non negligit: Chano Sultanisque bello sedatis & pulsis in Principem sufficit; quapropter Ianizeros plurimos in Taurica seu Peninsula perpetuo ille alit.

Antiqua Chanorum electio.

Chanorum electio pro antiquo gentis more liberis Ducum Murzonû eximiorumq; Tartarorum quondam vocibus constabat. Porro propter frequentissimas illorum dissensiones, maximaq; bella, quæ à Nogaiensibus Tauricæ seu penin-

peninsulæ vicinioribus Tartaris pro imperio ab eis mota sæpius fuere, Sachibgiereius & Deuletigereius, Chani insignioribus potentioribusque Tartaris è medio dolo sublatis, & in vincula compactis, ad se posteritatemque suam electionem pertrahere, absoluteque, Imperatore Turcarum eos juvante & confirmante, Tartaris dominari cœperunt.

Chanorum in Soldanos fratres naturales tyrannis.

QVod si vero non fratrem, sed proprium filium, ut plurimum contingit, in Galgatu Chanus constituere voluerit, propter seditiones illas, mutuasque inter se cædes, Soldanos fratres universos dolo & arte circumventos clam è medio tollit, plerique tamen illorum ad Turcam, à quo benigne accipiuntur, & consolantur, confugiunt, ac ab eo stipendium perpetuum habent.

Soldanorum apud Tartaros curatio & provisio.

SOLDANI Chanorum filii minorennès à Tartaris vel Murzis insignioribus educantur, & curantur, ne cum adoleverint propter illorum pluralitatem dissensiones aut bella aliqua moveantur: Singuli enim Chani summum agnoscunt imperium, & cum adoleverint, idonei certis Tartarorum turmis præficiuntur, plurimosque

mosque Tartaros voluntarios ad se pertrahunt, plerosq; tamen parentes eorū, quos chariores magisq; idoneos putaverint, Nogaiensibus Tartaris præficiunt, pecuniis & equis remunerant. Nonnunquam etiam insidiarum inter se vel seditionum metu, curatorum tamen favore adjuti, ad viciniore gentis suæ vel Christianos Principes confugiunt.

Chanorum consilarii & aulici perpetui.

CONSILIARIOS Attalicos, quos à curatione fœminarum, parentū vel uxorum suarum ita illi vocant, à quibus Soltani illi perpetuo ex ephebis etiam educantur & curantur; Hamiatos, qui Principum peregrinorum fautores vel negotiorum promotores apud illum sunt; ac officiales etiam Curenſes Chanus perpetuos habet. In primis vero Duces, Coraceios, Vlanos & Murzas insigniores in negotiis gravioribus ad consilia semper adhibet, & ad se convocat. Aulæ ministros præcipuos & idoneos viros, quorum in legationibus aliisque diversis negotiis necessariis & servitiis suis operatur, qui in Consiliarios & officiales Curiales promoventur, ille habet. Illos etiam qui ex insigniori & nobiliori Tartarica juventute delecti sunt, mensibusque alternis in aula ejus versantur, & cum idonei efficiuntur, iisdem dignitatibus

tibus honorantur, perpetuo alit. Attamen Cerceſiis Nogaienſibus & Petigorenſibus, qui nimium induſtrii, robuſti, audaces, & in bellũ promptiſſimi ſunt, in primis & plurimum ille delectatur. Præcipuis dona honoraria & ſtipendia annua ille elargitur, ac eorum aula ejus non raro frequentior eſſe ſolet. In aula Principis inſigniores Tartari & nobiliores non ad faſtum vel ſuperfluum luxum, verum pro neceſſitate & honeſtate ſatis ſplendidi & civiles ſunt. Etenim ignavia & incuria, in primis vero in Deum, impietate viciniorũ Chriſtianorum populorum, celeberrimis incurſionibus & bellis adeo ditati, opimisq; ſpoliis reſerti ſunt, ut eximiores & nobiliores privatis opibus & ſplendore domeſtico, quem illi habent, non admodum Turcis imparès eſſe poſſint. Fœminas Mahometica lege quot poſſunt & volunt alunt, & in uxores à Petigorenſibus plerumque emunt; quas etſi non ſuperbe, verum ſatis pro gentis more culte & civiliter, cum quibus vero prolem habent, quam honorifice & ſplendide ſuſtentant, & cûrant. Liberos filios à prima ætate Arabicis literis inſtituendos, filias vero non domi alunt, verum propinquioribus ſanguine curandas illi tradunt. Filios adultos Chano vel Soltanis
in

in ministerium, filias nobiles insignioribus ac nobilioribus Tartaris vel Turcis in matrimonium collocant.

Religio Tartarica.

Tartari illi Mahometani sunt; presbyteros & templa Mahometica habent; literis Chaldaicis vel Arabicis à Turcis paulo corruptioribus vel rudioribus illi utuntur, etsi antequam in Tauricam seu peninsulam venerant, moribus multo agrestioribus gens ea fera & campestris, quod nunc etiam ex agrestioribus manifeste apparet, fuisse videntur: nam illis Mahometicis legibus, juribus, litteris & moribus illa tum prorsus caruit. Enimvero à Turcis humanitatem & falsum illum cultum Tartari edocti majori nunc ex parte hospitalitatem nobiliores colunt.

Legum severitas.

Ius vel justitia Mahometica lege apud Tartaros administratur in civitatibus vel oppidis Chani, & reliquorum Soldanorum. Presbyterii Cadii vel iudices in pagis; Begi vel præfecti, qui injurias particulares audiunt & decidunt, perpetui habentur. Verumtamen capitis, sanguinis, furti, quas criminales, fundi, quas civiles seu officii causas nos dicimus, Chanus ipse cum Consiliariis suis decernit. In quibus exponendis causidico

opus

opus non habent; subtilitatibus juris, calumniis, excusationibus, nec dilationibus utuntur. Extremæ enim conditionis Tartari vel peregrini homines coram iudicibus & Chano ipso, à quo semper audiuntur, & celeriter expediuntur, injurias suas ipsi per se libere admodum exponunt; universis enim semper ad illum aditus patet. Cum in publicum exit, miserimæ fortis homines non excluduntur, à Chano vero conspecti examinantur, videlicet ut siquid opus habeant referant. Nam non solum legibus obedientiam magnam illi præstant. Principes suos Deorum loco ipsi adorant, & venerantur. Iudices pro lege sua Mahometana perpetui spirituales pro Divis, indubitæque omnis æquitatis & integritatis fidei & opinionis viris inter illos habentur. Principes & Magistratus imperata & iustia fidelissime cum alacritate, promptitudine, ingentique metu quam celerrime exequuntur, & expediunt. A controversiis, criminatibus, iudicis oburgationibus minus necessariis & particularibus, invidia, odio, tetræ excessibus, omni luxu & ambitione, in victu & amictu prorsus alieni sunt. Mensibus amplius novem ibi ego mansi, nec audiivi prorsus aliquem actum criminalem, nec civilem inter

eos contigisse, nec inimicitiarum causa compositionem aliquam obtigisse.

Tartarorum in aula Chani & inter suos securitas.

IN aula Principis nec inter suos gladios, arcus, nec alia aliqua arma illi gestant, exceptis viatoribus vel peregrinis iter facientibus, in quos admodum humani & hospitales sunt. Illi à prædonibus semper securi: verum à latronibus vel furibus noctu, qui nihil quicquam aliud præter equos illis furantur, nisi perpetuas excubias agant, minus tuti esse solent.

Tartarorum rei familiaris, victus, & manendi ratio.

Rem familiarem, etiam si solum fertile illi habent, nobiliores & agrestiores tamen, iique pauci curant; plurimi etiam agros non colunt, nec serunt: equis, camelis, bobus, vaccis, pecoribus & ovibus abundant, ac inde victitant. Nobiliores tamen panem, carnes, cibum, vinum crematum & mulsum potum habent; agrestiores vero pane carent, verum milio concusso, lacte & aqua diluto, quem *cassa* vulgo nominant, pro cibo; pro potu lacte equino & caseo utuntur. Camelos, equos, & boves oneri inutiles vel jam moribundos jugulant, ac ovium carnibus non raro vescuntur.

Nobi-

Nobiliiores non in campis, verum in Tauricæ seu peninsulæ pagis, qui in sylvis proximi sunt, habitant. etsi pagos proprios plurimi non possident: attramen agros & fundos proprios ibi habent. Quos Vngarorum, Russorum, Moscorum, Valachorum seu Moldavorum mancipiis, quibus abundant, colunt, ac ut jumentis ad opus omne utuntur. Ædificia & domus ligneas similes admodum Turcico mori ædificant: Verum Græci Christiani, qui in paucis villis sunt, ut mancipia operantur & agros colunt: Tartari autem Chano, vel insignioribus Tartaris, ut tantum victum habeant, & vestiantur, nullo pretio conducti inserviunt: Cæteri vero, iique plurimi, semper otiosi sunt. In civitatibus vel oppidis pauci admodum mercantur: mechanicas autem artes rarissimi exercent; & quicunque mercatores vel artifices ibi reperiuntur, vel Christianorum mancipia, vel Turcæ, Armeni, Indæi, Cercesii, Petigorenses, qui Christiani sunt, Phylislini vel Cyngani, obscuræ & extremæ conditionis homines sunt. Tartari illi, qui in campis extra Perecopiam vel in peninsula degunt, sylvas nullas, fontes quos ubique locorum mancipia illorum excavant, ligna ex pecorum stercorebus, quæ mancipia in campis le-

gunt, & in sole siccant, & domus eas, quarum in superiori descriptione mentio fuit, habent. Tartari illi Chanorum Soltanorum, cæterorumq; insigniorum Tartarorum servi vel subditi, sunt mancipia; & greges animalium innumerabiles dominorum suorum semper procurant & pascunt, ac etiam si de loco ad locum in campos & pascua semper vicatim vel pagatim progrediuntur, villis, vel pagis aut turmis singulis, quarum cognomina & dominorum eorum præfecti habentur, procedunt, ut quos Tartaros captivorum causa nostri requisiverunt, facile eos ibi inveniant.

*Donativum Chani, & Legatorum
Principum apud eum ratio.*

DOnativum annuum à Rege Poloniae, magno Ducatu Lituaniae, Moscorum duce, Palatino Moldaviae, & Cerceſiis Negaiensibus Tartaris ex pactis & fœderibus Chanus perpetuum habet. Legati, Oratores, Nuntii & Internuntii Principum eorum annis singulis ad eum veniunt, quos nonnunquam humanius & liberalius, aliquando vero plus quam Barbarico more excipit, violat, diutiusve detinet. Cum itaq; Perecopiam veniunt, unicus Chani homo eis obviam venit, æstate in pratum vel campum, in quo sub tentorio quiescunt: Hieme vero in pagum

pagum Almæ vel Bachasanii oppido Regiæ ejus vicinum securius, quam honestius & commodius deducuntur. Postquam vero eò diverterint, per Consiliarios vel Aulæ ministros nomine Chani salutantur; commeatu vel victualibus, bobus duobus, vel uno, ovibus aliquot, panibus, vino ac hordeo, non pro liberalitate, sed hospitalitate quadam, ac pro una vice tamen satis moderate procurant. Cum autem ad Chanum vocantur, Soldanis, Tuianis, Vlanis, Marzis, Consiliariis primoribus, cæterisque quamplurimis aulæ ministris & insignioribus Tartaris præsentibus eos audit: per unicum tantum hominem ad Chani fores deducuntur, per Consiliarios vero duos introducuntur. Cum itaque introducti fuerint, antiquo gentis more Chanum illi adorant, illoque salutato genibus flexis exponunt, in ejusque convivium adhibentur. Poculis vel crateris deauratis & gemmis distensis mulso impletis de more gentis in signum clementiæ & benevolentiae manu Chani porrectis, quos genibus flexis ebibunt, honorantur. Et cum expediuntur, in convivium eos Chanus iterum adhibet. Convivio itaque peracto parum ante fores secedunt ejus palatii. Vestibus sericis auro intextis usque ad talos de more gentis compara-

tis, equo uno vel duobus non raro etiam captivis gentis eorum hominibus remunerantur. Ac ita vestibus amicti ad Chanum iterum redeunt, pro hospitalitate & liberalitate gratias ei referunt, & salutato illo ex convivio discedunt. A Chani unico homine commeatus exiguus in ditionibus ejus cū iter arripuerint non raro illis procuratur, & ad Borysthenem usque ab illo deducuntur.

*Chani in Tauricam summa potestas
& redditus.*

Turcarum Imperatores eam potestatem perpetuam Chano in Taurica seu peninsula fecerunt, ut cum Caphensis Bassa vel Seniacus moritur, universas in peninsula ditiones illi administret, donec Seniacum alterum Turca eo miserit, vel, quem ille promovebit, Caphæ præfecerit. Perecopiæ, Coslovix, Caphæ, ac aliis, quæ Turcarum ditionis sunt, Tauricæ seu peninsulæ civitatibus Chanus telonium commune cum Turca habet. Contributionem à Tartaris, Armenis, Iudæis, Cerceis, Petigorensibus & Græcis Christianis, quos ditionis suæ paucos admodū habet, Turcis tantum exceptis, exigit in annum: diebus singulis Chano taleri viginti quinque; Galgæ taleri duodecim cum medio; Solitano obsidi taleri duo cum medio, ex
Tur.

Turcico ærario in stipendium perpetuum numerantur, ac eidem obsidi pagi & agri amplissimi ad Adrianopolim Ianbolu dicti à Turca conceduntur. Ducibus Caiaceis, Vlanis, Murzis, ac cæteris quam plurimis qui merentur, & pro singulorum cōditione, stipendia perpetua dantur. Verumtamen captivos bello captos utriusque sexus, pelles nobiliores seu pretiosiores ac viliores, butyrum, sal, quo in Taurica seu peninsula ille plurimum abundat, Imperatori Turcarum annis singulis Chanus perpetuo pendit. Ac in quodcunque bellum missus vel vocatus fuerit, illud detrectare, nec cuiquam alii præter Moscorum Ducem Imperatore Turcarum inscio & invito bellum inferre potest. Reditus annuos pecuniarios è captivis insignioribus bello acquisitis aureos tres, à tenuioribus talerum unum, eorumque decimam, à fontibus vero singulis, qui in Tauricæ seu peninsulæ campis ditioris ejus plurimi admodum sunt, equum unum à Tartaris Chanus exigit, aut urgente etiam necessitate aliqua contributionem certam universi Tartari Chano decernunt, nunquam tamen illis onerosus est. Insigniores Tartari diversi generis alimoniam (nam ei non colitur nec seritur domi, & bello etiam) Chano

semper præbent: equorum, camelorum, bouum, ac ovium infinitos greges proprios ille semper habet. Monetam propriam habet, cupream vilem, quæ in oppido ditionis ejus Crimo cuditur, nummos rotundos, quorum deni aspra argentea Turcica, quæ grossum unum vel minus Polonicum efficit, æstiman- tur. Me autem præsentē cudebantur nummi cuprei deargentati majores, qui aspris quinque computabantur. In cu- denda ea commodum seu quæstum uberrimum habet; nam tribus vel qua- tuor annis ex eadem moneta, quæ in officinam monetariam ab universis im- portatur Tartaris, vel peregrinis, mo- neta nova inventa perpetuo cuditur. Etenim in universa Taurica seu penin- sula illa nemini licitum est Tartaro vel peregrino etiam in Turcarum ditionis civitatibus sub capitali pœna bonorum- que confiscatione, cujusve conditionis ille esset, aureum nummum Turcicum, vel peregrinorum talerum, vel aspram argenteam Turcicam valore alio in nummos Tartaricos computare. Nec moneta aurea vel argentea, verum Tar- tarica, mercari: quam universi peregrini, nullis exceptis, Chani edicto, perpe- tuo accipiunt.

*Chanorum & Tartarorum
expeditio bellica.*

CVM Chanus in bellum aliquod descendurus est, in primis Tartaris universis ditionum suarum per aulae ministros significat, ac ut tribus vel ad summum septimanis quatuor ad bellum sese expediant, & in menses tres vel quatuor commeatum sibi curent imperat. Alimonia illa in saccis è corio factis: illi sacci apud insigniores in equis portantur. Ac ejus generis alimoniam secum ferunt: Milium igne siccum, vel aslum contusum, vel emollitum (nam & molendina illi habent) ac inde cibum vel potum aqua dilutum plerique conficiunt. Caseum & carnes diversi generis, & equinas fumatas, in sole coctas, vel siccas, eas frustillatim scindunt, & ossibus abjectis in saccis condunt. Equarum caseo, lacte, & acetoso lacte, quod illi arte quadam condientes eximium habent obsonium, visitant. Quam ob causam à quodam Poëta omnes ejus tractus incolas Galactophagos quondam appellatos fuisse apud Strabonem reperio. Chanus unum tantum currum propter aliquem morbi casum secum habet. Camelos etiam paucos, in quibus pro persona sua vinum crematum, vel aliquod parvum obsonium,

quo ille facile contentus est, portatur. Cæterum Tartari sigillatim cibum ei & aulicis ejus apponunt; insigniores iique pauci admodum Tartari panis sicci, vinique cremati modicum, in camelis vel in curribus levioribus non raro vehunt.

Chanorum & Tartarorum in bellum exeundi modus.

POSTquam vero expeditionem in bellum Chanus decreverit, exercitatos aliquot justo numero, eosque Tartaros non raro, crebrius tamen Cercessios Perigorenses eligit, ac eos qui regionum & cæterorum Principum provinciarum exploratores & viarum ductores peritissimi censentur, singulos locorum & confinium transitus & trajectus optime norunt, quam celerrime expedit. Et cum in confines illi veniunt, in viciniore ditiones proficiscuntur, & singuli in locis diversis omnia explorant, & de captivis diligenter curant. Quos cum interceperint, celerrime ad Chanum cum eis veniunt, ex quibus, quaestionibus adhibitis, Chanus statum earum provinciarum, in quibus illi exploratores fuere, facile agnoscit. Idcirco profectionis diem extemplo Chanus Tartaris assignat, quo ille solus movet, & aulae suae ministros aliquot per hor-

dam

dam seu provinciam universam celeriter præmittit. Illi Tartaros & Christianos ditionis universos viros & adolescentes, qui modo equis insidere possunt, præter imbelles & senes & tenuiores, qui etiam si equis & armis carent, à ditioribus tamen in spem prædæ juvantur, in bellum ire & Chanum sequi cogunt, & impellunt. In octiduo autem, vel ad summum diebus decem ab eo Chani discessu, universi in locis certis jam determinatis, qui extra Perecopiam ad Borysthenem sunt, eum insequuntur, collectis & convocatis Galga, Soltanis, Ducibus, Murzis, ac universi exercitus probatissimis, strenuis, & primariis bellatoribus & militibus, iisque ad consilium adhibitis in primis captivi recentiores & exploratiores ipsi examinantur; demum de commoditate temporis, locorum, occasione rei bene gerendæ, & quonam bellum commodius tum persequendum sit, celeriter consultatur. Ac mutuo consensu & consilio facto & definito, nihil tamen multitudini promiscuæ horum significatur.

Tartarorum in hosticum procedendi ordo.

EX eodem itaque loco Chani, Galgæ, & Soltanorum aulæ ministris præcunt.

cuntibus; Ducum, Murzonum & cæterorum insigniorum Tartarorum, agmina (quæ genere suo antiquitus ducunt, eisque præfunt, ac ea vocabulis diversis sermone suo vocitant) ordine justo subsequenter, de more gentis antiquo Chanus sub signis exercitum movet. postquam vero in hostico constiterit, iterum peritissimos ac exercitatissimos certo numero exploratores præmittit. illi exercitum universum præcedunt, obvios homines agrestes vel quospiam alios comprehensos Chano remittunt, ex quibus de statu & exercitu hostium Chanus certior esse potest. Cum autem Chanus exercitum hostium nullum obvium sibi fore certo compertum habuerit, consilium castrense cum suis primatibus & proceribus, quàm late & profunde ditionibus hostium nocere debeat, iterum facit. Tum demum cum exercitu universo ordine justo paulatim procedit; viros agrestes obvios sub capitis gravi supplicio necare universos imperat, ne à Tartaris comprehensi forte illi aufugiant, ac de exercitu hostes eorum certiores reddant, eorumque hominibus noceant. Porro fœminas & pueros non necant, nec comprehendunt, neque prædæ cujusvis manus injicere audent, ne ea exercitus illorum onere-

oneretur, & moram aliquam in progrediendo protrahat.

Tartarorum in hostico castra & bellandi modus.

CUM autem ad arces, oppida, vicos, pagos, & loca cultiora Chanus cum exercitu pervenerit, Duces, Murzones & aulae primarios, ac exercitus universi eximios, probatissimos, ac praecipuos bellatores viros decem vel ad summum quindecim millium deligit, & in stativis vel obsidione castris alicujus penes se relinquit: Galgam, reliquos Soltanos, Duces, Murzas, ac universum exercitum, qui demum aliquot millium censetur, Chanus expedit. Ac ille exercitus per agmina diversa, quibus singulis probatissimi & idonei viri praesunt, in longitudinem milliaribus amplius decem, in latitudinem totidem, sparsi extenduntur. Et, quemadmodum illi inter se conveniunt, ad summum septem vel octo, ad minus vero tribus vel quatuor diebus per loca diversa turmatim discurrentes, & palantes praedas agentes, ac obvia quaeque gladio & igne vastantes, ad stativa revertuntur. Quod si autem ad conventum diem aliqui eorum ad stativa non redierint, nec iis quidem expectatis mira celeritate exercitus universus ordine suo ex stativis movet.

*Tartarorum dimicandi ac acies
constituendi ratio.*

ET cum ne tum etiam exercitum aliquem se consequi certum Chanus habuerit, equitum selectissimorum, & adhuc non fessorum millium aliquot exercitum in loca non tacta turmatim expedit. Totidem etiam ne in insidias vel comitatum aliquem ille exercitus incunctanter incidat, apud arces & oppida obvia Tartaros in insidiis in locis diversis collocat. Quod si vero ab exploratoribus de aliquo exercitu hostium numerofo certo acceperit, rem universæ dimicationi ille nunquam committit, verum cum exercitu suo caute & paulatim progreditur: si vero hostium copias numerosas & fortes Chanus esse certo cognoverit, paulisper ille deflectit, cultiora & pacatiora loca petit, nimiaque celeritate, igne, gladio ea vastat citato cursu, & raptim præda abacta in sua redire intendit. Quod si ne tunc quidem hostes se consequi posse speraverit, eodem fere ordine, nec nimium tamen securus, ad fines ipsos usque cum exercitu contendit.

Captivorum in confinibus divisio.

QVam primum autem in confinibus ipsis constitit, præcipuorum captivorum decimam ex universo exercitu

tu Chanus percipit. Agminum vero præfecti ex singulis turmis, ac ii qui captivorum majorem numerum adduxere ex reliquis, captivos præcipuos accipiunt. Reliqui etiam promiscuæ multitudinis Tartari per agmina sua captivos inter se partiuntur. Veruntamen antequam ad divisionem eam descendant, singulis iis, qui equos, vestes, vel quippiam aliud turmatim discurrentes amiserant, in primis satisfaciunt. Captivos nobiliores vel agrestiores, quod si pretium nullum quo se eximere possint cum eis constituerint, eo quod Chanus mercatorum muneribus corruptus ingens precium decreverit, Tartaris vendunt.

*Captivorum apud Tartaros ratio
& redimendorum modus.*

Miserabilis admodum conditio apud Tartaros captivorum est; nam fame, nuditate, agrestiores vero & verberibus ab illis vehementer premuntur, ut potius mori quam vivere illi magis cupiant: Plurimi vero præsentē calamitate & stoliditate ducti, nobiliores se esse, parētes vel amicos claros & divites habere, Tartaris prædicant. Precium ingens fereq; inæstimabile illis ultro pollicentur, quos gens barbara, impia, avara, famelica & crudelis, omni genere fallaciarum & quæstionū fere indies id augeri
ab

ab illis cupiens, compedibus vincit, eoq;
durius servat. Cum autē nuncium gen-
tis eorum ad Chanum adventare Tar-
tari intellexerint, cum captivis suis ei
occurrūt, à quo pretium nonnunquam
ab eis falso nominatum, vel à captivis
etiam aliquando promissum poscunt:
verum nuncii, qui artes & falsitatem
Tartarorum probe norunt, stoliditatē
captivorum reprehendunt, eosque non
nobiles nec divites esse, ac ne nosse qui-
dem, neque precium illud illos unquam
exsolvere posse Tartaris prædicant, &
nulla quasi prorsus pietate & religione
moti à se rejiciunt. In catalogum tamē
à nunciis inscribi curantur, ac si aliquos
eorum ære proprio liberare cogitave-
rint, Iudæos vel Tartaros pecunia cor-
ruptos aliosque mercatores subordinare
necesse habent: à quibus multo faciliori
precio, à nunciis neglecti quasi rejecti-
que, liberantur. Nihil itaq; captivis præ-
sentius quicquam est, quam ut precium
hoc, quo Turcis ac Iudæis mercatoribus
peregrinis aliisque extra mare vendun-
tur, vel paulo majus, vel in duplo, si id
præstare possunt, Tartaris promittant,
vel offerant. quod si ab agrestioribus,
vel aliis, ut plerumque Tartari inquirere
solent de captivis, qui illi sint, nihil co-
gnoscere poterunt, facile acquiescent.

Nec

Nec tamen peregrinis, potius vero nuncio gentis suæ, illos vendunt. Quod si à nuncio eo non liberantur, ad parentes tamen vel cognatos eorum litteras scribere Tartari eis imperant. Captivi etiam plurimi Tartarorum captivorum permutatione, in quibus curandis & liberandis multo maiorem pietatem, officium & studium Christianis nostris Tartari exhibent & impendunt, liberantur. Etenim omni pretio posthabito in primis à captivis nostris Tartaris captivos semper illi pascunt; quos, ut plerique solent, cum illis promiserint, nec tamen præstiterint, multo majus incommodum sibi illi miseri accersunt. nam precium fere inæstimabile, quo illi Tartaros suos pensant, ab eis poscunt, quod cum illis solvendo non sunt, eo quo poscunt ingenti, vel non raro nimio etiam pretio in servos perpetuos Barbaris peregrinis extra mare illos vendunt, vel quod si Tartari ditiores sunt, captivitate perpetua illos mulctant.

Tauricanorum Tartarorum Principis seu Chani exercitus.

TArtaricum exercitum universum ex equitatu collectum Chanus habet, centenis aliquot lanizeris peditibus sclopetariis exceptis, quos vel à Turca auxiliâres, vel proprios Chanus

alere, & bombardas aliquot minores in bellum secum deducere solet. Ex Taurica seu peninsula Perecopenfes & Crimenses, Oslövienses, Nogarienses, Circeffii, tributarii & auxiliares Circeffiorum Petigorensium Duces stipendiarii vel mercenarii, & voluntarii Chano in bello præsto adesse solent. Oczacovienses & Bialogrodenses, etiam qui ex patris perpetuis, quæ cum Imperatore Turcarum habent, non raro etiam & Dobrucenses Tartari Danubii accolæ, jussu Imperatoris Turcarum in bellum eum sequuntur. Exercitus ille universus ex Tartaris iis collectus numerum centum millium & viginti, nonnunquam etiam amplius triginta conficere, non raro vero numerum illum superare solet. Quemadmodum ex plurimis Christianis fide dignis, qui Chanum in bellum sæpius sequebantur, ac captivis & nostris nobilibus, qui exercitum ejus sæpius viderunt, certo ego accepi.

*Tartari quibus & quam numerosis
equis in bello utantur.*

EQuos Tartaricos, elegantes, optimos, robustos, veloces, mediocres & commodos admodum ad labores sustinendos plurimos, ac pro necessitate universi habent. Chanus, Soltani plerique, insigniores Tartari, Turcicis, Caramanicis,

manicis, Arabicis cæterisque Asiaticis, Tartaricis, optimis equis peregrinis in bello utuntur. Perniciores tamen in maximo & inæstimabili fere precio equi apud illos habentur. In campis Tauricæ seu Peninsulæ, sæpius vero ad Borysthenem & Tanaim usque fluv. æstate & hyeme eos perpetuo illi pascunt: nobiliores vero equos paucos admodum pro necessitate tantum, non fastum vel luxum aliquem, domi illi alunt. Equitatu vero inutiles & viliores curru rarissime jungunt; camelis enim & bobus omne opus faciunt.

Arma & apparatus bellicus Tartaricus.

ARMIS antiquissimis framea, seu gladio Tartarico curvo, oblongo, & spiculo Turcico, vel Persico breviori & latiori, ex ferro optimo, & opere bene facto; arcu Tartarico proprio, & Asiatico strictiori vel latiori, vel Turcico opere præstantiori; sagitta longa & pernici; pharetra; nonnunquam hasta breviori, Tartari ex antiquo gentis suæ more utuntur. Loricati, galeati, & in armis Persicis vel Moscoviticis, quibus Christianorum præda ditati abundant, incedunt. Sellas & frena de more gentis antiquissima, commodissima, non ad fastum vel luxum, insigniores tamē eleganter & fortiter ad necessitatem compendiose admodum parata habent. Plurimi vero in

exercitu illorum Tartarico prorsus inermes & imbelles sunt, ac ii propter numerosiorem exercitum equos pene infinitos in bellum secum ducunt. Nam extremæ etiam conditionis Tartarus unico vel duobus equis, verum tribus, quatuor & amplius, quos modo ad manum secum habere potest, vix contentus est. Idcirco tam numerosus, permagnus, & terribilis admodum Tartarorum exercitus efficitur, qui cum à longe conspicitur, ingens fere & numerosus plurimum exercitus Tartaricus à nostris hominibus esse putatur.

*Tartarorum ex hostico discendi ratio,
& turmarum dispositio.*

CUM jam exercitus Tartaricus in hostilem provinciam pervenerit, turmas seu cohortes nullas Tartari faciunt; nam omnes turmatim sese effundunt; & paulatim progrediuntur. Excubitores plurimos in partibus omnibus per turmas disponunt, quas subsidiarias majores vel minores illi faciunt. Postquam vero illorum primi hostem conspexerint, fugam simulant, ut eo facilius in turmas eas, quas insidiarum loco illi ponunt, hostem impellant, ac ea ratione eum opprimunt. Verum tamen cum exercitum hostilem numero.

merosum illi conspexerint, ad agmina, ordines, & vexilla sua tam facile & cito perveniunt.

Tartarorum in constituendis vel regendis cohortibus celeritas.

Maxima in constituendis & regendis cohortibus est celeritas; quandoquidem non solum ducum & praefectorum cohortium suarum admonitionibus, verum flagrorum etiam demonstratione, ut gentis ille mos antiquus est, & ad nutum etiam ita parent, ut quam facillime, cum opus fuerit, in ordines suos ipsi redigantur.

Chanorum & exercitus in hostico praesidium & vexilla.

CHanus aliquot millium numero insigniorum fortissimorumque Tartarorum cohorte, centenis aliquot Ianizeris, peditibus Turcicis, & bombardis minoribus nonnullis in bello semper munitur. In cohorte Chani maxima cauda alba equina in hasta majori pro vexillo, ac Imperatoris Turcarum sericeum viride & rubrum praefertur. Tartarorum caeterorum vexilla & signa plurima coloris diversi in turmis illorum apparent.

*Chanorum in Tartaros emeritos
& idoneos ratio.*

APud Chanum, Soldanos, Kuiazos & Murzas insigniores milites illi, qui in re bellica dexteritate & opinione sunt clari, operamque & facinus aliquod insigne in bello navarunt, in maximo honore habentur. Ac ea illorum est ratio, ut non solum ingentibus quibusdam beneficiis & liberalitate ea qua Chanus potest eos consoletur, verum etiam virtutum & meritum illorum ita sit ille memor, ut locum honorarium perpetuum illis, successoribusque eorum, inter Murzas insigniores in consessu, ac ut ipsis mos est, apud mensam suam eis assignet. Ille honor apud Tartaros maximus & hæreditarius est; nam & in bellum euntes idonei & exercitati viri, qui cum locum possident, eo honore inducendis cohortibus à Chano dignantur. Captivos etiam Tartaros aliquos permutatione captivorum Chanus liberat; in reliquis vero redimendis ærarium proprium liberalissime profundit, & qua ratione potest, eos libenter consolatur.

V.

Excerpta ex Sabellici Ennead. ix. lib. vi.

H Abuit gens hæc sedes in ea Scythiæ parte, quæ est ultra Beliam montem, ut Aytonus scribit, ad quem Macedonum arma Alexandri ductu pervenisse dicuntur. Ferus his ab initio cultus, sine moribus, sine lege, sine ullo vitæ cultu, armenta pascere, obscuri nominis inter Scythas, finitimorumq; vectigales. Mox gens ipsa in plures velut tribus divisa est, cœpitque sub ducibus agitare, penes quos erat totius rei summa; pendere tamen nihilominus vicinis accolis vectigal, quum Canguista oraculo quodam primus est rex ab iis creatus. Is recepto imperio primum omnium malorum dæmonum cultum abrogavit, edictoq; præcepit, ut tota gens Deum optimum maximum coleret, cujus providentia regnū credi voluit à se receptum. Edictum est deinde, ut quicunq; per ætatem arma ferre possent, ad certum diem regi præsto adessent. Estque militaris multitudo in hunc modum distributa, ut decuriones centurionibus parerent, centuriones Chiliarchis, Chiliarchi myriadum, id est, denum millium præfectis. Inde ad periclitandas vires imperii septem principū ex iis qui universæ genti

ante constitutum regnum præfuerant, filios parentum manu iussit interfici. faceſſunt illi imperium, etſi acerbum & atrox, cum multitudinis metu, tum religione adacti: credere enim vulgo cœli numē ejuſmodi regni initiis inter- fuiſſe; non regem, ſed deum ipſum vio- lari arbitrantur, ſi illius dicto minus ob- temperaſſent. His fretus opibus Can- guiſta primum finitimos Scythas bello ſubegit, ſubactos veſtigales fecit, & cum his eos quibus Tartari ad id tempus tri- butum pependerant. Inde remotiores populos ſuo ſubegit imperio. Cæterum dum bellis bella ſerendo neque labori neque periculo parcit, pugna quadam parum feliciter commiſſa, proſtigato exercitu, ex fuga in proximum vepre- tum ſeſe coniecit. hærebat victor hostis à tergo legens fugientis veſtigia. Et jam qui ad eadē feſtinabant, adorti erant locum perſcrutari, quum bubo avis alioqui inauſpicata ad ſtrepitum adven- tantium excita, præpete volatu regem ſervavit, quum vacuæ feciſſet latebræ indicium. Et quia rex per eum modum ſervatus eſt, in magno jam inde hono- re fuit avis ipſa apud eam gentem: nul- lum geſtamen pulchrius in his quam pennæ ejus volucris cono affixæ. Cir- cumjectis gentibus domitis Canguiſta ſtudio

studio propagandi imperii ad occidentem Solem flexit belli impetum, & jam victor ad Caspium mare processerat: nam quid aliud Scythia egressis potuerit prius occurrere, haud sane intelligo. Cæterum, siue Caspium, siue aliud id fuerit ad quod ventum est, Canguista, quod satis constat, medio victoriæ cursu moriens duodecim filiis regnum reliquit, quos ille quum sub ipsa tempe mortis ad concordiam hortaretur, iussit ut duodecim sagittas quisque suam in unum conferrent, fascemque ex his facerent, inde singuli in orbem experiri iussi sunt, possent ne fascem infringere. Cæterum quum res ab omnibus frustra tentata esset, tam firmum, inquit, erit vestrum imperium, filii, si in eo tuendo concordēs eritis; contra fragile & hostium injuriæ obnoxium, soluto animorum consensu, ceu, si fasciculus iste aut casu aut consilio solvatur, infirma erit sagittarum quælibet, ac cuique vestrum facile friabilis. Et ille similitudine haud quidem inepta docuit, res hominum concordia augeri, auctas discordia labefactari. Hoccota qui omnium maximus erat natus, & ob eam rem cæteris facile cedentibus, rex post patris interitum dictus est. Asiam invasurus mille lectos equites misit ad explorandum.

eius gentis statum: hi ad angustias montium progressi ubi fores obditæ sunt ferratis trabibus, Dyriodoro amne subterfluente, castellum ibi munitum ad arcendas transitu gentes innumeras, velut altero terrarum orbe portis exclusas, primo accessu capiunt. Fuerintne Caspiæ portæ, ad quas illi venerunt, an Caucasæ, nec Aytonus scribit, nec ipse utræ fuerint affirmare possum. inclinatur tamen ad Caucasæ animus, quia oppidum ab Hoccotæ equitatu oppressum Alexandreta, ut Aytonus tradit, fuerit olim appellatum. Verum Plinius Alexandriam non in ipsis faucibus statuit ut ille, sed in Caucasæis portis: contra Caspiæ non minori miraculo naturæ celebrantur quam Caucasæ, cum castello in ipsis angustiiis, cui Cumanæ fuit nomen. Cæterum si hæ fuerint siue illæ, præsidio oppresso Hoccotæ equites locum tenuere, inde in alterum velut orbem egressi, quum ad Arserem Turcorum urbem processissent, quia ingens vis hominum ad bellum instrui dicebatur, ut jussi à rege fuerant, retro in pacatum abierunt. Hoccota, post suorum equitum reditum, quia ex iis quæ illi renuntiarent apparebat posse Asiam facile subigi, tres filios cum tribus exercitibus ad bellum mittit: lachis
natu

natu maximus ad occidentem Solem ire jussus est, Batho (quidam Bacho scribunt) imperium patris secutus ad septentrionem flexit: Tagladais (erat is natu minimus) terras & gentes, quæ ad meridiem vergunt, invaderet. Ipse quando multitudine abundabat, cum opulentissimo exercitu circumjectas gentes ad ortum Solis bello aggressus, celerrimo victoriæ cursu Cathaium usque extensione facta, longe lateque imperii fines propagavit. Est & Persarum regnum ex parte adeptus, qua expeditione Tartari literas didicere, quum ad id tempus nullus ipsi genti fuisset literarum usus. Sed vix ea res tantum profuit ad vitæ cultum, quantum ad pietatem tuendam obfuit malorum dæmonum veneratio, quam magna pars victoris exercitus, commercio eorum quos vicerant, imbibit. Tagladais sive Cagadaus (nam utrumque scriptum reperio) qui ad meridiem egressus est, ad Indos usque Æthiopas, qui sunt supra Ægyptum, promovit arma: infelix tamen ejus militia; victus prælio ab Æthiopibus & in desertas terras incaute cum exercitu delatus, partem non parvam amisit copiarum. Apud quosdam reperio incidisse eos in genus hominum canino aspectu, mordicusque pugnando
magno

magno incommodo affectos. Et Tagladais per hæc male habitus, ad occidentem Solem flexit iter, junxitque se cum fratre, qui res Turcorum circa Persidem, Assyriam, & Mesopotamiam vehementer afflixerat; nam in has terras ille primum exierat, mox ad occidentem Solem iturus. Datæ sunt Tagladanis sedes ad inhabitandum, & recepti in partem victoriæ, ita tamen ut summa rei penes Iachin fuerit, & successores. Major celebriorque Bathonis victoria, qui Goniata Turcorum rege ingenti prælio victo, brevi omne ipsius gentis regnum armis domuit. Sitne Goniata à Bathone Hoccotæ filio victus, an alio hujus nominis duce, quem ab initio ejus expeditionis missum cum triginta milibus equitum significare videtur Aytonus, cujus ductu magna ex parte accisæ sunt Turcorum opes, parum perspicue traditur. Cæterum, siue hic, siue ille fuerit, qui Goniatam vicit, satis constat Latinorum auxilia Turcis eo prælio affuisse. Bonifacius Molinus, Veneti sanguinis, & Ioannes Liminatus in Cypri insula ortus, auxiliaribus copiis præfuerunt. Accidit hæc Turcorum clades in eum annum, qui humanæ salutis supra millesimum ac ducentessimum alter à quadagesimo fuit. Secun-

cundum eam pugnam , quam Batho in Turcos prospere depugnavit , Comaniam invasit. Quæ Comania fuit , aut ubi terrarum , loco non multum diverso est supra demonstratum in rerum relatione ad Aegyptios pertinentium : nam Comani fuerunt servi , qui ipsi genti imperitare cœperunt. Cæterum Aytonus non Cappadoces solum & qui illis finitimi sunt , sed omnes gentes usque ad Tanaim & Euxinum ad Comaniæ regnum pertinere persuasum habuit , ut mihi videtur. Comani , inquit , suis sedibus ejecti in Pannoniam fuga deferuntur ad consanguineos. Sed Hunni & Vngari ejus terræ advenæ , Scythæ , quod nulli est dubium , fuerunt. Verum quoquo modo hæc capienda sunt , Batho Comania subacta Rosulanos bello subegit , Iazygas , & Polonos. Comanorum inde vestigia secutus in Pannoniam processit , oppressique sunt ex his plerique ultra Histrum. Hinc fluminis magnitudine aversus , fatis ad exitum rapientibus , in Germaniam flexit cursum , estque in Austriam usque imperu delatus. Hic Dravum , credo , superare adortus , (nam Austriæ id flumen esse Aytonus ait ,) quod ille primus omnium temere ingressus , magnum equitum globum secum traxit : fluminis itaque imperu
&

& violentia victus, cum magna eorum parte, qui vorticosum amnem transnare conati sunt, mortem occubuit. Tartari, rege amisso, eas repetunt terras, quas bello suas fecerant. In his postea gentibus Bathonis filii late imperitarunt. Et hæ sunt memorabiles illæ Tartarorum expeditiones longe lateque septentrionem, meridiem, & ortum magno quidem humanarum rerum motu pervagatæ: de cujus regni origine & incrementis non ab re fuerit hæc in literas misisse. Cæterum quando eo venimus, ut de ejus gentis vetustate, & imperio non pauca dicantur, subtexam his breviter illius mores & ritus, ut gentis minus alioqui notæ sit vita cognitu facilior. Colunt Tartari simpliciter Deum optimum maximum, ad cujus providentiam omnia referunt. nec jejunia habent ulla, neque sacrorum ceremoniam. nullis utuntur precibus, quum quid à Deo impetratum volunt: Aytonus tamen autor est, aliquando exercitui universo indictum esse à rege jejunium. Hominem interficere nullius noxæ est. Si frænum non rderit is qui quadrupedem misit in pascua, piaculum est. Fornicari ac Venerem quoquo modo exercere, neque probro, neque vitio datur. Multiplex connubium in usu: post
patris

patris obitum fas est novercam sibi matrimonio jungere; fas & quæ fratri nupta fuerit. Regi quicquid libitum est licet, & cuicunque velit, lege permissum est uxorem & omnia quæ velit adimere. Ex rapto plurimum vivunt, aut si hæc defunt, venatu. Equino bubuloque lacte victitant; vescuntur & equina carne, sed ne humanis quidem carnibus abstinent. Fallax ingenium. Vinum cupidissime potant; si fiat copia, bibunt & humanum cruorem. Pediculos esitant, uxor mariti, amicus amici, illud distantes, Sic regis hostes cant. Nuptæ mundum gerunt capitis in cistæ speciem figuratum, circa summum latius, sesquipedali altitudine, serico & margaritis ornant. Puellæ adhuc innuptæ indiscreto fere à viris habitu. hi pileo caput contegunt, mento subligant. pilei forma pene plana, veste ad genua fere demissa, multifariam recisa à pectore. Arte magis quam viribus pugnant; gladio utuntur brachiali longitudine. ab una parte fastigiato. Corio teguntur aut laminis ferreis. equites agiles, sagittan-
dique scientissimi. is omnium fortissimus qui & imperii observantissimus. Sine stipendio militant. Pedites inutiles & insigni tarditate. Gens in præliis & rebus gerendis solers, & ad omnia mo-
menta

menta rerum imperiumque obeundum præsto ; nec fuga turpis , si conducibilis sit , aut necessaria. Sagittas tanta vi intendunt , ut nullum armorum genus sit illis non penetrabile. Turmatim pugnam capeſſunt , turmatim fugiunt , vulnifico sagittarum jactu ſequentem hoſtem à tergo conficientes ; id prementium paueitatem conſpicati ſubito in pugnam redeunt , ac tum maxime vincunt , quum victi creduntur. Comiter & benigne colunt hoſpites. Aliena appetunt , negligunt ſua. Sub tentoriis in aperto agitant , libentius hoc modo quam in oppidis aut urbibus. Viri à re bellica feriati aut venantur , aut ſe luſtando exercent. Mulieres pelliceas veſtes ſarciunt , ocreas & cætera , quæ ex eadem materia ſiunt. Trigeſimo die luſtum finiunt. cum deſuncto , ſi altiore fortuna ſit , ſervum unum ſepeliunt , & phaleratum equum . Socialibus bellis mites , ubi inferiores numero ſunt , alioqui ſuperbi in ſocios & contumaces. Veritatis ſtudioſiſſimi , nihil tam capitale turpiterve admittunt , quod expoſtulati non ſponte fateantur. Et Tartari gens Scythica in hunc modum ſe habuit ducenteſimo abhinc anno , quum quæ de his breviter executi ſumus , Aytonus Armenius prodidit. Sunt quædam

dam his inferra, quæ Iacobus Planensis, & Benedictus Sarmata, Minoritani ordinis, explorarunt, ab Innocentio pontifice ad ejus gentis regem missi.

*Ex Epistola à Polono ad Davidem
Chytraum, scripta ann. 1581.*

T Artarorum quidem copias minime contemnendas regiis in castris persæpe vidi, atque hi ex Præcapiensium Horda advenerunt, ex qua nunc quoque militem conscripsit Stephanus victor. Cæteri Polonis notiores sunt Tauricenses, Asturcenses, Najanenses, Rezihorenses, & Circassii. Principem Hordæ sua lingua Czar, hoc est, Imperatorem appellant. Nobiles autem, quibus res mediocriter sunt secundæ, Cnesi, id est, Principes vocantur. Tantus nimirum barbaræ gentis fastus est, ut etiam titulos & magna miseri aucupentur nomina. Religio eorum sine dubio diversissima est.

Ego illorum ritus, qui regis nostri sceptrum agnoscunt, breviter attingam. Bellici sane tumultus eos à numinis cultu non avocant. Nam veneris die, cum vix sol ipse nitentes spargere jam cœpit radios, in medio campestrum æquore frequentes convolant. Hic Papa nudo

vertice & pedibus complicatis humi sedens, schedulam sinistra in manu tenet. in hanc descripta ex Alcorano paradoxa aliquot congeffit, quæ voce clara ad circumstantes recitat. Illi si quando nomen Dei & Mahometis audiunt, gemitu & capitis inflexione reverentiam suam declarant. Lectione finita, in stationem quisque suam revertuntur. Cæteri tamen, qui pacem bello, æconomiam militiæ præferunt, aliis quoque ceremoniis occupantur. Hi uno à Vilna milliari, ad fluminis Velix ripas, gurgustia aliquot & pagum amœnissimo loco situm habent. Huc ego XII kal. Iul. cum Ioanne Gamrato Stralsundino, mercatore & cive Vilnensi, exspaciatus, delubrum eorum intravi. In illo certe, nec alicujus Divi, nec atri Dæmonis simulacrum ullum videtur. Nudi ubique parietes. Area tamen pictis tapetis instrata est. Die Veneri dicata semper ad sacra conveniunt, ea, uti opinor, de causa, ut significant, neque Iudæorum superstitiones, neque Christianorum nomen & religionem sibi probari. Delubrum nisi discalceato ingredi licet. Campanarū boatum minime tolerant. Papa autem, exorto sole, in summitate templi exedræ insistens, stentorea voce populum ad conciones vocat. Cumque
jam

jam frequentes adsunt, sumto ad manum Alcorano quem Arabicis literis scriptum mihi monstrarunt, numinis colendi rationem illis exponit. Postea de apotheosi Mahometis, deque illius majestate & præcellentia, carmen agreste decantant, & tunc comitiorum finis est. Si Alcoranum, vel alium quemvis librum typis editum hic videre licuisset, eum certe, magno vel pretio comparatum, ad te misissem. In tanto autem librorum defectu nihil se vendere posse dicebant. De Deo Iesu Christo & Spiritu Sancto frustra eos interrogabis. Veram enim pietatem ita curant, ut numerum lupus aut torrentia flumina ripas. Non semel igitur admiratus sum cum inter Christianos habitent, cur adeo duri sint & Christianam religionem aspernentur. & video sane Iesuitarum nugas, qui de convertendis ad Romanam Ecclesiam gentibus multa & grandia fabulantur, cum nequaquam hos, qui vicinis in parietibus commorantur, à vana superstitione abducere possint. Neque tamen & hoc negare ausim, esse in Scythia homines Iesu nomen adorantes, cum dictum sit per Davidem de voce Evangelii per Apostolos in gentes spargenda, In omnem terram exivit amussis eorum, & in finem orbis oratio eorum. Porro

non fugit excellentiam tuam, dogma Mahometanum magna ex parteludæorum superstitionibus & somniis esse refertum. Tartari igitur circumcisionem quoque retinent, sed diversa ab Hebræis ratione. Secundo enim & tertio annis à nativitate, prout Papæ visum est, circumciduntur.

Lingua eorum à Polono idiomate tam longe abest, ut hi in Scythiam, illi in Sarmatiam commigrantes, rariæ Seriphie non injuria dici queant. Qui tamen in Polonia, & Lithuania, & utraque Russia longe lateque dispersi sunt, plerumque hominum, quibuscum degunt, linguam addiscunt & callent.

Præterea illorum Papa hoc mihi in sermone dixit: In multis suæ gentis regionibus, solem, ignem, malos item genios, tanquam Deos coli. Moribus feris sunt, & duri laboris patientissimi: nec etiam una uxore contenti. Nam plurimas ducunt, quarum pene miranda domi est concordia. Sed prior cæteris gratior habetur & acceptabilior.

Mortuos hic non cremant, sed defodiunt. Sponsos etiam fato functos, addita dote & rebus œconomiae necessariis, matrimonio jungunt: ridiculis meretricule ceremoniis, quos alio in orbe & revicturos, & una semper futuros autumant.

tumant. De animabus demortuorum ita sentiunt, eas videlicet ex uno corpore in aliud tantisper demigrare, donec præcellentem aliquam & diu quæsitam inveniunt habitationem; atque hinc magna ista mundi lumina, Cæsares & viros principes, enatos esse.

Victus illorum miserrimus & Cyclopicus: Nam prandentes aliquoties cum horrore aspexi. Carnes certe equinas ac semicoctas avidissime devorant. nullus illis mensarum & sedilium est usus. Cutes equorum jam tum fumantes, & recens bestię detractas, pro scamnis confessuri consternunt. Lac equarum tanquam vinum Cretense admirantur & epotant. Hi in bellis, acinacibus, arcu & sagittis pugnant, bellatorum præstantia equorum omnibus facile anteponendi.

Ex relatione D. Aegidii Fletcheri Reginae Angliæ ad Russos Legati.

QUum Moscua ægerem anno cdo 10 LXXXVIII, venit ad urbem Kiriach Morsey, nepos illius qui tum Cremenibus imperabat, cum ccc Tartaris, & duabus uxoribus; quarum altera germani ipsius vidua erat. Cui statim à Russo missi fuerunt duo pingues equi jam mactati; equinam enim carnem cuivis alteri præferunt; & tamen (quod miraculo propius videatur) quum tot

equis in bello , tot in victu utantur, quotannis nunc xxx nunc xl equorum millia in Russiam venales adducunt. Ipsi equos vocant *cones*. Magnos quoque armentorum & nigrarum ovium greges alunt, non tam cibi gratia, (quam & interdum bovillam & ovinam carnem usurpent in cibis,) quam lactis (quod ubique circumferunt) & lanarum. Oryzæ, ficuum & aliorum fructuum aliquis ipsis est usus. In potu lac aut sanguinem calidum è venis suorum equorum eductum usurpant. Nulla ipsis oppida, aut ne statæ quidem sedes; nulla domicilia nisi curribus imposita, pastorum tuguriis similia. hæc una cum gregibus suis de loco in locum circumagunt, & , ubi campum aliquem sibi placentem occupant, currus hosce ita ordine disponunt ut plateas & oppidum aliquod referant. Ne Imperatori quidem aliud palatium nisi ligneum & in eundem modum compositum. Verno tempore domicilia sua movere incipiunt ab australibus regionis suæ partibus versus septentrionaliores, donec gramen omne ad extremum usque litem depascantur; tum enim ad austrum regrediuntur, & hyberna sua figunt, decem aut duodecim milliarium inter singula intervallis. Monetæ aureæ aut

aut argentæ usum ignorant; ære aut chalybe magis capiuntur; etiam ferro ad gladium & cultrorum aliorumque instrumentorum fabricam. Corpora ipsis agilia, crura brevia; facies lata & plana, colore fusco; oculi truces; crines rari. Sermo ipsis celerrimus & sonorus, è profundo gutture instar boatus erumpens. Sagittas jaciendi summa industria; quam liberos suos ab ipsa infantia edocent. Denique sunt veri Scythæ, quos veteres Nomades solent appellare.

Porro Tartari, qui Russorum fines attingunt, varii sunt. alii enim appellantur Nagay, alii Cheremissæ, itemque Morduitæ, Chircassi & Schalcanes; qui magis nomine quam regiminis forma à Crimeis differunt; exceptis Circassis, qui ad Africum incolunt, versus Lithuaniam, & cæteris sunt urbaniores, ei ad Polonorum modum se componunt, quorum regno nonnulli subditi sunt, & à Christianis sacris haud alieni. Nagay magis ad orientem degunt, qui bellicosissimi judicantur juxta & ferocissimi.

F I N I S.

I N D E X.

A.

A Bydus castrum.	234
Alexandreta & Alexandria opp.	314
Alma, Chanorum regia.	292
Almalfarai Chanorum regia.	266
Arser Turcorum urbs.	314
Astracan emporium.	37. 228
Atali, vel Attalici officiales.	211. 286
Azaphum opp. Tart.	251
B	
Bachasanium, Chanorum regia.	292
Bachinienses quinam inter Tart.	282
Balachenum arx & civ.	209. 264
Bassa, id est, Seniacus officialis.	294
Bavafaria civ. Tart.	223
Beccasarium, opp. Tart.	208. 269
Begus, id est, Palatinus. 255. praefectus.	255. 288
Belia mons.	311
Beresara opp.	46
Berezina fl.	8
Bessarabia.	247
Besobia opp.	46.
Bialogrod civ.	206
Bialogrodenses campi.	248
Bieleczero ducatus, lacus, urbs & arx.	26
Bielskia ducatus.	19
Bogus fl.	206
Borythenes fl. 7. Neprus dictus.	249. 250
ejus exitus.	206
Bolporii Tart.	219. vel
Bolporani.	235
Bolporus an à creatione. 238 Thracius.	232
Canmerius. 234. 276. Maotidis os.	274
Bosporus Panticapea.	235
Brassavia seu Bratislavia, opp.	243
Brice Itagnum.	237
Bages fl.	ibid.
Byela urbs cum castello.	19

C

C Adii, judices.	288
Cassa emporium Tart, Theodosia dicta.	208
228. 272.	
Cassensis navigatio.	273
Cassanensium origo.	229
Caiacci quinam inter Tart.	228
Calami pop.	34
Cama fl.	30

I N D E X.

Camenzæ montes.	40
campi Bialogrodenſes. <u>248. Tartarici. 280. Ocza-</u>	
covienſes. <u>248. Sauramenſes.</u>	<u>207. 243</u>
Captivorum ratio apud Tart.	302
Carambis prom.	272
Carpenoites finus.	275
Cathajum urbs.	315
Cazan regnum & opp.	36
Cerceſii apud Chanum primarii conſiliarii.	287
Cerceſſigermenum arx.	264
Cercum arx & opp.	274
Ceremiſſi pop.	35
Chalcedonia.	232
Chanus, Tartarorum imperator. 211. ipſe omnium	
cauſarum judex.	288. ſeq.
Chani donaria. <u>292. ſumma poteſtas & redditus.</u>	
<u>295. dominium. 284. 285. penſio Turcorum. impe-</u>	
ratori pendenda; pacta: & moneta. 296. ex-	
peditio bellica, <u>297. 299. exercitus. 305. equi-</u>	
tatus. <u>306. arma & apparatus.</u>	<u>307</u>
Chanorum regiæ opp. <u>264. aulici. 285. familia &</u>	
cognomina, &c. 282. uxores ubi aſſervari ſo-	
litæ. <u>259. acceſſus facilis, & veneratio. 209</u>	
præſidia & vexilla. <u>309. ſucceſſio. 283. ele-</u>	
ctio. <u>284. tyrannis in fratres.</u>	<u>285</u>
Cherchiarden Tart. urbs.	223
Cheremiſſæ Tart.	327
Cherſona urbs.	257. 258
Cherſoneſii vel Cherſoneſitæ.	119. 282
Cherſoneſii. <u>225. 226. magna. 275. parva. 258</u>	
<u>259.</u>	
Cherſoneſus urbs Corſunum.	258
Circæſii Tart.	177. <u>207. 345</u>
Citracanum empor. Tart.	218
Cleſma fl.	13
Cojacei conſiliarii Tart.	<u>285. 309</u>
Colchis.	277
Comani qui.	317
Comgoſſcoia arx.	47
Condora regio.	346
Coporogia urbs, caſtrum, fl.	23
Coracci, conſiliarii Tart.	386
Corella urbs.	23
Corſonum, Corſunum, Corſuna, Tart. opp.	<u>209</u>
Cofia.	39
Coffin fl.	35
Coſilovic arx & opp.	256
Coſtoma opp.	278
Coſtovia opp.	210
Cremum, Crinum, Crim, Crimenſis arx, urbs,	
regia, Tart. metrop. <u>185. 208. 223. 268.</u>	

I N D E X.

Crim, Tartari Crimenses.	<u>46. 259.</u>	282
Crimenses & Taurica Crimæa.		<u>233</u>
Cumanæ castellum.		<u>314</u>
Cuienses officiales apud Chanum.		<u>296</u>
Curſus Achillis.		263
Ctenus portus.		<u>256</u>
Czuczko vel Czudzin lacus.		21
D.		
Dardanellæ caſtra.	<u>234.</u>	<u>237</u>
Dobruſenſes Tart.		<u>306</u>
Donus, Tanais.		207
Drohobuſch opp.		<u>18</u>
Dromen Achillei, inf.	<u>207.</u>	<u>253</u>
Duna fl.		<u>9</u>
Duvina fl. & prov. & opp.		<u>23</u>
Dyriodorus amn.		314
E		
Edel, Volga.		<u>7</u>
Eupatoria.	<u>207.</u>	<u>253</u>
F.		
Fontes in Taurica mire profundi:		<u>278</u>
Frigus apud Papinos.		<u>33</u>
G.		
Adzaria, Tartaria minor.		<u>253</u>
Galactophagi qui ſic dicti.		<u>297</u>
Galga quis apud Tart.		<u>284</u>
Galipolis.	<u>225. 234.</u>	<u>237</u>
Gazaria, Taurica.		<u>253. 227</u>
Genuentium apud Tartaros veſtigia.	270.	<u>273</u>
colonia.		390
Græcida, Præcopia.		<u>253</u>
Gruttintzi pop.		35
H.		
Hæjonati iudices.		211
Hæmiati officiales.		<u>286</u>
Helleſpontus.	<u>235. 237.</u>	<u>249</u>
Heraclea, vel Heracleum.		<u>214</u>
Hercyniæ ſilvæ rami in Moſcovia.		165
Hiems quanta apud Moſcos.		<u>167</u>
Hierafus, Prutus fl.		<u>280</u>
Hordæ Scythicæ.	<u>218. 298.</u>	Tartaricæ. 182
Hugra amn.		<u>18</u>
Hegritzchi pop.		<u>33</u>
Eypanis fl. 206. Bogus.	<u>243. 249.</u>	<u>280</u>
I.		
Iambogia opp. Tart.		209
Iamboldum vel Iamboli arx & civ.		261
Iannia caſtrum.		<u>23</u>
Iaphanim opp.		41
Iaphain Tinna opp.		ibid.
Iaviniſcum opp.		<u>38</u>
		Iavol.

I N D E X.

Iavolgenses Tartari.	123
Iayczk fl.	31
Ieniscæa fl.	73
Ilmen lacus.	20. 22
Ingermenum Tart. opp. & arx.	209. 256
Ioëgerii montes.	32
Iorgoëtum opp.	47
Isthinus. 262. vide Continens. quid.	249
Itinera Mosc. &c.	38. 53. 54. 55.
Iugh fl.	25
Iugra sive Iuhra prov.	31

K.

Kriorum stirps, Casares Tart. Præcopensium.	184
Kivarei quinam inter Tart.	282
Kitaysko lacus.	33
Kortsumi metrop. Præcopensium Tart.	185
Kujaci officiales.	309

L

Lacus putris.	237. 255
Lacus salis.	280
Ladoga lacus.	31
Lepanthus sinus.	238
Loppia regio.	35
Lovat fl.	20
Lucomoria regio.	35

M.

Mæotis palus, parens marium.	241
Mœotidis os, Bosporus Cimmerius.	274
Mancopia arx & opp.	210. 262
Mangan Soiskoigoratum opp.	46
Mangutenses quinam inter Tart.	282
Mangutum arx & opp.	262
Mare Adriaticum. 239. Caspium, id est, Hyrcanum. 277. 240. Herculeum majus. 242. mediterraneum. 239. nigrum. 239. Tanx.	239
Maris angustia. 237. an à creatione.	238
Margutium opp.	210
Mercatura Moscorum.	168
Mercimonia Tart.	228
Militia Russ.	99
Militum bene meritorum & emeritorum ratio apud Tart.	310
Moneta Russ. 99. Tart.	208
Monetaria Chanorum.	269
Moldaviæ pars.	247
Montes hyperborei.	32
Mordovotes pop.	35
Mordvæ pop.	36
Mosqua vel Moscua prov. 10. metrop. ibid.	10
161. flum.	Mosco

I N D E X.

Moscovia. vide Russia. flaviorum, & lacuum
mater. 167
Moscoviæ aquæ quales 167. carnes. ibid. equi-
tatus. 174. fluvii. 167. fruges. ibid. lacus.
ibid. pisces. ibid. regimen. 168. scholæ. 169.
sylvæ. 165. vires. 172
Moscoviæ principum avaritia in spoliandis suis
legatis; itemque Livonia. 172. habitus & ce-
remonia. 169. veneratio. 170. successio. 104
Moscorum magnus dux. 169. ejus familia. 104.
præcipua prudentia. 163
Moscorum cum Polonis comparatio. 174. 180
Mursh, Murzæ, Murzones, quinam apud Tarta-
ros. 211. 224. 286. 293.

N.

Nagai. vide Nogai.
Nartæ Russiæ, solæ lignæ. 33
Narim opp. 46
Navigationes insignes. 242
Naxinscoia. Vide Novinscoia.
Necmum fl. 38
Neprus, Borysthènes. 250
Nerva Russica, Livonica, & fl. 23
Nester, fl. 206. Tyras dictus. 246. 280
Nisnovogrod. 14
Nogai, Nagai, Nogaienses Tartari. 279. 284.
apud Chanum inter primores. 287
Novinscoia, Naxinscoia. 44. 46
Novogrodeck & Novogrod Sivienski. 17
Novogrodia, Novoguardia, &c. magna. 21. 161.
162.
Nymphæum portus. 274

O.

O Bby fl. & opp. 33
Obdonia regio. ibid.
Obidovus lacus. 280
Obsca fl. 19
Ocka fl. 9
Oczacovia arx & opp. 249. 280
Oczacovienses campi. 243. 248
Olbiopolis Plin. & Ptolem. 206
Olseoygorotum. 43
Opon prom. 272
Orcicovia utbs Tart. 233
Orelsek urbs. 23
Orum prom. 272
Onega fl. 9
Oscovia arx cum opp. 206
Ossovum opp. Tart. 241
Ossovienses Tart. 207
Ostachii pop. 46

Oza.

I N D E X.

Oxa.	228
P.	
pActorum portus.	236
Panticapea, vel Panticapeium, metrop. Bosporanorum.	239. 274
Papini gens.	32
Parthenium prom.	210. 261
Peninsulæ.	225. 226
Perecopia. vide Præc.	
Permia regio & urbs.	29
Perigorensium provincia, gens libera, idololatritia, tyrannis.	277
Petigorenses consiliarii apud Chanum inter primores.	287
Petzora regio & flum.	31. 38
Phanagoria civ.	274
Pisida fl.	50
Plescovienfis ducatus & metrop.	21
Plossa fl.	23
Pohemium.	43
Polina fl.	23
Polonorum & Moscovitarum comparatio.	147. 180.
Pompeiopolis.	207. 253
Pontus Euxinus.	239. 242
Portæ Caspiæ, Caucasæ.	314
Præcop, id est, Taurica.	181
Præcopus, Tartarorum princeps.	177
Præcopia arx & opp.	207. 253
Præcopenfis fossa.	224
Præcopenfes Tartari.	183. 206. 219. 220. 282
Præcopensum, aurum Turco proprium.	208. 212
servitus. 182. Cæsares. 185. soli coelique bonitas, temperantia, &c. 210. magistratus. 211. princeps, exercitus. 212. 215. nomen. 224.	
Prædarum distribuendarum inter Tart. ratio.	302
Propontis.	239
Prutus, Hierasus fl.	280
Pskovva lacus & fl.	21. 23
R.	
Rha fl.	7. 39. 282
Rbezan ducatus & urbs.	15
Riphaei montes.	33
Rothovia ducatus & urbs.	27
Ruff, opp.	22
Russia vide etiam Moscovia.	
Ruffæ topographica descriptio, fines, provinciae. 5. amplitudo. 6. 160. amplificationis & immutationis historia. 152. 164. 165. solum 57. coelum. 56. 50. flumina. 7. fontes. 59. fruges. ibid. mercimonia. 60. merces. 60. 61	
Russi	

I N D E X.

Russi quando Christiani dici coeperint.	105. 108
Russorum servitus. <u>63.</u> <u>93.</u> ingenia. 65. matris moniorum ratio. <u>71.</u> sepulturae. <u>74.</u> mores. <u>74.</u> leges. <u>91.</u> ordines populi, & dignitatum gradus. <u>83.</u> regimen. <u>77.</u> <u>84.</u> iudicia in causis civilibus. <u>89.</u> ritus.	170
Russorum principis consilium privatum. <u>82.</u> con- ventus supremus. <u>89.</u> divitiæ. <u>97.</u> <u>171.</u> redi- tus. <u>91.</u> thesauri. <u>172.</u> jurisdictio. <u>85.</u> vicini principes.	177
Rschevva urbs.	9
Rschovia ducatus.	19

S.

Sacer lucus, id est, Præcopia.	253
Salatica opp. Tart.	<u>208.</u> <u>265.</u>
Salsamentaria Tauricæ.	276
Samocidæ vel Samojedæ, vel Samogedz. <u>32.</u> co- rum mores, &c.	<u>158.</u>
Sarus, id est, Chanus.	211
Sauramenses.	<u>280.</u>
Sauramenses campi.	<u>207.</u> <u>243.</u>
Scholona amn.	22
Scutaris, id est, Chalcedonia.	<u>233.</u>
Scythia, id est, Taurica. <u>227.</u> parva & magna. <u>275.</u>	
Seniacus, præfectus. <u>277.</u> Bassa.	<u>294.</u>
Serponovtzi pop.	35
Sestus castrum.	<u>235.</u>
Severiensis vel Siberiensis prov. <u>17.</u> & opp.	<u>47.</u>
Sibier prov.	<u>30.</u>
Sidagios, arces tres & civitas Tart.	269
Sindice urbs Asiæ.	<u>275.</u>
Sirineuses quinam inter Tart.	282
Smolensken sis prov. & urbs.	18
Soiba fl.	39
Soil Camscoy oppidulum.	39
Soldani. <u>293.</u> eorum curatio & provisio. <u>285.</u> fugæ. <u>286.</u> stipendia.	<u>294.</u>
Solgati, id est, Crim.	223
S. Ihot metrop. Tart.	<u>185.</u>
Solovetsko sinus	9
Sortassus pagus.	<u>267.</u>
Sosna amn.	<u>16.</u>
Stagnum sale concretum.	<u>128.</u>
Suchana fl.	<u>9.</u> <u>35.</u>
Sudagra opp. Tart.	<u>209.</u>
Suecus quæ Russo eripuerit.	179
Surgati Tart. opp.	223
Susdaliensis ducatus & metrop.	28

T.

TAbabus fl.	41
Tachum fl.	<u>35.</u>
Taffre,	

I N D E X.

Taffre, id est, Præcopia.	223
Taphræ Plin.	268
Taphros Ptolom.	ibid.
Tamanun arx.	277
Tamerlanus.	216
Tana, emporia Tart.	228
Tanais fl. 8. Don vel Donus.	232. 282
Tanais minor.	8
Tara opp.	46
Tartaria minor.	253
Tartarica tuguria, & manendi in campis mo- dus.	251
Tartarici campi.	280
Tartarici duces. 282. Græci, Itali, Genuenses. 283.	
Tartari vel Tattari unde nomen.	217
Tartari non litigiosi. 239. otiosi. 291. vino ab- stinent, &c. 390. 202. cur ad fidem Christia- nam non convertantur. 71. apud Chanum inter consiliariorum primores. 285. eorum divitiæ. ibid. foeminae. ibid. liberorum educatio & elocatio. ibid. 287. 327. hospitalitas. 288. le- gum securitas. 288. iudices spirituales. ibid.	
Tartarorum res familiaris. 290. municipia. 391. civitates maritimæ. 272. hordæ. 182. nationes. 327. origo. 182. 206. 311. veritatis studium. 320. mores, ritus. 319. 325. religio. 203. 318. 321. Templæ. 323. Christianis inac- cessa. 271. conjugia. 196. 202. circa mortuos ratio. 324. victus. 325. institutio militaris. 311. 312. 345. vita & actiones. 192. &c. 214. 342. transfretandi peritia. 190. 214. fugientium stratagemata. 190. 337. exercitus. 189. equi- tatus. 189. turmarum ratio. 300. 301. 302. 308. 309. stipendia. 259. primus rex. 311. suc- cessus. 312. &c. securitas inter Tartaros quan- ta. 290.	
Tassa fl.	43
Tauri gens Scythica.	275
Taurica peninsula vel Chersonesus. 207. 219. 227. 253.	
Taurica sylvestris & montosa.	278
Taurica à Turca subjugata.	248
Taurica Turcentis.	279
Tauricæ telluris descriptio. 274. 278. ruinæ anti- quissimæ. ibid. olim reditus, & salamætaria. 276	
Tauricani.	282
Telca fl.	48
Thamanum arx.	274
Theodosia, Præcop. metrop.	235. 208. 274
Theodosia parva.	275
	Tingæ

I N D E X.

Tingafi, vel Tinguesii, popul.	48
Tinna opp.	41
Toas fl.	52
Tobol fl.	43
Tobolsa metrop. Siber.	42.43
Toëra fl.	40.41
Tooma urbs.	45.47
Torgalt fl.	53
Tuiani quinam inter Tart.	293
Tvverensis duc, & metrop.	20
Tyras fl. 206. 247. Nelter.	280
V.	
V Achines pop.	35
Valachia pars.	247
Vergateria.	40
Viarka regio & fl. 29. & opp.	39
Vidovus lacus.	280
Vischara fl.	29
Vivodus lacus.	207
Vlani, consiliarii apud Tart.	283.286.293
Vodzka regio.	23
Vogulici pop.	33
Volga fl.	7.39.55.59.282
Vologda prov. metrop. & fl.	25
Vppa fl. & castrum.	16
Vltuga prov. & metrop.	24
VV.	
VV Aga fl.	25
VVeygats fretum.	38.49
VVichida fl.	10
VVifera fl.	39
VVifogda flum. & opp.	38
VVolchovv fl.	22
VVolodimeria prov. & urbs.	13
Y.	
Y Arosлавia duc. & urbs.	27
Yrtis fl.	43
Yvanorogrod arx.	22
Z.	
Z Ergolta opp.	44
Ziennoispolæ montes.	31. 34
Zicchi.	235
Zolota baba idolum.	33.34

F I N I S.









